

Cautio
CRIMINALIS,
Seu
DE PROCESSIBUS
CONTRA SAGAS

Liber.

AD MAGISTRATUS

Germaniae hoc tempore necessarius,

Tum autem

Consiliariis, & Confessariis Principum,
Inquisitoribus, Judicibus, Advocatis, Confessariis
reorum, Concionatoribus, ceterisque lectu
utilissimos.

AUCTORE

INCERTO THEOLOGO ORTHODO.




RINTHELII,

Typis exscriptis Petrus Lucius Typog. Acad.

M DC XXXI
Sto. M. D. C. XXXI
In vlt. Julij

Spee, Friedrich von 1591-1635.



~~74408776~~

A. 8082.

AUTORIS PRÆFATIO.

Magistratibus Germaniæ inscripsi librum : iis utiq; qui lecturi cum non sunt; non iis adeo qui lecturi. Ratio est: nam q̄ ejus sollicitudinis Magistratus fuerint, ut legendū sibi putent q̄ de causis Sagarum hic perscripti, jam id habent propter q̄ librum legi oportebat: curā nempe ac diligentiam in his causis pernoſcēdis; unde legere, & hæc unde sumere non est necesse: Qui v. ejus sunt incuriæ, ut hæc talia lecturi, & curaturi non sint; jam ij sane ut vel maximè hæc legant, atq; ex libro hoc solliciti ac diligētes esse discant, nimis est necesse: legant igitur qui lecturi non sunt: qui sunt, ne legant quidem &c.

Sive tamen lecturus aliquis hunc librum est, seu non lecturus, id desiderem ut sit nemo qui non unicum saltem quod libri hujus dubium ultimum est legat & cum animo suo perpendat.

I N D E X

Dubiorum seu quæstionum hujus libri.

I.

AN Saga, Striges, seu Malefici revera existant. pag. 1

2. Pluresne Saga seu Malefici in Germania sint ac alibi. 3

3. Quale crimen sit Sagarum seu Maleficorū. 7

4. An crimen hoc sit ex genere Exceptorum. 7

5. An contra Excepta formare liceat processum pro arbitrio. 9

6. An bene faciant Principes Germania cum in crimen Sagarum acriter procedunt. 11

7. An acri hoc medio sat extirpari hoc malum possit? & an aliâ quâ ratione possit? 12

8. Quam cautè Principes in hoc crimine procedere debeant. 15

9. An Principes sat liberent conscientiam si parum ipsi solliciti curam omnem in officiales suos rejiciant. 24

10. An credibile sit Deum permissurum ut aliquando innocentes simul involvantur. 39

11. An credibile sit permissum id esse de facto ut innocentes quoque involuta sint. 44

12. An cessandum sit ab inquisitione contra Sagarum. Sagarum

I N D E X.

Sagas , si constet multas innocentes defacto involvi. 52

13. *Quid si periculum innocentibus immineat sine mea culpa an adhuc abstinendum à persecutione nocentum!* 56

14. *An expediat instigare Principes ac Magistratum ad inquisitionem contra sagas.* 61

15. *Qui maxime y sint , qui Magistratum contra sagas identidem instigant.* 65

16. *Qui possit in Processibus contra sagas cavere ne innocentibus periculum creetur.* 71

17. *An captis in causa Magia permittenda defensio sit & advocatus concedendus.* 84

18. *Qua Corollaria ex proxime dictis colligantur.* 92

19. *An de captis nomine Maleficij , mox presumendum sit eas omnino reas esse.* 101

20. *Quid de tormentis sentiendum an periculum morale & frequens innocentibus inducant.* 111

21. *An accusata Veneficij sapius torqueri possit.* 138

22. *Cur multi Indices hoc tempore agre reas absolvant etsi se per torturam purgarunt.* 146

23. *Quo pretextu obtineri posse videatur ut liceat tormenta repetere sine novis indiciis.* 149

I N D E X.

24. *Quomodo Iudex scrupulosus qui sine novis
indiciis torquere non audeat, facile nova indi-
cia reperiat.* 155
25. *An novum indicium sit Maleficium taci-
turnitatis.* 159
26. *Qua signa maleficij taciturnitatus afferri
soleant à malitiosis & imperitis.* 166
- X 27. *An tortura aptum medium sit ad revelationem
veritatis.* 172
- † 28. *Qua sint argumenta eorum qui continuo
vera putant esse qua rei in torturis confessi
sunt.* 176
- X 29. *An tortura cum adeo periculosa sit ex usu
tollì debeat.* 186
30. *Qua precipuè documenta Confessariis Sa-
garum tradenda putemus.* 188
31. *An ante torturam mulieres per lictorem ton-
deri conveniat.* 214
- X 32. *Quibus ex causis ad torturam procedere li-
ceat.* 218
33. *Cujus sit arbitrari qua indicia in specie talia
sint ut pro fere plenis probationibus haberi
possint.* 221
- X 34. *An sola fama non aliis claris & firmis pro-
bationibus suffulta ad torturam indicium
des.* 226

35. An

I N D E X.

35. *An Magistratus teneantur hoc tempore se-
rio inquirere & punire detractores & Calu-
mniatores* 237
36. *An tunc saltem sola fama sufficiat ad tortu-
ram cum crimina difficilis probationis sunt.* 243
37. *An universim probationes quæ in vulgari-
bus criminibus non sufficerent, sufficiant in
Exceptis & occultis difficilis probationis.* 250
38. *An nullo sensu verum sit axioma passim u-
surpatum in criminibus occultis & difficilis
probationis facilius iri posse ad torturam quam
in aliis.* 259
39. *An qua nihil in torturis confessa est damna-
ri possit.* 262
40. *An criminis ante confessi revocatio facta
in loco supplicij alicujus momenti habenda sit.* 271
41. *Quid prasumendum circa eas quæ in carce-
ribus mortuæ reperiuntur.* 284
42. *Quando tuta conscientia judicari possit res
pertum cadaver à se ipso vel Dæmone ingula-
tum esse.* 291
43. *Quid sentiendum de stigmatibus, an ea
probum signum sint ad sagas agnoscendas.* 293

I N D E X.

44. *An magni facienda sint denunciationes
complicum in crimine Magia.* 300
45. *An saltem denunciationibus credi debeat
ob denunciantium pœnitentiam.* 318
46. *An saltem denunciantibus credi debeat si
infallibiliter certum sit vere conversas esse &
verum dicere velle.* 326
47. *An Dæmon in conventibus Sagarum re-
presentare possit innocentes.* 331
48. *Qua sint argumenta eorum qui ajunt Dæ-
monem non posse in tripudiis representare in-
nocentes.* 335
49. *Qua sint argumenta eorum qui denuncia-
tionibus Sagarum omnino fidem habendam
esse volunt, ac sufficere ajunt ad denunciatas
torquendas.* 351
50. *An Iudex alterutram sententiam securè am-
plecti possit seu illorum qua contemnit, seu a-
liorum qua magnificat denunciationes.* 375
51. *Qua sit brevis summa & methodus Proces-
sum contra sagas hodie apud multos in usu,
digna quam Divus Casar intelligat, & Ger-
mania consideret.* 378

CAUTIO CRIMINALIS

S E V

De Processibus contra Sagas

L I B E R.

D U B I U M I.

An Sagæ striges seu malefici
revera existant?

ESPONDEO, *Etsi scio*

nonullos in dubio posuisse, etiam Catholicos & doctos quos nominare non attinet: etsi etiam quidam non temere suspicari sibi videntur, fuisse

aliquando in Ecclesia ea tempora in quibus de corporalibus Sagarum conventibus creditum non

fuit. Etsi denique ipse ego dum cum variis ejus criminis reis in carceribus egi frequentius ac attentius, ne dicam, curiosius, ita non semel animum involvi, ut quid tandem hujus rei credentem pene ignoraverim, nihilominus ubi summam tandem colligo perplexarum cogitationum,

B

id

29: 2 Dubium I. An Saga seu malefici revera existant?
id omnino tenendum existimo, revera in mundo
maleficos aliquos esse, nec id sine temeritate, ac
præposteri iudicii nota negari posse. Videantur
auctores, qui argumentum hoc profitentur, Re-
migius, Delrius, Bodinus, & alij: nostri insti-
tuti non est hic morari. Tot autem esse & eas o-
mnes, quæ hætenus in favillas evolarunt: neque
credo velego, vel multi quoque mecum p̃ij viri,
neque adeo ut credam facile persuadebit, quisquis
mecum non impetu & clamore vel autoritate
pertendere, sed iudicio & ratione rem examinare
volet. Id quod lectorem meum velle, per eam
charitatem, quam legifer noster Christus vehe-
menter voluit inter affectus suos accendi, maxi-
mopere precor. Si quis Zelum habet, & frender in
magia crimen, comprimat se tantisper, & addat
Zelo scientiam ac considerationem, quam fortasse
non habet. Non omnis impetus à virtute est,
nam & quidam à natura solum. Virtus modera-
ta & modesta est, atque amat instrui, nec ideo
minor esse timet; cum fit instructior. Quod si
impetu ruimus, & quia scire omnia apprehendi-
mus detrectamus discere, quid est mirum si nos
veritas in multis fugit? Age lector, & seposito
præiudicio modestè sequere quo te manu mea pe-
detentim ducam: non pigebit multa lentè & moro-
sè considerasse.

Da-

Pluresne Sagæ seu malefici in
Germaniâ sint ac alibi?

RESPONDEO. *Questio est de re quam
nescio: dicam tamē verbo otij eludendi causâ
quod occurrit. Itaque videntur saltem & putan-
tur plures in Germaniâ ac alibi reperiri.*

RATIO est. Nam imprimis constat in
Germania passim fumare omnia incen-
diis, quæ hanc lucem depascant, claro utiq;
argumento quâ latè omnia afflata esse fa-
teantur: Ita quidem ut non parum inde
nomini Germanico detractum sit apud
hostes nostros, ac, ut loquitur scriptura fæ-
tère fecerimus odorem nostrum coram
Pharaone & servis ejus.

Deinde nutrimus hanc opinionem de
multitudine apud nos Sagarum ex duobus
capitibus, quæ notatu digna sunt.

PRIMUM est vulgi imperitia seu supersti-
tie Quod sic ostendo. Docent omnes Phy-
fici, naturalissime causari etiam ea, quæ
subinde à communi ordine naturæ non ni-
hil exerrant, & extraordinaria vocari so-
lent, ut imbrem aliquem effusorem, læ-
viorem grandinem & pruina, illustrius
tonitru & similia.

Docent & medici etiam pecora non secus ac homines suis morbis subdi, existere in hominibus & pecoribus multas sæpe affectiones novas, quæ nec ipsis satis exploratæ sint, mira multa in naturâ latere, quæ subinde in lucem se exerant cum admirabilitate eorum, qui naturæ divitias ignorant: nec doctissimum quemquam omnium retro seculorum ejus vim omnem complecti indagando potuisse &c. Hæc illi: Prodat se tamen quicquam tale in Germaniâ maximè apud homines Paganos: invadat pecora pestis aliqua, turbetur cœlum & indignetur vehementius, nesciat medicus morbi alicujus novi ingenium, aut morbus veterrimus non mox arti obtemperet, denique eveniat quippiam finistrum qualecunq; , quod extra ordinem putetur esse, jam nos nescio quâ levitate aut superstitione aut ignorantia ducti, continuo ad maleficia traducimus mentem, & in Sagas conjicimus causam. Ibi omnem nos rei fontem manibus tenere exclamamus: Tum vero ut quamque vidimus inter hæc fortè transeuntem, astantem, venientem hæc vel ista sic casu facient

cientem aut dicentem (necessario autem quædam semper antecessisse, aut concurrere aut secuta esse oportuit) sinistra interpretatione in culpam vocamus, & quæ est malignitas naturæ nostræ; per omnem viciniam suspicionem movemus. Unde mirum non est si intra paucos annos accrescens fama nos admodum locupletet: præsertim cum nec moveant se hic concionatores & spirituales viri, sed ipsi potius in eadem culpa sint, nec inventus ullus Magistratus in Germaniâ sit, quod sciamus, qui in pestilentissimas has susurrationes zelum suum distrinxerit, de quo plura infra, dubio 35. Cautiores aliæ sunt nationes, à quibus hac parte superari pudor sit: nam siquidem apud eos puer aliquis aut pecus morbo tabescit, si verberatur arbor, aut seges calamitatem patitur, si pauperiem aura facit, si locusta aut mus agrum exedit, totam mali originem à Deo repetunt seu naturâ; nec nisi ea tantum, quæ manifesto reprehendunt, & docti judicant naturæ leges egredi, tum demum maleficiis ascribunt.

SECUNDUM est ejusdem vulgi invidia

& malevolentia, quod sic ostendo: Nulla non alia natio concedet, quosdam semper esse, quibus Deus benedictionem aliquam in bonis temporalibus largiorem imperiatur, ut quod celerius sua omnia distrahant præ cæteris, quod emanant fortunâ aliquâ fauentiore præ cæteris, atq; , ut verbo dicam, augeantur & ditescant præ cæteris, contingat tamen hoc quoque in Germania inter vulgus: mox sunt aliqui ex vicinis, quibus tardior à tergo fortuna est, qui capita conferant, & conflato murmure de magia suspiciunculas fuscitent: quæ tum demum fortius se attollunt, si eorum quempiam, quos æmulantur, viderint in templis devotionē, aut lectum suum præcacium alibi quam in templo gestantem, aut ingenua forte ad orandum in agro aut cubiculo prostratum, & similia, ut exempla mihi multa non desunt, quorum me nomine Germanorum pudet. Res indigna sane & apud alias nationes plane inaudita, quæ, quod hos duos fontes obstructos habet, hinc pauciores apud eos quam apud nos malefici sunt. Nullas interim apud nos Sagas esse non dixero. Concedam

dam esse, sed id addo fore ut prudens Lector facile ex iis quæ deinceps dicenda erunt, intelligat, si ita agitur, ut nunc passim agi dicam, quam omnino necesse sit, in tanta hæcenus exustarum multitudine, quam plurimas iunoxias interesse : atque adeo nihil in Germaniâ incertius, quam reas numerari posse.

DUBIUM III.

Quale crimen sit Sagarum seu maleficorum ?

RESPONDEO. Enormissimum, gravissimum, atrocissimum, quia in eo concurrunt circumstantia criminum enormissimorum, apostasia, hæresis, sacrilegiû, blasphemia, homicidiû, imo & parricidiû, sæpe & concubitus contra naturam cum creatura spiritali, & odij in Deum, quibus nihil potest esse atrocius, Verba sunt Delicti l. 5. Sect. 1. de quo argumento tamen alio libello latius disquiram.

DUBIUM IV.

An crimen hoc sit ex genere exceptorum ?

RESPONDEO. quod sic. Nota enim, solere jurisconsultos duplicis generis crimina statuere,

3 DUB IV. An crimen hoc sit ex gen. except.

tuere, alia communia & vulgaria, ut furtum homicidium & similia, alia atrociora & graviora, quæ directè magis vergunt in damnum rei communis, ac mirifico quodam modo Remp. affligunt, qualia sunt crimen læsæ majestatis l. fin. C. de accusationibus. & l. quoniam liberi C. de testibus & c. crimen hæreseos, cap. in fidei favorem. l. 6. de hæreticis. crimen Sagarum l. fin. C. de maleficis & mathematicis. crimen proditiōis l. penult. & fin. C. ad legem Juliam Majestatis. crimen conjurationis c. fin. de testib. cog. crimen falsæ monete l. fin. C. de fals. monet. crimen latrocinij. l. D. Adrianus ff. de custodia & exhibit. reor. & l. penult. C. de feriis, quæ crimina vocari solent Excepta. Nomen hoc inde est, quod excipiantur à communi seu ordinario legis dispositione, sicut opus non sit contra ea sè adstringere ad eum procedendi modum, quem alioqui in aliis præscribunt jura.

RATIO hujus est, quia cum perniciosissima Reip. sint, atque eam extraordinariè lædant, æquum videtur si extraordinariis quoque mediis cohibeantur.

Du.

An igitur contra excepta formare liceat Processum pro arbitrio.

RESPONDEO. ~~Non licet.~~

RATIO est. Etsi enim ut jam dixi Excepta sunt ab eo, quod humanæ leges Positivæ, non tamen quod humana ratio seu lex naturalis præscribit. Itaque qualiscunque tandem contra ea Processus fiat, sive intra seu extra communem ordinem juris, hujusmodi tamen fieri necesse est, in quo nihil sit omnino, quod cum recta ratione contendat. Clarum id est per se, nec indiget probatione: Nemo enim dicet, licere aliquid, quod sit contra rationem. Moneo autem ea causâ, quia animadverto, Judices quosdam, dum contra Sagas inquirunt, liberiores esse quam oportet, excusantes omnia per hoc, quod sit crimen Exceptum. Itaque si futilia habuere indicia, si modum excessere in torquendo, si nimis creduli fuere, si negavere defensionem & similia, quæ à ratione deservuntur, identidem hoc velut scutum obijciunt, Exceptum fuisse crimen, in Exce-

ptis aplissimam esse libertatem, prout deinceps hinc inde sæpius inspergam. Sed nisi planè iniqui esse velimus, illud sibi omnes Judices velut generale quoddam principium atque inconcussum axioma præfixum habere debent, in omni crimine seu excepto seu non excepto aliter Processum formare non licere, quam recta ratio permittat. Deinde vero falsissimum quoque est licere in exceptis ab omnibus simpliciter recedere, quæ à legibus positivis præscripta sunt. In quibusdam tantum licet non omnibus; neque enim aliud ex ullo jure colligi poterit: ut proinde satis hinc arguatur multorum imperitia, ac bene doceat *Farinacius q. 37. nu. 90.* hanc doctrinam, quod in exceptis liceat ordinem juris negligere, vel strictè loquendo esse falsam, vel intelligi solum oportere de punitione tantum, quando jam non amplius quæritur, sed cum constat de delicto, quasi hæc severior esse possit, quam communiter alioqui leges præscribant, & hanc esse sententiam plurimorum Doctorum quos citat, & nos brevitatis causâ omittimus. lege de hoc etiam *Mascardum vol. 3. concl. 1311.* Sed quicquid

quid sit, neque enim hic hærete lubet, id extra controversiam est, non licere in exceptis quicquam, quod rectæ rationi adversum sit.

DUBIUM VI.

An bene faciant Principes Germaniæ, cum in crimen Sagarum acriter procedunt?

RESPONDEO. Longissime absit à me, ut arguam Magistratus, cum vehementer in hoc crimen se concitant: voluit eos imperare nobis Deus & nos parere. Rationes suas habent, quas consiliarij iis dictant, & sunt istæ.

RATIO I. Purgant (ut ajunt) Remp. ab insigni peste, quæ ut cancer serpit & contagione nocet.

RATIO II. Anteverrunt damna & clades, à quibus machinandis mancipia illa Sathanæ nunquam celsant.

RATIO III. Satisfaciunt officio suo, & vocationi: Sic enim Apost. ad Romanos 13. loquitur de Magistratu. *Non sine causâ gladium portat, Dei enim Minister est, vindex in iram illi qui male agit.* Ita quidem ut si contra bonum commune omittant punire reos

12 Dub VI. *An Princip. Germ. bene faciant &c.*
reos sine legitimâ causâ gravissime pec-
cent, & criminis fiant participes *ex c. 1. de*
offic. & potest. Iudicis de leg. & ex Innocentio,
Baldo, Decio, Barbatio, Panormitano & re-
liquis Doctoribus; tenenturq; ad restitu-
tionem omnium damnorum, quæ inde vel
in Remp. vel in privatos redundant, ut de-
finitur ex dicto c. de Offic. de leg. estq;
communis sententia Theologorum D. Tho-
ma 2. 2. q. 26. Sylvestri, Cajetani in summa V. re-
stitutio, Dominici Soti l. 4. de justitia & jure. q. 7.
a. 3. Medina in Cod. de rebus restituendis, & alio-
rum quos longum sit recensere.

RATIO IV. Ostendunt zelum suum,
quem habent tuendi honoris divini, dum
in capitales ejus hostes laqueo & flammâ
grassantur. Bene igitur faciunt, nec culpa-
ri possunt, monente insuper scripturâ; Ne
maleficos vivere patiantur. Exod. 22.

DUBIUM VII.

An acri hoc medio sat extirpa-
ri id malum possit? & an alia qua
ratione possit?

R ESPONDEO. *Quantum vis urant Prin-*
cipes, non exurent unquam, nisi omnia exu-
rant;

rant: vastant terras suas, plusquam ullum bellum, nec hilum proficiunt: res est vel sanguine deflenda. Sunt igitur, qui media mitiora suggerant, in quibus discretione & prudentiâ pollere mihi semper visus est insignis Societatis Iesu Theologus Tannerus tomo 3. Teologia, disput. 4. de Iustitia quest. 5. dub. 5. num. 123. & sequentibus, cujus si media qua prescribit audire Principes vellent, non est dubium, quin fructum Resp. experiretur. De me quidem ut candide dicam, multa in hanc rem animo versavi, & excogitare sum conatus, multos etiam ad Deum gemitus ac preces à multis aliis fusos scio, si quem radium suae lucis dimitteret, & quâ maxime ratione tanta caligo planè posset dici edoceret. Verum eam video esse temporum conditionem, ut si vel reperisse quid tale contigisset, non viderentur Magistratus Germania quicquam pensi habituri: unde neque me hætenus in eam possum impellere sententiam, ut exponere in publicum velim, quod nesciam quâ fectorum pace & affectu sim factururus. Quod si vero est quispiam summorum Magistratum ejus animi ac curiositatis, qui audeat a veatque cognoscere, ac primum capere nova cujusdam industria experimentum, qua intra annum duntaxat unicum omnem suam provinciam

ciam ab universa hac peste sic expurget, ut nulum rarius quam veneficij crimen futurum sit, si est inquam, quisquam Magistratum, qui nosse & experiri serio velit, & conscientia quoque sua ac Reip. ut experiat, putet interesse, habeo amicum virum religiosum, qui industriam singularem, quam reperit docere velit, atque oppignorare vitam audeat, si fallat. Vidi eam & examinavi, nec quantum omni mea cogitatione consequi possum, errorem deprehendo, quin id certissimo possit consequi quod intendit: miratusq. sum non parum nondum hactenus pluribus in mentem venisse. De cetero & dictum satum satis est, & involvendum tamen silentio atque occultandum, quod non nisi ad solas avidorum aures inventor vult afferri. Docuit legifer noster duodecim esse dies horas, & terram aliam bonam, aliam inutilem: & in hanc quidem si quid sparseris tantundem esse, ac si in fluctus magni maris abjeceris. Vbi tempus erit igitur & apta terra, sementi non parcetur: sed & forsitan hoc ipso commentario adhuc dicam, quod prudentes intelligant. Res est facilis & expedita, minima & magna, nota omnibus, omnibus ignota.

Quam caute Principes & eorum officiales in hoc crimine procedere debeant.

RESP. *Vti non male faciunt Principes cum in crimen hoc acriter procedunt, ita male, ac pessimè, nisi maxima cum cautela, prudentia, circumspèctione. Adeo ut non modo non liceat liberius, ac negligentius in hoc crimine versari: deo quia exceptum est verum etiam multo quam in ullo alio capitalium genere majore cum attentione & cura ad vigilandum sit, ne quo modo processus illegitimus, & indiscretus formetur.*

Itaq; esto concedam in hoc crimine excepto Sagarum licere in quibusdam aliter procedere quam communi modo in non exceptis; sed id nego tamen, licere agere minus caute, & circumspècte quam communi modo in non exceptis: requirere enim hic eximiam quandam in procedendo diligentiam, attentionem, curam circumspèctionem, praequam in aliis ullis desideretur. Rationes istæ sunt.

RATIO I. Crimen hoc occultissimum est ut omnes fatentur noctu, plerumque geritur & inter tenebras simul ac larvas, magna igitur opus prudentia & medi-

16 Dub. VIII. *Quam caute Principes & eorum*
meditatione ut rite in lucem producas.

R A T. II. Videmus inchoatum semel
processum contra sagas in annos aliquot
produci, atque adeo augeri numerum pu-
niendorum, ut integri pagi funditus ab-
sumantur, neq; tum aliud profectum esse,
quam quod libri æquè pleni sint omnib.
aliorum; adeo ut si porro pertinaciter in-
sistatur nullus videatur futurus finis ustio-
num, quoad tota regio exhausta sit: neq;
ullus unquam inventus princeps est, qui
abrumperet non debuerit: ita quilibet ad
hunc usq; diem finem semper fecit, non
invenit: Quæ res cum gravis sit, & nimis
vasta, potestne ulla tanta esse diligentia,
quam non adhiberi par sit, nec ubi error
aliquis intercedat, quo simul innocentes
implicentur? Præsertim cum vel unica si
implicita fuerit, continuo innumeras a-
lias implicari necesse sit, ut inferius adhuc
ostendam.

R A T. III. Si contingat per impru-
dentem processum innocentes quoque
eâdem procella feriri ingentia quædam
mala in Rempublicam redundabunt. Sup-
plicia nimirum tot capitum iniqua; & in-
famia,

famia, ac probrum non solum nobilissimarum familiarum, sed & religionis catholicæ, quæ, ut recte notavit Tannerus non parum apud hostes nostros traducitur, si ij quoque tanquam communi hoc torrente rapiantur, qui cæteris videbantur religiosiores. Audire nuper debui à viris magnis nonnulli eo esse malevolentia descensum, ut jam, si quis ibi impientissimorum Catholicorum sertum suum precarium studiosius volvere, ac deferre secum audeat, si aspergere aqua benedicta se frequentius, si orare in templo studiosius, ac tantillum genuinæ devotionis præ se ferre, is continuo incurrat in suspicionem magiæ; tanquam ita scilicet præ cæteris religiosiores velint esse, qui eo crimine tenentur, aut ut alij dicunt tanquam alioqui quiescere eos Dæmon non sinat: Unde factum est, ut in quodam nobis vicino tractu sub optimo, & laudatissimo Principe quisque sibi quam diligentissime caveat ab omni specie pietatis; ac Sacerdotes quidam antea indies celebrare soliti; nunc vel penitus id intermittant, vel si faciunt non nisi privatim id audeant ocluso

18 Dub. VIII. *Quam caute Principes & eorum*
templo, ne incipiat vulgus de magia fa-
mam commovere. Ita dum sub specie ju-
stitiæ incaute procedimus, ad impietatem
& atheismum viam facimus, quam ut po-
tius occludamus non immerito singula-
rem quandam vigilantiam Magistratibus
præscribimus.

R A T. IV. Mulierum fere genus est con-
tra quas processus fiunt, quæ illæ autem
deliræ sæpe, insanæ, leves, garrulæ, incon-
stantes, subdolæ, mendaces, perjuræ, &
quidem si verè reæ sunt, ad omne scelus
Magistro suo eruditæ, quibus examinan-
dis, audiendis, judicandis, singularis utiq;
attentio interveniat necesse est, nisi mille
turbas, & errores dare libeat. Dicebat mi-
hi nuper Juris Consultus clarissimus tot si-
bi ex hoc uno capite quotidie difficultates
objici, ut si semel efferre pedem ex histricis
liceret, nunquam esset repositurus, nec ulli
Principum suaturus, ut negotium tam un-
diq; intricatum facile ordiretur.

R A T. V. Audio quibusdam in locis pro
Salario eorum Jurisconsultorum, seu in-
quisitorum, quos principes huic negotio
Sagarum præficere solent constitutam es-

se cer-

secertam pecuniam pro numero reorum,
ut verbi causa in singula capita daleros
quatuor aut quinque. Quis hic non videt
vel hac sola de causa quanta opus vigilan-
tia sit, ne Ipse lucri processum vitiet, dum
tanto facilius quisque noxius putabitur,
quanto loculis Consultius est majorem es-
se quam minorem reorum numerum. Res
sanè ardua, & periculosa: neque enim
sancti omnes sumus, aut tam inconcussæ
mentis, quam non ardor aliquis habendi
labet acter, & in transversum si non rapiat
saltem lacestat.

R A T. VI. Nihil vero æq; intendero
diligentiam principum in rite curandis his
processibus debet, quam quod si in iis er-
rari cæperit, difficilima emendatio futura
sit: itaq; in erroribus cæteris fere semper
corrighendi aliqua ratio in mundo suppetit;
at hic non item. Id ita probo: Nam in cæ-
teris quidem semper fere inveniuntur, qui
errantes admonere circumspèctè, & utili-
ter possint, ac velint sine macula suæ famæ;
at in una hac nostra causa deinceps, ut vi-
deo, intercepta erit omnis hæc monendi
via. Nam quisquis ille futurus est qui im-

posterum monebit quantumvis caute, & discrete seu voce sive stylo, continuo sibi maculā adhærescere sentiet, quasi jam vel sibi ipsi, vel uxori, liberis, aliisve suis metuere incipiat, aut vindicare velit cineres cujuspiam è suis: audiet & has voces nimis invidiosas: hoc esse atrocissima scelera libertate donare, hoc esse arguere tot, ac tantos principes, hoc esse damnare injustitiæ, & infamare tot publica judicia: sed & incurret indignationem nonnullorum magnatum ad quorum aures detorta omnia ab adulatoribus deferentur. Quis autem tam exaggeratæ virtutis sit, aut quis tam projectæ famæ, & honoris sui, ac suorum ut sub hac macula, & periculo offendendi, nihilominus inclinare se volet, ut veritati luveniat? Ablata igitur monitio, & correctio erit cum inique procedi cæperit: ne igitur inique procedatur tanto amplius est providendum.

R A T. VII. Emergunt indies in hac materia novæ difficultates; tum & virorum non solum doctorum, sed & piorum & religiosorum distrahuntur sententiæ. Putabatur satis fecisse Delrius, & Binsfeldius, sed
nunc

nunc sunt qui particularia quædam penitus examinent, putant nimium tributum esse narratiunculis, & fallacissimis confessionibus in tortura effectis: desiderant resolutiones minus severas: negant tantam iudicibus libertatem arbitrandi: dubitant de tripudiis illis, seu conventibus sagarum aut saltem cum Tannero rariores esse existimant cum plerasq; phantasmatis illud incredibile sit: detrahunt momentum denuntiationibus similibusve judiciis quibus illi nimium tribuerunt non sat solidis rationibus adjuti: deniq; novi indices libelli volitant qui rem perplexam reddât. Quis hic neget igitur majore prorsus quam in aliis causis liquidioribus circumspectione, & sollicitudine esse opus?

DICES. Imo opus non erit ita anxium vel hic sollicitumq; esse, qui modo probatum aliquem auctorem sequi statuerit. Docent enim Theologi cum utrimq; probabiles sententia sunt, utramlibet teneri posse salva conscientia, relicta etiam tutiore: probabilem autem, & tutam vocant quæ vel gravi autoritate, vel non modici momenti ratione nititur: autoritas autem gravis hoc loco censeri debet: quæ est saltem unius

22 Dub. VIII. *Quam caute Principes & eorum viri docti & probi, ut docent Casista, & vide apud Laymannum lib. 1. tractatu. 1. cap. 5. §. 2. numer. 6. &c.*

R. 10. Autoritas sola non multum probabilem, & tutam sententiam aliquā reddit, nisi autores illi post perspecta rationū pondera quæ in oppositum afferri possunt eam amplexi sunt: quod etsi eos fecisse plerumque præsumi potest præsertim ab indoctioribus, uti additum est à Laymanno loco citato: tamen si deinde alij se illi sententiæ rursus opponant, & rationes novas afferre spondeant quas isti nondum dissolverunt, aio teneri saltem doctiores has examinare & diligenter perpendere, si forte certi aliquid evincant, vel saltem probabilitatem sententiæ oppositæ rursus eva-
cuent; & ita non posse iudices sic leviter procedere, nisi etiam eos qui recentius scripserunt, audiant, & ulterius in has causas examinandas incumbant.

R. 20. Etsi etiam communiter verum sit cum utrimque probabiles sunt sententiæ licere in conscientia sequi utramlibet, etiam minus tutam: Expresse tamen (quod miror eos, qui scire aliquid volunt

non

non attendere) excipiunt Theologi, & dicunt, tunc saltem omninò sequi oportere sententiam magis tutam, atq; hanc proinde diligenter vestigandam esse, cum periculum est ne proximo fiat damnum, aut injuria: Vnde in nostra materia, cum de hoc periculo agatur, ac proinde sententia tutior omninò in conscientia sequenda sit, applicare sane curam, & sollicitudinem oportebit, ut non quidlibet temerè arripiant, sed cautissime has causas perpendant. Ex quibus omnibus id tandem relinquitur, quod probare intendebam, ad processus contra Sagas tam periculosos singularem quandam, & extraordinariam curam adferri oportere, ne temeritate nostra in laqueos nos inducamus. Quod quidem ex eo vel maxime confirmo, quod Inquisitores nonnulli in ea sunt persuasionem, quasi vix errare queant; quodq; existimant captivas suas omnibus Sacerdotibus facile imponere & satanica hypocrisi ludere posse; ipsis vero, & cæteris Judicibus laicis non posse. Cui securitati tam periculosa quantasatis magna cautela obviari poterit? nemo enim latis unquam cavet, qui non cavet. &c.

An Principes sat liberent conscientiam si parum ipsi solliciti, curam omnem in Officiales suos rejiciant?

MOveo hanc quæstionem, quia audio monitum nuper Principem quendam, quanta opus esset cura in negotio Sagarum, quod strenuè urgebat, leviter respōdisse: se sollicitum non esse, viderent Officiales sui, quos in eam rem constituisset.

RESPONDEO. Non excusatur Princeps, qui omni cura à se rejecta Officiales pro libitu agere sinit, tenetur ipse suam quoq; diligentiam & inspectionem adiungere, ac multum orare Deum, ut spiritu Principali se confirmet. Rationes ista sunt:

RATIO. I. Non semper est Princeps certus de peritia & probitate suorum hominum: multi sæpè imperiti, impetuosii & maligni sunt: qui ubi Principem intelligunt zelosum esse adversus hoc crimen, nescio quo studio placendi parum subinde pen-

penſi habent, quam humaniter & Chriſtianè cum reis agant. Officium igitur erit Principis, ut & ipſe partem aliquam curarum in ſe ſulcipiat, nec per omnia alienis humeris confidat.

R A T I O II. In rebus Oeconomicis, aucupiis, venationibus &c. non omni cura ita ſe exuunt Principes, quin & ipſi ſua quoq; ſollicitudine intereſſe velint: nec id quicquam officere majeſtati ſuæ exiſtunt, ſi à graviffimis aliis imperandi curis ad hæc humiliora cogitationē demittant: ex quo ſequitur, non, ſat ſe apud Deum in Iudicio purgaturos eſſe, ſi qui in rebus minoribus gnavi ac ſolliciti fuere, in aliis majoris momenti, ubi de humano ſanguine agitur negligentes & incurioſi fuerint.

R A T I O. III. Solet plerumq; Deus à quo omnis legitima poteſtas eſt, Principes ipſos ſingulari quadam præ cæteris prudentia ac gratia exornare, ut neſcio quo pacto ubi ipſi quoq; in perſona propria curam aliquam ſuam ad negotium quodvis apponunt, omnia felicius ſinceriusq; eveniant: hanc igitur prudentiam ſuam ſingularem, ſi tam arduis negotiis ſine ma-

C 5

gna

26 Dub. IX. *ipsi solliciti. cur. omn. in Offic. suos reijciant.*
gna causa subtrahunt, videndum tanè ne
& indignos sese ulterioribus Dei donis
constituant, & quod gerunt administran-
dæ justitiæ munus parum debitè exornent.

RATIO IV. Sed & solent Principes
benignioris cujusdam esse naturæ, & ad o-
mnem Clementiæ ac Christianæ huma-
nitatis affectum admodum propensæ,
qui proinde si interdum ipsi de captivo-
rum miseriis propius cognoscerent; si ge-
mitus & suspiria audirent miserorum; nec
tam alienis oculis auribusvè quam suis de
officialium suorum processibus certiores
reddi vellent; non est dubium, quin mul-
ta quandoque aliter gererentur, nec tam
facilè tot sententiæ capitales tam vili
pretio venirent. Immanes & truculenti
esse alij quivis ex officialibus possunt, Prin-
cipes non possunt: horum proprium est
humanitate & clementia diffluere temper,
sævire nunquam: qui proinde si eam, quæ
nunc passim viget immanitas torturarum
suis met oculis usurpassent unquam, aut
fidei narratione exhibitam animo exce-
pissent, pauciores sanè Sagas Germania
numeraret, quarum nunc acerbitas quæstio-
num non est unquam numerum factura.

Quod

Quod etsi peccatis quidem nostris præcipue debemus, ipsi tamen simul Principes peccant, cum ea, qua singulari sunt humanitate ad nos confovendos & miserias nostras paulò propius ac certius cognoscendas à natura instructi, penitus nos privant. Dicere solco, inter omnes captivorū pœnas & miserias, hanc unam esse summam, quod omni Principum aspectu æternū carituri sūt: quippe qui in eū sunt angulū cōjecti, quo nullum illi unquam radium infūdēt, nisi per oculos alienos. i.e. per infecta vitra, quæ talem efficiunt lucem & objectū qualem ipsa colorē habent. Unicus inventus est Princeps terræ, & Rex Regū, qui non despexit vinctos in mēdicitate & ferro, sed illuxit his, qui in tenebris, & in umbrā mortis sedebamus: undè effusis in misericordiam visceribus compassus est infirmitatibus nostris, ut scilicet Advocatum haberemus apud Patrem tentatum per omnia.

RAT. V. Cum intelligūt Officiales Principē suum oculos à se avertisse, nec curare quid fiat, necessariū est ut licentiores & minus attēti evadant. Est hæc hominum natura, ut agatur negligentius, quod à Superiorum aspectu remorum est. Hoc ignorare Princeps non potest: peccat igitur

28 Dub. IX. *ipfi sollicit. cur. omn. in Offic. suos reijciant.*
si omnem sollicitudinem & inspectionem
à se excludit. Si Officialium acta & pro-
cessus in retanta non subindè examinat i-
pse; si non monet; si non urget; ac serio
provideri mandat, ne quo modo cuiquam
fiat injuria. Teneatur omninò acuerе suo-
rum diligentiam, atq; omnem remove-
re occasionem, quâ in innocentes pernicies
aliqua redundare possit. Inquirat igitur
particulatim an carceres & quoties visiten-
tur: an ij squalidiores sint, quam custodias
esse oporteat: an jaceant nonnulli rei an-
nos integros in frigore & æstu nec audian-
tur, seu ut finem vinculis impetrent seu vi-
tæ: quæ ratio & modus sit tormentorū: quæ
ratio quærendi: quæ moderatio & peri-
tia Sacerdotum qui adhibentur: an defen-
sio cuivis integra sit: an querelæ aliquæ
vulgi sint de Commissariis id est Inquisito-
ribus: an avari hi sint, an inhumani, an in-
ter omnes vel unicus sit, qui antequam
convictus reus sit, ab ejus potius stet parte
quàm ab adversa, an qui ullo unquam si-
gno ostenderit, malle se innocentem repe-
riri reum quam nocentem, itemq; qui cum
reus innocens inventus fuerit, non indi-
gnatus

gnatus sit, sed gavius: quærat etiam an reorum aliquis in carcere mortuus sit, & quid ei factum: ac si sub patibulo, defossus sit, quo argumento ostensum malâ morte reliquisse vitam: & similia. Inquirat etiam judicia variorum, quid sentiant in utramq; partem de variis quæstionibus, quæ circa processus Sagarum moveri solent: non uni parti sic adhærescat, quin alterius quoq; argumenta ponderet: facultas sit cuiq; quid putet, voce libera edicere: inspiciat subinde Protocolla ut vocant, aut legi sibi mandet: moveat dubia aut moveri curet: non credat continuò omnia quæ afferuntur, curet examinari per eos qui in contrariâ sunt sententiâ potius, quam qui in eadem, ut sic veritas se clarius ostendat: nihil tam primâ fronte videatur absurdum, quod non sub examen ducat; quid tam hominè paradoxum, quam putare exiguum esse numerum Sagarum? & id tamen si cui Principi ea esset Patientia audiendi & discendi cupiditas, ad oculum fortassè demonstrari posset: non omne aurum est quod putatur, nec omne falsum quod præter opinionem; multa latent arcana, quæ
supra

supra vulgi aures erigenda, & non nisi summis capitibus insusurranda sunt; nihil tam veritati inimicum est quam opinio præconcepta. Sed hæc finamus; neq; enim in propatulo habenda sunt quæ vulgus non capit.

RATIO. VI. Illi ipsi qui zelosi admodum, in causis Sagarum esse audiunt, & hoc nomine imperitis pro oraculo sunt, id ipsum videntur; tanquam certum supponere, bonos Principes neq; nunquam, neq; parum in his causis sese met occupare. Sic enim nuper ex eorum numero ingeniosior quidam, si Diis placet, solidè putabat arguere contra Tannerum, alium vè non neminem religiosum, cum hic diceret: tam multi, inquit, Germaniæ Principes probi & excellentes in Sagas strenuè arma & ignes movent: & quis igitur contra eos cum Tannero aliquo similive Theologo existimare possit, permissurum esse unquam Deum, ut ad innocentés quoq; supplicium excutrat? Quod utiq; argumentum non stringeret, si liceret excipere, Principes ipsos non admodum sibi cordi suo lumere has causas, nec singularem ponere

nere operam, ut officialium suorum excessus de propinquo cognoscant. Dicerem enim Tannerum & qui eum sequuntur bonæ & Christianæ consciētiæ viros suismet multa oculis atq; aurib. in carceribus, judiciis, Protocollis noscitalle atq; accuratâ meditatione excussisse, q̄ nec Principū dictorum oculos, neq; aures nisi à lōgè transvolassēt, tam variè insuper mutata, quā ij varij sunt, q̄ hæc Principibus velut p̄ nebulam & pro ut iis lubitū est ostendunt. Undè ut stringat argumentum supponunt sanè non minorem esse Principum, quam eorum Sacerdotum in sagarum causis experiētiā, qui eam utiq; non omnem alienis sensibus acceperunt. Alioqui n. quam multa sæpe alia Principes p̄ se boni jubent, q̄ tamen quod p̄ alios omnia geri sinūt pessimè administrari Deus permittit? & cur nō igitur in his quoque causis permittat? frivola igitur hæc argumentatio erat, aut præsupponit q̄ volebā.

RATIO. VII. Ipsimet officiales præsupponunt Principes suos, sesemet ac propriam conscientiam, quam maximè in his causis onerare. Id inde patet, quod cū iis à viris spiritalib. subinde inculcatur, ut cautè agāt, rejicere omnia solent in Principes suos

32 Dub. IX. *soliciti, cur. omn. in Offic. suos reijciant.*
suos, quod ab illis vrgeantur. Undè nuper
quidam : scio, inquit, intercurre in pro-
cessibus nostris etiam innocentes, sed non
facio mihi scrupulum, habemus conscien-
tiosissimum Principem, qui continuo nos
urget; Is sciet utiq; & ad conscientiam ex-
penderit, quid mandet: ipse viderit, meum
est parere : Similia & alius mihi pridem
monenti regerebat, uterq; ab illo met Prin-
cipe constituti, quem initio hujus dubij in-
nuebam à se omnia in suos amovisse.

Rem sanè per jucundam ! Princeps se
cura & attentione diligentissima liberat, ac
reijcit in conscientiam Officialium : Offi-
ciales quoq; se liberant & reijciunt in con-
scientiam Principis, A in B. & B in A. Prin-
ceps ait: viderint officiales: Officiales ajunt
viderit Princeps : quis hic circulus est ? u-
tri autem Deo respondebunt? Nam cum
& hi & ille viderit, nemo viderit. Sanè di-
cere vix possim, quis meo cordi sit dolor,
cum hæc indicare non licet, ac consulere
optimo illi ac pientissimo Principi, pro
quo non dubitem vitam effundere.

RATIO VIII. Ita rerum Status est
hoc tempore, ut nisi interdum per se ipsos
aut

aut constitutos à se immediatè occultos Syndicos , non possint Principes veritatem circa Officialium suorum Processus & incuriam cognoscere; vel enim ab Officialibus ipsis ac quorum illi seu Laicorum seu Sacerdotum utuntur opera, vel ab aliis.

Non ab Officialibus ipsis ac qui illis ab auxiliis sunt, nam hi utiq; suammet rem acturi sunt, nec commissuri, ut se ipsos prodant, ac tam suaviter obvianti sibi lucro facile obfistant; præsertim cum non Laicis solum, sed & Confessariis quoq;, jam nonnulli in singula reorum capita statutum pretium sit, communesq; fiant cum Inquisitoribus epulæ, & competationes è sanguine pauperum, quem penitissimè exlu-gunt, pulcherrimo collusionis invita-mento.

Non ab aliis autem, cum vel nolint se in hujusmodi negotiis miscere, vel si charitate commoti velint, audiendi tamen non sint, aut si etiam verbulo audiantur, jam hoc ipso se quoq; reddant suspectos, qui Justitiæ fluxum intercipere, ac sceleribus patrocinari velint, haud modico argumento ejusdem delicti ut supra innui. Quod ne

D.

Lector.

34 Dub. IX. *An Principes sat liber. conscient. s.*
Lector putet augere me & invidiosè repe-
tere, audiat magni cujusdam Principis In-
quisitorem, imo duos, qui nuper cum eru-
ditum & prudentem Commentarium lau-
datissimi Societatis Jesu Theologi Tanneri
perlegissent, ausi dicere sunt, se eum homi-
nem si nacti essent nō dubituros in equu-
leum conjicere. videlicet quod ille prudē-
tissimè & solidissimè admonet negotia Sa-
garum cautè esse tractāda, ac Judices si eo-
rum arbitriis nimis tribuatur facilè exer-
ratos, ac similia; ineptissimis hominibus
sufficiens indicium dedit, ut in torturam
rapi possit tantus Theologus. Non existi-
mo ego Serenissimum sanguinē Principū
Germanorum non ebulliturum esse, si hu-
jusmodi suorum officialium voces vel di-
midia aure cōbibissent. Judicet nunc Prin-
ceps, si quis legit, aut Consiliarij Principū,
quā illi cum moderatione & peritia erga
viles animas, pauperulas, & mulierulas
justitiam armaverint; qui sic ausi in tantum
virum, ne simul dicam ordinē impingere?
Et hujusmodi tamē Inquisitores seu Com-
missarios sæculares & Laicos Germania pa-
titur, ac eorum conscientia rem omnem
Principes committunt; hi doctissimi sunt
jurium

jurium consulti, hi quam multa & magna in expeditione suâ gesserint, quam latè le Magiæ lues effuderit, quam innumerabilis, si Diis placet, numerus sit Sagarum ad Principes suos ambitiosè referunt, & magnis ventis inflant. Nec Tannerum solum jam malè apud tales audire scimus, sed & alios quoq; plures novi religiosos & pios Viros, qui quod subindè similes Inquisitores modestè nō minus quam solidè admonuissēt, ne quid in suo munere per negligentiam imperitiamq; præcipitarent, ostenderētq; nonnullos eorum errores, qui hinc inde intercurrissent, non modo nil profecerunt, sed in eandem Magiæ calumniam malevolorum linguis protracti sunt: Ut profectò pessimè sibi consulturus sit, qui in hanc materiam stilum sive linguam vel tantillum immittat. Doleo vicem Principum, qui sic quietam possident conscientiam, cum vel maximè periclitatur, ablata etiam vel ipsimet eorum Confessariis monendi seu libertate seu cura. Ternuper calamum arripui ter rursum me retraxi, ne quenquam per epistolam erudirem, nam ad me quid spectat?

Vah tamen quod tot alij silent ad quos spectat, & qui soli fructuosè audirentur si loqui possent. In hoc certè monitorio scripto nil ago aliud, si summam colligas, quam quod moneam de cautela; quod reprehendam errores quorundam; quod ostendam probationes quasdam seu indicia parvi esse momenti, quæ quidam passim usurpant: finis meus est, ut innocentibus multis subveniatur. Modus est ut acrior non sim, quam res postulet, ac religiosum virum deceat: non perstringo nisi malos & in genere, bonos non attingo, nec de iis loquor: nihil igitur hic mali est, quod bonis viris & æquitatis amantibus displicere possit; quin potius qui æquitatem amant, ac ratione & prudentiâ se flectunt, gaudebunt indies aperiri ulteriorem viam quâ grassari liceat ad veritatis arcem: Nihilominus non dubito, quin si in vulgi manus incideret, futuri essent plurimi rerum capitalium Præfecti, qui indignarentur & exploderent. Quo ipso tamen sat clarè nominarent sese qui essent, & quam æquitatis amantes: Sed quicquid sit, id deniq; relinquitur non fore qui monere Principes audeant, nisi ipsi sibi

res has cordi sumant, atq; igitur ut sumant conscientia eorum interesse.

R A T I O IX. Nisi Principes in his causis ipsi quoq; oculum subindè inferant propius, & notitiam aliquam experimentalem sumant; graviter peccabunt, si cum deindè officiales ad eos in nonnullis difficultatibus recurrent, ipsi audeant quid faciendum sit resolvere. Id autem quod peccabunt probo; quia necessariò resolvent malè: & id probo, quia non intelligent Propositiones seu informationes: & id probo quia novi juvenci sunt à Judicibus loquendi modi, quos, quibus hætenus linguarum thesauris seu Calepinis utimur, non habent, sed ab unica ea, quam dicebam notitia experimentalis debent disci. Quod ut fingere non puter, tentent se Principes, sitne ex omnibus vel unus post tot excitata busta, qui in hodiernum diem noverit quid significant hæ phrales Inquisiteorum, cum sic ajunt verbi causa.

1. *Audita est Gaia defensio, non satisfecit.*
2. *Habemus gravia contra eam judicia.*
3. *Procedimus secundum allegata & probata.*
4. *Titia se ream fassa est sine tortura.*

38 Dub. IX. sollicitur. omn. in Off. suos reſciant.

5. Liberrimè ratificavit Confeſſionem in tortura factam ad bancum iuris.

6. Multa Penitentes super Gaja mortui sunt.

7. Fassa est Titia omnia puncta & circumſtantias, easdem quas denuncianteſ complices de ea depoſuerant.

8. Sempronia maleficio taciturnitatis uſa eſt contra tormenta.

9. Nihil ſenſit in tormentis, riſit, dormiuit.

10. In faciem convicta eſt eſſe rea : nihilominus impenitens permansiſt.

11. Reperta in carcere mortua eſt, cervice penitus confractâ, demon eam iugulavit. Et ſimilia. Aſſo enim audacter non magis hæc ſignificare quod ſonant, quam aut ſignificet equus bovem, aut aſinum camelus, aut aqua ignem ; prout Lector ex infra hinc inde dicendis intelliget, cum eas loquendi formulas obiter & ſparſim ſuis locis explicabimus.

Unde ſi ad Principem referat Inquiſitor quid verbi caula mandet fieri de Titio Sacerdote, an non exuri vivum, qui non modo magnis indiciis obrutus, ſed etiam in faciem convictus ſit, ac nihilominus convicti nolit nec pœnitere? quid inquam hic reſcriberet

scribet sine errore Princeps, si adhuc ignoret, quid in hac materia significant magna Indicia, quid sit in faciem convictum esse, quid converti nolle, quid impœnitentem mori velle? Quin imò esto consulat Princeps Doctores Theologos, ac non suæ, sed eorū sententiæ rem committat. Quid tum postea? æquè erraturus est, ac tanto perniciosius. Nam ubi illi aut in quibus tandem libris has phrasas explicatas reperissent? an verò somniare illi possent immutatam esse vocum significationem, literario concilio non convocato? Necessè est igitur Principi, ut hos & similes loquendi modos discat: non discet autem nisi notitia experimentalis se instruat: non instruet autem nisi non omnem curam à se in Officiales rejiciat.

DUBIUM X.

An credibile sit Deum permis-
surum ut aliquando innocentes
simul involvantur?

Sententia est quorundam Deum
non permissurum, ut circa crimen

40 Dub. X. *An credibile sit Deum permissurum*
tam atrox in nocentes in eandem nas-
sam cum nocentibus pertrahantur.
Atque ait Binsteldius hoc esse privi-
legium amicorum & filiorum Dei
quod & probat: pag. 354.

I. Quia sic divinæ legis promif-
siones affirmant, ut in psalmis: *quo-*
niam in me speravit liberabo eum, pro-
tegam eum, quoniam cognovit nomen
meum; Et iterum sperent in te qui no-
verunt nomen tuum quoniam non dereli-
quies quærentes te Domine; & iterum:
clama-verunt ad me iusti, & ego exau-
diam eos, item: qui sperat in Domino non
confundetur: & 2. Pet. 2. No-vit Domi-
nus pios de tentatione eripere, & Paulus.
Fidelis Deus qui non patitur vos tenta-
ri supra id quod potestis: sed dabit cum
tentatione proventum.

II. Quia exempla hujus rei non
desint, quem in finem memorat hæc
tria,

ut aliquando innocentes simul evolvantur? 41

tria, Sufannæ, & S. Athanasij, & Silvani Episcopi.

II. Quia accedat quoque maximum testimonium S. Cypriani, quod & nostri malefici & lagæ in suis confessionibus confirmant. Hic enim sanctus, inquit, cum adhuc magus esset Justinæ Christianæ Virginis amore incensus, incantationibus & Veneficiis Antiochiæ illam ad suæ libidinis alsensum allicere conabatur & Dæmonem consultabat, quam id re consequi posset: cui Dæmon nullam sibi artē processuram, ait, adversus eos qui vere Christum colerent: sic ipse, quem sequitur ob dictas rationes Delirius, & multi hoc tempore Zelosi viri. quibus non obstantibus.

RESPONDEO. *Opinio hac quod Deus permissurus non sit, ut innocentes quoque cum nocentibus pereant, admittenda penitus non est.*

D 5

Nam

42 Dub. X. *An credibile sit Deum permiff.*

*Nam imprimis aperit iudicibus fenestram ad
focordiã, ne ut oportet ipsi exquisitè solliciti sint,
& diligentes. Deinde laxat conscientias Principi-
pum ne valde curent, quales iudices quam bonos,
& peritos rebus agendis præficient. Deniq; veri-
tate quoq; destituitur. Rationes istæ sunt.*

R A T I O I. Nam cur obsecro non per-
mittat Deus nunc hoc tempore quod o-
lim? cum non multi solum, sed pæne in-
numerabiles Christi martyres infâdis sup-
pliciis subjecti sunt, atq; ipsiusmet huius
quo de agimus magiæ criminis rei habitus.
Ubi tum axioma illud delitescibat, Deum
non permiffurum, ut in innocentes tam a-
trox tempestas delæviat? Ubi tunc quas
Binsteldius paulo ante citabat divinæ le-
gis promissiones? ubi exempla quæ affere-
bat, & maximum illud, ut vocabat testi-
monium Cypriani? An non omnes inno-
centes erant? vere colebant Deum? ejus
nomen invocabant? in eo omnem suam
spem & fiduciam repositam habebant?

R A T. II. Permittit Deus multo gra-
viora ut. V. G. quod sacræ hostiæ concu-
tentur, a cœdis aliis modis tractentur
quod filius ejus unigenitus cum latronibus
crucifixus sit, & similia, cur igitur non per-
mittat

mittat multo leviora? concludā verbis Tanageri, qui de hoc ipso argumento sic loquitur; scilicet, inquit, Deus tot alia eaq; immanissima scelera idq; justissimis de causis permittat, & in solo hoc processu adversus Sagas signato quasi codicillo sponsonem fecerit, non se permissurum ut innocentibus fiat injuria?

Ridiculum igitur est hoc, & mirum à viris cordatis dici potuisse.

Ad argumenta Binsfeldij ante allata jam responsum est. Nam

I. Probant nimium & sic nihil: quod nimium patet: quia conficiunt, nec Deum permissurum fuisse, ut perirent tot martyres: cujus cum omnes contrariū sciamus quid erat his argumentis opus?

II. Si sic licet argumentari: non permisit Deus ut tres illi innocentes perirent, Susanna, Ashanasius, Sylvanus, ergo Deus non permittet, ut pereant innocentes; licebit quoq; mihi sic argumentari: permisit Deus ut perirent quoq; tres innocentes, imo plures certe martyres, magia simul postulati. Ergo Deus quoq; pmitteret, ut pereāt innocētes.

III. Quoad testimonium S. Cypriani si verum dixit Damoni artes suas id est incantationes & veneficia non processura adversus eos qui vere Christum colunt, quid tantopere Binsfeldius & alij contra sagas vociferantur, q̃ veneficiis suis

44 Dub. X. An credib. sit Deum permiff. ut aliq. & c.
republicam tantopere infestent, colamus omnes
verè Christum & artes earum contra nos non
procedent. Deinde vero Binsfeldij argumen-
ta allata maxime loquuntur de permissione illa
qua permetteret Deus perire innocentes ob repræ-
sentationem eorum in conventibus sagarum à
Damone faciendam. Vnde etsi concederemus (de
quo plenius infra dubio 47.) Deum non permis-
surum ut per huiusmodi artes demonis, innocen-
tes pereant; non hinc tamen sequeretur, non per-
missurum ut pereant per artes hominum, id
est per incautos processus iudicum quod nobis
sufficit.

DUBIUM XI.

An credibile sit permiffum id
esse de facto, ut innocentes quo-
que involutæ sint.

Binsfeldius & Delrius id videntur
non putare. Sed

RESPONDEO. Nobis dubium non est,
quin multa sæpe innocentes, de facto involutæ in
eandem cum cæteris pœna communionem sint.
Rationes istæ sunt.

RATIO I. Testatur Tannerus multos
doctos & prudentes viros Theologiæ etiam
pro-

professores è quibus aliqui non parvo tempore in foro conscientia^e has causas Sagarum tractassent, professos esse; timere se, ne quo forsan in ordinato procedendi modo multis etiam innocentibus fiat injuria: quod utiq; magnum est pro opinione nostra præjudicium.

RATIO II. Scio item & ego viros quoq; doctos & religiosos, qui cum easdem causas aliquamdiu tractavissent, non solum id timere se, sed vero minime dubitare affirmabant. Itaq; novi Principem, qui cum in Sagas aliquantotempore, inquisivisset, tum autem nescio qua occasione rogavisset ex eo sacerdote, qui conscientias curabat & cremandos ad supplicium educabat, putaretne serio quasdam vere innocentes cum reliquis abreptas esse, atq; is contractis humeris sincere respondisset, nihil quidem se hac de re dubitare, imo per animæ suæ salutem aliud affirmare non posse; ita dictum hoc cordi curaq; sumpsisse, ut continuo substituerit ac progressi suos in negotio vetuerit.

RAT. III. Si & mihi aliquid lector concedit, fateor me ipsum nonnullas superioribus annis in diversis locis ad mortem comitatum fuisse, de quarum innocentibus

46 Dub. XI. *An credibile sit Deum permissum*
centia tam minime etiamnum vacillo,
quam nihil fuit uspiam studij & industriæ
pœne nimix quod uon adhibuerim ad ve-
ritatem detegendam.

Stimulavit me curiositas (quid enim dis-
simulem ?) & penè ultra metam tradu-
xit, ut in re incerta certum aliquid co-
gnoscerem, neque aliud tamen nisi ubi-
que innocentiamprehendi : quam
cum apud me non paucis nec futilibus ar-
gumentis convictam tenerem, neque ta-
men (ob certas quasdam causas) iudicio in-
tercedere liceret, facile æstimare est, quo
cum animi mei sensu tam miserandis mor-
tuis interfuerim. Homo sum, & falli pos-
sum, non id unquam inficias iturus sum;
Quando tamen, postquam diu multumq;
cum captivis illis tum intra tum extra con-
fessionis sacramentum egi : postquam a-
nimos omni arte multifariam susque de-
que versavi ; in omnem me pœne partem
obverti ; divina & humana ope ac consi-
lio usus sum ; indicia atque acta pervidi ;
cum Iudicibus ipsis quantum licuit salvo
sigillo confessionis differui ; accuratè o-
mnia perpendi, argumenta singula apud
ani-

animum meum disputavi; nihilominus aliud judicare non potui, quam crimine vacare quæ reæ putabantur; non existimo leviter facere, si me falsum esse difficulter credam.

RATIO IV. Imprudenter læpe & maligni sunt ij, qui processibus contra sagas præficiuntur; tortura frequenter enormis, & crudelis, indicia multa futilia, & periculosa; agendi modus non raro contra jura ac rationem, pro ut infra suis locis inspergam & admonebo: mirum sane esset, si nihilo tamen minus cum semper cursum rectissimum justitia teneret, ut non aliquando in scopulum impingeret.

RATIO V. Narrat Tannerus superioribus annis in Germania duos latrunculos, qui causas Sagarum tractaverant, ob processus illegitimos cum periculo innocentium adhibitos, sententia juridicæ facultatis Ingolstadiensis capite damnatos & extremo deinde supplicio fuisse affectos: Ipse ego scio Principem qui nonnullos eadem de causa capite obtruncari jussit. Quis autem dubitet quin sub his judicibus non paucæ innocentes in favillam evolarint?

RAT.

48 Dub. XI. *An credibile sit perm. id esse de facto,*

RATIO VI. Imo verò, quot innocentes sub aliis adhuc iudicibus periisse arbitramur, qui cum antea in hoc crimen severissimis modis animadvertissent, ipsi deinde malefici quoq; fuisse confessi sunt & exusti? nuper ita duo treise quorum nomina omitto ne manes eorum inquietem damnati sunt: Germania hæc exēpla vidit, quid contra dici potest? & quis nos liberet metu, ne vel hodie, vel paulo post huiusmodi sint plures? sane dubium non est, quin id dæmon vehementer optet & sagat, cum ubi talem vel unicum Inquisitorem nactus sit, apertum habeat ostium insigniter dilatandi suum regnum, & veris sagis securitatem, innocentibus exidium parandi. Sed & mirum esset, si postquam tam infinitus est numerus maleficorum, ut isti volunt, non id omni sua ac Dæmonis industria possent efficere, ut eorum plures ad Iudicium & Inquisitorum munus arreperent; quod enim aliquoties, ut jam dixi, Deus permisit, cur sæpius non permittat?

Attendant Principes & examinent Officialium suorum vitam: nolim ego bonorum quenpiam in invidiam vocare; id tamē

men timere mihi licet, quod quorundam mores non refutant. Nam si verum est quod narratur, sunt quidam qui in templis vix conspiciantur, aut si raro quidem, tum non nisi nugantes, ridentes, fabulantes, ac si quas viderint è lexu scemineo intentius precari, mox sciscitantes, an nil de his auditum suspicionis sit? homines liberi superbi, avari, imperiti, crudeles: quæ Epitheta cum nuper de non nemine recenseri audirem, subticui quidem capite conculso, nec consentire volui, ne viderer detractionibus astipulari, aut delectari: interim deinde animadverti fuisse vera, atq; adeo addi potuisse plura.

RATIO VII. *Narravit mihi nuper vir fide dignus de carnifice quodam item ultimo supplicio plexo, cujus inter alia gravissima scelera & hoc unum erat, quod cum magia non imperitus esset, id quadã sua arte efficere soleret, ut quoscunque tandem sub manu recepisset, nemo omnium non fateri cogeretur quidquid rogavisset: itaq; innocentes plurimos ad ea edicenda im-*
pulsisse, quæ fortasse ne cogitatione quidem un-
quam attigissent.

Quid clarius in rem nostram afferri pos-

E

fit?

fit? ut sanè oraculum fit, quod quidam cum Delrio putant, si qui innocentes indicati ac capti fuerint, mox innocentiam eorum Deo sic disponente palam fieri: mox scilicet cum in cineres jam involuti sunt.

RATIO V. Ex iis quæ hætenus experientia aliquâ & jugi curiositate didicisse potui, ita clarum mihi est, necessario involvi innocentes ut si quis est Principum Germanorum qui id credere non velit, nisi manibus ipse contrectet, is mihi audeat à malevolorum linguis securitatem promittere, ego illi invento pulcherrimo adhuc occulto rem omnem in utramq; manum tradam: neq; enim à quo tempore primum literas gustare cœpi, minus esse curiosus studui in docendo quam discendo. Itaque cum palpaverit obstupescet, & insignem sentiet conscientiaæ suæ morsum, quantumvis nunc adhuc quieta & tranquilla sit: non mihi licet omnia in publicum effari.

RATIO. IX. Imo ex ipso Binsfeldio & Delrio convincitur de facto permissum esse ut plurimæ innocentes in hoc crimine perierint. Id sic ostendo: Docent illi & re-
etc,

Etè, probationem lagarum per aquam illi-
citam plane esse & si quis Judex ex ea pro-
cedat illegitimè procedere, ac proinde
processum ejus esse nullum. Unde sequi-
tur sane si ita contra aliquas processum sit,
eas innocentes periisse, tam diu enim in-
nocens quis haberi debet, quam diu non-
dum est legitimè probatus nocens. Atqui
vero concedunt iidem, & olim & nunc plu-
rimos Judices ex ea probatione processis-
se & procedere, concedunt igitur conse-
quenter plurimas quoq; & olim & nunc in-
nocentes periisse, & perire, unde igitur
ut pereant & perirent est de facto per-
missum.

Præterea existimant iidem probatio-
nem per stigmata item reiiciendam esse,
cum autem ex solis pauculis, una & altera
denunciationibus non esse procedendum
ad condemnationem, etsi ad torturam: ac
 probationem utriusq; assignant, ne innocen-
tes pereant: obsecro autem an non pluri-
mi ex his ad condemnandum processer-
unt? & credibile igitur non existimant
omplures innocentes de facto ut perirent
permisum esse?

DUBIUM XII.

An igitur cessandum sit ab inquisitione contra sagas si constet multas innocentes de facto involui?

JAm ante allatum est exemplum Principis qui cessandum judicabat: Et id quidem recte. Quod tamen ut tanto patientius zelosus lector accipiat in ejus gratiam distinctione quadam utemur, duplici enim modo, seu duplicis generis processus possunt institui.

I. Ita caute & circumspecte juxta præscriptum legum & prudentis rationis, ut si iis serventur non sit futurum periculum ne innocentes quoque attingantur.

II. Ita improvidè, & oscitanter, aut maligne, ut si iis serventur, futurum sit ut ipsis etiam innocentibus

mora-

morale periculum creetur. De utroque genere processuum dicam duplici responsione. Itaq;

R E S P O N D E O. I. Non opus est cessare si processus prioris generis instituantur minime periculosi, nec aliunde id periculum praevideatur. Ratio est, quia nihil obstat, quin sic procedatur ad rem publicam ingenti peste liberandam, si constet esse infectam.

R E S P O N D E O. II. Omnino cessandum ac super sedendum est processibus posterioris generis, non solum in hoc sagarum crimine, sed etiam, in ceteris omnibus, seu Exceptis seu non Exceptis. Rationes istae sunt.

R A T I O I. Talis processus semper est iniquus & illegitimus. Probatur, Est enim contra justitiam ut ei periculum gravis mali inducas, cui id minimè debetur.

R A T I O II. Utens tali processu peccat mortaliter: Probatur: peccat enim mortaliter qui sciens se exponit periculo peccandi mortaliter, sed utens tali processu exponit se periculo peccandi mortaliter nimirum occidendi innocentem sine iustâ causâ. Ergo &c.

54 Dub. XII. An igit. cess. sit ab inquis. cont. sag.

Unde necessario sequitur quod respondebamus à talibus processibus tanquam injustis & illegitimis in quocunque tandem crimine, quantumvis atroci, & excepto abstinendum esse.

DICES I. Rempublicam à tam atroci sanguinum crimine expurgari tantum ac tam optabile bonum est, ut hæc sufficiens & justa causa videatur cur curandum non sit, si pauca innocentes aliquot pereant.

R. Si perirent nulla tua culpa & indirectè fortasse curandum de una aut altera non esset, nunc tu malum facis qui directè periculum ei creas. Non sunt autem facienda mala ut eveniant bona. Deinde si vel pauca innocentes implicentur, implicabuntur mox innumera, ut infra dicam, & sic non purgabitur Respublica à malis quod tamen intendebatur sed potius à bonis. Sequunturq; ingentia illa incommoda quæ tangebam supra Dub. 8. rat. 3. quod est oppido notandum. Unde ingentia hæc mala non sunt justa causa ut innocentibus excitetur periculum.

DICES. II. Ergo etiam abstinendum à bellis in quibus sæpe innocentes non pauci parem cladem cum nocentibus accipiunt.

R. Non est par ratio: nam aliud est indirectè & abs.

si constet mult. innoc. de facto involui. 55

& absq; infamia quod sit in bellis, aliud directè
actanta cum infamia, qua morte gravior est, no-
centes perimi, prout latius apud Theologos vide,
cum de homicidio agunt: sed & cavendum id in
bellis est, quantum potest. Accedit quod infamia
hac de qua dixi majus planè malum infert reipu-
blica, quam boni ex altera parte sperari possit. I-
taque in bellis vita tantum perditur, non fama,
hic autem utrumq; & insigni quodam modo,
nam & infamantur integra familia, eaque nobi-
lissima in perpetuum, & infamatur ipsa fides ca-
tholica ut supra dixi, & ubi una atq; altera infa-
mata sunt necessario sequuntur infinita alia ut
item innui & inferius ostendam Dubio. 20. rat.
22. Imo si nec hac quidem essent & omnia paria
cum bellis &c. Nihilominus expressam in par-
ticulari habemus resolutionē hujus dubij à Christo
in parabola Zizaniorum de qua infra: quæ aucto-
ritas sufficere debet contra quævis argumenta.
Vnde facio dilemma: Velenim argumenta quæ
contra nos afferri possunt vim aliquam habent
vel non habent; si non habent frustra afferuntur;
si habent autem cur id ignorabat Christus, atq; eā
parabola quam mox adducam in nostram senten-
tiam determinabat?

DUBIUM XIII.

Quid si periculum tale imminet innocentibus sine mea culpa an adhuc abstinendum à persecutione nocentium?

IN crimine nostro vix locum id habet: Ibi enim si modo processus ita cautè & discretè instituantur ut illi periculum secum nullum trahant, non videtur aliunde metuendum periculum, tamen quia generaliter quæritur, dicam quod sentio. Itaq;

RESPONDEO. Si Princeps vel Magistratus quispiam rempublicam purgare velit ac in malos inquirere ut è vivis exturbentur, interim vero advertatur periculum ne simul innocentes perimantur: aio quod etsi Magistratus talis periculi causa non sit, omnino tamen videatur ab inquisitione & peremptione malorum abstinendum esse.

Rationes istæ sunt quas adducit Tannerus.

RATIO. I. Hæc olim in veteri testamento sententia fuit magni auctoris Abrahæ:

sine mea culpa adhuc. abst. à pers. nocentum. 57

mi: qui cum Deum cerneret in Sodomitarum necem licet justam accinctum, ut ab innocentum cervicibus cladem averteret omnibus impunitatem orare aulus est: *Absit à te inquiebat, ut rem hanc facias & occidas cum impio justum, fiat q̃ justus sicut impius, Non est hoc tuum qui judicas omnem terram: nequaquam facies judicium hoc. Sic ille.*

RATIO. II. Sententiam hanc Deus ipse secutus exemplo obsignavit, dum mox audita Abrahami oratione, populosissimæ ac nequissimæ urbi impunitatem adjudicavit, si in tam ingenti numero vel decem solum justi interfuissent.

RAT. III. In novo testamento ita legislifer noster Christus manifestè præscribit in parabola Zizaniorum *Matth. 13.* Dicebant servi patrisfamilias. *Visimus & colligimus Zizania?* Respondet ipse: *Non ne forte colligentes Zizania eradicetis simul & triticum.* Ubi nota non dici solum, *ne eradicetis*, sed adjungi quoq; particulam, *ne forte eradicetis*: ut ostendat duo se docere: nimirum imprimis abstinendum ab extirpatione zizaniorum si simul evellendum sit triticum, quod indicant verba illa, *ne eradicetis*; dein.

deinde vero abstinendum si vel eradicandi simul tritici sit periculum, quod indicat adjuncta particula *ne forte eradicetis*; nihil autem hic distinguit siue periculum hoc cum culpa siue sine culpa servorum extirpare volentium contingat, sed simpliciter & absolute ait esse abstinendum ab eradicatione propter hoc periculum: id quod intendebam ostendere.

DICES. Hoc argumento de *Zizaniis* utuntur pro se heretici omnes, dum contra eos inquisitio instituitur, & tamen Ecclesia contra eos procedit.

R. Utuntur malè. Nam parabola hac non docet simpliciter sinenda esse *Zizania*, sed sinenda esse tum, cum est periculum ne simul triticum evellatur. In extirpandis autem hereticis per inquisitionem, abest hoc omne periculum: Iam enim sat noti sunt, & à catholicis distincti per Ecclesie consilia, nihil est igitur quod hac parabola juvare se velint. Quod si tamen distingui non sat possent aut ita evelli, quine & triticum periclitaretur; utiq; & tum sinendi essent juxta Evangelij præscriptum nec Ecclesia tunc contra eos procederet. Et ita parabolam hanc explicant ecclesia doctores D. Augustinus lib. 3. contra Epistolam

Par.

Parmeniani cap. 2. & contra Crelconium lib. 2. cap. 34. & 37. ac contra literas Petilianilib. 3. cap. 2. & 3. Item D. Thomas 22. q. 10. art. 8. ad 1. *quos sequuntur passim omnes interpretes, nec quisquam ex tanto scriptorum numero dissentit. Non possunt omnia scandala de mundo tolli, permittenda sunt plurima, qua commode emendare non licet. Satius est triginta & amplius nocentes dimittere, quam vel unum innocentem plectere:* præstat enim, dicente Augustino contra literas Petilianilib. 3. cap. 3. *Quam diu palea cum frumento trituratur, ante tempus ventilationis tolerare potius propter bonos comixtionem malorum, quam violare propter malos charitatem bonorum. Ita sapiendum in malos est.*

Itaq; gladius librandus ne in innocentum quoq; cervices incidat.

RATIO IV. Intempestivus videtur zelus, ut cum passim clamitent magiæ crimen occultissimum esse, Dæmonem autem vaterrium & nequissimum ad fallendum etiam prudentissimos quosq; qui omnem ætatem in spiritali militia contriverint: nihilominus ad tam occulta vestiganda, & ad colluctandum cum versutissimo

60 Dub. XIII. *Quod si peri. tale imm. innoc.*

mo hoste puri laici & sæculares tanto impetuant : Nullum hic è sacris literis aut exemplum aut præceptum afferre est , quod tale quid suadeatur. Puniri crimina mandavit D E U S , nimirum si occultissima non sint; si nocentes à nocentibus discerni commodè possint : alioqui de zizaniis inter triticum enatis jam dictum est ; *finite utraque crescere usque ad tempus messis* , tunc angeli separabunt & mittent in caminum ignis. Si namus ut hi potius occultissima distinguât aut si nos , etiam rudes laici , & spiritualis nequitiae imperiti , ea distinguere novimus & tam innumeram reorum multitudinem ab innoxiiis eximere , quid est quod occultissimum vocemus crimen ? Manifesta sunt alia complura scelera : cur si zelus Magistratuum à Deo est non ea primum vindicantur , ac deinde ad occultissima venit ?

Itaq; si nec periculum hic esset ullum , nihilominus præposterus foret ordo ut præteritis quæ in oculos omnium involant , ea primum perquirantur , quæ obscurissima sunt.

Rectissimè mihi illi Respublicæ facere videntur.

videntur, quæ ubi quid in crimine Magiæ apertius se casu aliquo protulit, mox excindunt; tum autem ulterius occultissima rimari periculosis viis prorsus abs re boni communis esse existimant. Sed ne tamen qui omnino persequi sagas volunt mox commentarium hunc abjiciant, docebo eos quâ cum optima ratione id faciant: non terreantur, pergant legere, invenient quæ non displicebunt.

DUBIUM XIV.

An expediat instigare Principes ac Magistratum ad inquisitionem contra Sagas?

RESPONDEO. *Non existimo expedire nisi cum eo, ut simul etiam admoneantur de rei arduitate quam hætenus inculco: perinde ut non expedit, si quem in locum lubricum adducas, neque simul sollicitè moneas qua cautione procedat.*

Audivi ego concionatores nonnullos, qui præ egregiâ suâ facundiâ, mirè in hoc argumento declamabant, & magistratui suadebant, ut in pestem hanc sagarum de republica ejiciendam severitatem suam omnem distringerent. Audivi & alios

lios qui in privatis allocutionibus, iras Principum exacuere, & criminis hujus atrocitatem suis coloribus exscribere non desistebant: tum autem pleni ingenti quodam zelo pœne ignem de calo citaturi videbantur.

Non id ego quidem absolutè reprehendo, nec nego detestandum esse tantum sagarum scelus, aut armandam dextram principum adversas tantam pestem: quin imo nihil magis in votis ponam quam ut purgatissimus sit Ecclesia Catholica ager ab omni adulterina planta: sed est quod in bonis & prudentibus viris desidero, ut quandoq; seposito affectu observare conentur, quis saepe ab imprudentibus iudicibus servetur inquirendi in hoc crimen & procedendi modus: considerent etiam quam opus hoc periculosa alea sit plenum, quamq; verè non solum colluctatio sit adversus carnem & sanguinem, sed contra principem tenebrarum, ac tum denique cum apud magistratum de extirpandis Zizaniis ferventer & Zelose agere volent, id semper una addere ac sincere monere imo inculcare meminerint, cautionem quam maximam adiungendam esse, quo ab ipso tritico zizania hac accurate distinguant, atque omne periculum avertant à cervicib. innocentum. Adducatur parabola de qua diximus atq; ea explicetur.

tur, cum hac utiq; negligenda non sit, nec frustra à Christo Domino nobis relicta: nihil ea mali causatura est, nec tam iustitiam cohibebit quam formabit.

Notent hoc diligenter principes, aut quia principes ista lecturi non sunt, ij principes monere possunt. Sed

DICES. Videri me eo tendere, ut gravissima crimina in Republica maneat, & iustitia retardetur, ideoq; audiri non debere tanquam scelerum patronum: sic enim nuper non neminem intelligo dixisse eorum quos moneo.

R. Quo tendere videar non habeo aperire, eo tamen me tendere adhuc ostendi, quo allata Christi parabola zizaniorum cum interpretatione non mea, sed communi doctorum.

Non intercedo iustitia, non obsisto, nolo ut sint crimina impunita, sed id solum volo quod legifer noster Christus suo ore sancivit, non evellenda esse zizania, si periculum sit, ne forte cum eis & riticum evellatur. Id cupio innotescere iis qui ad purgandum Reipublica agrum se accingunt: an hoc scandalum cuiquam dabit, si de summi legislatoris voluntate principes velim erudiri? aut locutus est aliquid salvator noster quod silentio premi debet, ne sceleribus & sagis patrocinari aut
in.

infringere cursū iustitia videamur? Quia imo iā ex hoc ipso quod obijcitur tanto fortius sumo argumentum ad probandum id, quod paulo ante dicebam, nimirum admoneri prorsus Principes debere de circumspectione, cum ad inquirendas sagas instigantur: cum enim tam zelosos apud se habeant instigatores qui audire me quidem nolint, ac quæ insignis calumnia est, patronum criminum appellent, cum aliud non dico, nisi quod in Evangelio Christi reperio, timeri non imprudenter potest, ne huiusmodi monitorum tam acris fervore, subinde aliquanto longius quam oporteat in tam arduo negotio provehantur: Vnde sequitur quod velex hoc capite tanto amplius diligentia, & attentionis commune fieri debeant.

Itaque attendant Principes qui sint isti qui sic vehementer urgent, ut in magis crimen arma moveantur: nam præterquam quod timendum dixi ne nimius eorum zelus Principem extra metas abripiat, sæpe alia se Zelo admiscunt ut cupiditas, vel ignorantia, &c. ex quibus concludere princeps debeat sistendum sibi potius & morandum quam sic illico quo vocant festinandum esse. Repeto enim quod dixi: si tam vehementis zeli & inordinati affectus homines apud se principes habent prudenter metui potest, ne ut solet fieri

Magistrat. ad inquis. contra sagas.

85

fieri affectibus impediti, nec advertant, nec caveant plurima quæ deinde ubi capti semel erunt processus, periculosa innocentibus futura sunt, & sic simul eriticum in discrimen adducatur, quod igitur ne fiat non modo monendi principes erunt, ut quam cautissime, sed simpliciter ut ne procedant quidem, cum omnis cautio futura frustra sit, quam diu impetuosos huiusmodi & imperitos monitores Principes habituri sunt. Nam si imprimis in me iniqui audent esse & calumniari quod adhæream opinioni nostri legislatoris, quam æqui illi & modesti erunt in pauperculas captivas in quas non modo impune eis grassari licebit, sed & sub pulcherrimo Iustitiæ prætextu? Deinde si tantarum quoque providi sunt ut ea contra me obijciant, quæ ipsissima, mihi arma fiant contra ipsos: quam illi providè & perite consulent, aut starent in difficillimis Sagarum causis, quibus nec maximè ingeniosi se pares esse confidunt?

DUBIUM XV.

Qui maximè ij sint qui Magistratum contra Sagas identidem instigant?

RESPONDEO. Sunt quatuor ferè generum quos ponam ordine.

F

PRI.

PRIMI Generis sunt ex Theologis, & Pra-
latis ij tantum qui speculationibus suis & musaolo
contenti altissima quiete gaudent: quid foris ge-
ratur, quis squalor carcerum sit, quod vinculo-
rum pondus, qua instrumenta torturarum, qua
lamenta pauperum & similia, experientia nulla
didicerunt: visitare custodias, colloqui cum men-
dicabilis, inclinare se pauperum querelis, & pra-
ter dignitatem eorum est & studendi munus.
Quid igitur illi in his rebus intelligere possint? ac
proinde quid à Principibus audiri?

His adjungo sanctos quosdam & religiosos qui-
dem viros sed imperitos plane rerum & nequitia-
rum hominum, qui ut sunt ipsi simplices ac sancti
sic Iudices at inquisitores omnes in suis causis esse
putant ac summum esse nefas existimant, si non
omnia publica Iudicia ut sacrosancta veneremur
qua errare non possint.

Itaq; si audiant aut legant narratiunculas
quasdam saepe aniles de maleficis, si confessiones tor-
mentis expressas; mox ut evangelicas historias
amplectuntur; & zelo prius, quam scien-
tia intumescunt: clamant tolerari scelus hoc non
debere, omnia esse maleficis plena, exurgere in
has pestes omni conatu oportere & similia com-
plura: Nec ut sunt Iudicio innocenti periculum
ullum

ullum apprehendunt. O sancti & boni! quid his faciamus, cum non nisi optimè reipublica consultum velint? qui si scirent qua passim malitia & imprudentia in procedendo vigeret, clamarent utiq; quod eorum magister Christus: Sinite utraq; crescere usq; ad tempus messis: nunc probi & simplices instructionis non sint capaces.

SECUNDI Sunt ex juris peritis, quantum qui quod paulatim animadvertunt lucrosissimam hanc esse provinciam, si Sagarum causis admoveantur, eam prensant: ac subito pientissimi homines miros scrupulos magistratibus movent, ni in crimen hoc exandescant: quos scilicet, quo tendant, nemo videt.

TERTII Generis sunt imperitum & fere invidum ac malitiosum vulgus, quod cum impune passim inimicitias suas infamando ulciscitur, aut loquacitatem non nisi detrahendo consumit; quid est quod audiri prudenter & salva conscientia possit, nisi primum fama publica acerrimis pænis vindicetur à libertate calumniandi? sed de hoc dicam infra, dub. 34. Id tantum breviter moneo hunc jam hodie esse vulgi morè, ut si Magistratus non subito ad quoscunq; futiles eorum clamores capiant, torqueant, & urant, mox liberrimè vociferentur, timere ipsos sibi & uxoribus,

ac amicis : Corruptos eſſe à diuoribus , honeſtior
rem quamq; familiam Urbis Magia obnoxiam eſ-
ſe ; panē digitis designari ſagas poſſe ; hinc proce-
dere non audere, & ſimilia complura, qua manife-
ſtiſſimè arguunt, quam in ſignis populi malitia ſit.
Et hi ſcilicet prudenter audiri poſſunt, in ſe inui-
cem Magia crimen afflantes, cum etiam vel i-
pſos Magiſtratus ſic ſine ulla cauſa infament? Atq;
utinam non etiam viros eccleſiaſticos & religio-
ſos nominare poſſim, primi generis antea recen-
ſiti, qui hos populi clamores in Magiſtratum ipſi
quoq; promoveant, cum compeſcere deberent.

QVARTI Generis ij ex vulgo dicuntur eſ-
ſe, qui cum ipſi malefici ſint, ut tanto longius à ſe
omnem criminis ſuſpicionem reijciant, præ omni-
bus reliquis eximio quodam & minis exuberante
ſtudio bacchantur in Magiſtratus, quod lentius ſe
in ſagas commoveant. Accidit enim jam in lo-
cis quam plurimis ut eximij illi inſtigatores & ipſi
deinde denunciati, capti, torti, confeſſi & cum ca-
teris exuſti ſint, dictitantes ea ſe importunitate
urgendi, non niſi latebras, ſuo ſcleri quaſiſſe. A-
deo ut nuper auditus dicere ſit quidam Inquiſi-
tor, ſe quidem cum tot viderit huius rei exempla,
non poſſe non prudenter eos habere ſuſpectos, ſi
quos audiat ita extraordinario zelo in id crimen
efferrī.

efferrī: dixit hoc ille, & dicunt plures, ego dicere non ausim, tale tamen facio dilemma: plurimi tales quales jam dixi, imo pene innumeri ita confidentes exusti sunt; vel igitur hi innocentes passi sunt, ex odio aliterve delati, vel nocentes. Si prius; ecce quam pulchre procedimus, ut nec innocentibus & his tam multis prospectum sit; ubi cogitationes suas habent viri docti, quos consulunt Principes ut se non reflectant? si posterius, ecce igitur quam primum est de iis pessime post tot exempla suspicari, qui ita vehementer in Magia crimen zelant. Ego vero omnino existimo, Inquisitores eos qui ut supra diximus Theologum Tannerum ad torturam applicandum censuerunt, maleficos sine dubio esse, & ad hanc quartam classē pertinere: Indicia mihi non desunt, qua non nisi unica hac causa silentio premo, ne Magistratus turbem, neve immisceam me causis à mea professione dissitis. Animadvertant interim Principes quid agant, & cum specie iustitiæ ad rem difficilem incitantur probent Spiritus an ex Deo sint. Non plane nego extirpanda esse Zizania (frustra hic Zelare sine scientia magni quidam volunt) sed nimirum sic cognoscantur, & distinguī sine periculo innocentium possint. Evangelium in manibus est; si id Consiliarij Magnatum

non legunt, ac legent forte curioſitate ducti quæ nos hic commentati ſumus. Repetimus igitur jam aliquoties hanc Chriſti eſſe legem Matth. 13. ut ſi periculum ſit evellendi ſimul triſtici, ne zizania quidem extirpentur. Vel hoc Præceptum Chriſti eſt vel conſilium duntaxat: Si præceptum; cum ſit in Materia valde gravi, graviter luet qui tranſilierit. Si conſilium autem; caveat quicunq; eſt ille Princeps, qui conſiliarium hunc non admittat cum ullum admiſſurus ſit.

Porro ut hic finiam monere placet pro concluſione obſervaffe me quod ſequitur, & oppido notandum eſt: pleriq; enim eorum qui ita vehementer in oppidis ſuis & pagis Inquiſitionem contra maleficos urgent, cum conſcij ſibi non male ſint, non advertunt, nec proſpiciunt quod ſi fervere tortura inceperint, ac torti ſinguli denunciare aliquos debeant, conſtanterq; ſic proceſſus continuentur, neceſſario futurum ut & ad ipſos quoq; tandem perveniatur: quippe cum ut ſupra monui finis inveniri nunquam poſſit, dum omnia exuſta ſint. Vbi igitur poſtea ſe quoq; denunciatoſeſſe ac rapi vident, tum primum oculos aperiunt ac lamentantur: ſed fruſtra: nam quo ante ferventiores contra ſagas fuere, tanto nunc nocentiores putantur eſſe, qui hoc velut pallio ſe integere voluerint.

luerint: quod ipsum cum torturis intolerabilibus
 oppressi fateri deniq; cogantur; cum ceteris in
 flammis eunt: eatenus quidem cum plurimis aliis
 innocentes; sed hoc tamen iusto & occulto Dei iu-
 dicio conventi, quod affectibus non sat ordinatis
 abducti in alienam primum famam, libere & con-
 fidenter linguam laxaverant, & supplicii eo-
 rum procurandis impetuosius incubuerant. Ca-
 veant sibi, qui hac ignorant.

Itaq; qui providentiores hodie sunt viri nobi-
 les & magni, cum passim cernere oculis ac similia
 prehendere incipiunt, suadere Principibus pro-
 cessus non audent.

Itali certè & Hispani, qui ad speculandas res
 & meditandas promiores à naturâ videntur esse
 um non obscure videant quam si Germanos imi-
 tari velint innumeram innocentum turbam si-
 mul abrepturi sint, recte abstinent, & solis nobis
 erendi hanc provinciam committunt, qui nostro
 malum zelo confidere, quam legislatoris Christi
 præcepto acquiescere.

DUBIUM XVI.

Qui possit in processibus con-
 tra sagas caveri ne innocentibus
 periculum creetur.

RESPONDEO. Sapienter utcumq; cau-

72 Dub. XVI. Qui possit in proces. cont. sag.
tum erit si sequentes Cautela adhibeantur.

CAUTELA I. Curent Principes ante o-
mnia, ut qui causis sagarum dirigendis aut iudi-
candis adhibentur sint ad id munus tanti ponde-
ris perquam idonei. Tales erunt si apprimè docti,
prudentes, probi, misericordes, mansueti fuerint,
ne quid scilicet, vel imperitè, vel improvidè, vel
maligne, vel crudeliter, vel impetuosè agant,
Explicatione res non indiget.

Non accuso hic quenquam, sed tamen
de imperitia multorum id affirmare pos-
sim mirari me subinde quam parum rerum
consequentias discernant, quam levissi-
mis sæpè contra reos argumentis pondus
plurimum inesse putent, ac rursum levissi-
ma existiment quæ pro reis pondus ac mo-
mentum habent. Unde & contigit ut cum
vel tantilla ratione suaviter & amicè urgen-
tur, tum aut obmutescant aut indignen-
tur, ac rem discuti examinariq; ad rationis
& doctrinæ libellam nolint.

Non probo autem ut si quem Theolo-
gum adungere sæcularibus Principes ve-
lint, jungant magnum aliquem Doctorem
& Prælatum qui auctoritate & titulis pol-
leat præsertim si simul ab impetu & factu
notam

notam habet. Ratio est : quia I. dum tales autoritate alios premunt, id facile obtinent, ut quicquid ipsis solummodo sit visum, prævaleat. Nec obniti quisquam contra argumentis liberè audeat, ne vel ipsos in se concitet, vel Principem apud quem valent. II. Sæpe etiam in talibus doctrina & iudicium non tanta ad sunt quanta tituli & personæ dignitas spondent. III. Qui tanti sunt non facile eam quam oportet experientiam his causis jungent : non adibunt carceres, non audient paternè nec solabuntur jacentes in squalore & pœdore, non ad reliqua similia se dimittent, sed per alienas tantum aures lamenta miserorum intelligent, & quod illi pro suo quisq; affectu factum aut infectum esse dicturi sunt, credent quod ipsum æque poterant Principes. IV. Non erit hoc aliud quam multiplicare sumptus, de quo jam tum ubiq; ingentes sunt querelæ, adeo ut jam dictitent sperare nunc pauperes immunitatem paulatim ab Inquisitionibus posse, cum omnia exhausta sint. V. Si quis tantæ auctoritatis impetuosior fortè sit, jam ter tanto nocentius id erit, quam si idem aut major impe-

74 Dub. XVI. *Qui possit in proces. cont. sag.*
tus cum minore authoritate in alio con-
junctus esset.

*CAVTE L. II. Nihil autem ag. curandum,
quam ut judices ac Inquisitores ij sint qui juxta
dictamen non solum legum, sed etiam naturalis
rationis, dum res non aperte manibus tenetur pro
reo seu accusato potius quam contra eum in-
clinent.*

Incredibiliter hic passim peccatur: ne-
que capio quâ jam saluæ esse possint ullæ æ-
quitatis leges cum plerique omnes sic con-
tra jam captas delæviant, ut quicquid quo-
que modo eis adversum sit, quisquis qua-
litercunq; in eas incurrat id validum ac re-
ctum sit. Tum autem quicquid eis favere
possit, quisquis qualitercunq; pro eorum
innocentia testanda argumenta afferre ve-
lit, atq; ipsi etiam pro se loqui id vanum in-
cassumq; sit, ac penitus explodatur: tan-
quam inculpari quivis exculpari nemo
possit. Itaq; id agere videntur iniqui homi-
nes ut per fas & nefas reos faciant quos ce-
perint, cum id potuerint gaudēt ac trium-
phant, si non potuerint, sed contra inno-
centia cujuspiam in apertum evolârit,
tum vero frontem contrahunt, muslant
inter

inter lese, murmurant, indignantur, con-
coquere non possunt, cum gaudere potius
oporteret. Quæ hæc ratio æquitatis est? Et
ubi oculi Principū ut hæc non videant? aut
si vident ac norunt, ubi conscientia ut his
talibus gladium committant? Insero quod
nuper audiebam. *Proponebam punctum hoc*
viro cuidam magno, hortabarq; ut sedatè & cogi-
tatè causas intricatas excuteret, ac non minus qui
defendi reus quam accusari posset, attentionem
suam applicaret, nec pronior adeo ad capiendum
esset, quam ad dimittendum, ut primum sese quis-
que legitimè vel antè vel per torturam purgasset.
Respondebat ille, se verò nimisquam à Principe
suo, ut acerrimè procederetur, urgeri, non esse
monitionum & mandatorum finem, vocari se
pænè etiam in suspicionem criminis, ni rem stre-
nuè procuret; itaq; quid posset? Steti ego atto-
nitus atq; hæc mecum: Itane hæc Principis
ullius Germani mens esse potest, ut perin-
de sit quam ritè procedatur, dum strenuè
procedatur non credo sanè ac scio men-
tem non esse. Imo si mens quoq; sit: an ta-
men illiusmodi ministros Principes Ger-
mani & Germanos quidem habent, qui vel
contra conscientia procedere sustineant,
ne non

ne non principi latishat? Ego verò si sum Princeps, confidere non possim eos mihi futuros fideles, qui conscientia sibi suae fideliores non sunt, atq; excipere diserte non audent, se quantumcunq; mandatis urgeanturaliter tamen quam coram Deo in conscientia suis tueri se possint non esse processuros. Quicquid sit valde metuo, ne in magno Germaniae tractu vix liceat unum aliquem Judicem seu inquisitorem nominare, qui sic laboret reperire aliquem innocentem quam nocentem, quiq; si tueatur repertam innocentia, quam tueatur confessionem quantumvis periculosissimis quaestionibus extortam. Faxit Deus ut fallar. quod si autem non fallar, argumentum id habeo insolubile, quo me semper haectenus convinco, rem iniquè geri & Magistratus in conscientia tutos non esse.

CAVTELA III. Removeantur ea omnia, quae putarentur Inquisitores aut Iudices posse depravare, ne occasio furem faciat, quod dici solet ut V. G. stipendium ijs certum assignetur, non autem in singula capita puniendorum.

Nam praeterquam quod id turpe & carnici proprium ac proinde à constitutione Carolina articulo 205, merito exploratum

sum est, ansam quoq; dare potest injustitiæ
ut plures esse cupiant nocentes quam pau-
ciores.

Ne principibus quidem suadeam, ut
reorum bona confiscent, nescio quid &
hic periculi aut materiæ sermonum: jacta-
ri enim jam tum passim has vulgi voces au-
dimus: expeditissimum quietissimumq;
esse ditescendi modum, quæ e bustis liceat
parare: non abs re fore si à pagis ad oppida
in familias ditiorum magiæ suspicio tradu-
ci possit: ædificare cœpisse Inquisito-
res nonnullos & augere statum: posse et-
iam eodem compendio agros & villas me-
ditari ac similia complura quæ etsi non ne-
scio petulanter magis quàm verè inter-
dum effundi, præstat tamen qualibuscun-
que his dieteriis occasionem omnem præ-
scindere. Præsumi certè non potest incor-
ruptam esse justitiam Inquisitoris illius, qui
ubi per suos mirè passim Rusticorum ani-
mos in sagas exaeuit, tum autem ab eis ac-
cerditus venturum se & exuturum has pe-
stes respondit, præmittit exactores quos-
dam qui ostiatim ei collectam aliquā non
parum liberalem cogant, quo velut invi-
tamento subarrhetur, sic enim appellant.

Hac

Hac collecta accepta ubi venit, & deinde actum unum atq; alterum celebravit, ampliusq; vulgi animos extumescit narratione facinorum, & ulteriorum machinationum quas jam exustæ confessæ fuerint, simulat abiturum, & hunc interim studiosè curat per prædictos exactores suos impediri, ac novam aliquam collectam suaderi, quæ adhuc retineatur, ad reliqua quoque zizania extirpanda. Donec tandem sic tolerabiliter emuncto pago alio se confert & eadem industria se implet. Mihi tanè publica quædam hæc videntur tributa esse; quæ miror vel quod Principes suis Inquisitoribus, vel quod magnus Cæsar Principibus permittat: præsertim cum experiamur non parum hinc nutriri dicacitatem vulgi, ut si qui in soleñibus illis collectis vel paullo amplius contulerint, vel minus, utriq; à maledicis notentur: hi quod nolint promoveri justitiam, quia fortè vel sibi timent vel suis; illi quod occurrere sua liberalitate velint ne putentur esse quod forte sunt.

CAVTELA IV. Quoniam difficulter haberi possunt persona iudiciales idoneæ quales ante descripsimus bene doctos probos &c. quin imò et si possent

possent, nihilominus timenda esset nimia Iudicio-
rum diversitas, & processuum inaequalitas: quae
& scandalum parere & Remb. turbare potest:
Quoniam etiam circa crimen hoc nova indies o-
rinnuntur difficultates, ante hac non ita ventilata
sic ut constitutio Criminalis Carolina non suffi-
ciat, optandum esset ut à sacra Caesarea Majesta-
te constitutio nova Criminalis toto imperio obser-
vanda decerneretur, in qua abundè de omnibus
ad hoc crimen spectantibus sic cautum esset, ut
quam paucissima Iudicum arbitrio ac discretioni
relinquerentur.

CAVTELA V. Quia verò sua Majestas
gravissimis aliis Imperij negotiis ac bellis impedi-
tur non abs re erit, imo plane necessarium ac con-
scientiis principum, eorumq; quos ipsi monitores
habent, seu habere debent, planè incumbens, ut
interea si qui principes in sagas generalem inqui-
sitionem instituere voluerint, ij antequam tam
arduum negotium aggrediantur certam ac pecu-
liarem aliquam praxin criminalem confici jus-
beant, quam iudicibus suis omnibus imò & con-
fessariis qui Sagarum conscientiis praeponentur,
diligenter legendam, & accuratè observandam
praescribant. Huiusmodi Praxin valde quo-
que à Principibus desiderat, tanquam ad-
modum

20 Dub. XVI. *Qui possit in process. cont. sag.*
modum necessariam Delrius *lib. 5. inquisit.*
append. 2. q. 41. & Tannerus de iustic. disp. 4.
Quæ. 5. dub. 3. num. 81. multiq; alij hodierno
tempore viri docti & religiosi qui negotium
hoc sagarum accuratius ac penitius confi-
derant, Estque tanto amplius necessaria
quod nunc hodiè quæ praxis multorum
viget, est iniqua: contra quam si persæpe
viri docti nonnulla reprehendant, atq; ex
legibus seu ratione seu utroq; apertè con-
vincant, male & iniquè geri, non aliud ta-
men impetrant, quam quod audiant ridi-
culâ & imperitam Judicum responsionem?

Hæc hodie est Praxis. quod si igitur ex Praxi
Jus & æquitas pender, ea fiat Capitalium
rerum communis Praxis necesse est ad
quam eruditi quoque & intelligentes ac
sollicitæ conscientiæ viri non inertes so-
lum illi, & discursuum rudes possint pro-
vocare.

*CAVTELA VI. Ad conficiendam por-
ro hujusmodi constitutionem seu Praxin Crimi-
nalem, non solum Iurisperitorum sed etiam Theo-
logorum ac medicorum Iudicium ac lima accedat,
multa ex hoc nostro commentario suggerentur,
quæ servire poterunt: tam ubi confecta fuerit, pri-
mum*

quum Academiis aliquot examinanda ac disputanda offeratur: post ad Iudices mittatur in effectum deducenda, cum monitione, ut si quid intra anni spatium occurrat, vel nova vel nondum exhausta difficultatis, aut quid simile, quod addendum, detrahendum, mutandum videatur, id omnino significant, quo ulterius discuti ac reliquis addi, vel detrahi possit. Ita fiet, ut post tam accuratam limam perfectum aliquid proferatur: sperandumq; erit, ut quando eam quæ in nobis est, curam ac diligentiam fecerimus, tunc Deus opt. max. provisorus sit, ne qua nostra cum culpa sanguine innocentis tribunal spargamus. Alioqui nisi aliter quam adhuc hodie passim fieri video procedatur, omniq; studio de opportunis remediis provideatur, nequeo salva conscientia ulli principum suadere aliud, quam ut si cœpit abrumpat, si non cœpit absteat, propter manifestam non paucorum innocentium cladem, quorum utiq; sanguis clamore non vacat. Atq; id ego nuper responsum dedi, cum super hac rerogatus essem: qui aliter consulunt, vel ignorant quid geratur, vel ipsi gerunt, quæ queror, & inferius hinc inde querar. Non

82 Dub. XVI. *Qui in process. cont. sag.*

abs re nuper vilus est loqui, qui existimabat non alia ratione corrigi errores posses publicos, ac æquitatem constitui, quam supplicatio demum fieret, ad summam Justitiæ aram id est pientissimum Germanicæ Patrem Ferdinandum II. ut is magistratibus tantisper quietem indiceret, dum de ratione sua procedendi, clarius doceretur ac si qui essent interea, qui queri vellent id nemini esset fraudi.

CAVTELA VII. Quoniam vero pluri mi existimant, impunitatem ludicum non parvam esse causam, car conscientia pleriq. laxa sincurabit Princeps de eorum delictis fieri certior, sicubi exerraverint, severe in eos animadvertet ut V.C. si contigerit sine sufficientibus Indiciis quampiam tormētis subjecisse eum coget ut iuxta communem Iuris & rectæ rationis ordinem personæ læsæ exactè satisfaciat. Ita fiet ut cum intellexerint, impune sibi negligentibus & laxis non licere, eam rebus suis curam ac sollicitudinem commodaturi sint, qua metum nobis ejus de quahaftenus loquimur, periculi vel tollat vel imminuat. Remedium id & præsentissimum erit, & infinitis miserorum hominum suffragiis exoptatum. Sed quis Principum a
plec

plectetur? aut potius quis Principibus exponet? arguebat me quidam nuper, atq; irrisoriè taxabat, quid mihi hac super re in mentem veniret, quod vel id à longè spe aliqua præcipere auderem, futurum quempiam, qui in similes suorum Inquisitorum errores juberet inquire. Nescio an ita sit, si est autem, culpanda certè hæc summorum Magistratum incuria est. Insero quod nuper in hanc rem contigit. Viri duo nobiles quos nominare possum, diversis Principibus data venia loquendi sic serio de Inquisitoribus quibusdam contra sagas destinatis pronunciarunt: daretur modo ipsis commissio, se in Inquisitores eos e vestigio ysdem plane indicibus ac tormentis quibus ipsi hætenus in alios solerent, processuros, & ni sic continuè eos maleficij manifestè confessos flammis reos statuerent, tum verò se id suismet capitibus luituros. Eandem ego conditionem accipio, palamq; profiteor, dum solum acta publica, quæ nunc tamen non fideliter curantur, pervoluere mihi liceat, passim omnia erroribus plena ostendurum. Sed hæc quorsum? audierunt ista Principes & tacuerunt: audiunt eorum cōsularij & tacent. Nam quid fiet? Deus ista

84 Dub. XVII. *An capt. in caus. Mag. perm.*
non videt scilicet nec gemitus innocentum
attendit.

DUBIUM XVII.

An captis in causa Magiæ per
mittenda defensio sit & advoca-
tus concedendus.

Pudet me quæstionis, sed iniqui-
tas nostrorum temporum pudo-
rem detergit: existimant imperiti
[imo malitiosi & iniqui, cum tam
imperitus vix quisquam esse possit
quia Crimen hoc Sagarum exce-
ptum sit, omnem prorsus defensio-
nem præscindi oportere. Sed qui
sit sentiendum duplici Responsione
breviter explicabo. Itaq;

*RESPONDEO. I. Cum liquidum est
crimine Exceptore rejicitur defensio & negatur ad-
vocat. ex jure communi juxta cap. finale de
Hæreticis in 6. & legem quisquis §. deni-
C. ad legem Juliam. & leg. per omnes. C. de
defensione civitatum. Itaque quod si cap-
tiam crimen quidem de se non negat, sed cr-*

mi-

mine admissio defendere illud cupit, id est, excu-
 sare, ut verbi causa obtinendo artem esse libe-
 ralem, vel à Damone se deceptam, coactam &c.
 potest ei negari defensio & advocatus. Ratio est:
 quia excusationes huiusmodi frivola sunt ac pro-
 pterea explodi possunt nec audiri, praesertim cum
 iam sat excussa & definita sit huius criminis a-
 crocitas à communi Doctorum consensu. Sed hic
 difficultas non est, nec de hoc casu proposita qua-
 estio procedit. Itaq;

RESPONDEO II. Cum non plene &
 plane constat de crimine : admittenda defensio
 sit, & advocatus concedendus ex sententia com-
 muni. Vide apud Julium Clarum §. hære-
 sis num. 16. & Farinacium quæst. 39. num.
 99. & 167. quod etiam servandum in crimini-
 bus Exceptis, ut bene sentiunt Autores citati à
 Melrio, & post eum à Tannero de Justitia disp.
 1. q. 5. dub. 3. num. 76. nimirum Doctores In-
 stitutienses, Friburgenses, Patavini, Bononiens-
 es, Autores Mallei Eimericus, Penna, Hum-
 bertus, Simancha, Bossius, Rolandus &c.
 non quid Autores adducimus, aut senten-
 tiam communem vocamus, quasi auctoritate
 vestigio cernenda sit? est enim id planè Iuris na-
 turalis (ut nemo hominum negare volet, qui ra-

86 Dub. XVII. *An captus in caus. Mag. perm.*

tionem fungatur) ut defendere te possis cum de culpa non es convictus. Itaq; quod si capta quapiam crimen quidem non excusare, sed à se illud amoliri vult, negans se eo scelere teneri de quo quaritur an teneatur, permitti debet integerrima sui defensio, & concedi advocatus, quem optimum nancisci potest. Imo tantum abest, ut negari hæc ei debeant, eo quod crimen Exceptum sit, ut etiam ob eam ipsam causam tanto promptius concedi debeant, imo merito obtrudi. Rationes istæ sunt.

RATIO I. Ridiculum est clamare crimen Magiæ Exceptum esse, antequam constet captivam ejus ream esse. Nam esto sit exceptum, sit atrox, sit funestum, sit quantumcunq; volet, quid tum postea si persona capta eo se teneri negat. Quod si crimen id ipsa habet, tum vero age dic exceptum esse, ac procede ut in exceptis liceat; sed id deniq; nunc est adhuc in questione an eo crimine ipsa sit alligata? Ridiculè igitur magnitudo criminis objicitur.

RATIO II. Naturalis juris est, ut nemini negetur iusta & integra sui defensio, quam optima ea haberi potest: adeoq; ut qui per se nequit per alium se defendat qui maxi-

me I

me idoneus videatur: quæ autem juris naturalis sunt æque in exceptis ac non exceptis observari debent, ut supra dictum est, frustra igitur exceptionem prætendimus, cum à jure naturali & rectæ rationis dictamine exceptio non detur.

RATIO III. Si autem ut jam dixi, naturalis juris est, ut nemini negetur justæ defensio, tanto utique minus negari oportebit, quanto major erit sui defendendi necessitas, & quanto majus erit malum illud, contra quod se quisq; defendit. Verbi causa, si concessum est à jure naturæ ut prohiberi non possim, ne me defendam ab ictu cultri, multo minus igitur prohiberi poterò, ne me defendam ab ictu bombæ. Unde sequitur, ut si jus nactus sum à natura defendendi me & purgandi à Crimine minori, multo maximè jus habeam defendendi & purgandi à Crimine majori, ac præsertim tam atroci quam est Mactatio. Imò sequitur, ut quo grandius & major atq; crimen, quod mihi intentatur, & me repellere habeo, eo etiam melior & magis idonea concedi debeat defendendi ratio, per meliores & aptiores quosq; ad-

vocatos. qui proinde ex vi juris naturalis negari non poterunt.

RATIO IV. Idem plane præter jus naturale requirit charitas Christiana: quæ quidem cum ejus sit naturæ, ut non modo non impediatur ne te defendas sed & potius juvare velit, atq; arma quo id tanto possis melius subministrare cupiat, utiq; & hoc agat ut quo major vis ac malum est, quod à cervicibus tuis depellere satagis, eo quoque & impediatur minus, & juvet promptius atq; arma celerius, eaq; meliora in manus obtrudat. Ex quibus omnibus sequitur, quod probare intendebant, non modo non negari posse; in crimine excepto, quam optimam integerrimamq; sui defensionem, verum etiam hanc multo magis quam in crimine non excepto concedi oportere, ac qui secus faxit violati juris naturalis & charitatis Christianæ in re maximi momenti adstringi, proindeq; peccati mortalis reum constitui. Potestne vero quisquam Principum consiliarius tam esse simplex ut nesciat, aut tam incurius ut non moneat? Jam enim Inquisitores quosdam optimorum & laudatissimorum Principum esse

esse scimus, qui non modo Pontificiam Bullam Cœnæ, atq; excommunicationes contemnunt, dum sine speciali sedis Apostolicæ licentia in Personas Ecclesiasticas manus injiciunt, sed id audent quoque ex indiciis quæ nec puer quispiam à Grammaticâ suâ abreptus non irrideat; & ne insuper via optima defendant plane cavent. Atq; hic scilicet est justitiæ zelus ut cum authoritate iniqui simus & libertatis omnis Ecclesiasticæ quam vel maxime tueri nos oportebat eversores. Quod si autem virs Ecclesiasticis sic indigne defensionis via obstruitur, & quicquid agant per fas & nefas nocentes debent esse, quid jam aliæ viles animæ sperare habent! Mirantur multi Ecclesiasticum ordinem hæc non conqueri ubi oportebat.

R. & T. V. Imò ut clarius pateat absurditas & imperitia imò malitia eorum, qui in crimine excepto seu atroci negandum censent advocatum quem in aliis concedunt, audiat me lector qua ratione procedant, nam ita res habet:

Accusat me quispiam commissi furti: magna hac macula est meæ famæ; conce-

dunt mox igitur periti illi & boni , ut me defendam ac maculam eluam , & si ipse commodè nequeam , advocatum eligam , qui pro me præster.

II. Accusat me alius commissi adulterij: major hæc macula est; adhuc igitur concedunt ut hanc quoq; notam eluam.

III. Accusat tertius commissi veneficii: turpissima & maxima hæc macula est; mox igitur prohibent ne me defendam nec eluam, & rationem addunt: maculam enim hanc turpissimam esse , crimen atrocissimum , funestissimum , non igitur elui debere.

Quis non ingemiscat ad hanc rationem tam præclaram! quippè quæ omnino contrarium evincat, ut quoniam crimen maximum est quod imputatur , maxima macula quæ aspergitur, tanto amplius majore studio , melioribusq; mediis nemæ famæ adhærescat providere debeat. Pudet me Germaniæ cum non melius in re tanti momēti argumētari novimus. Quid dicent aliæ nationes , quæ jam tam simplicitatem nostram ridere solitæ sunt? indigna res sane quam nec infantes probare velint

velint, ut ei contra vim pestilentissimi serpentis manum liges, cui contra morsum pulicis utramq; solvis. Insero hic quod mihi nuper vir clarissimus narravit, & ipse multorum annorum Judex. Princeps quidam quem nominare non attinet, in sagas acriter aliquot annos animadverterat; Incidit ut & religiosus quispiam caperetur; Movit ordo se & defensionem petivit locum, sed hunc penitus negabat Princeps, rogat tamen iudicem, quem dixi quia ipsi videretur? qui cum responderes, omnino concedi oportere, perscribit rem ad Academiam quandam Germaniam, à qua idem affertur responsum. Indignatus Princeps; si sic, inquit, concedenda omnibus defensio fuit, quam nos multos igitur innocentes hactenus perdidimus!

Euge bene! & quam multos hactenus alij quoque ex eodem capite innocentes perdiderunt, atq; indies adhuc perdunt! Deus numerum sane signat, & in iudicium suo tempore producet. Caveant magistratus, ne dum ardere se putant justitiæ zelo id agant ut ardeant in alterius vitæ flammis. Loqui hoc viri docti & prudentes debebant etiam in conspectu regum & non confundi, quia veritas est. Nihilominus prædi-

prædictus Princeps procedi simpliciter volebat cum sic instaret, quod ni fieret, damnaret hætenus à se factos processus: donec tandem non nemo commotum animum hac voce sedavit: Non ideo peccandum ulterius videri si hætenus peccatum sit: neque unquam delictum prius, posteriore posse corrigi, sed augeri.

DUBIUM XVIII.

Quæ Corollaria ex proxime dictis colligantur.

RESPONDEO. *Colliguntur hæc, quæ etsi inter legendam ipsa satis in animum lectoris influere poterant, nihilominus quo certius eum stringant ita ordine dispono.*

COROL. I. *Iniquum est ijs quæ defendere se volunt, quod Saga non sint, negare advocatum.*

COROL. II. *Et quidem optimum, ac si quem ipsa velint.*

COROL. III. *Ac si quidem id ipsa nesciant, aut non cogitent, non monere de hoc suo jure, ac sincere instruere.*

COROL. IV. *Iuvare potius debet ad defensionem & omnia necessaria concedi quam quovis modo impediri.*

COR. 5.

COROL. V. Gaudendum etiam est non contrahendum supercilium, si ea emergant quae captarum innocentiam ostendant.

COROL. VI Quo gravius est crimen illud, cuius quispiam arcessitur, eo gravius peccat is, qui defensionem ei praecludit. Itaque in crimine Magia peccat gravissime.

COROL. VII. Cum in carcerem rea veniunt concedendi sunt dies aliquot, quibus se recolligant ac meditentur, quod se optimo modo defendant: Iniquum autem est in continenti statim ut capta fuerint ad tormenta rapere. Ratio est nam alioqui sic subito tanta status mutatione consternata, non sat praesentes sibi & parata erunt ad integerrimam atque optimam sui defensionem: quam tamen uti vidimus, & ius natura & recta ratio omnino eis salvam vult constare.

COROL. VIII. Necessario danda est reis copia indiciorum quae contra eos allata sunt: si n. advocatus & defensio concedenda sunt, non apparet quomodo ea negari possit. Ut vide latius apud Tannetum de Iustitia disp. 4. q. 5. Dub. 3. num. 73. Unde contrariam quorundam locorum praxin male probat alicubi Delrius: ubi tamen nota ex malleo Sprengeri parte 3. nomina testium contra reas testi.

testificantium, non esse eis edenda nec eorum advocatis, quando propter personarum potentiam imminere posset testibus aliquod periculum: quod si nullum sit periculum, ea esse edenda sicut in aliis causis regulariter.

COROL. IX. Non est aditus ad carcerem ijs præcludendus quorum opera uti cupiunt ad defensionem; quod habetur quoq; in constitutione Carolina art. 4. Unde semper judicavi iniquissimos esse, qui id cavent ne doctior quispiam quem rei expetunt, ad eos accedat, timentes ne eis argumenta suggerat ad removendum crimen; cum sane si quis innocens ostendi posset, id magnopere optandum esset. Nuper quidam Sacerdos cum ludicibus tacite & secreto ex protocollo demonstrasset iniquè contra quasdam processum esse: non aliter monitioni dedere, locum, quam quod illas capite plexuerunt, hunc autem ne ad ullas deinde custodias admitteretur sanciverunt: imo nunc audio id pluribus contigisse.

COROL. X. Iudicis ipsius est providere ne Advocati captivis desint.

COROL. II. Inepti sunt advocati, qui operam suam in his causis Sagarum accommodare nolunt, quiq; alios ne id faciant absterrent. Imo corrigere, nam bene faciunt; Væ enim qui in
his

his causis advocare velint, transferent enim hoc ipso in se litem, ut jam supra monui, quasi nec ipsi forte ejus artis sint exsortes. Vah quæ temporum libertas! advocare aliquis audet? jam suspectus est. Imo plus dico suspectus est, aut saltem exosus etiam is, qui solum judices amicissime hac super remonere audet. Quæ causa est quod commentarium hunc monitorium iam dudum à me conscriptum typis non evulge. sed amicis tantum pauculis manuscriptum communico suppresso nomine. Terret me exemplum religiosissimi Theologi Tanneri qui non paucos in se concitavit verissime ac prudentissimo suo commentario.

COROL. XII. Poteſt reus appellare à Decreto tortura: quod & probat textus in l. 2. C. de Appell. recip. & sentiunt communiter Doctores Bartolus, Baldus, Marsilius, Cotta, Follerus, Gomez, Prosper Caravita, Brung & alij citati à Farrinacio q. 38. n. 10.

COROL. XIII. Si Iudex non obstante hac appellatione, ad torturam processerit, & ob id à reo confessionem extorserit, talis confessio prorsus nulla est, & inefficax ad condemnationem ut sentiunt ijdem apud Farrinacium ibidem num. 17. & 22.

COROL. XIV. Reus etsi legitimis indicis

diciis tortura adjudicatus, non tamen debet tor-
tura subijci, si in contrarium alia habeantur in-
dicia innocentia qua aequè probent innocentiam
ac ista priora culpam: nam una præsumptio meri-
to sane tollit alteram ut vide apud Menochium
de præsumpt. l. 1. q. 29. & 30. & Mascard. de
probat. l. 3. conclus. 1224. n. 4. & seqq. Et
quando dua invicem contraria præsumptiones
concurrunt videlicet delicti & innocentia sem-
per preferenda est præsumptio exclusiva delicti
inquit Farinacius q. 38. num. 112. quod verum
 quoq; esse ait ex communi sententia doctorum
 quos multos citat, etiam si indicia pro reo allata
 inferiora paullo essent quam qua contra eundem
 allata sunt; qua obsecro quis hodie observat? quis
 attendit an observentur? miror verò qua eorum
 sit conscientia qui Principum conscientis non me-
 lius consulunt; sed tacent.

COROL. XV. Iniquissimi sunt qui cum si-
 mulent se reis defensionem concedere nil minus
 agunt. Igitur ut discant Principes quid apud quos-
 dam eorum inquisitores significant illa phrasès
 cum dicunt se omnino concedere reis defensionem
 locum, auditam esse Graja defensionem sed non
 substitisse &c. ut discant item ex quibus causis tor-
 turam reis decernant, sciant sic nonnullibi proce-
 di: Vq-

di: Vocat ad se Inquisitor captivam: ait non ignorare eam ob quam causam capta sit, hac atq; ista contra eam indicia produci: purget se igitur & respondeat. Vbi respondit; tum etsi singula, ut ipse sapissimè expertus sum, accuratissime diluerit, sic ut replicari nec tantillum possit, tangaturq; manibus accusationis totius futilitas, nihilominus nulla amplius responsionis discussione facta, nec subjuncto verbo, quasi in ventos mulier locuta sit, aut saxo narrauit fabulam, hoc solum ei dicitur, ut in carcerem redeat, & melius apud se perpendat an in negatione velit persistere; fore ut post horas aliquot revocetur. Dum ea ad carcerem redit, scribitur in Protocollo ream hanc rogatam in negatione persistere: decerniturq; ut igitur torqueatur.

Cum deinde revocata est, hac tantum audit: Citimus te hodie coram nobis & negasti, concessimusq; tempus ut melius perpenderes & à perviciacia respirares. Quid agis igitur? an adhuc persistis & negas? quod si negare pergis ecce tibi protocolium: factum est contra te decretum Torturale, sic enim loquuntur: post qua verba si adhuc negat, ducitur ad torturam nec que attulit ad indiciorum purgationem vel tantilla eorum mentio, quasi ea omnia solo silentio retusa sint,

ac tantundem plane fuerit seu defenderit te mulier seu oscitavit.

Quorsum igitur audita mulier est? quorsum se purgare iussa, si purgari nihil unquam potest? nam qua illa unquam ibi fuit qua quantumcumq; se purgarit, raptata tamen ad torturam non sit? testor autem DEVM tam accuratas me saepe audivisse purgationes, ut qui ad disputationes scholasticas inassuetus non plane sum, non invenirem quid difficultatis fuerit relictum, quod non exhaustum sit: Idem & alios novi qui iurati affirmare audent viri docti. Soli principes sunt, quod ne ista nesciant sed longe aliter informantur nescit qua divina punitione fit. Itaq; qua indicia Inquisitores contra reas habent diligenter in actis perscribuntur; quod autem plerq; & probata plene non sint, & si plene probata sint, quod rarum est quid contra ea responsum sit, & quo pacto accurate deterfusa ne verbulo memoratur. Vi sane omnibus bene perpensis qua & dixi & dicturus deinceps sum, non possim non metuere ne magistratus illi qui hodie in Sagas inquiri iubent, cum tam periculose inquiratur, damnationem sibi accersant.

COROL. XVI. Necesse est quod ex proxime dictis sequitur errare gravissime Inquisitores etiamsi ex allegatis & probatis procedant: quod

oppido notare debent, Principes & Doctores quos illi consulūt, nam passim hic impingitur ex phrasum ignoratione. Nam multi hodie Iudices indicia plurima probata legitime non habēt, & tamen cum ex his processerint ajunt se procedere secundum allegata & probata: necesse est igitur inique procedi et si ex allegatis & probatis procedatur; quia tantundem est dicere allegata & probata, quam allegata & non probata sed refutata: hac verborum eorum significatio est. Quod ne videar invidiose comminisci, offero me ad probandum sub pœna à jure decreta in calumniatorem. Mirantur amici quidam mei cum hac legunt, & quarunt an hac igitur se ita habeant? id se credere non posse. quibus respondere soleo ignorare eos ad adhuc prima Principia in hac materia, ac me pigere operam sumere ut explicem, rogent DEVM ut excitet Principes qui veritatem scire velint, & phrasas Inquisitorum intelligere.

COROL. XVII. Processus is nullus & irritus est in quo justa hujusmodi defensio reus negata sit. & teneatur Index cum suo Principe ad restitutionem, quod si consiliarij & Confessarij Principum non monent & recte instruunt; pariter omnes in culpa sunt, severe à DEO puniendi.

COROL. XVIII. Aequissimum est, ut si

100 Dub. XVIII. An decaptis nomine Venef. mox
Sacerdotes quoq, aliquos ex indiciis indignis capi
contingat, ius saltem pro tanti ordinis & Ecclesie
Catholica respectu dies aliquot aut saltem unicum
in carcere instrumenta scriptoria concedantur: ut
liceat supplicationem aliquā brevem aut apologiā
ad suum Principem aut Divū Casarem concipere.
Potestne minus quid, & justius ab ijs peti? Ego
vero existimo ne quidem inter barbaros gentiles
hanc tam exiguam veniam negatum iri moritu-
ris sacrificulis idolorum.

COROL. XIX. Nec iniqua quoq, postulatio
est, ut sub extremum vitæ eo liceat uti confessorio;
quam ipsi sibi delegerint non quem Iudices obiru-
serint. Indignares mihi visa est ne sacerdoti qui-
dem eam confitendi libertatem nuper esse con-
cessam.

COROL. XX. Vt nec & ista iniqua peti-
tio est, ut si forte contingat integerrima semper
vitæ & famæ sacerdotem inique & malevole
circumventum & captum, miraculose ex vincu-
lis & carcere expediri, liceat ei in Imperio Ger-
manico Apologiam suam typis excudere, & qua-
liter secum actum sit eatenus explicare, ut nisi
omnia per legitimos testes probare possit qua asse-
rat, sistat se Sacratissimo Casari; iterum in car-
cerem & mortem rectā profecturus.

DUBIUM XIX.

An de captis nomine Veneficij
mox præsumendum sit eas neces-
sario reas esse?

STulta quæstio videtur; & esset sane,
ni quorundam quod nollem dicere lice-
ret, Sacerdotum seu simplicitas seu zelus,
(ego inscitiam, imprudentiam, & defe-
ctum judicij interpretari soleo) quærendi
necessitatem mihi imponeret. Audio e-
nim esse qui cum carceres invisunt, ita
afflictissimas custodias adoriuntur, in-
stant, urgent, vexant & ad fatendum
crimen sollicitant, ut iudicari aliud non
possit, quam quod plane apud animum
suum obfirmatum habeant, nullam peni-
tus earum innocentem esse posse.

Interim quicquid se misera illæ plan-
gant, quicquid loqui, explicare causam
deducere fundamenta suæ infamationis

parata sint quicquid postulent audiri
 saltem, ac velut cum homine spiritua-
 li confidentius sine arbitris confer-
 re, consilium rogare, consolationem
 aliquam in multiplicibus molestiis acci-
 pere, & quæ similia afflicti homines desi-
 derare solent, non inveniunt nisi statuas
 surdas, & hoc unicum animatas, quod
 perpetuo eis Veneficij crimen in oculos
 impingant, ac tanquam omnino reas non
 sat honestis titulis exornent: vocitant e-
 nim obstinatas, pervicaces, putidas me-
 retrices, obsessas, diabolicæ frontis, mutos
 bufones, mancipia gehennæ &c.

Quo accedit quod iidem apud Iudices,
 custodes carcerum, lictores, aliosve ni-
 hil aliud ingeminent quam perpetuas in-
 stigatōnes ad acriter eas examinandas
 & torquendas: hanc & illam singulari-
 ter videri pertinacem, non esse dubium
 ullum quin Dæmon earum fauces obfi-
 dent

deat, aspectu esse diabolico, non dubita-
re se vitam interponere quin verè saga-
sint, & quæ aliæ sunt id genus voces in-
temperanter jactatæ; sic ut etiam auditæ
sint nonnunquam captivæ dixisse (imo
quid nonnunquam? frequentissimæ hæ
sunt plurimarum voces) malle se ipsum
adeo Carnificem quam ejusmodi Sacer-
dotem admittere; plus eum sibi molestiæ
una sua importunitate quam lictorem o-
mnibus tormentis intulisse; nec modicum
è contrario gavisæ sint judiciales personæ
se talem deniq; esse nactos spiritualium
præsidem, qui non modo castigaret ac for-
maret judiciorū zelum sed & insigniter
acueret. Sacerdotes tales ego aliquot &
vidi & audiivi, plures esse ex eo constat,
quod audio Inquisitores, si qui alij sunt
modesti & circumspēcti, dicere eos in-
rem suam non esse: tum vero quales de-
scripsimus impetuosos & imperitos qui

104 Dub. XIX. An de capt. nom. Venef. mox
præter ventum quo se jactent nihil ha-
bent stipendio vel eleemosyna mercari,
aut esca saltē ac potione de vincire. Quā
circarem ut mentem meam aperiam di-
cam ad propositam quæstionem quod res-
erit. Itaq;

RESPONDEO. De captis mox præsume-
re quasi simpliciter nocentes sint, ac proinde ea fa-
cere quæ jam dicta sunt à quibusdam Sacerdoti-
bus fieri nimisquam intolerandum est. Rationes
istæ sunt.

RATIO I. Supra ostendi nonnullas
innocentes de facto cum nocentibus in-
terimi, non igitur omnes captæ continuo
nocentes sunt, non igitur obstinatē id præ-
sumendum, non igitur quasi sint oportu-
nius urgendæ, & omni penitus audientia
excludendæ: promant si quid volunt, spi-
ritualis viri est auscultare & instruere ac seu
nocentes sint, seu innocentes spirituali
consolatione & auxilio omnibus adesse.

RATIO II. Non esse certum quod
ut quæq; capta est mox vere nocens sit, ipsi
Judices præsupponunt. Ideo enim ad tor-
menta seu quæstiones procedunt; quia
non.

nondum liquet, si liqueret, non liceret ad
torturam ire ut infra dicam *dub. 39.*

RATIO III. Docent omnes Theologi & Jurisperiti cum res nondum liquet præsumendum in partem meliorem: id enim postulare legem charitatis & juris, pro ut ipsi fuisse persequuntur. Unde cautè statuerunt Honorius & Theodosius A A. cum ajunt: *servari jubemus ut quicumq; in discrimen capitis accersitur, non statim reus qui accusari potuit existimetur, ne subjectam innocentiam feriamus* lege 17. C. de accusationibus. Simplicitas est quorundam Idiotarum putare sic religioſa esse omnia acta & Judicia ut non sæpè publice graviter erretur: placent verba cujusdam commentatoris in Evangelia quæ hodie legebam circa vincula Joannis Baptistæ & sic habent: *non continuo malus est qui in publica vincula conyicitur ac detinetur, cum in his fuerint integerrimi sæpe viri propter falsas accusationes &c. Magistratus & hujus mundi principes sæpe numero sua abutuntur potentia* Sic ibi

RATIO IV. Non decet Sacerdotem nisi mansuetudo & mititas Christiana, quibus aperte repugnant omnia illa quæ ante

de imprudentibus quibusdam memorata sunt, uti cuilibet ea examinanti facile apparebit: nolumus enim exaggerare, quæ potius à vulgi oculis tegi oportebat.

RATIO V. Esto etiam vere nocentes sint quas hujusmodi aliquis Sacerdos prædicta ratione exercet; id tamen ipsi non certo constat: quin imo si constaret, adhuc tamen ne sic quidem importuna illa vexatio satis deceret aut conducere; redderentur potius obstinatiores quam si benignitate & suavitate quadam agendi Ecclesiasticis personis propriâ ad veritatem incitarentur; quâ si viâ ad agnitionem criminis perducere nequeunt, quid tum postea? patientia usurpanda est; fecimus quod salvo decoro & consciëntia fieri potuit. Quamquam id inficias non eo cum benigniora media frustra tentata sunt prodesse quoque subinde & in quibusdam acerbiores increpationes; sed ita tamen ut identidem ad paternam quandam facilitatem redeatur, qua id agere videamur ut ipsis ac salutem earum piè sincereque magna cum charitate consulamus, non ut eas quasi per vim reas facere velimus.

R A T. VI. Si vero innocens sit aliqua (ut sane multæ esse possunt) in quam monitor tam pertinacis imperitiæ incurrat, quid ei fiat proprius, quam ut in desperationem decidat, aut lethalem animi mœrorem? quippe quæ ab omnibus deserta quam aliquam adhuc in spiritali patre consolationis spem repertum iri existimaverat, ab hac etiam excidisse se animadvertat. Sane quidem, quæ suspiria, quos gemitus ea res nonnullis conciverit, non mentiar si mihi notum esse dicam. Videt Deus, & requirer, non ab iis solum qui hanc rem ipsi peccant, sed qui indiscretos ejusmodi in provinciam periculosam mittunt. Id quod hac de causa moneo; quia nonnullibi observatum est, à quibusdam ordinibus religiosis eos sacerdotes in hanc rem expositos fuisse, qui vel à defectu judicii, vel importunitate agendi, vel persuasione scientiæ cum inscitia conjuncta, vel in his omnibus simul insignes domi suæ haberentur; ut necessum deinde fuerit ob hominum querelas alios peritiores & discretiores emittere.

R A T I O VII. Verendum est ne cum
ita

108 Dub. XIX. *An de capt. nom. Venef. mox*
ita imprudenter cum reis agitur, multa
deinde committantur sacrilegæ confessio-
nes, atq; animarum Salus in discrimen de-
ducatur.

*Narrabo quod de sacerdote quodam mihi con-
stat, qui non multo pauciores quam ducentas Ma-
gia postulas ad rogū comitaverat. Is eas in carce-
re auditurus cōfitẽtes, rogare solebat ante cōfessio-
nē, nū etiā in ipsa de crimine illo cōfiteri vellent,
prout in tortura apud Iudicem fecissent? se sim-
pliciter non auditurum quæ se ream factura non
esset. Itaq; si quæ ante confessionem non continuo
promitterent, sed hererent, & in genere solum di-
cerent, se in confessione veritatem dicturas, o-
mnino à se repudiabat, cum addito: ut igitur more
canum morerentur sine pænitentia & Euchari-
stia Sacramentis. Vnde factum ut nulla non seu
nocens esset seu innocens nisi rursus subijci tor-
mentis, aut instar canum ut dicebat mori vellet,
cogeretur se ream in Sacramento facere, &
sic plecti. Nuperrimè id clarissimus juris Doct̃or
in mensa publica referebat in laudem ejus sa-
cerdotis tanquam insigne elicienda veritatis
stratagema. Ego autem admirandus ingenti
cruce me signabam, & ingemiscebam: tanto
amplius quod Doct̃or hic Inquisitor esset in Sa-
garum*

garum causis, cui is Sacerdos pro Sagarum confessorio adjunctus erat. Itaq; stimulante curiositate ipse deinde carceres accessi, observaturus an sic esset: Dicere non expedit quatenus deprehendi.

Memini enim sententiae quam alicubi Tannerus citat ex Ecclesiastæ Cap. 4.v.1.

Verti me ad alia & vidi calumnias quae sub sole geruntur, & lacrymas innocentium, & neminem consolatorem: nec posse resistere eorum violentia cunctorum auxilio destitutos. & laudavi magis mortuos quam viventes &, feliciorum utroq; judicavi, qui necdum natus est, nec vidit mala quae sub sole sunt. Porro stratagema hoc jam memoratum, sunt & religiosi quidam alij qui nuper imitari ausi sunt.

R A T. VIII. Nimis incauta dicta sunt, & minimè sacerdotem decent ultima illa quæ item memorabam: *hanc & illam singulariter videri pertinacem; non esse dubium ullum quin Damon earum fauces obsideat; aspectu esse Diabolico; non dubitare vitam interponere quin vere Saga sint.* Si de trivio quispiam sic loquatur reprehendi debeat; quanto magis Sacerdos, quem timere par est ne his ac similibus causa sit reis gravium tormentorum & mortis, ideoq; irregularitas censuram

ram incurrat? Quanquam quid irregularitas sit & quo modo contrahatur, imperiti hujusmodi non norunt: *Audiebam nuper de Sacerdote quodam, etiam, si diis placet, ut sibi videbatur, non parum docto, solere instigare iudices, ut has illas (in particulari) caperent, torquerent, tum & ne annis caterorum quorundam puerorum parceretur monere; videri hunc & illum capacem esse supplicij; plecterentur sine scrupulo; non esse quod emendatio speraretur: juvare etiam strenue in complicibus expiscandis, quas & ipse in pugillares suos excipiebat; assistere item torturis, instruere, suggerere argumenta quibus culpam amplius deprehenderent, & similia complura, quæ iam pene exciderunt.* Quid hic autem de Irregularitate studuisse potuit? Unde mirum non erat si tam insignem adiutorem mire Inquisitores, ipsi æque periti, suspicerent & mirarentur tanquam hominem de cælo sibi allapsam, qui ipsissimam agendi praxin solus combibisset ad omnium Theologorum speculantium invidiam. Quæ hæc autem miseria & inscitia nostrorum temporum! aut quid juvet litteras vidisse si hic ignorantia est honos? legant Confessarij quæ infra quoq; dicam dub. 30. ubi eos instruo.

Quid de Tormentis seu quæ-
stionibus sentiendum An periculum
morale & frequens innocentibus inducant?

RESPONDEO. *Ea est ut plurimum
conditio tortura, ut cum ultro citroq, quæ id
genus vidi, legi, & audiui apud me memoria
pervolvo, decernere non possim aliud, quam quod
frequens & morale periculum innocentibus in-
ducat, & Germaniam nostram impleat sagis ac
sceleribus inauditis: nec Germaniam solum sed
quamcunq, aliam nationem qua idem experiri
incipiat. Rationes istæ sunt.*

RAT. I. Tormenta passim usitata natura
sua ingentia sunt, & dolores causant supra
modum acerbos: hæc autem maximorum
dolorum natura est, ut dum eos declinare
liceat, non vereamur vel in ipsam mortem
incurrere: periculum igitur est, ne non
multæ, ut se cruciatibus equulei expediant,
fateantur crimen quod non habent, ac
quævis de se scelera mentiantur quæcunq;
vel suggerunt quæsitores, vel ipsi rei ut fa-
teantur meditatione sunt.

RAT. II. Id adeo verum est ut robustissi-
mi

mi quidam qui gravissimorum scelerum
 causa in tormentis pependerant, sancte
 mihi affirmarint nullum tantum excogitas-
 ri posse crimen, quod non promptissime
 sibi imposituri fuissent, si ejus confessione
 tantisper se tanto cruciatu excipere licuis-
 set, quin imo antequam reduci se eodem
 paterentur potius in denas mortes rectis
 pedibus insilituros esse. Quod si inveniun-
 tur alij qui discerpi potius quam silentium
 solvere in equuleo malint, (ut de Ægyptiis
 memorat Ælianus in Historia varia Lib. 7.
 Cap. 8.) ij & rari sane hodie sunt & subinde
 non bonis artibus adversus omnem dolo-
 ris sensum muniti: Unde non immerito
 lex. 1. ff. De quæstionibus Torturam appellat
rem fragilem & periculolam sic enim lo-
 quitur: *Quæstioni fidem non semper nec tamen
 nunquam habendam constitutionib. declaratur:*
Etenim res est fragilis & periculosa, & qua ve-
ritatem fallat. Nam pleriq; patientiâ sive duritiâ
tormentorum ita tormenta contemnunt, ut ex-
primi eis veritas nullo modo possit. Alij tantâ
sunt impatientiâ, ut quidvis mentiri quam pati
tormenta velint. ita fit ut etiam vario modo fa-
teantur, & non tantum se, verum etiam alios
 commi-

comminentur. Hinc & Cicero in partitionibus: Dolorem fugientes, inquit, multi in tormentis ementiti persæpe sunt, moriq. maluerunt falsum fatendo, quam inficiando dolere, & idem pro Sylla non magis oratorie quam vere: *Quæstiones nobis servorum ac tormenta minitatur, in quibus quamq. nihil periculi suspicamur, tamen illa tormenta gubernat dolor, moderatur natura cujusq. tum animi tum corporis, regit quæstor, flectit libido, corrumpit spes, infirmitas metus, ut in tot rebus & angustis nihil veritati loci relinquatur &c.*

RATIO III. Atque ut magis innòtescat vel tormentorum magnitudo, vel impatientia nonnullorum, hoc exemplum esto: scient confessarij qui experientiam aliquam habent reperiri nonnullos qui ubi falso quospiam in tormentis detul'ère; post autem in pœnitentiæ sacramento intelligunt non posse à peccatis absolvi, nisi quos falsâ accusatione in vitæ discrimen coniecêre rursus eripiant; excipere solere id se facere non posse; quod timeant ne si canant palinodiam, rursus in quæstiones repetantur: Ad quod si instet confessarius, nihilominus non posse innocentes in cul-

pâ relinqui sub pœna damnationis; reperiundam aliquam esse viam qua delatae iuventur, respondere non raro; se verò quavis ratione innocentiae eorum consulere paratos esse, sed nialiter queant quam cum periculo redeundi in quaestione non posse neque velle, ne quidem si de salute actum sit. Ex quo igitur infeto in hunc modum: si nonnullis ita gravis ac intolerabilis tortura est ut damnari potius quam torqueri sustineant, quis neget prudenter & cum ratione credi posse quod diximus: nimirum torturas has non leve secum trahere periculum, ne si non serio occurrantur noncentum numerum innocentes exaggerent.

RATIO IV. Ego de me fateor tam minime tantis pœnis exhauriendis subsistere ut si in quaestiones abriperer non dubitarem mox ipso initio reum me cujuscunque maleficii statuere & mortem potius quam tantos cruciatus amplecti: praesertim cum (ut suppono ex communiori Theologorum sententia) non peccet mortaliter qui se reum facit vi tormentorum adactus. Idem audiavi de se dicentes viros non paucos admodum religiosos & alioqui audacissimas

tissimæ constantiæ ac fortitudinis insignis; qui consilij sibi communis fragilitatis & acerbitalis hujuscemodi poenarum non audebant de se nisi humana omnia promittere: ut sane imprudentiæ arcessi non debeam si metuere medicam ne ubi in imbelles foeminas quaestiones exercentur falsissimas confessiones exprimat torturae vis; atq; ita in periculum & poenas innocentes juxta ac nocentes vocentur.

R A T I O. V. Auget vero periculum in negotio sagarum conditio ipsius sexus: quis nescit quam animal sit imbecillum mulier, quam impatiens dolorum, quam promptum lingua? quod si ne viri quidem ut jam diximus etiam religiosi ita animo valent, quin mortem quam tormenta malint, quid de fragili illo sexu praesumendum erit?

R A T I O VI. Auget item periculum quod levissimis ut mihi quidem videtur de causis, certe viro cordato indignis tortura decernatur, ut ex fama sola, aut ex denunciationibus, aut utroq; cum neutrum quicquam merito habere momenti debeat ut infra suo loco ostendam.

RATIO VII. Auget item periculum quod in crimine hoc lagarum acerbiora fere tormenta usurpantur quam in aliis, quodq; ut his diebus audiebam nonnulli-
 bileviora putant esse quæ hætenus in usu sunt, proindeq; nova cogitant; quod tamen nec in atrocissimis debere fieri docet Farinacius *lib. 1. Tit. 5. q. 38. num. 57.* ex communi sententia: Est enim res digna Phalaride quopiam aut Perillo non homine Christiano ut rectissimè notat Petrus Gregorius Tolosanus *synt. lib. 48. Cap. 12. num. 25.* & Julius Clarus *lib. 5.* Brunus & alij. Nam si quæ hætenus servamus adeo periculosa sunt ut dixi, quid fiet si sævitiam novis commentis intendimus? Et tamen hodie Magistratus etiam Ecclesiastici hæc suis officialibus permittunt.

RAT. XII. Auget item periculum q̄ non solum ut jam dixi acerbiora fere tormenta in hoc crimine usurpantur; sed q̄ præterea quantumcunq; hic excedatur seu in modo seu tempore, nemo tamen sibi ullum faciat conscientiae scrupulum. Ut mirum sit in omni alio peccatorum genere esse qui se accusent in foro pœnitentiæ, sed hic plane

plane esse neminem vel pœnitentium qui accuset, vel confessorum qui roget; cum tamen annexa hic sit restitutionis & satisfactionis obligatio. Itaq; mihi constat enormioribus torturis multos esse mortuos, multos etiam in omnem vitam inutiles redditos, multos ita laniatos & scissos ut cum capite plectendi essent non ausus fuerit lictor pro more humeros nudare ne crudeli spectaculo populum concitaret: quosdam in ipsa adhuc ad supplicium via expediri debuisse ne antequam pervenirent mortui conciderent: &c. Nemo tamen adhuc erit qui conscientiam pacatissimam non gerat, aut tantillum se existimet in conscientia ad satisfactionem teneri.

Jam ut dicam de tempore sane quidem gravissimus est torturæ dolor si vel dimidium quadrantē imo hunc dimidiū solum duret; quid erit si per quadrantem? quid si per duos quadrantes? quid si per horam? Ac licet proinde Paulus III. Pontifex in Bulla quadam quæ continetur in Bullario. 1. Parte. folio 471. prohibuerit, reum detineri in Tortura per longum spatium ut unius

horæ: nunc tamen mi iſſimi Judices (nam de ſeveriorib. ne loqui quidem lubet) tam minime hic peccare hodie timent, vt ad horam unam vel duas dimidias torquere plane ſolenne fecerint, adeo ut inſufficiens nominetur quæ id tempus non expleverit. ut infra dicam *Dub. 23.*

Quis hic ſuſſiſtet? quis non mori malit, & vel ſexcentis mendaciis tantas pœnas redimere? quod ſi aliquæ adhuc id tempus ſilentio transmittunt, nec mentiuntur, cauſa ſubest paucis cogitata ſed ut experientia multa didici veriffima, & notanda. Pleræque enim omnes apprehenſam hanc opinionem habent mortaliter peccare ac ſalvari nullatenus poſſe, qui tantum ſcelus quantum eſt magia in ſe innocens ſuſcepit, ideoque ne in animam ſuam ſic graviter peccent, adverſus intolerabiles pœnas totis viribus luſtantur, quibus tamen tandem vel ſic quoque cū extremam patientiam conſumpſerint ſuccumbunt: actum demum quod exiſtiment jam utiq; de æterna ſua ſalute eſſe actum, incredibile dictu eſt quāto mœrore in carcere ſe conſiciant, atq; etiam ſubinde deſperationi ſe tradant,

ſi nul-

si nullum inveniant qui erigat & erudiat. Coeterum quæ licere sibi putant cogentibus tormentis falso crimini se submittere non sustinent sane tantas pœnas, sed maturius occurrunt, & quælibet in se mentiuntur. Scio quid loquar & Confessarios omnes per viscera misericordiæ DEI nostri obtestor, eos se se præbeant spirituales, viros, humiles, mites, prudentes & simplices, quales suos debere omnes esse legifer noster dixit: deprehendent plurima quæ hactenus ignorant, unde & quod multis nunc indies contingit cohibebunt paulatim imperus suos & correctiore oculo notare incipient quam non temere suspicari voluerim ne non plurimus in Germania sanguis innocens sit fusus.

R A T. IX. Auger idem periculum quod etsi acerbissimæ torturæ sunt, tamen neq; Iudices quidem neq; alij multi eam acerbitatem apprehendunt. Non apprehendere autem colligo ex quadam valde ipsis usitata phrasi, cum dicunt, aliquas se reas esse falsas sine tortura. Nam ita ego met his meis auribus non semel & Iudices & vero etiam sacerdotes audiui affirman-

tes, atq; inde probantes eas igitur sine ullo dubio nocētes esse. mirum est quo tandem loquendi licentia egrediatur. Cum enim quærere deinde institui num sic haberet, intellexi eas omnino tortas fuisse: sed tantum prælo quodam ferreo & lato cujus lamina anterior acutis striis sulcata cum ob tibias, ubi acutissimus est sensus, vehementius urgetur, ac caro, exsiliante utrinq; sanguine, instar placentæ comprimitur, is necessario existit dolor, quem etiam robustissimi quicq; viri intolerabilem sibi vitum esse dicunt: Et hoc tamen isti affirmabant esse fateri sine tortura: hoc spargunt apud vulgum, hoc scribunt ad Principes non esse quod de crimine sagarum dubitent, cum & ultro plurimæ sine tortura fateantur. Et quid igitur illi apprehendunt. qui hos dolores non apprehendunt? quid judicant & resolvunt consulti Doctores, qui nondum Inquisitorum idioma seu phrasas intelligunt? Vbi jam autem quod docent omnes Criminalistæ vel ipsum metum torturæ æquivalere torturæ ac proinde neque hunc sine magnis indiciiis posse incuti? Quod si eo hodie ventum est ut nec ipsa

tortura, tortura sit, quid metus torturæ
erit.

R A T. X. Auget item periculum quod
expromimus hodie tormenta in quosvis
sine discrimine.

Qua in re vereor, ut severitate ipsos eth-
nicos videamur anteire velle, qui tamen
olim, & atrocissimis, continuisq; bellis, &
crudelissimis gladiatorum spectaculis, tru-
culentiam suam indies de industria acue-
bant. Nam apud eos quidem non nisi soli
servi tormentis rogabantur, illorum hæc
pœna tantum erat: & qui illi autem servi
erant? qui nequam? lege comicos, Tere-
ntium, Plautum, Poëtas cæteros, juve-
nes fuisse quendam quasi omnis insignitæ
Improbitalis florem, nequitiae spumam;
mendaciorum architectos, falsarios, perju-
ros ad fraudes & omne scelus ab unguicu-
lis eruditos, non nisi merissima verberum,
nervorum, flagellorum, fustium mancipia
ad omnem cujusvis doloris patientiam
assuetacta. In hos igitur duntaxat, tam a-
cerbas quæstiones exercebant, jam ante de
nequitia notos; in quibus etiam si erratum
fuisset facilius jactura erat; cum pœne ante

mortem meriti essent, non in cæteros incognitæ adhuc duritiæ & nequitia: quippe quos merito formidabant nimis facile etiam contra veritatem dolori cessuros. Sed nos modo post Christi legem paulo mitiores facti, transferimus eas in quoscunq; nulla nondum simili improbitate, & dolorum usu, ac sufferentia notos.

RATIO XI. Auget item periculum nequitia & libertas nimia carnificum. Putaram ego eam esse oportere iudiciorum sanctitatem & religionem, ut licetoribus ne quidem verbulum mutire liceret, sed ea tantum simpliciter exequi quæ juberetur: nunc ij quibusdam locis dominari mihi visi sunt, & pro suâ libitudine torquendi modum definire. Ipsi urgent, instant, rogant: verbis stimulant pendentes, intendant terribiles minas atroci voce ni fateantur; acerbant etiam tormenta atq; adeo intendunt ut impossibile sit tolerare. Hinc laudes quorundam licetorum & prærogativæ memorantur, quod nemo unus reus sub ipsis vocem non ruperit, & tales acceruntur cum alij defecere; ij palmam ferunt. Quos sane etsi neq; aviditas lucri, neq; in-

nata

nata scævitia extra metam rapere posse crederetur, nihilo adhuc tamen minus oblo-
lam qua laberant infamiam à quacunq; a-
gendi & loquendi libertate prohiberi o-
portuerat.

RATIO XII. Auget item periculum
quorundam Quæstitorum seu Judicum qui
tormentis præsent laxa conscientia, imo
intoleranda indignitas. Serio cavent ju-
ra ne de quoquam complice seu criminis
consorte nominatim quis in tormentis in-
terrogari debeat, verba sunt legis. i. ff. de
Quæstionibus.

*Qui quæstionem habiturus est, non debet spe-
cialiter interrogare an Lucius Tirtius homicidium
fecerit, sed generaliter quis id fecerit? Alterum
enim magis suggerentis quam requirentis vide-
tur, & ita Divus Trajanus rescripsit. Idem cau-
tum est in Constitutione pœnali Carolina
articulo. 13. ac nemini non recta ratio sic di-
ctat, quam & lex tangit, ideoq; & ad crimina
Excepta transit. Nihilominus non desunt
hoc tempore qui contrarium audeant, &
& velut in os indant reis quas accusent. In-
fero pro exemplo quod sequitur: *Anni
sunt aliquot cum in loco quodam Germania ubi
multa**

124 Dub. XX. Quid de torm. seu quest. sentiend.
multa ac severa in sagas animadversio erat, collo-
qui sic casu cæpi cum viro gravi, canâ & promissâ
barbâ locoq; inter suos honesto. Loquebamur au-
tem de sagarum suppliciis, earrumq; tum ingen-
ti frequentia; Quam quod ego admirari me dice-
rem, ingemiscens illæ: No verit, inquit, q humana
omnia tuetur DEVS, an & omnes quæ nunc qui-
dem pœnæ, culpæ etiam consortes sint. Nam &
ipse ego anno superiore iudiciis assedi: Sed ut de-
nique me inde deducerem conscientia persuasit
nec enim ferre admodum nec impedire poteram
austeritatem Iudicis: Ad quod ego: & quæ illa
inquam austeritas erat? ea inquit ipse, quam in
questionibus adhibebat: pendentibus enim reus &
de confessis, cum de aliis quoq; rogarentur, atq; illa
autem se constantissimè negarent aliam se ullam
nosse, tum ipse: an non igitur & Titiam
tu nosti inquit? annon in tripudiis vidisti?
ad quod si ausa quæ esset respondere, se vero
nihil penitus de eâ malè scire; tum ille mox
ad Carnificem conversus: Trahe inquit li-
ctor tende fidiculas. Quo trahente, cum illa
obruta dolore exclamaret, imo, imo, remitte li-
ctor, novi, novi Titiam & vidi, non negabo,
referebatur denunciatio hac in acta; ac deinde
mox eodem modo de Sempronia quoq; rogabat;
de qua-

*de quasi item initia negaretur, monebat propere
lictores ut attraheret, dum & Sempronia esse rea
diceretur; atq; ita consequenter de aliis, donec
minimum tres aut quatuor cujusvis quantum-
vis reluctanti exsculpsisset. Nescio quid dicam.
hac tamen mihi senex ille ut verissima referebat.
Judicet nunc lector, si ita agitur unde tan-
tus sit nobis in Germania numerus saga-
rum: Judicet quam absurde & imperite
censeam morale & frequens periculum in-
nocentibus per tormenta supetduci? Væ
autem iterum Principibus qui in sagas a-
criter inquiri volunt nec majori diligentia
Judiciis prospiciunt! Vix hac scripseram
cum supervenit amicus quidam meus cui cum
sciscitanti quid meditarer repeterem quod scripsi,
intuens me ille ac non modeste arridens: quin tu,
inquit, exemplum hoc quod narras quantocius
expungis? non opus jam exemplis est in re
quotidianâ & tam vulgari: non hoc unus
ille Judex quem dixisti, sed plures hodie fa-
ciunt: est hæc praxis admodum usitata &
frequens, ipse interfui, vidi, atq; his auri-
bus audiui. Adeo ut in loco quodam nuper
cum Jurisperiti quidam eo coëgissent In-
quisitorem in illis partibus scævientem, ut
ne ibi*

ne ibi in uillum complicem nominatim inquireret, nec an in hac, aut ista domo aut platea, aut tribu quis nocens esset, non parum triumpharint, tanquam optime de popularibus suis meriti; cum in aliis locis, ubi contradictores non inueniret eo quo dixi modo scire pergeret.

Quid hic dicam? vix iterum principibus. Potestne autem sine gravi admodum culpâ ignorare hæc is, qui vel maxime scire debet, cum & ego non nesciam cui nescire licuit? Sed quid volumus? Consiliarij eorum & Confessarij tacent æque omnium quæ geruntur nescij; unde nec conscientiam suam nec alienam movent.

Iraque ut deinde ipse quoq; observare cœpi, communis hæc est multorum quæditorum praxis ut seu circa complices seu circa scelera admissa, seu circa loca & tempora tripudiorum, seu circa alias circumstantias quæseunque nominatim aut quasi nominatim in os indant reis quid respondeant, quæ omnia cum sic pluribus eadem suggererint, mirifice deinde venditant apud Principes aliosve, quod tam multæ in iisdem plane punctis accuratè con-

convenerint. Quæ hæc autem cæcitas Germaniæ est? An existimant magistratus se absque gravissimis peccatis dissimulare hæc delicta quæditorum tam periculosa innocentibus posse? Et tamen nuper Prælatus quidam Ecclesiæ non dissimilem quærendi modum approbabat; dum annueret non sibi displicere quod malevolus Inquisitor quidam mulierculas suas rogitaſſet, nullum ne etiam Parochum seu Ecclesiasticum in conventibus vidissent? Præclara sane ratio! quasi non hac via quis tandem hominum ordo in periculum deduci suggestionem possit? ut profecto egregiè deinde vir magnus cum hæc audivisset, ita responderit: Diceretur Prælato isti rogandas potius mulierculas videri, nunquid visi quoque sint Ecclesiæ Prælati, & si negent tam diu cædendas esse, dum affirmant &c. quippe cum non minus eorum aliquem quam quemvis alium nominaturæ sint si modo nec quæditor suggestionem, nec listor fidiculis parcat. Et hujusmodi Doctores Principes consulunt, horum spiritus & imperitiam Respublica pati debet. Prudenter vero providit Prin.

Princeps ille qui nuper Inquisitori cuidam suo expresse rescripsit, ne de Ecclesiasticis vel in genere vel in specie dicto modo rogaret. Doleo tamē non parum quod ignoret, id eum Inquisitorem ex eo tempore minimē observare: sicut enim existimo, in his causis tanti momenti non satisfacere conscientiae suae Principem, si quid rectē mandet, nisi etiam ad executionem eorum quae rectē mandata sunt advigilet. Quare si etiam pietissimus Princeps Inquisitori saeculari addat non neminem virum Ecclesiasticum, qui cum auctoritate attendat, ne quid incautius in eum ordinem impingatur; Videndum id sane erit, quod multos audio vociferantes, ne is vel cognatione, vel & moribus ac truculentia saeculari iudici jungatur, quiq; vel superbus esse audiat, vel avarus, vel imperitus. Praestet fortasse syndicos habere occultos, uti supra dixi *dub. 15. in fine*. Interim non parum placet ingeniosum illius Inquisitoris inventum de quo nuper audiebam cum in loco quodam capere & torquere incepisset, primum omnium rogavisse num qui ē senatu in conventibus comparuissent? ut

vide:
de iur.

videlicet primoribus illius loci primum
sublatis tanto deinde facilius in cæterum
gregem lanienam immitteret.

RATIO XIII. Auget item pericu-
lum quod in jam dicta suggerendi indu-
stria non modo quæsitores versati sint
verum etiam ipsi adeo lictores egregiè
profeceſerint; tanto majore artis successu;
quanto minus id notum Inquisitoribus est;
sitamen semper est ignotum: Nam licto-
res quidam cum reas simpliciores ad tor-
menta præparant; prius instruunt quas
audacter complices edicant, ajunt talem &
talem ter quater &c. denunciatum ab aliis
esse; caveant ne tergiversentur & de-
nunciare detrectent, de quibus tamen jam
satis constet & quæ nihilominus non eva-
dant; sequantur consilium suum se cle-
mentem eis fore: Hæc illi: sed & suggerunt
iniqui nebulones quid aliæ de ipsis quoq;
talla sint, ut discant quid de se fateri ha-
beant si tormentis superentur. Unde fit
ut cum deinde eadem de se fateantur cum
isdem circumstantiis quæ aliæ de ipsis
prius sunt confessæ mirifice triumphent
quæsitores & in protocollis eximie notent,
K quasi

quasi certissimo jam ipsam manibus veritatem teneant; quippe quod alioqui sic exacte congruere accusatæ cum accusantibus non potuissent, nec animadvertunt ingeniosissimi homines lictorum fraudem, quam vel ego non nimis miris industriis vestigare potui. Ita qui occultissimum, ut vocant, sagarum crimen in lucem jactant producere, crassissimam suorum lictorum nequitiam latere patiuntur. Discant hinc Principes quæ vis insit illi phrasi, cum ajunt: Titiam ultro in eadem puncta incidisse quæ de ipsa aliæ denunciarant.

RATIO XIV. Auget item periculum quod si semel vel unica tantum vere innocens vi tormentorum superata ream se criminis ac flammæ fecerit, continuo innumeras quoque alias innocentes in eundem reatum pertrahi necesse sit. Id quod sic ostendo: Gaja innocens mentita est se sagam esse: mox ergo postulabitur socias ut prodatur: si habuisse neget, fides abnuetur, tollitur in questionem, in qua si se semet ante servare non potuit, nec deinde alias servabit: *facile enim* ut ait Paulus Juris Consultus lib. 5. sent. tit. 12. *alienam salutem in dubium*

}

dedu-

deducet qui de sua desperavit. Accusabit igitur quas nescit, atq; eas imprimis quas meminert infames audivisse : quas proinde si ut fieri non semel vidi ob unam hanc denunciationem cum infamia conjunctam in carcerem ac tormenta ambulare oportuerit, ac deinde rursum harum quoq; singulæ subjectæ pœnis suas item complices effari cœperint, quis non videt intra brevissimum tempus futurum, ut denunciantium & denunciatarum finis vix sit inveniendus : præsertim si terocior sit Judex & eorum autorum sequatur sententiam qui vel unicam vel plures aliquot complicum denunciations nullis aliis indiciis comitatas ad torturam imo & condemnationem valere volunt in criminibus Exceptis. Punctum hoc cum attentius considero, nō semel ad insignem Germaniæ cœcitatem attremui. Consideret quoq; lector & dubitabit non nemo in tota hac materia sagarum quid credat, & an omnino quidquam credat. Itaq; cogentibus tormentis incredibile dictu est quanta de se ipsis, quanta de aliis mentiantur : quicquid tandem verum esse tortoribus placuit id est verum : ad

omnia annuunt torturæ; & cum deinde revocare non audeant, morte omnia obfignantur. Scio quid loquar & ad Judicium illud provoco quod vivi mortuiq; præstolantur; in quo admiranda patefient quæ nunc involuta tenebris sunt. Id ex animo pronuncio, nescire me à multo tempore, quid Authoribus iis, quos ante hac proluciente curiositate lectitare & æstimare solebam, Remigio, Binsfeldio, Delrio ac cæteris in ulla re fidei possim adjungere; omnis fere eorum de sagis doctrina non alij imposita fundamento sit, quam vel narrationibus quibusdam, vel confessionibus per torturas expressis. Novit Deus, quot gemitus ex imo corde deductos effunderim cum hæc mecum etiam noctibus per sæpe vigilans attenderem, nec tamen modus occurreret quo tantisper sistere liceret opinionum vulgarium torrentem, dum absq; præjudicio & depravato affectu rem altius repetere hominibus luberet.

RATIO XV. Auget item periculum quod si qua semel dolori dedit ut rea esset, jam omnem sibi viam ad salutem occluserit, nec spes ulla reliqua sit suscepti semel cri-

mel criminis excutiendi. Negotium periculofum !

Nam fi poſt tormenta ſe corrigat ac dicat vi doloris non veritatis laxaſſe linguam, repetetur in quaſtionem : in qua ſi paulo prius tenere vocem non potuit, nec nunc tenebit, irritato per iterationem poenae doloris ſenſu. Ac ſi poſt torturam hanc ſecundam iterum ſe corrigat, ſane tertiam experietur ultra quam etſi negent autores boni Petrus Gregorius Thololanus, Gomezius, Leſſius, Delrius, & alij plurimi ab hoc citati *lib. 5. ſect. 9.* procedi oportere, atque ita tum demum revocationi ad abſolutionem eſſe locum : tamen ne id quidem ſatis juverit cum imprimis vix reperientur quæ non mori malint quam ad quaſtionem tertiam pervenire, deinde autem & autores alij ferociores non deſint, qui etiam ultra tertiam vicem in atrocibus criminibus eundem eſſe putent : quorum proinde opinionem ſeveri iudices ſequetur. Quod ſi vero etiam adductæ tandem reæ in ſupplicij locum cum à tormentis non habent metuere jam flammas intraturæ revocent audacter quæ ſunt doloris coactione con-

134 Dub. XX. *Quid de Torm. seu quest. sentiend.*
fessæ; ne id quidem quicquam habet ad
salutem momenti. Contemnunt enim
Judices & ei potius insistant Confessione
quæ judicialis fuit in tormentis facta; ut hæc
ultima ante mortem revocatio omnino
frustra suscipiatur: proindeq; verum ma-
neat quod dixi, præcisam omnem esse
ipem correctionis ubi semel in tormentis
lapsu linguæ suscepta culpa est.

R A T. XVI. Auger item periculum
quod si quæ è contrario dolori nil dedit ut
fateri voluerit, nihilominus nec sic eripere
se possit & ab asperso crimine purgare. To-
ties enim ad tormenta revocabitur dum
succumbat & vox veniat in potestatem tam
frequentium poenarum. Erat aliquid si
post unam quæstionis procellam constan-
ter elisam in tuto salutem statuere liceret.
Nunc illa repetitio & frequentatio fidicu-
larum, virgarum, faecularum &c. passim
usitata ipem omnem interficit unquam e-
mergendi. Qua quidem in re aut vehemē-
ter cum pientissimis multis viris deliro, aut
videre sane nequeo quo tandem modo suf-
ficienter innocentibus à periculo sit cau-
tum, quin innumerabiles & perierint ha-
ætenu

atenus, & impolterum peritura sint. Rectissime nuper religiosus quidam vir ingenio perspicaci cum apud judiciales quasdam personas de hoc argumento esset sermo, quaestionem eis hanc sub finem proposuit: doceri se cupere quis tandem ille esset modus quo is posset uti ut se liberaret, qui vere innocens in vincula venisset? ad quod cum diu non satisfacerent nec is tamen premere desisteret, id tandem responderunt se ea nocte desuper meditaturos esse. Ecce autem hi tales cum jam tot ante pyras incendiissent, ita adhuc eatenus processerant, ut neque in illum diem modum assignare sufficientem possent, quo qui vere innocens fuisset se eripere ex eorum manibus potuisset. Ego eandem quaestionem Magistratibus Germaniae propono. Et si quis erit qui putet se eum modum invenisse: jam hoc ipso ostendet nescire se quid gerat; et si nesciat, in periculo salutis suae esse, cum scire deberet, legat quae adhuc deinceps dicemus, & tamen omnia dicere adhuc nondum nobis expedit, cum ea tempora sint quae non ferant. Et quid miramur si omnia sunt sagis plena? Miremur insignem Germaniae caecitatem, & stuporem etiam peritorum:

136 Dub. XX. *Quid de Torm. seu quæst. sentiend.*
sed hi nimirum quieti & lautitiis affluenti ac
post fornacem commentari soliti, cum nec
speciem quidem ullam doloris concepe-
rint animo, non secus de reorum tormen-
tis sentire ac loqui solent, actam liberaliter
ea decernere, quam si cæcus de coloribus
differat, quorum imaginem non habet;
Dici de iis non incongrue potest quod ha-
bet scriptura, Amos cap. 6. *bibentes vinum
in phialis, & optimo unguento delibuti, & nihil
patiebantur super contritione Ioseph.* Qui si
deinde ipsi tormentis vel per quadrantem
horæ admoverentur omnem subito sa-
pientiam suam & Philosophiam tam ma-
gnificam in terram excuterent: neq; enim
non plane infantiliter de rebus quas ne-
sciunt philosophantur.

Unde & concludam omnino sentio
cum ornatissimo quodam viro & amico
meo, qui sic loqui solet lepide & vere: Quid
inquit, tam sollicitè maleficos quærimus?
Heus inquit Iudices ostendam exemplo
ubi sint: Agite, rapite Cappucinos, Jesui-
tas, Religiosos omnes & torquete, fate-
buntur: si qui negant, repetite ter quater,
fatebuntur: si adhuc obstinati sunt exorci-
late,

fate, detondete: utuntur maleficio, obdu-
rat eos Dæmon, vos procedite; tandem
dabunt manus. Tum si plures multis, rapi-
te Ecclesiæ prælatos, Canonicos, Docto-
res; fatebuntur Nam quid miseri illi & de-
licati, quî subsistent? Quod si adhuc plu-
res vultis; vos ipsos ego torsero, & me vos
deinde; non diffitebor quod vos facti eritis;
sic omnes magi sumus. Nam scilicet nos
ij erimus qui tot pœnis toties repetitis vo-
cem subtrahere possimus fortes & con-
stantes viri; sic ille.

*DICES. Imo falsum est quod de repetitio-
ne pœnarum dicitur: neq. enim repeti tormenta;
leges volunt nisi nova eaq. urgentissima indicia,
asserantur.*

*R. De eo loquor non quod leges volunt aut
quod ratio præscribit, sed quod nunc passim lu-
dices usurpant. Alia in speculatione vera sunt,
alia in re ipsa facta sunt. Id declarare vero si idem
argumentum à nova questione latius per-
secutus fuero. Quaratur igitur.*

DUBIUM XXI.

*An accusata Veneficiij sæpius
torqueri possit.*

Distinguenda quæstio est ut hæc duo
quæri intelligantur.

*I. An iterum torqueri possit, quæ semel
torta & confessa est, post autem revo-
cat confessionem.*

*II. An iterum torqueri possit, quæ semel
torta sed confessa non est dicam de u-
troque. Itaque:*

R E S P O N D E O I. *Si quæ semel torta
confessa de se crimen est, post autem revocat, vo-
lunt repeti in torturam posse et si nova indicia non
supervenerint: de q³ hac repetitione loqui intel-
ligenda est lex 16 ff. de quæst. cum sic ait: repeti
posse quæstionem Divi Fratres rescripserunt.
Et ratio est, quia imprimis prior confessio in tor-
mentis facta est loco semiplenæ probationis & fu-
cit indicium sufficiens, ut habet VVesenbergius
hoc loco. deinde per talem revocationem indicia
priora infirmata non sunt: deniq³ si non posset re-
peti, totum hoc remedium, ait Lessius esset sine
ullo*

ullo effectu: nam nemo ratificaret suam confessionem, si putaret in se non posse amplius quaestionem exerceri. Atq; ita (ut loquitur Marsilius cuius phrasi delector) furcastaret in viduitate & delicta remanerent impunita. advertendum tamen, quod paullo ante monui, non ultra tertiam torturam in actu tam odioso procedendum esse: quod sentiunt communiter Doctores, ut vides apud Delrium lib. 5. Sect. 9. & Farinacium quaest. 38. num. 96. Vbi iudices qui ultra trinam vicem procedunt, vocat carnifices. Ego vero omnino existimo qui in tortura secunda rursus confessus post eam rursus negat, ne quidem ad tertiam revocandum sed dimittendum esse. Prohibeat DEVS ut qui comprehenderim quis & quantus sit tortura dolor, aliter sentiam: vereor sanè, ut omnes illi olim iudicium sine misericordia in morte experiantur qui tam saevi & immites in iis sunt pœnis decernendis, quas si sola imaginatione rectè expressas nossent, non sustinerent vel bruto animanti inferri, quin compaterentur. Nemo certè omnium nobilium Germania est, qui venaticum suum canem sic laniari perferre posset. Ut homo igitur toties laceretur quis feret?

RESPONDEO. II. Si qua semel tortura sed confessa non est, non potest iterum torqueri,
nisi

nisi nova rursum eaq³ argentiissima indicia proferantur. Ita Clarus, Menochius, Gregorius, Tholosanus, Farinacius, Dinus, Albericus, Villabodius, Sylvester, Azor, Lessius & alij communiter Iurisconsulti ac Theologi. Colligitur autem ex lege unius 18. ff. de quæst. ubi sic habetur: Reus evidentiorib. argumentis oppressus repeti in quæstionem potest, maximè si in tormenta animum corpusque duraverit. nota verba argumentis evidentioribus, ut maiora intelligamus requiri quam quæ ad quæstionem primam sufficere. Vnde rectè Delrius lib. 5. Sect. 9. Nunquam est inquit iteranda tortura nisi superveniant indicia nova & diversi generis & prioribus evidentiora & nisi reus sit adeo fortis & robustus ut animo & corpore in priora tortura perduraverit. Sic ille: omninò ad mentem legis. Et ratio manifesta est, nam indicia priora contra ream allata, quantumvis gravia per torturam primam sufficienter elisa sunt everuata & destructa, ut proinde ream tanquam legitimè exculpata, ac purgata absolvi debeat. Imo verior & communior sententia est, per sufficientem torturam purgari etiam probationes plenas, ut contra nonnullos fusè docet Prosper. Farinacius Prax. Crim. lib. 1. tit. 5. q. 40.

sequi-

sequitur Delrius lib. 5. Sect. II. Tannerius & alij &c. Vnde non poterit rea ad torturam revocari, nisi vel alia afferantur nova indicia, quibus denuo in novam criminis suspicionem vocetur, vel dicatur torturam cuiq; sine causa inferri posse, quod inauditum est, & omni aequitati contrarium. Quod autem nova hac indicia ad torturam alteram evidentiora prioribus quae erant ad torturam primam lex esse velit, planè secundum rationem statuitur: Nam cum quis accusatus argumenta quibus petebatur accurate semel evitavit, tum autem aliis petatur, ab novo, ita comparatum natura est, ut validiora ferè expectemus quam priora fuere. Deinde vero cum tortura altera necessario multò sit acerbior atq; illa prima fuerit, ad quam animus adhuc erectus & infracta vires adhuc allatae sunt; postulat sanè recta ratio, ut ad eam tanto graviolem non nisi tanto quoque gravioribus de causis accedatur. Fiat igitur quod lex dicit, id est repeti in questionem reus possit; sed cum eo ut argumentis evidentioribus oppressus sit id est novis indicis adhuc validioribus, quam priora fuerint, conclusus. Imo addendum est quod docet Farinacius lib. 5. q. 38. n. 77. secutus Paridem de puteo, Angelam, Marsilium, Aymonem, Blanchum, Carrerium, Guidonem

nem de Suzzania, Bossum, Clarum, Menochium, Francisc. Personalem, Bertazzium, & alios indicia hac non solum debere esse prioribus fortiora, sed etiam diversi generis, id est quæ ab aliis differant specie & substantia. Verbi gratia inquit, prima indicia respiciebant malam famam inquisiti, vel ejusdem inimicitiam cum occiso, & ex illis ipse reus fuit tortus & nihil factus est supervenit postea testis, qui deponit se vidisse eundem reum vulnerare, vel vidit eundem cum gladio evaginato: talia dicuntur nova indicia, quia differunt à primis specie vel substantia: Verum si prius habuit reus contra se indicium famæ probatæ per aliquos testes, & ex illis tortus perstiterit non potest amplius repeti, licet superveniant alij testes eandem famam probantes: tales enim testes non inducunt novum indicium sed novam probationem veteris indicij. Sic ille: Qua quidem etsi ita sint non solum legibus sed & rectissimæ rationi consentanea, atq; eam ob rem in criminibus omnibus etiam Exceptis retinenda. Nihilominus ut sunt laxa & immites multorum conscientia parum de futuro alterius quoq; vita judicio sollicita longè aliter in Praxi observari solet ut agnoscit

scit etiam Farinacius ibid. num. 76. & ante eum
 Clarus lib. 5. q. 64. & ibid. Bramus ab eo citatus,
 qui non solum sic vidisse sed & se fecisse malè ac
 minus luridice fatetur: causas dubio sequenti ve-
 stigabo. Interim monere hic serio hujusmodi Iu-
 dues opera pretium erit, si quis fortè lecturus est,
 qui vigilante adhuc conscientia fruatur. fieri id
 non posse absq̃ gravissimo peccato. Ratio est, quia
 sine caussa ut jam dixi infertur corpori proximi
 malum gravissimum. Itaq̃ si nemo non Theolo-
 gorum sentiet eum peccaturum esse mortaliter,
 qui sex septem vulnera etiam non lethalia dum
 alias ea sint, qua ingentem corpori dolorem im-
 ponant, in caput ac brachia Titij sine caussa di-
 spergit gladio sive fuste, peccabit utiq̃ & multo
 quidem gravius, qui in eundem Titium item sine
 caussa ea tormenta explicet qua si vel dimidio ho-
 ra quadrante subeantur, eum pariant dolorem,
 quem dolor vulnorum viginti quinq̃ non aquet.
 quod si item dicent peccaturum mortaliter, qui al-
 teri sine caussa utramq̃ manum abscindant, pec-
 cabit utiq̃ & qui alterum sine caussa tortura sub-
 jiciat, cum hanc graviores penam esse, quam
 utriusq̃ manus abscissionem ex communi sen-
 tentia Doctorem affirmet Farinacius quæst. 42.
 num. 14.

Qua

Qua cum ita sint, mirari sæpè subit quid multis adeo inclementibus esse libido sit, ut tam minime in torquendo vel alieno corpori vel sua conscientia parcant? sanè quidem si peccare mihi libeat, & omnino animo conclusum sit, quod avertat DEVS, ad gehennam proficisci, nolim tamen itinere tam insuavi, sed non paullo jucundiore via.

DICES, si sic subito se exemit, quæ unis tormentis infamiam & indicia absterfit, paucissimas nos Sagas ureremus, procedere non possemus.

R. Ita mihi non infrequentes hæ voces audiuntur, ut quotiescunq; hætenus modestissime monere plures soleo de diligentia & attentione procedendi toties non alio uno argumento sibi securitatem, mihi silentium imperent, quam quod negent, nisi ita faciant procedere se posse. Gaudeo vero cum eos formant in rem suam discursus, quos refellere non possum, neq; enim possum. Lector meus si ita ei placeat & iudicio non parum valet is refellat: sic enim mihi dicere videntur nisi ea facimus quæ cum ratione & aequitate ac legibus non consentiunt, id est nisi gravissime peccemus & eos qui se purgarunt ad nova tormenta sine nova causa ducamus nos Sagas non habemus, pyras quas exstruere non possumus, exstruenda

exstruenda tamen pyra sunt, & habenda saga,
undecunq, quarumvis legum ingratis accersan-
tur. Præclara sane sententia? qua ingentem hunc
sagarum numerum quem cum piis & religiosis
multis viris non audebam sine notâ exotici sensus
palam proloqui, manifesto calculo nobis addicit.
Et ecce Germania tot Sagarum Mater quid mi-
rum si præ mærore oculos efflevit, ne videre possit?
O cecitas nostra gentis? Ecce ipsimet Iudices cla-
re clamant: servetur æquitas, sequamur ratio-
nem; & Sagas non comburemus. Non ego quid
contradicam scio; concedo enim: respondere non
possum, itaq, non jam miror, consideratissimum
Tannerum, quod cum in suo commentario de sa-
gis dubio 5. modos collegisset eas efficaciter extir-
pandi inter ceteros hunc quoq, prudentissimè an-
notarit num. 131. Ut processus non nimis
diu prorogentur, sed servatâ Juris formâ
matùrius expediantur, vel damnatis reis &
confessis vel dimissis si qui per torturam in-
dicia purgarint. Sed quid prodest hæc editis
commentariis monuisse? pergent nihilominus
Iudices ut cæperunt nam causas suas habent quæ
sequenti dubio dicentur.



D U B I U M XXII.

Cur multi Iudices hoc tempore ægré reas absolvant etsi se in tortura purgarint.

RESPONDEO. Nondum sæpe vidi, etsi multis in locis sæpissime videre poteram dimissam qua in prima tortura inficiando culpā, se purgasset. Ægerrime ac vix sane absolvuntur, quæ semel in carcerem receptæ sunt; & videri poterat justitiæ hic Zelus esse & quidam velut ardens virtutis. Sed absit ut tam immoderatum quid virtus habeat, quæ non nisi inter eam lineam quam lex & ratio direxit exercere vim suam solet. Mihi ista potius videntur esse.

P R I M O Per fas & nefas habere volunt quas comburant ut precedenti dubio jam dixi: qui nescio quis cæcus impetus sit, & seu illi seu magistratus culpam habeant.

S E C V N D O Accedit quoq; quod ignominia sibi fore fingunt, si facile dimittant, tanquam precipites fuerint in ea capienda & torquenda quæ mox innocens inventa sit. Inlero quod vidi ante annos duos. Eram in loco, ubi initium dabatur inquisitioni sagarum. Prima omnium Gaja, quod in pago suo au-

direct

direr male, ob hoc unum capta est, ob idem torta est. Hæc in tormentis Titiam defert, ut consortem, tantumq; valet unica delatio, ut & Titia capiatur, & in æquuleum tradatur: Hunc illa superat & constanter se ream negat. Interim Gaia ad pyram educitur, ubi admodum pœnitens, & ad mortem iudicio confessarij optime comparata revocat delationem Titiaë tanquam fallam, & vi tormentorum expressam, male se fecisse deferendo innocentem, nunc adeo paratam esse morte sua obsignare se de Titia nihil mali scire, cum iis verbis in flammam intravit. Nihil tum erat causæ, quin Titiam dimitti conveniret, quam nec capere quidem oportuisset dimissa tamen non fuit: obstabat enim quod dixi: mussitabant inter se iudiciales personæ levitatis se notam contrahituros, si sic Titia ad libertatem recurreret. *Vah quam res indigna, parumq; Christiana, omni æquitati adversa!*

TERTIO Licetor quoq; dedecus veretur tanquam arte sua ac tormentis imperitè functus. cum imbelli fœmina confessionem non abstulit.

QUARTO Miscet se amor lucri, si inca-

48 Dub. XXII. Cur multi lud. hoc temp. agere & i-
pita plectendorum constituta pecunia est, quam
nolint, imminutum iri. Enim vero non omnes san-
cti sumus, aut ita aq. à continentia instructi, quin
subinde auri & argenti fulgor oculis obcludat. Itaq.
quod non semel audiui & indolui, quarunt omni-
bus modis ut rea sit quam esse volunt, compin-
gunt in arctiora vincula, macerant squalore car-
ceris, domant frigore & aestu, submitunt sacer-
dotes, quales supra descripsi, impetuosos, seu im-
peritos, seu olim medicabula, nunc inquisitorum
servos, retrahunt in nova ac nova tormenta, ac
deniq. eo usq. vexant, & affligunt dum tot mise-
riis confectam tandē ad confessionem seu veram
seu mendacem impellant. Neq. enim desunt in-
venta pulcherrima & expedita ad repetendas
quaestiones, & conscientiae lumen tantisper obrue-
dum, etsi nova indicia non reperiantur, ut jam
dicam. Labet enim, ne de lenitate mea nimia at-
que inscitiā rerum criminalium me pudefaciant,
accedere paulisper ad eorum partes, & vel instrue-
re minus eruditos, quibus inventis facere
liceat quod lubet.

Quo prætextu obtineri posse
videatur ut liceat tormenta repetere
sine novis indiciiis.

RESPONDEO. Non unus prætextus est,
quo Iudices laxioris conscientia uti possint,
& nunc strenuè passim solet.

PRAETEXTVS I. Bartolus Iurisconsul-
tus in lege unius ff. de quaestione. vult esse po-
situm in arbitrio iudicis, an repeti in Equuleum
possit qui in prima quaestione nihil est fassus. Idem
sentit Baldus in l. 2. num. 10. ad finem, C.
quod metus causa. Idem Paris de puteo, Mar-
filius, Cataldus, Menochius & alij relati à Cla-
ro & Farinacio q. 38. num. 87. Recte & egregie
plane ad Iudicum mentem: dicent enim se sequi
sententiam Bartoli & Baldi aliorumq; citatorum,
& ubi ipsis lubebit, arbitrabuntur repeti oportere.
Quod si dicas arbitrium Iudicis debere nihilo-
minus secundum jura regulari, ut bene obser-
vant Doctores; respondebunt illi in exceptis cri-
minibus licere jura transgredi: Ita liberrima
semper arbitria futura sunt, nec quisquam un-
quam quantumcunq; exerraverit conveniri po-
terit ac puniri.

PRAETEXTVS II. Docent alij repe-
titum

150 Dub. XXIII. Quo prae. obti. posse vid. ut
tunc posse, cum tortura prima sufficiens non
fuit Ita Clarus lib 5. q. 64. Qua autem suffi-
ciens estimanda sit, pendet à ludicis arbitrio, in-
quit Delrius l. 5. sect. 9. Damhauderus praxi
criminali cap. 38. & alij passim, & hoc calu-
solent Iudices verba sunt Iulij Clar loco cit:
quando jubent reum deponi à primâ tor-
turâ scribi facere quod illum deponi ju-
beant animo repetendi &c.

Rectissime & hoc pro laxis illis militabit: di-
cent enim cum ita volent priorem torturam suf-
ficientem non fuisse; sic quippe omnem eam ap-
pellabunt, quae reo vocem nondum extorsit, eritq;
hic calumnia struenda quasi locus communis. Ita-
que torqueatur reus: si confitetur bene est: si non
confitetur, in sufficiens tortura fuit, cras repeta-
tur, si nec tunc fatetur, adhuc insufficiens tortura
fuit: procedamus.

PRAETEXTVS III. Similis est item
repetenda tortura color, quem suggerit, Bartolus
in l. unius ff. de quaestionibus dum ait, eam le-
gem ut & l. repeti, ff. eodem titu. sic intelligi &
practicari, quod non possint repeti tormenta si
indicia fuerint infirmiora; possint autem si fue-
rint valde firma & multum urgentia: atq; de hac
Bartoli explicatione ait Farinacius quaestion.
38. num.

38. num. 79. eum magistraliter locutum esse, sequunturq. Barzolum Paris de Puteo, Marsilius Bossus, & alij à Farinacio citati, contra Boërium & ut ait velle Carrerium, contra magis communem Doctorum opinionem. Quicquid sit, in signis sic est color: nam impofterum pro suo quisq. cerebro indicis suis quodcunq. volet pondus adiunct aut addet, & si repetere tormenta lubeat, dicet indicia sua plurimum urgere, & minime infirma esse.

PRAETEXTVS IV. Iuvabit quoq. quod sequitur; sic enim hodie probi Iudices existimant licere sibi torturam in hoc crimine utpote atroci ad horam unam aut etiam quinq. quadrantes extendere, cum & sic doceat Farinacius quæst. 38. num. 54. contra generalem prohibitionem Pauli I II. & ut mihi videtur contra seu naturalis seu saltem Christiana humanitatis legem ut supra dixi, dub. 19. ratione 7. sed tamen sic mites illi putant. Itaq. ut id tempus tanta fructuosius collocent, dividunt in duas tres partes ac diebus diversis torquent.

Sic enim ratiocinantur; licere sibi sumere tempus hora, licere igitur eam horam in partes discindere. Praclarus color! nec advertunt ut etiam concedam antecedens (quod tamen nun-

152 Dub. XXIII. Quo prae. obt. posse videat, ut
quā concesserim) non tamen nisi crudeliter infer-
ri consequentiam posse : nam incredibiliter am-
plius ita distracta quam continuata tortura affli-
git. Refrigerato enim corpore, atq; animo insuper
per noctem fracto ac per iter fracto imaginatione
nova sequentis diei pœna, quis neget insignem
cumulum ad permissam pœnam adjectum iri? qui
certe tam notabilis excessus non potest sine pecca-
to gravissimo decerni ob causam datam supra
dub. 21.

PRAETEXTVS V. Inuabit vehemen-
ter praecedentem prae-textum autoritas Iacobi
Sprengeri & Henrici Institoris auctorum Malles
maleficarum, qui haeretica prauitatis inquisitores
à sede Apostolica quondam in Germaniam mis-
si fuerunt. Nam hi expressè docent, saepius tor-
queri posse non fatentem per modum non quidem
repetitionis sed continuationis. Verba eo-
rum ita habent parte 3. quaest. 14. pagina 513.
Quod si nec poterit reus ad terrorem vel
etiam veritatem induci, tum pro secunda
aut tertia die quaestionandum erit, ad con-
tinuandum tormenta, non iterandum,
(quia iterari non debent, nisi nova super-
venissent indicia) & tunc feretur coram eo
sententia in modum qui sequitur. Et nos
prae-

præfati Iudex assignamus tibi tali diem talem ad quæstiones continuandum ut tuo proprio ore veritas audiatur : sic illi nimis quam præclare. Quis jam iudicium malevolarum, non apertum habet ostium faciendi quod velit ? non repetemus, inquit, torturam : absit sane ut id sine novis maximisq. indicis faciamus, continuabimus solum alio die dum veritas elucescat : scimus repeti non posse, est id contra leges ac rationem ; nolimus tam esse inhumani & crudeles, continuabimus duntaxat, continuari enim posse didicimus ; & auctores sequimur viros in hac materia versatos, Inquisitorum munere per Germaniam functos, Theologos, & religiosos : sic illi igitur tuebuntur. Nescio quid dicam, itane viros religiosos ac sacerdotes loqui posse & ludere in re tam acerba.

Irreligiosa hac mihi crudelitas videtur ; & veteri incipio, imo sæpe ante sum veritus, ne prædicti Inquisitores omnem hanc sagarum multitudinem primum in Germaniam importarint, torturis suis tam indiscretis ; imo, inquam verissime discretis & divisis.

PRAETEXTVS VI. Sunt quidam qui docent, quod si reus tot delicta commisisset ut uno die examen absolvi non posset, posse eum ultra

154 Dub. XXIV. Quomodo Iudex scrupul. qui
tres vices torqueri, adeo ut si quis de quinq; di-
versis criminibus foret delatus, & ex indicio
gratuitus suspectus, & de tribus tantum delictis
tres tortura & examina consumpta, de reliquis
toties torquendus sit, donec examen de iis fuerit
perfectum & absolutum: sicut reus sufficienter
hoc est bis aut ter tortus atq; contra se crimen con-
fessus, quarto aut quinto torqueri potest ad dete-
gendum socios: quia ratione sociorum nunquam
fuit tortus. sic ait Tannerus docere Delrium lib.
5. appendice 2. quæst. 34. Non habeo appendi-
cem illam Delrij ut videre possim: si ita est, quid
obsecro fiet in crimine Magia ubi tot crimina so-
lent esse connexa; quanta via aperta Iudicibus e-
rit ad torturas multiplicandas? Prohibeat Deus
quæ hac immanitas futura est. Denique id ex di-
ctis clarum est, sub specie Iustitiæ eam esse Inqui-
sitoribus potestatem repetendi tormenta, ut nul-
lum non hominum genus quod sub tormanta mori
do venire potuerit magia lue infectissi-
mum sit.

DUBIUM XXIV.

Quomodo Judex scrupulosus,
qui sine novis indiciis torquere non
audeat, facile nova indicia re-
periat.

RESPONDEO Suggesteram superiore
dubio non malos pratextus quibus Iudices
uti possent, si repetere torturam sine novis indi-
ciis liberet, nunc tamen quia aliqui fortassis scru-
pulosiores, ne sic quidem satis conscientia clamo-
rem compescerent, sed omnino vererentur sine
novis indiciis eas pœnas repetere, maxime ter-
quater & quinquies; iis quoq; subveniam tribus
aliis inventis non injucundis; quibus ita patet
conscientiam reddet, ut omnem ejus modum tol-
lant. Ingeniosissimi enim homines tres modos
excogitarunt, velut divites argumentorum lo-
cos, unde illico in promptu habeant, nova indicia
qua reum repeti in novas pœnas sinant, imo &
plane convictum rogo damnarent. Modi autem
isti sunt:

MODVS I. Quae in prima, secunda aut
tertia, imo & quarta tortura vocem tenuit, eam
reduc in carcerem; ibi tum fac in arctioribus vin-
culis, frigore, squalore loci, ac solitudine mæro-

rem

156 Dub. XXIV. Quom. iudex scrup. qui
rem suam & dolorem, quas à tormentis reliquias
asportavit, concoquat aliquanto tempore, & sen-
sim absumat: parum est si hyemem unam & esta-
tem sic maceretur; cum & ea quies post tot tortu-
ras etiam hodie personis Ecclesiasticis nonnullibi
indulta sit. Interim dum eam sic detines, pro-
cede tu, & in alias sagas inquire, cape & torque;
cum pœnis impares fuerint, interroga de priore
illa, quam in carcere adhuc servas, an non hac
alicubi ab iis in conventibus sit visa? an docue-
rit? an didicerit? aut si quid erit tale? Invenies
certe quibus exprimas quod voles, quæq; con-
gruant, in iis circumstantiis quas tuis cum tor-
quentur suggeres, aut licetor, juxta dicta supra
dub. 20. ratione 11. & 12. Tum autem ut pri-
mam novam aliquā denunciationem hujusmo-
di contra captivam inveneris, invenisti utiq; id
quod docere te volebam novum scilicet indicium;
age id ei denuo propone, urge, insta, increpa, & per
te ac confessorium impelle, ut faciat se tandem
ream, ac ni acquiescit repete in tormenta: si con-
scientia adhuc obmurmurat, non cura, dic: hac
hodie est praxis. Aut si adhuc nec id audes; ex-
specta occasionem meliorem: nam dum interea
circumcirca alias atq; alias torquebis, facile fiet
ut inter tam multas una aliqua aut altera dum
nomi-

nominare alias cogitur, incidat etiam in hanc tuam captivam nominandam, utpote quam jam tum infamatam audit tum igitur indicium novum habes, ut torqueas: Qui etiam modus serviet ad eas in carcerem recipiendas qua semel inde dimissa forte sunt, & cautionem praestitere ne fugiant. Nam hac quoq; hodierna praxis est, atq; inventum pulcherrimum ut nulla non frustra imposterum de carcere dimittatur.

MODVS II. Si nec sic proficis, tum unam aliquam qua dicto modo captam denunciavit jube cum illa tua denunciata confrontari: interimq; denuncianti, dum ad denunciata ducitur, licetor impudens minetur quicquid spirare pœnarum potest, nisi denunciationem suam in tortura factam clare coram denunciata edisserat: idem tu minare.

Vbi convenère; increpa denunciata de per- tinacia, ac dic adductam jam esse, qua eam tandem in faciem convincat, & dubitationi omni imponat finem; conversusq; ad denunciantem, roga an non constet, in confessione antefacta, quod hanc viderit, in conventu &c. timebit sanè hac, ne si non constet ad graviora tormenta reducat, proindeq; constare dicet. Quod etsi non factura sit, nisi voce subtimida & à suspirio inchoata,

158 Dub. XXIV. Quomodo iudex scrup. qui
tum & capite submisso, dejectis oculis, atq; eo de-
nique gestu, qui invitiissimum mendacium affir-
met; etsi etiam denunciata illa mox excipere &
respondere paret; tu tamen hac omnia dissimula,
& abrupta omni veteriore audientia, aut exami-
natione, jube illico denunciantem reduci, & de-
nunciata id unicum cum tuis inclama: Nunc eam
tandem palam esse convictam, proindeq; non mo-
do repeti in tormenta posse, sed etiam si hac elu-
dat, nihilominus damnari, ut manifesto obstina-
tam & in faciem convictam; nam sic loquuntur,
& id hodie est confrontari, id in faciem convin-
ci: quod cum continuo in vulgus spargant, & ad
Principes perscribant, merito omnes, etiam Theo-
logia Doctores super hoc consulti, iniquissimis pro-
cessibus applaudant; tanquam qui illas loquendi
phrases curiosius non didicerunt, neq; discent. O
germania quid facis? & cur hac indicare atq;
monere Magistratus non licet? Iterum hic cum
mici mei hac legunt, harent attoniti, & quomodo
inquiunt, haccine ita fiunt? hac est praxis? ego
vero juratos adducam testes, qui hanc praxin oculis
suis & memoria (non enim iudices protocollis)
inscripserunt. Et quid principes dicturi sunt, si
etiam testatum dedero per talem confrontatio-
nem taliter convictas, cum adhuc negarent, ob
han

sine novis indicis torquere non audeat, &c. 159

hanc obstinationem condemnatas esse, ut igitur exurerentur viva? Et quid dicet Magnus Caesar, si etiam Ecclesiasticas personas eadem damnatione in Imperio periisse audiat? Sed hac alias.

MODVS III. Sume novum indicium & id admodum firmum ex ipsamet tot tormentorum tolerantia: dic enim hanc tantam esse non potuisse sine maleficio, & hoc igitur maleficiū esse novum indicium criminis. Vnde iube maleficiatum exorcisari aut quod aliqui suadent mutari locum & carcerem ut in aliud Castellum transferatur, ac deinde depulso hoc per exorcismū aut mutationem loci maleficio ac deinde depulso hoc per exorcismum maleficio, jam experire ab novo quid tortura possit. Quod de re ut clarius processum Iudicum quorundam intelligamus, dicam latius dubio sequenti.

DUBIUM XXV.

An novum indicium ad torturam novam det maleficiū taciturnitatis?

M*aleficiū taciturnitatis appellant, cum quis artibus malignis contra sensum tormentorum obduruit: ut videre est,*

re est, in malleo Sprengeri, parte 3. q. 15. pag. 518. & apud Delrium lib. 5. Sect. 9. Itaq; si quæ hodie bis aut ter torta, nil fatetur; mox ajunt eam uti maleficio, demonem ei fauces obsidere, ne fateri possit; atque hoc ipso sat deprehendi ream esse, proindeque exorcisari & rursum torqueri posse.

Sane Titia, inquiunt, ni saga esset, non potuisset sustinere duas has aut tres torturas, tam immanes; non enim id fecisset, nisi ope diabolica, vel divina: Formalia hæc verba, adhuc nuper à religioso quodam iuvenculo & imperito; tum autem alias, non semel à iudicibus audi-
vi: Quærendum igitur est, an hoc re-
ste? &c.

RESPONDĒO; Quod nequaquam. Rationes istæ sunt.

RATIO. I. Nego imprimis non potuisse Titiam, eas duas tresve torturas sustinere ope naturæ: plurima sanè homo natu-

naturaliter terre potest ; unde autem illi norunt, hæc quoq; tormenta, non inter illa plurima, contineri? non igitur, si quæ tacet, id continuò dicendum est maleficio obtinuisse.

R A T. II. Ne tamen nimis strictus sim, concedo etiam non potuisse Titiam robore proprio contra hæc eniti ; esto ita sit ; jam id amplius me juvat : nam sic argumentor. Non potuit Titia, sustinere tormenta nisi ope diabolica vel divina. Ergo sane graviora fuere ; quam ut naturaliter perferri possët ; si hoc autem, ergo iniquissimi fuere iudices, qui talia decreverunt : Si hoc autem, ergo & iniquissima tormenta, ergo & in omni jure invalida, & nulla ; ergo est & Titia obesse non possunt, ergo nec ex illis ullum contra Titiam argumentum duci ; ergo nec ex illis Titia pro saga judicari, ergo nec ab novo torqueri ; & si quidem torqueatur, tamen nec comburi viva, ut obstinata, si tacet, aut ut confessa si fateatur, cum & obstinatio, & confessio sit nulla. Sic communiter Juristæ docent, & vide apud Farinacium, q. 38. nu. 78. ex Gomezio, Gigante, Carretero, Bursato, Francisco

Personali. & aliis. O magne Cæsar, quot tamen in Germania hac tua sic indies pereunt, & perierunt? neque tu tamen culpam habes, sed expectas supplicantium querelas, ut subvenire omnibus possis.

RATIO III. Aliter formo idem argumentum: Titiam videri adhuc sagam, ajunt judices, & repeti in tormenta posse, quia novum jam indicium repererunt. Sed quod illud? quia usa est maleficio ad tormenta priora superanda. Sed hoc ipsum qui probant? quia tormenta ea erant, ut aliter superari non possent. Accipio hoc & infero: ergo iniquissimi fuere judices, qui hujusmodi tormenta intulerunt, quibus aliter quam maleficio obniti naturaliter non licuit; ergo denique indicium novum habent judices, quia iniquissimi fuere; non iniquissimi fuissent, non haberent: culpa igitur nova Titiae, iniquitati judicum insit, tolle hanc, & contra Titiam nil novi habent; imò pone hanc, & æquè nihil habent, cum quod iniquis & invalidis tormentis substructum sit, invalidum quoque sit & nullum. Ut jam pateat, quam imperitè & contra se se inconsiderati homines loquantur.

RATIO IV. Esto quoq; , non potuerit Titia tormentis iis obluſtari niſi ope dæmonis, vel Dei; cur jam potius ope dæmonis id factum aſſerunt, quam Dei? Enimvero cum Titia ſic immaniter eſt torta, vel verè innocens fuit ejus criminis, quo gravabatur, vel verè nocens. Si prius quid credibilius quam juviſſe DEUM ſic innocentem, tam immaniter cruciatam? ſi poſterior; tum eſto dæmon porius, quàm Deus juverit, jam illi tamen id factum eſſe, & verè Titiam fuiſſe nocentem præſupponere non debent, cum id ipſum adhuc ſit in quæſtione: atq; eam ipſam ob rem quod id ignorent, indicium novum quærant.

RATIO. V. Si, quod Titia in graviſſimis tormentis nihil faſſa ſit, novum hoc apud illos indicium criminis eſt, ergo graviſſima hæc tormenta illata ei ſunt plane fruſtra, & nullo fine: nam quo illo? an ut plenè ſcirent, rea ne eſſet Titia, an ſecus? At jam ante æquè ſcribant (ſi volebant) eam ream eſſe: ſic enim quod argumentaturi erant poſtea, argumentari poterant paulò prius: vel Titia in tormentis iis fatebitur ſe ream, vel non fatebitur. Utrum

autem fiat, utiq; est rea; si fatebitur, rea est, quia falsa est. Si non fatebitur, tunc quoq; rea est, quia falsa non est in tam atrocibus tormentis, itaq; & si fateatur, & si non fateatur, rea est. Absolutè igitur ream esse Titiam cum ante torturam æque scirent, ac probare possent si vellent; quid ex tantis tormentis, non diversa notitia vel probatione eam ream esse, voluerunt scire? Frustra igitur, & nullo fine, quod erat ostendendum, gravissima suscepta tortura est: nisi forte eum finem voluerint, ut crudelitatem palcerent, atq; hominem barbarè, lacerarent. Hoc autem cum fine gravissima culpa fieri non possit, quæ hæc insana libido est, thesaurizandi sibi iram Dei? ubi nunc sunt viri spirituales, & docti, non qui Judices tam insulse de taciturnitatis maleficio ratiocinari doceant, ut nuper audio fecisse quendam qui se philosophum ausus putare est, sed qui solidè & Christianè erudiant, nequid vel imperitiam, vel inordinatum imperum peccent, in re tam gravi, unde salus pender?

RATIO VI. Ajunt juristæ adhiberi torturam ut veritas patefiat: Quæro igitur si hæc

si hæc hominum prædictorum praxis valet
quo tandem modo patefieri possibile sit?
cogitet lector & mihi suggerat, ego nescio;
nec occurrit cogitanti: nisi forte id velint
dicere, nihil aliud in hac materia posse esse
veritatem, quam hanc unicam propositio-
nem, quod quæ torturæ addicitur sit rea:
Si ita est, concedo hanc veritatem per tor-
turam posse patefieri, ut cunq; res cadat, seu
eam toleret, seu elidat ut dixi; alioqui si
possibile est quoq;, propositionem illam al-
teram aliquando esse veram, quod quæ
torturæ addicitur, rea non sit; nequeo vi-
dere, qua tandem ratione patefieri hæc ve-
ritas secundum illos unquam possit. Ne-
quaquam igitur, cum Titia ter, quater tor-
ta, inconfessa manet, dici convenit male-
ficio se firmasse, ac proinde ab novo indi-
casse culpam, ut ab novo, quæstioni alteri
præmissis exorcismis subjiciatur: Præsta-
bat potius ab initio de maleficio formida-
re, & ante omnem adeò torturam per exor-
cismos, si ita vellent, maleficiis occurrere,
quam sic imperitè juxta ac crudeliter ar-
gumentari. Pudeat inscitia sacerdotes eos,
qui hos demum exorcismos, cum ita malè

166 Dub. XXVI. *Quæ signa malef. taciturn.*
argumentati fuerint, adhibent, & ad ne-
cem hominum iniquè tortorum, ac proin-
de secundum allegata & probata innocen-
tum, tali argumentatione efficaciter con-
currunt.

DICES. Atqui verò si Titia in tormentis
nil sentiat, si rideat, si obmutescat, si obdormiscat,
si castigata sanguine non fluat; An non hæc cer-
ta maleficij sunt signa, ac proinde nova indica-
tiones?

R. Non sunt sanè. Quod ut ostendam, à novo
dubio commodius ordiemur.

DUBIUM XXVI.

Quæ signa maleficij taciturni-
tatis afferri soleant à malitiosis, &
imperitis?

RESPONDEO. Præter id, quod teneri
vocem quis potuit, afferuntur & alia proxi-
mè dicta in fine præcedentis dubij, & hæc quoque
partim falsa, partim vana: quæ quod item magi-
stratus, sic leviter audiant, & non examinent,
culpa utiq; non vacant: nos distinctè hic pon-
mus, ut consiliarij & confessarij principum di-
scant & doceant. Itaq;

SIGNUM I. Ajunt quosdam in tormen-
tis

tis nil sentire, sed ridere. Audio sane, sed id ego falsissimum esse ajo, dum probent; id est, dum jurati testes affirmant. Capere non satis possum quæ hæc prurigo sit mentiendi, ferè omnes enim mentiuntur: ferè inquam, ut exceptum se sciat, qui de industria certò observasse, & verum dicere juraverit, qualem nondum adhuc ullum testem vidi: Ita q; si quis reus animo ac corpore ita potuit, ut, quod in magno contra dolorem nisu solet fieri, compressis dentibus, ac deductis labiis, resorptoq; halitu, ac voce, pœnas constanter exhauserit, eum clamant crudelissimi homines, dexterrimè præeunte carnifice, nō curare quicquam, non sentire, sed deducto sic & renidenti ore irridere, ac ludere. Hic ipsissimus intellectus, istius phraseos est. Vah autem, quæ hæc immanitas est? Et hoc tamen mox in vulgus liberrime spargunt, atq; ad ipsos deniq; Magistratus omnium credulos perdunt. Novi quid dicam, & testari possum: ac magistratus si me audiant, insigniter punire debeant tam falsos calumniatores. Imò ipsi tanè, quòd hæc & similia plurima nelciunt, verendum est, ne olim a DEO puniantur.

SIGNUM II. Ajunt *quosdam obmutescere, & obdormiscere.* Sed eadem plane fide. Obmutescere quidem possunt, sed obdormiscere non credo ni jurati testes affirmant. Iterum mentiuntur. studui ego, ut has eorum phrales intelligerem, cur principum consiliarij non student, quorum interest? præsertim cum ex hujusmodi rerum ignorantia is nascatur in omniũ mentibus Zelus, qui cæco quodam impetu, innocentes potius quam nocentes abripiat. Ut profectò dicere non verear, timere me vehementer, ne principes illi, qui sic in lagas hodiè, & non cautius feruntur, in præsentissimi sint periculo suæ salutis; quid autem eis prodest, si universum, ut putant, orbem zizaniis expurgent, ipsi interim animæ suæ detrimentum patiantur? Sed in viam redeamus. Scio imprimis nonnullos in tormentis animi deliquium esse passos; id mox impij appellarunt dormivisse. Deinde quoque scio, alios cum planè obstinassent tenere vocem, cumq; compressis palpebris, & collectis omnibus viribus diu cum pœnis colluctati essent, tandem deniq; doloribus fractos remisso nisu, inclina-

to capite, & oculis adhuc clausis, se dedisse victos, & quietos viribus jam exhaustis, sed an hoc dormire fuit? Concedunt certè medici ac philosophi naturaliter posse cōtingere, ut dolore maximo, præsertim equulei, sic homo obstupeat, ut veluti somno captus sit aut vita: quod adumbrare Poëtæ voluerunt in fabula Sciotes, dum eam fingunt dolore in lapidem obriguisse: Hoc igitur nostri Judices dormire appellabunt, ac nil sentire? Insero, quod nuper audiebam. Sacerdos quidam Sacellanus, cum tortura cujusdam rei interesset, qui sic oculis adhuc clausis pendebat, & ad interrogata amplius respondere nollet, aut n^{on} pueret, ut constaret quæstoribus eum obdormisse, ac proinde maleficio à dæmone iuvari: id consilij ipsis suggestit, ut relis-
ta materia in qua erant, id est, interrogationibus & stimulis ut fatetur; subito alia inter se tractare inciperent, & ridicula quædam prorsus aliò spectantia in medium afferrent. Quod cum illi igitur fecissent, ac pendens reus animadverteret, sic subito cessare tempestatem questionum ac longè alia tractari, proindeq. sensim oculos aperuisset aspecturus, quo hac rerum mutatio spectaret, & an fortasse à pœnis dimissio speranda esset: mox

sacerdos, tanquam re confecta; ecce inquit, nunc somno solvitur, ubi alia tractamus; cum id ageretur, ut se reum diceret, tunc ad omnes Quaestiones obdormiebat: Quid de maleficio dubitabimus? non poterat eas pœnas nebulo perferre, nisi dæmon ei sensum sopivisset. Exorcismi igitur interpretandi sunt, ac deinde rursum alea tentanda: sic ille. Præclarum verò facinus, ac sacerdote dignum! qui, si abstuisset ordinis injuria, tolli in nervum properè debuerat, & duplicibus virgis à lictore exorcizari, duplici spiritu obseffus ignorantia & crudelitatis. Dum hæc scribo, incidit, quod obiter annotabo, nonnullibi ipsi carnifici promitti, ut maleficio taciturnitatis, de quo agimus, depellat, præbita quadam portione, quæ qualis sit ignoro; id scio, quæstas esse reas, ita se post eam exhaustam fuisse turbatas ut quasi inter medium agmen spirituum obreptæ aut obseffæ sibi viderentur: ac si quidem malignas artes omnino scire cogantur, non nisi tunc primum, cum hac portione eas imbibisse. Sed pergamus.

SIGNUM III. *Ajunt quosdam, dum in equuleo pendent, virgis concisos sanguine non fluere, sic enim nuper de nonnullo narratum*

barur, sed nec hoc est verum : iterum nego dum jurati affirmant, aut videam. Itaque cum urgerem, id tandem expressi, ut dicerent, non multum saltem sanguinis fudisse. Non multum igitur, iis erat nihil. Imbrem credo expectabāt. & verò si adhuc nihil fultum esse concederem, quid tamen esset? potuit id naturaliter contingere: ajunt medici, quos consului, posse fieri, ut in illis angustis sic sanguis à nonnullis partibus refugiat, atq; ad cor confluat, ut non sit quod extra fundi possit : Quis enim nisi plane imperitus nescit, quotidianam experientiam ferre, ut solo terrore, similive de causa, iis omnis sanguis consistat, nec gutta effluat, qui vel maximè ei viam aperuere sectione Lenæ?

D I C E S. *At si tamen verè constaret, quempiam in tormentis nil sensisse? annon id magnum tum indicium esset, ut verè maleficus putaretur?*

R. *At quid, si id verè non constaret? Sed tamen esto, ero admodum liberalis, fuerit aliquis aliquando, qui in tormentis nil senserit, atq; id etiam arte magica obtinuerit, nego adhuc, inde magnum aliquod indicium sumi posse, quod is veneficus*

172 Dub. XXVII. An tort. sit aptum medium
nescius sit. Iam enim Autores quidam, quos nomi-
nare non attinet, nonnulla ponunt, quæ qui usur-
pet, in tortura sopiat doloris sensum. ea igitur
quis inde didicerit, aut ex Delrio partem quoq;
sumpserit, (nam & hic habet) & usurpaverit;
quid hinc confici magnopere poterit, nisi quod ar-
te vetita sit usus, quæ ex occulto pacto, ut omnes
illa solent, vim habet? quam multi passim huius-
cemodi, artibus homines curiosi, & superstitiosi,
nobiles, & magni utuntur, ad sistendum sangui-
nem, & curandam febrim, & conciliandos amo-
res, ad prohibendam penetrationem amorum,
& similia quos tamen ideo nemo maleficos esse di-
cat: aliud est enim arte vetita uti, aliud esse male-
ficum. Apage igitur, ut tam futilebus momentis
nixa laxam alias conscientiam iudicum amplius
aperiamus, aut si ipsi sibi aperiunt & dilatant, cer-
tè meritò pronunciamus reorum hodie quæstiones
maximis periculis non vacare.

DUBIUM XXVII.

An tortura aptum medium sit
ad revelationem veritatis?

DVbium hoc ponere non erat opus:
nam hætenus id ipsum satis excussi-
mus,

mus, atque adeo non nisi repetimus, quæ jam tum dicta sunt : tamen quod dum phrasin variamus, & repetimus, melius lectori rem imprimimus, atque nos maxime intendimus, dabunt veniam, qui alioqui accuratiores nos esse cupiant. Itaque

R E S P O N D E O Tortura an aptum ad veritatem repериundam medium sit an secus; nolim expresse definire sed potius lectori ex dictis & dicendis colligendum relinquere. sic enim existimo, periculosum esse statuere. Rationes istæ sunt.

R A T I O I. Aptum esse medium arguitur hinc, quod multi veritatem malint dicere, quam pati : sed rursus non aptum esse, æque conficitur quod multi quoque quam pati : mentiri malint.

R A T I O II. Utriusq; sane generis homines sunt, & quibus veritas, & quibus mendacium extorquetur; quem nunc ergo torquisti, Unde nosti, ex utra hominum sit Classe?

R A T I O III. Certe posterior hæc Classis ma-

sis major futura videtur , cum mors tormentis levior sit, non solum reipsa, sed etiam in imaginatione, quæ vivacius, & gravius, præsentia tormenta, quam futuram mortem apprehendit.

RATIO IV. Sed tamen inquis, qui innocens sit, non facile se nocentem est facturus, malet sustinere torturam, & tacere, quam loqui & mori ac familiæ indebilem notam aspergere. Recte; sed è contrario, etiam, qui nocens est, non facile se nocentem facturus est, malet & ille torturam, quam mortem sustinere, & infamiam familiæ relinquere utrimq; erga difficultas evendæ veritatis erit. nec facile se innocens accusabit, nec facile nocens perdet: si innocentem, innocentia constantem, nocentem culpa pertinacem facere poterit: quæ naturæ vires innocenti contra tormenta suppetent, eadem & nocenti: Imo ut quisq; scelestior, ita ferocior esse solet, ac proinde innoxius fortasse citius succumbet.

RATIO V. Difficilius tamen inquis creditu est; quod qui innocentia sibi suæ conscius est, se reum contra tam exprel-
lum

sum ejus dictamen facturus sit. Nec id quidem quicquam facit ; nam innocentiam suam contra tam acerba supplicia, & dolores exquisitos tueri non est, nisi exquisitæ etiam minimæq; vulgaris virtutis, quæ in paucis sane reperitur. Dici hic aliquid posset, quod Germania obstupesceret ; sed nondum audeo, servabo in opportunius tempus, atq; in alium fortasse tractatum.

RATIO VI. Non potest tortura medium esse cognoscendæ veritatis nisi ea vox, quam tortus effuderit, veritas putetur esse : sed hoc putatum iri difficile pronuntiatur, quid si enim vox ea sit hujusmodi *Non sum reus* ? an tunc putabitur id verum esse ? At longe alia hodierna praxis est ; ut præcedenti dubio ostendi. Quidquid sit incerta hic omnia & non nisi tenebræ. Mitterimam hanc Judicialium quæstionum eleganter, piè & Christianè plangit D. Augustinus, *de Civit. Dei Lib. 19. c. 6.* cujus verba quod amœnitatis, & subtilitatis plena sunt, hic adscribam. *Quid cum inquit in suâ causâ quis torquetur, & cum queritur utrum sit nocens cruciatur; & innocens luit pro incerto scelere certissimas pœnas : non quia illud commississe dete-*

delegitur, sed quia non commississe nescitur? ac per hoc ignorantia iudicis plerumq; est calamitas innocentis. Et quod est intolerabilius, magisq; plangendum, rigandumq; si fieri posset, fontibus lacrimarum: cum propterea Iudex torqueat accusatum, ne occidat nesciens innocentem; sit per ignorantia miseriam, ut & tortum, & innocentem occidat, quem ne innocentem occideret, torserat. Si enim secundum istorum sapientiam delegerit ex hac vita fugere, quam diutius illa sustinere tormenta, quod non commisit se commississe dicit. Quo damnato & occiso, utrum nocentem, an innocentem iudex occiderit, adhuc nescit: quem ne innocentem nesciens occideret torfit. ac per hoc innocentem ut sciret torfit, & dum nesciret occidit. sic ille. &c. quæ utinam considerent viri religiosi & Ecclesiastici, qui cum reis agunt. &c.

DUBIUM XXVIII.

Quæ sint argumenta eorum, qui continuo vera putant esse, quæ rei in Torturis confessi sunt.

RESPONDEO. *Ita passim inconcussè putantur esse vera, quæ in torturis rei contra se, &*

se, & alios confessi sunt, ut impossibile videatur, ab ea apprehensione unquam imperitum vulgus diducere: quod tamen non ita miror, uti miror, doctissimos Scriptores omnem panem malem doctrina sua, q̄ de Sagarum negotiis orbi proposuerunt, & orbis amplexus videtur, huic uni fundamento tam fallaci imposuisse; Videamus igitur, quibus ferè argumentis moveantur, & iis respondeamus.

ARGUMENTUM I. Grave peccatum est contra se, in causa mortis mentiri, aut saltem contra proximum: non igitur credibile est, id reos esse, facturos.

R. Debile mihi semper, hoc eorum argumentum est visum: nam imprimis negant optimi Theologi, mortale esse, si quis ad evitanda gravia tormenta sibi ipsi falsum crimen imponat, propter quod morte plectendus sit. Ratio quia dominus sua fama est, nec mentitur perniciose, cum non teneatur tantis tormentis, quæ ipsi sunt morte graviora, vitam conservare: unde nec postea tenetur revocare, cum non retractando nemini faciat injuriam. Vide Lessium, & quos citat lib. 2. de Just. & Jure. cap. 11. Dub. 7. n. 41.

Deinde probabile etiam est quod habet Petrus Navarra, lib. 2. cap. 3. n. 251. Sylvester in summa ver.

178 Dub. XXVIII. *Qua sint arg. eorum qui
ma verbo detractio. q. 3. si quis magna vitio-
mentorum aliis falsum crimen imponat, non pec-
care mortaliter: saltem ubi spes esset postea revocandi. Ratio: nam sola talis confessio inefficax
est ad procedendum, ac per se non potest jure obesse
denunciato, modo tamen postea non ratificetur,
sed potius ut debet, retractetur de quo infra dub.
30. num. 17. Deniq; vero, esto sit peccatum mor-
tale mentiri contra se & alios, ac certo sciat qui
torquetur, fore ut si proximum falso denunci-
et, is ex hoc precise condemnatur, nec futurum ut
unquam mendacium suum, efficaciter retractare
possit; quid tum postea? an ideo quantumvis tor-
queatur non mentietur? concedam quidem quod
aliqui saltem, omnibus primum viribus dolori se
opponent, ne cum tanto peccato, mentiantur, sed
tandem tamen dabunt manus ac cum nominare
complices aliquas cogentur, quas nesciunt, pri-
mum quidem, ut minus noceant, nominabunt
jam ante exustas, aut diffamatas & captas, tum
deinde si ulterius intendantur poena, etiam alia
quascunq; gravissimè potius peccare, quam gra-
vissimè pati sustinentes: nam scilicet tam homi-
nes nos reformidamus peccare, ut nullis adeo tor-
mentis ad id adigi possimus? mirari soleo cum
hec audio & maximè ab iis, qui etiam nulla cogi-
tione*

Stione in qua vis scelera sponte ruunt. Itaq, non modo credimus sed indies videmus, & scimus gravissima passim scelera committi, rapinas, furta, falsa testimonia, latrocinia, homicidia, adulteria, oppressiones pauperum, vastationes provinciarum, & infinita similia, etiam cum ad hac nemocogit: & credere non possumus, committi, quoq, homicidas denunciationes, cum sunt, qui ad eas cogant, intolerabilibus tormentis? Debile igitur hoc argumentum est: Obiter vero hic annotare placet, quam lepide hic consequenter mentiri soleant, qui semel tormentis victi mentiri contra se cepere: nam ubi deinde equuleo dimissi sunt, quicquid voles affirmabunt, ne non sibi constare videantur: si roges cur non citius sint fasti ut doloribus occurrerent? dicent nescire se; id scire tamen quod loqui nequiverint: si roges an igitur demon eis linguam obstrinxerit? dicent quod obstrinxerit, si an eum viderint, aut astiterit, dicent quod viderint, quod astiterit & similia complura, qua rogare libuerit: nam sic mundus sibi ludos quarit. Atq, interim capitalium rerum vindices, nugas has credunt, & mire se confirmant: Ego vero simplicitatem hanc ridere soleo.

ARGUMENTUM II. Ni vera habeantur quę in tortura dicta sunt, jam omnia poeno judicia vacillant. N 2

Et Esto, vacillent, non ego hoc negare venio, sed est ipsum id scilicet quod metuo, quoddam D. Augustinus, tanto ingenio ac consideratione vir, verbis ante citatis ait, esse plangendum, rigandumq; si fieri posset, fontibus lachrymarum. Neq; enim de nihilo est, quod non fontem aliquem unum, sed fontes postulet lachrymarum: ut quid obsecro his tantis undis est opus; si iudicia sibi constant, & reorum confessiones? Itaq; quod vir tantus lachrymarum fontibus, prosequendum putabat id nos ne apprehendimus quidem: excusatiores futuri, si & raro, & moderate, & non futilibus ex causis in quoslibet indistincte se viremus.

ARGUM. III. Experientia convincit, quæ in tortura dicuntur esse vera, quia congruunt circumstantiæ: ut V. G. dicit Sempronia in tormentis se ante tres menses maleficio necasse Vaccam Titij, item ante annos duos infantem Gracchi, & similia: examinant igitur iudices & deprehendunt vere ante tres mentes Vaccam Titij corruisse, vere etiam ante biennium Infantem Gracchi contabuisse &c. quid hic clarius quam ipsissimam veritatem in tormentis esse dictam? sic autem plerumq;

con-

contingit; vera igitur sunt, quæ in tortura dicuntur. Ita Vulgus, imo non Vulgus, sed ipsimet adeo multi periti Iudices, Inquisitores, Consiliarij principum, quos sæpe audiui, & attonitus hæsi, cum non ludicare & disputandi causa, ut primum ego suspicabar, sed serio, & ex animi sententia plane inde se convincerent tanquam infallibili probatione, confessionem Sempronix necessario esse veram debuisse. Sed

R. Ingens inadvertentia est, putare hinc id firmiter probari & sibi satisfacere: nam ecce sic res habet: non ignorabat Sempronia, quod toti pago, atq; etiam pueris constabat, illo atq; illo tempore eam Vaccam esse mortuam, eum puerum contabuisse, ac similia quadam, quæ in pago contigerant: cum igitur urgeret dolor ad aliqua maleficia edicenda, tum ea quæ jam ante sciebat esse facta, à se esse facta dicebat: Quid hic est miri? Prudentissime quidem Constitutio criminalis Carolina Articulo 60. notat, tum credendum esse questionibus, si eddicantur, quæ nemo innocens dicere, ac scire potuerit; sed obsecro an hæc nemo innocens scire potuit, quæ omnibus in pago nota erant? Similiter dicendum, cum simpliciores quidam, omnino reas esse quas dom arguant, quia

verint & sciverint, ea omnia quae in conventibus sagarum fiunt: nam quis hodie ea non ad nauseam audit? an non omnium plebendarum confessiones publice ad bancum juris legi solent? ut mirer iudiciales quoque personas ex his interdum argumentari. Quare repeto argumentum meum insolubile quod saepe soleo: sitam inopis Iudicii homines & tam parum perspicaces Iudicii publicis, & principum Consiliis praesunt, quis absolvat nos prudentissimo metu, ne parum sane innocentibus consultum sit, ubi ad talium arbitrium res gerentur? Et quid fiet si imperitia se comitem jungat impetus, & affectus? quo sane multos non carere, ipse deprehendes, si lubet: nam ubi paululum modo hac eis proposueris, & quae afferre solent refutaveris, notabis eos ex-candescere, ut mihi referunt, qui experimentum saepius sumpserunt.

ARGUM. IV. At saltem si Sempronius accuset Gracchum, quod eum V. G. viderit in saltu tali loco & tali die cum tali persona, & tali vestitu &c. vel quod ab eo didicerit tali loco tempore &c. tum deinde postea captus Gracchus, easdem omnes circumstantias, de se dicat quas dixit alter, quis manibus non tenet tunc, & comprehensam veritatem habet?

*R. Sane quidem. sed obsecro, ubi id contigit? Vbi tandem? cupio enim scire. Diligenter inve-
stigo haecenus, sicubi exemplum reperiam, nec
invenio. Sciant principes imponi sibi, ab officiali-
bus, dum huiusmodi crepant quae falsissima sunt
aut ut mitius loquar nova loquendi phrasēs.
Quod si, quando in eorum protocollis similia con-
tinerentur: sciant id evenisse, his sequentibus
modis.*

1. *Suggestione quasitoris, de quo dixi supra
duo. 20. qui juxta confessionem denuncian-
tis denunciatum dum torquetur in eadem il-
la puncta, & circumstantias si non casu in-
cidat, quasi manu tunc (ut ita loquar) & inten-
to digito sciscitando ducit: nam hanc per me & a-
lios ad id clam destinatos observavi arcem esse
doli & caput artis.*

2. *Quod si quasitor nil tale suggessit; sug-
gessit ante lictor pro ut item ibidem dixi dubio
20. rat. 11. Vnde repetat lictor & sciat me, quae
dico, iuratis testibus, probare posse ita geri. quod
autem de lictore dixi idem dicendum de custodi-
bus carcerum, qui item captivis omnibus nar-
rant quae alij fassi sint.*

3. *Si nec lictores nec custodes carcerum sug-
gesserunt, tum ita factum est: emanavit à perso-*

184 Dub. XXVIII. *Qua sint arg. eor. qui
his judicialibus, quid Sempronia cōtra Gracchum
effata sit, & ad Gracchum id relatum est. Iam e-
nim & mihi his diebus à non uno narrantur, qui
hi & isti Rei confessi sint, quas denunciarint, sed
& ipsa denunciata cum hac de se audiunt, à me
consilium petunt, an subsistant, an fugiant? quid
mirum igitur si deinde capta norunt in quibus ac-
cusata sint?*

4. *Lepidum nuper accidit, ut in pago quo-
dam aliqui torquerentur in domuncula quadam
ubi foris ad rimas pueri adjacerent atq; omni au-
dirent: quis tum ignoravit quid de se, atq; aliis
torti denunciarint? qua puncta, atq; circumstan-
tias adjecerint?*

5. *Sunt & alij modi per quos fit ut cum ac-
cusantibus, accusata in nonnullis aliquando rebus
congruant, quos ipsa norunt dicere, & in particu-
lari non possunt omnes hic adduci. Satis est hac
fieri, qua dixi; utinam ea principes curent intel-
ligere: qui id saltem hinc sat discunt, quid factum
esse cogitare debeant, cum Inquisitores clamant
denunciatas in eadem puncta & circumstantia
in quibus accusata erant incidisse; nam vel fal-
sum est, vel iis modis, quos dixi factum est.*

*Pro conclusione obiter insero quod nuper acci-
dit: Excurrit ad me mulier honesta ex pa-
go suo*

go suo consilij capiendi & generaliter confitendi causa : ait se denunciata aliquoties, hæc & ista de se dicta esse : fugere se nolle, sed redire; quod & ego suasi, quia existimabam jure capi non posse : præcipue autem angebatur, ne si caperetur, tormentis victa mentiendo se damneret: dixi ego non peccare mortaliter, qui ita contra se mentiretur: rediit igitur in pagum suum sequenti die, & mox capitur, torquetur, dolori cedit, optimeq; ad mortem parata moritur. Ait deinde Inquisitor, sacerdoti qui eam eduxerat, viro docto, & religioso, quiq; penitus nocentem ex indiciis ostendebat, eam adhuc non fuisse condemnandam, nisi id unum punctum accessisset, quod ad me ad duas, aut tres Leucas excurrisset; nam hanc ille plane fugam fuisse contendebat, ac proinde gravissimum indicium culpæ: nec ad me scilicet mitti, poterat ut an ita esset intelligeretur.

Ecce qui processus.



DUBIUM XXIX.

An tortura cum adeo periculosa sit ex usu tolli debeat.

RESPONDEO. Docui supra in extirpandis ex agro reipublica Z. Zaniis ea plenere movenda esse, quæ morale & frequens periculum invehunt simul evellendi tritici. Ita ratio naturalis, ita ipse legifer noster Christus, illiusq; verborum in Ecclesia Catholica legitimi interpretes ajunt; ut negari non possit.

Docui præterea torturas seu quaestiones ita hodie administrari solere, ut revera frequens & morale periculum ipsi tritico minentur, quod adeo verum est, ut de facto ita sapiissime accidisse ac triticum plurimum evulsum esse jurare audeam mihi moraliter esse certum.

Quibus tanquam majore & minore propositione firmiter collocatis, conclusio in bona forma figura prima necessario infertur, tollendum igitur penitusq; ex usu proscribendam esse torturam, aut saltem ea omnia & singula corrigenda aliterque moderanda quæ hanc periculi necessitatem torturis imponunt.

Atque hanc doceo principes conscientia rem esse quam non ipsi solum sed & eorum consiliarii
& cons

& confessorij, si dissimulatione ac taciturnitate suapratererunt, coram iudice supremo explicatam dabunt. Nolo ut mihi credant, consulant Theologos, & invenient in humano sanguine ludi non posse, nec capita nostra esse pilas, quas pro libitu leviter temereq; jactare liceat, ut nunc quidam optimorum principum non optimi Inquisitores facere videntur, cum ad levissimum quemq; suspicionis rumusculum ad adeo periculosas torturas proficiunt, & quidem illos etiam in questionibus vocant, quorum apud omnes probitatis & integerrima vita fama vel gravissimis indiciis elidendis sola sufficeret. Vbi nunc quod in jure metus tortura ipsi tortura equiparatur? quodq; gravissimi auctores hunc solum incuti sufficere putant? Cur non id potius amplectimur & non nisi severissimi esse volumus in re tam periculosa? Quicquid sit, ad hoc quamprimum principes animum conferant, ut omni quâ possunt & suâ & suorum consiliariorum industriâ, tum questionibus moderationem, tum innocentibus majorem securitatem inveniant: Syllogismus quem dedi bonus est, stringit conclusio, & vel tolli questiones vel absq; dicto innocentum periculo exerceri convincit: Alterutrum horum effugere non est, viderint quid agant. Imus omnes ad aternitatis tra-

ius tribunal; ubi si de quovis verbo otioso expli-
canda ratio est, quid par est de humano sanguine
existimare? Vrit me charitas & incendio in-
teriore vexat, ne non omni studio ijs me incendiis
interponam, qua metuo ne sinisterior quis flatus
etiam in immerentes impellat. Argumentum
est quoddam penes me occultum adhuc revelan-
dum suo tempore ac loco, quo id mihi penitus per-
suadeo, ut nullatenus dubitem, inter quaslibet ad-
rogum condemnatas vix quinque aut vix duas
nocentes interesse. Audiat vero quisquam
magistratum id manibus palpare velle, dabo o-
peram suo tempore ut palpet, nam & supra pro-
misi dub. II. in fine.

DUBIUM XXX.

Quæ præcipue documenta cō-
fessariis sagarum tradenda
putemus?

RESPONDEO. Rogabat me nuper Sa-
cerdos quidam Sempronius, ut quoniam vi-
deretur ad reorum confessiones adhibendus, bre-
viter instruerem in nonnullis, qua utilia sciri
essent. Negavi primum, & sane causam dedi.
Mi Semproni inquam, persuasum ego quidem
habeo, qui confessorij partes apud incarceratos hoc
tem-

tempore in periculosissimis sagarum causis fungi velit, officium hoc ejus esse, ut medius intercedat, non inter reos & iudices, ut moriantur, sed inter reos & Deum, ut qualescunq; fuerint, seu nocentes, seu innocententes, salventur; Suum sibi forum iudices habeant, Sacerdos suum. Vel igitur officium hoc tuum facturum es, vel non facturum; si hoc posterius nolim instruere, q̄ quod instruendum sit amplecti non velit; si prius autem, instruere non est necesse; Illicò te cura omni iudices absolvent, ac de alio sibi providebunt, qui fora confundat, q̄ exempla non pauca vidi: ut proinde non sit, quod quenq; instruam, cum veluti nō volet veluti non poterit. Refutavit me tamen ille, ū sic instaret: Ego verò, inquit, quod officium boni Sacerdotis esse cognovero facturum sum. Vel tum me retinebunt, vel amovebunt; si prius fruor utiliter instructione; si posterius, non inutilis quoq; fuerit, cum id inde confirmatius evadat quod jam ante persuadere vis, timendum scilicet, ne iniqui multū iudices sint, quippe cum id presumi possit, si nec conscientis reorum nisi per imperitos, & officij sui immemores consultum velint. Itaq; sequentia ferè documenta sunt, omīssis aliis jam tum notis, quæ maxime notari proderit.

DOCUMENTUM I. Quando
audio

audio nunc passim, ad has causas adhiberi religiosos, curent eorum superiores ut eos mittant qui Christi Domini nostri spiritu sint præditi, mites, mansueti, devotionis laude commendati; Judicij accurati, & probatæ prudentiæ in Domino, quiq; animis hominum occupandis, pernoscendis, scrutandisq; cordium secretis, tum & conterendis peccatoribus operam, & experientiam sumpserint: Non impetuoſi nec affectibus servientes, sed omnia ad libellam rationis & doctrinæ expendentes, currēt etiam per adjunctos eis locios diversos intelligere numquid judicentur imprudenter, aut secus gerere: plurima enim sæpè admittunt nimis quam corrigenda.

DOCUM. II. Confessarij ad carceres destinati postulent imprimis directionem à liberalissimo Patre luminum, commendent deinde ei animas liberatoris nostri sanguine redemptas, agant denique cum reis ipsis suaviter & paternè ut ad veram eas pœnitentiam adducant, seu recte factæ sint, seu non sint. Nec de hoc ut fateantur eis primum facient mentionem, sed differant, & prius in genere ea afferant
quæ

quæ ciere contritionis motum possunt :
explicent iis cum aliquo affectu & facun-
dia Christiana qui noster ille mirissimus sit
DEUS Pater misericordiarum & totius
consolationis , qui vel unigenito suo pro
nobis non peperit. Adducatur Parabola
indulgentissimi illius Patris, qui revertenti
filio suo perditissimo se in collum lachry-
mans infudit , & quantumvis antea pecca-
tis filij constrictum pectus , in omnem ni-
hilominus clementiam dissolvit. Non esse
DEUM nostrum qui Dij sunt gentium , qui
iras ponere non possit : captum semel in-
credibili humani generis amore longius
progressum , quam ut revocare amoris sui
pacta nunc liceat : Exstare in Divinis libris
pacti æterni juramentum ejus irrevocabile
per seipsum : Quia si fuerint peccata no-
stra sicut Coccinū , quasi nivem tamen de-
albanda fore : sed & advocatum apud eum
esse filium ejus unigenitum crucifixum,
qui & noverit figmentum nostrum , & ve-
rò causam nostram quantumcunq; gravis-
simis criminibus confosam , sua advoca-
tione erigere sustentareq; velit. &c.

His & similibus magno studio laborent
singuli.

singulos ad dolorem de peccatis cōcipiendum, agendamq; seriam pœnitentiam invitare : neq; enim negare se legifer noster potest, ut non animas quorumcunque peccatorum saluberrima compunctione frangant viri ij, quos se hominū piscatores facturum ipse verbis veris pollicitus est; Clarissima verba sunt, & oracula Filij Dei quibus fidem detrahere, naufragari est in fide. Hac igitur sponsione subnixi Jus suum sibi vendicent : ulurpent, datum sibi ministerium reconciliatoris : reducant per contritionem, qui per vitæ licentiam à Deo longius aberrarint. Ita enim fiet, ut peccatorum vinculis attritis, mollitisq; animis per colloquia sanctorum nihil obstat quin omne virus non solum ad sacrorum Sacerdotum, sed etiam Judicum tribunal facilius effundant. Hæc est enim contritionis seu pœnitentiæ natura, ut ubi in animum recepta semel est obstinatio & taciturnitas si modo verè rei sunt, habitare non possint. Optimum hoc & suavissimum torturæ genus est ad vocem solvendam. Hic artem suam exerceant Sacerdotes illi, de quibus supra consequerebar, & si zelum
Dei

Dei habent, non prius iudices instigent ad expediendas torturas illas sævas & sæpe nimium crudeles, quam ipsi hac sua tortura sacra usi sint, id est salutaris de peccatis cōpunctione animos reorum laceraverint: Hic acuunt ingenium & vires suas omnes explicent, ut saxea multorum pectora divini sermonis vi & impetu spiritus comminuant. Noc est deniq; , quod sacerdotes probos & ferventes non paulo plus decebit, quam si Judicum sævitiam imprudenti instigatione excandefaciant. Nam invehere inhumaniter in captivas & afflictas, idem illis molestum esse, & quasi certissimo de earum reatu jam constet nullam eis sinere quietis partem, odiosis cognominibus laceffere, apud Iudices traducere, & similia quæ supra memorata sunt dubio 18. Non est sane quisquam in foro rabula tam hebes qui non æquè possit. At verò pertinaciam hanc talem divina vi sermonis frangere, mollire animos, cor impenitens compungere, nemo potest, nisi manifesto Dei spiritu instructus.

DOCUM. III. Non probo igitur Confessarios qui hoc primum, hoc ultimum,

num, imo solum agere videntur, ut modo confiteantur rei, nil celent. Itaq; non nisi confiteri, & confiteri ingeminant: ceterum autem de conversione seria ad Deum, de dolore animi vehementi, de detestatione peccati super omnia, vix tenuiter meminerunt, nedum ut præcipuum hic conatum & sollicitudinem adhibeant, qui tales actus, tam difficiles, à peccatoribus & quidem talibus, si vere rei sunt, impetrent.

Itaq; dum confessi duntaxat rei sint, id est omnia peccata sua ad longum & enucleatè recitaverint, jam salva & tuta sunt omnia; jam appellant filios æternæ vitæ, jam verè pœnitentes moriuntur, quicquid tandem sit de contritione. Existimo autem ego nisi mea me Theologia fallit, non ita facile posse reconciliari infinitam Majestatem, sed insigni quadam opus esse sollicitudine, ad non vulgarem animi dolorem, preces, gemitus, & clamores cordis cum confessione jungendos.

DOCUM. IV. Non putant plerique expedire ut rei antequam in foro externo causam suam transegerint, ad internum vocentur, sed suadent eo usq; hoc differri, dum

dum in externo omnia liquida sint, ita Del-
rius *lib. 6. C. 1. Sect. 3.* atq; usu ferè ordinario
recipitur.

DOCUM. V. Expedit tamen, ut
paullo ante dixi, per visitationes & collo-
quia sacerdotum reos disponi ad pœni-
tentiam, compunctionem, & seriam ad
DEUM conversionem, cùm primùm fieri
potest: id enim profuturum scio, non so-
lum ad confessionem sacramentalem, sed
etiam profanam, quæ hac via tutius feli-
ciusq; quam per torturas obtinebitur. Et
ad Sacramentalem quidem omnino hæc
compunctio necessaria est, ut præcedat: sa-
cramentalis enim esse non potest, nec ad
salutem proficua, nisi ex prævia compun-
ctione orta sit: illius hæc filia debet esse,
aut esse non potest.

Underursum confirmo, quod dicebam
id potius laborandum confessario ut con-
terantur rei, quam ut fateantur. Nam fate-
ri quid attinet, ni contriti sunt? si contriti
autem, jam sponte sequitur confessio.

DOCUM. VI. Etsi amplecteremur
sententiam Delrij, docentis, licere judici
equivocatione sermonis, aliove quo dolo

bono reos circumſcribere : id tamen fieri ſpiritualibus nullatenus permitteremus.

Ratio eſt ne ministerio eorum, atq; ordini inuratur nota, quæ non tam facile ſeculari judici adhæreſcit. Scio contigiffe ut cum Sacerdos quidam reo cuiſpiam æquivoce promiſſet mitigationem ſupplicij, nec eam deinde conſequeretur; ita turbatum eſſe hac deceptione, ut vix tandem obtineri potuerit, ut ante mortem ſe extrema expiaret pœnitentiæ purgatione.

Caveat igitur confeſſor, ut aliter, quam fidelem imitatoreſ Chriſti decet, in hac re ſe gerat, ne ſe deceptum eſſe quiſquam meritò queratur ab eo, quem Dei fuiſſe loco agnovit.

DOCUM. VII. Omnino autem dedecet, ſi viri ſpirituales, ut nonnullos audio feciſſe, ſuggerant iudicibus torquendi modos, niſi forte mitiores. Liſtorum hoc non ſacerdotum munus eſt.

DOCUM. VIII. Sed nec decet, tormentis palam interſint & ſpectent, bene monet Delrius *lib. 6. cap. 1. Sect. 3.* propter irregularitatis periculum, ut ipſe aſſuetudine & ſcandalum, Sed interim tamen non v

deo, cur non alicubi ex occulto ea arbitrariper rimam, aut fenestellam possint.

Ratio nam aberit & irregularitatis periculum & scandalum cum nemo sciat: & verò proderit, ut quam cruda & periculosa ea res sit, ipsi suis oculis usurpent. Quod si concilium Antisiodorense. Can. 33. vetat Presbyteris ac Diaconis *ad Trepalum stare ubi rector torquentur*, id explicandum puto; ut veret stare palam.

DOCUM. IX. Imo universum non plane negliget prudens confessorius, ut scire saltem ruditer laboret, quam ritè judiciales processus instituantur.

Ratio est, tum ut secundum ea prudentius possit cum reis in foro conscientiae procedere; tum & Judices, si opus esse videretur, officij commonefacere.

Ita nuper totidem verbis religiosi cujusdam ordinis visitator monuit suos, qui ad carceres itarent, in Epistola quadam encyclica, quam quidam ejus ordinis religiosus mihi monstravit.

DOCUM. X. Displicuit mihi nuper Confessorius, qui primo suo in carcerem ad quampiam aditu, ut eam tanto me-

lius ad confessionem adduceret, denunciabat ei, concludum esse apud Iudices de ejus morte, faceret igitur officium.

Præclara utiq; benevolentia captatio! existimo enim Sacerdotem dedecere ut cuiquam mortis nuncium afferat, neque id aptum esse medium (nisi forte in plane impœnitentibus ac desperatis, quibus alia non profuerunt) ad rectè hominem DEO conciliandum; cum habeam experientia, plerosq; , aut saltem multos, etiam alioqui strenuos viros audita mortis denunciatione ita vehementer consternari, ut ad adeo præclaras mentis functiones sint inhabiles. Tristia igitur alios nunciare sinant Sacerdotes: Ipsi ea afferant, quæ consolationi esse possint.

DOCUM. XI. Laboret igitur prudens Confessarius, ut reorum animos sibi potius arctissimè devinciat: Quod fiet, si declaret venire se, non ut Iudicem, sed Patrem, qui personam acturus sit Paracliti in spiritu Filij Dei. Explicet igitur quid inter sacerdotum & secularium Iudiciū officium, & intentionem intersit: apud hos, si qui reus sit, de pœnis agi, apud illos, de condonatione;

natione; Non esse igitur quod metuant, quin omnem animum penitus aperiant, & quicquid angat explicent: agant secum fidentissimè non suspicentur quicquā fraudis, non diffidant; se monstraturum esse eis affectum eum, quem fidelissimus pater amantissimis suis pignoribus unquam possit: Condolere verò & compati eorum miseriis: sed & tangi dolore cordis intrinseco, non secus, quam si propria res agatur: quod si eos adjuvare qua ratione posset, non dubitaturum proprio sanguine subvenire: Atq; igitur, non parum sibi ægrè esse, quod id non liceat, nec nisi soli animæ prodesse possit. Et nunc huic sanè omni studio consulturum: nunquam verò se eas deserturum, sed utcunq; res cadant, affuturum ad extremum articulum, erecturū animos, additurum spem & robur ne concidant, aut abundantiore tristitia absorbentur, & id deniq; omnimodo acturum ut queri non possint, ullum sibi defuisse cōsolationis genus: hæc enim & similia, quæ fidelitatem & Apostolicū spiritum sonant, si proposuerit, mirifice sibi reos astringet, ut adhuc velut charitatis funiculum, seu

habenam, duci se sinant, quo libeat,

DOCUM. XII. Potissimum vero eos securos reddat etiam stipulata manu, & si opus sit, juramento appposito, quicquid secum utpote cum viro spirituali etiam extra confessionem loçuturi sint, ne verbum, quod ipsis nocere queat, seu quod nolint, ad externi fori Præsides foras affluxurum.

DOCUM. XIII. Imò & juverit distinctè addidisse quod quicquid secum agant, id nec si maxime nocentes sint obesse eis possit. Nec si maximè innocentes prodesse: sibi n. nullum cum judicialib. personis in his causis commercium sermonis esse, nec illos Sacerdotib. in his quicquam credere, aut audire; sed juxta propria Jura & ordinem procedere; tantum igitur se inter reos & Deum posse medium intercurrere, & quicquid fiat de corpore, id efficaciter agere, ut spiritus setvetur & ad illa domicilia perveniat Beatorum, quæ cum Dei filius pœnitentibus pollicitus semel sit, & mercatus à Patre, jure jam suo repeti possint à peccatorib. omnibus, etsi alte demersis; i a dum nec obesse nec prodesse

nisi quantum ad animam eis posse persuaserit, quæ secum secretò communicet; obviabitur tum iis qui ut à Confessario juvantur innocentes esse vellent, tum iis, qui & nocentes esse mallerent, ne proderentur, & ad torturas reducerentur. Nam

DOCUM. XIV. Doceo confessarios ut certissimò sciant, plurimos esse, qui etiam in ipso sacramento nocentes se, cum non sint, fateantur. (ut ipse læpius, & alij mecum religiosi viri manifestè nos ipsos convicimus) idq; ideo; vel, quia importuni Sacerdotes sunt, quorum imperum aliter evitare non possint, de quo repetere dicta dubio 19. Vel ne, quod dixi, in quæstiones repetantur; sic enim simpliciores multi existimant oportere Sacerdotes quæ quomodocunq; à reis audiant personis judicialibus referre, atq; ob hanc ipsam industriam eos ad se expiscatum mitti. Nec, nisi difficulter, quidam in contrariam sententiam reflecti possunt. Miseria hæc est oppidò notanda, & inciticia juvenum Sacerdotum lachrymis deflenda. Atq; ego quidem qui sic in sacramento mentiti sint damnare non aulam, quin potius excusari nuper posse

docui ob simplicitatem, perturbationem
& similia. Verum tamen quod & non revo-
cent quos complices nominarunt & vehe-
mentiori hoc conscientiae scrupo pressi
maiore cum dolore, quem quo testiore
caussa, eò feventioribus pœnitentiæ signis
apud Deum contestantur, decedant; atq;
hinc fiat, ut tantò confirmatius & ipsæ tam
eximiè pœnitentes, & aliæ ab eis denun-
ciatæ reæ habeantur minusq; exinde dubi-
tet Germania, quin maleficis sit plena. Res
hæc admodum convulsa & abrupta est, ut
nesciam, quid latis plangam. Porro cum ut
dixi, multi metuant, vel ex ipso Sacramen-
to; quid mirum, si quando extra illud cum
iis Sacerdotes agunt, plures sunt qui id for-
midant? Itaq; mihi constat nonnullos et-
iam alias prudentes viros magiæ falsò infi-
mulatos & captos, tum ob eum metum,
quem dixi, tum quia nihilominus de se a-
ctum videbant, nec ullam solidam Sacer-
dotum accedentium consolationem spe-
rabant ideoq; præ desperatione & stoma-
cho loqui amplius pro se dedignabantur,
tum quia alia ratione declinare nonnullo-
rum importunitatem non liceret, non ali-
ter

ter quam pro reis se apud quoscunq; extra
confessionem gessisse, ac cū ulterius mul-
ta rogarentur, omnia consequenter an-
nuisse, & finxisse, quæ cæpta semel fabula
exegisset. Quare cum hæc ipsa deinde spi-
rituales illi viri simplicissimi passim sparge-
rent, & hinc criminis hujus contagionem
mirè exaggerarent, quid poterat fieri aliud,
quam ita omnes in cōcepta semel opinio-
ne de multitudine maleficorum confirma-
ri, ut nemini jam sano de ea dubitare im-
posterum liceat. Longum nimis sit, si hic
exempla inseram Sacerdotum illorum, qui
ita turpiter decepti & se & alios miris &
grandibus inaniis impleverunt.

Itane vero inter eos etiam religiosos &
Apostolicos esse viros, qui versati cum reis
multū sint, atq; hæc nondum deprehen-
derint? sed jam omnia se tenere putent,
si modo rei eis crimen, seu intra seu extra
sacramentum verè seu falsò facti sint. Ubi
nunc ergo Evangelica illa prudentia ser-
pentina? ubi gustus ille sanctorum, quo &
gustari quasi innocentia quorundam pos-
set; et si alia unde colligeretur deessent?
Ubi illud Apostoli, quod agebat, *quoniam*

(spir.)

spiritualis judicat omnia 1. Cor. 2. 15. An non amplius distributiones hujusmodi gratiarum in Ecclesia sunt? Væ confessoribus qui committere se rei periculosæ audent, & non plurima cogitatione omnia versant, acerbissimo gemitu dies noctes DEUM pulsan, ad obtinenda consilij & scientiæ dona.

Quicquid sit animadvertat diligenter Confessorius, & cum non aliter apud reos egerit, quam induta persona Christi, cumque eò solum reos adduxerit, ut ipsi planè confidant, admiranda quædam sensim discet, quæ adhuc ignorat. Gratias mihi non pauci Sacerdotes egerunt, quod hac una via apertos sibi in multis oculos fuisse experti essent, cum prius nescio quo impetu rapti aliter omnia existimassent.

DOCUM. XV. Non solum autem reos securos reddat de taciturnitate sua Sacerdos, verum etiam re ipsa eam severè collat: Ita ut neq; quæ extra confessionem cum eis agit, temerè foras exportet: Id quod ante citatus Visitator omnes suos in dicta epistola disertè quoq; admonuit: Et quidem omnino prudenter. Nam rationes istæ sunt:

I. Sic sæpè incauti quidam, dum consulere captivis volebant, novam eis torturam caularunt.

II. Irregularitatis sæpe periculum est, cum facile garrulitate sua, aliove signo, mortis sententiam efficaciter promovere possint. Sunt enim Judices pleriq; , ut ipse annotavi, & monet quoq; Delrius, qui id agunt, ut à Confessariis signum aliquod captent, quo captivi constātes, id est nocentes, innuantur, quod ubi furtim incautis abstulere (quanquam nunc lussuriale quid non sit opus, cum passim insulsi Sacerdotes (absit verbo injuria) ipsi sponte perfluant rimarum pleni) tum demum abrupta ulteriore hæsitazione ad condemnandum accedunt: Quo pacto gloriantem nuper Judicem audiebam, cum diceret, se vero ne impingat, in neminem adhuc hætenus capitali pœna animadverti jussisse, nisi quem prius à Confessario intellexisset in culpa versari. Satis innuens quam efficaciter ad reorum condemnationem Sacerdotes concurrerent. Placet Sacerdos ille, vir mihi amicus, quem cum Judices subinde rogant maneat ne hæc vel
illa

illa constans, sicut enim loquuntur, respondere solet; Ego vero, inquit, ut quod res est dicam an constans sit nec ne, an fateatur nec ne, an nocens sit nec ne sane nescio neq; curo: Nam talis an talis sit ad me non spectat sed ad Judices: Id autem spectat ut qualiscunq; tandem fuerit nocens aut innocens, bona an pessima ad cœlum eam ducam, id quod DEO adjuvante pro meo munere me facturum spero. De cætero quid me affligam & mittam falcem in messem alienam? Ita ille, sed ni valdè suaviter & modestè fiat, offendi Judices solent.

III. Periculum est, ne reveletur interdum sigillum Sacramentale, aut saltem revelari videatur, quod omninò omnes maxime cavendum clamant: Neq; enim populus distinguit quid intra, quid extra confessionem acceptum sit. *Ut mirari sanè subeat religiosi illius nuperam prudentiam qui cum esset ejus loci ordinarius reorum Confessarius* (nec de loco, nec de persona rogare volui) publicè de suggestu in magna populi concione pronunciare ausus est, non esse, quod Magistratus vereretur in sagis acerrimè procedere sibi enim certissimò constare, nullam adhuc eo in loco ad supplicium ductam esse, quæ

se qua culpa vacaverit. Sic ille: Mihi autem scire lubet, unde id ei tam certò constiterit? An quia iudicio publico damnatæ erant? Sed id scilicet non æq; populo erat notum, nisi & sibi hoc constare concionator diceret? Amplius aliquid voluit dicere, & majori certitudine rem firmare: Sed hæc ipsa major certitudo unde erat? An extra an intra confessionem hausta? si intra: ubi nunc tandem tam sacrosancti secreti ratio est? si extra autem, cur id additum non fuit, & occursum suspicioni, ne id dicere sic affirmatè Confessarius non videretur, nisi quid altius certiusq; quam cum communi modo cognovisset? Itaq; non parum scandalizatus esse populus dicitur, cum solum hoc sacrosanctum Confessarij nomen multorum iudicia insigniter & merito irritasset. Non tam ipsum ego Confessarium hunc miror, quam religionum superiores qui hos tales in res difficiles exponūt, quos qua sint iudicij inopia, jam tum utiq; exploratos habent, aut habere debent.

Certè hunc ipsum hominem eo intelligebam iudicio & capacitate inter suos habitum, ut in studiis suis progredi ob ingenij he-

nij hebetudinem non potuerit. Sic enim auditores eius deinde vestigaverant & mihi narrabant. Quia ille igitur prudentia & iudicio cum re's versatus sit privatim, qui sic publicè, existimationi suæ parum nosset prospicere, iudicet meus lector. Sed nimirum ni hos tales adhiheremus, qui importunitate sua nimia reos cogerent, ut tandem victæ tædio ad redimendam vexam faterentur, quod isti per fas & nefas volunt, sic enim solitum fuisse eum concionatorem, de quo dixi, audiebam deessent Germaniæ, qui inflarent credulitatem Principum, de multitudine sagarum; quasi vero (quod nuper iudici cuidam experiundum obtuli) ulla tam innocens mulier esse possit, etiam quæ omnia licitorum tormenta illuserit, quam non superare huiusmodi importunitate, & agendi ratione velim, ut ream sese tandem apud me constituat, si id intendam. Sed prohibeat me Deus. Porro imperitos huiusmodi principes audiunt & sequuntur: cum tamen quidam dicerent sibi difficile non fore, in eo ipso loco, quod is homo jactabat innocentem periisse nulum, ostendere periisse plures. Sed ne tale quid

quid unquam à quoquam ostendatur, abunde cautum est, quod id moliri incipiat, suspectus fiat, aut indignationem magistratum incurrat. Ingeniosissimum hoc inventum est inter omnia, q̄ in hoc quidem genere habet orbis. Nam ita omnis via præclusa ingeniis est, ne obscurissimis causis liberè inferre lucem possint.

DOCUM. XVI. Quæri possit, quid faciat Confessarius, si (quod impossibile non est, ut vide apud Tannerum) ex confessione vel aliunde cujuspiam innocentiam cognoverit? An indicabit? posset, si indicet, periculum enasci revelandi sacramentalis sigilli, dum scilicet alios quoque audiens, de illis taceret: Nam innueret tacendo, hos igitur non esse qualis prior: Quod si periculum hoc absit, quia verbi causa alios non audit &c. Atq; etiam putat non frustra apud Judicem se laboraturum nec causaturum reo nova tormenta, nec aliud aliquod incommodum secuturum, ut scandalum magnum populi &c. Non video, cur non modo nō possit, sed debeat conari ut subveniat: Ita enim charitas jubet, & ita scriptura: *Erue eos*, inquit, *qui du-*

*cuntur ad mortem, & qui trahuntur ad interitum liberare ne cesses: proverb. 24. 11. Caveat tamen ne innotescat aliis reis, confessorium pro innocentibus intercedere, ne occasionem sumant hinc sacrilege confitendi, ut ante monui docum. 13. Caveat quoque ne contra iudices quicquam agat aut dicat, seu ante seu post mortem reorum, quod eos infamet, aut iudicia publica perturbet: si quid erit, id non apud alios, sed ipsos proferat, & moneat, cum hoc utique Apostolicos viros non dedecere dicat Apostolus, cum ait: *An nescitis quoniam Angelos iudicabimus, quanto magis secularia?* 1. Cor. 6.*

DOCUM. XVII. Nec minus queri possit quid agendum, cum quis alios innocentem denunciavit tormentis coactus. Res intricata. sic tamen dicendum: levi graviter peccatum sit, siue non, quod quicquid tantis tormentis victus innocentibus culpam afflaverit, hoc tamen certum est, teneri eum ut id revocet quam efficaciter possit: cum autem Iudices nihili faciant (Quam rectè ipsi viderint, & tu vide infra dub. 40.) revocationē eā, quæ fit à reis post la-

tam

tam sententiā prope mortem tenebitur ut revocatio sit efficax, revocare tempestivius ante latā sententiā, & hoc quidem, etsi metuatur seu provideat le ad pœnas revocādum: Quia in pari sui & proximi necessitate rationem potius habere debet innocentis, cui fecit injuriā; dum eum falsā accusatione inique læsit.

DOCUM. XVIII. In hoc vero casu, si Titius ob apprehensionem pœnarum adduci à confessorio non potest, ut sub tanto discrimine palinodiam canat, difficultas existit: dicam quod sentio: nam in primis, quid si dicat Titius, revocationem quam immediatē ante mortem ablato tormentorū metu facere palam cupiat coram populo, meritō sufficere, quippe quæ æstimatione prudentum maximi sit momenti, ac proinde de se efficax: Quod si vero vicio judicū inefficax sit, ac proinde delati non eximantur, id iudicibus, non sibi imputandum. Deinde quid si Titius tempestivē in carcere revocationē faciat, seu voce seu scripto coram Sacerdote suo, & altero adhuc teste: atq; hic postea cum

evanuit tormentorum metus, id est, vel immediate ante vel post Titij mortem revocationem hanc exponant, à Titio præsentis animo, in conspectu DEI, & testium factam, an non hæc saltem sufficiens & valida censeri debet; & si non dum admittere eam iudices velint, excusatus apud DEUM Titius est, & illi si contra denunciatos procedant iniqui homicidæ sunt? Deniq; quid si clare ostendam Titium fecisse, quod in se est, & quicquid tandem ab eo postules, non tamen futurum, ut semel accusati ulla revocatione exculpentur. Nam quid Titium vis facere? An revocare tempestive apud Judicem & reductum in quaestiones, eas constanter elidere persistendo in revocatione? sed hoc frustra, novit jam imbecillitatem suam, scit certò futurum, ut quaestiones eas non toleret, uti nec priores tollerare potuit: Rursum igitur dolori cedit, & revocationem suam damnabit, an sic redibitur, quo prius, in easdem miserias? imo tunc tantò amplius accusati habebuntur nocentes: Pæniteat igitur, & DEO commendet, & revocet iis modis quibus potest, & dixi. Si iudices id non curant,

ipsi

ipsi viderint. Id vero dolendum vehementer, quòd cum plurimæ metu repetendorum tormentorum non audeant revocare denunciatas, valdè exaggerent iudices, eas utique certissimò nocentes esse, cum tam multæ pœnitentes super eis mortuæ sint, quis enim hæc audiens vim magnam non putet in his locutionibus inesle? Et tamen quæ vis insit, ex dictis satis patet.

DOCUM. XIX. Proderit porrò Confessariis reorū, torturæ hunc nostrum commentarium non oscitanter legisse, & quæ dicuntur coram Deo se perperam, qua mora expendisse. Ego id cum juramento depono, me quidem nullā hætenus ad rogū duxisse, de qua omnib. consideratis prudēter statuere potuerim, fuisse ream. Idem ego à duobus aliis accuratis Theologis audiui; Neq; non omnem tamen Industriam adhibui, qua ad veritatem penetrarem, ut dixi supra *dub. 11. rat. 3.* dicam aliquid, quod audire cupiam quicumque aures audiendi habent, maxime vero sacratissimum Imperatorem, Principes, eorumq; Consiliarios: Fingatur enim de industria atrocissimum aliquod exceptum crimen, quo noceri sibi

vulgus apprehendat, atq; ejus deinde dispersa fama in id inquisitores sese accingant, iisdem viis, quibus nunc in maleficia: Ajo sane, si in germania paullò post pauciores erunt ejus criminis rei, quam nunc magiæ sistam me summo Magistratui & in flammis vivus injiciat. Ego sane si his ipsis verbis utentem audiam, vel ignorantissimum de plebe vereri sane incipiam, ne non sine magnis causis quas ipse norit, sic loquatur. Et ad minimum reflexa mente hæream, & meditatione aliqua dignum putem, quod homo rationalis non plane mente dejectus sic confideter, cum pacatus esset, aulus eloqui sit.

DUBIUM XXXI.

An ante torturam mulieres perlictores tonderi conveniat.

Ante quam respondeam, oro lectorem verecundum, ut dicere cum aurum ejus venia mihi liceat, quod & facere sine pudoris venia liberrimè jam alicubi solent. (Cum enim questionibus seu torturis ad-

ris admo-*uenda* quæ rea est, seducit eam
 primum in locum proximum infamis li-
 ctor, & non modo capite & axillis, sed &
 qua parte mulier est, accuratè detondet,
 aut admota facula adurit. Causa est ne
 quid implicitum sit recularum magica-
 rum quibus ad tormenta induretur.
 Igitur

RESPONDEO. Id nequaquam convenit.
Rationes istæ sunt:

RATIO I. Fædum est id & spurcum,
 quod Christiana & Evangelica puritas me-
 minisse non fert.

RATIO II. Conjunctum est cum
 periculo peccandi in homine turpi &
 obscæno.

RATIO III. Obnoxium est illusioni-
 bus & fœdissimis tactibus incontinentium
 scurrarum, præsertim cum quidam scri-
 ptor, quod miror, nonnullibi suspicionem
 moveat, annon aliquid etiam hujusmodi
 recularum magicarum secretius abscondi-
 tum sit: videlicet ne non habeant quod
 prætendant infames scurræ, si lubeat eis
 profundius lascivire.

RATIO IV. Pernitium grave est sexui naturâ verecundo, qui non raro mori malit, quam coram infami nebulone sic enormiter depudere.

RATIO V. Frustra etiam suscipitur, cum & contra maleficia alia pia remedia usurpari possint, nec ea nostro tempore in detonsis unquam reperiantur quæ isti querunt. Quod stupeo nondum hætenus nos advertere, sed æq; cæcè progredi, & quod horret animus meus meminisse etiã ipsos Sacerdotes & quidem sub Principibus Ecclesiasticis lictorum forfici submittere.

RATIO VI. In locis aliis ubi ea consuetudo non est, non sanè pauciores pyræ fumant, nec minus potens sine hoc tam fædo procæmio tortura est: ut omnino existimem libidinosisissimorum scurrarum hoc inventum esse, non honestissimorum iudicum: qui si quando rasuram hanc omnino necessariam arbitrati essent, non nisi intra eundem sexum pudendæ rei administrationem quæsiuissent, prout exemplum habes apud Damhauderum praxeos criminalis cap. 37. Vbi cum ita necessarium visum esset, adhibitæ constrictæ sunt.

Rat. 7.

RATIO VII. Quinimò ne hoc quidem fieri convenire hæc una & sola ratio meritò evincat, quod antiquam honestatis laudem Germanis peculiarem sanè effundimus : quæ sola causa sufficientissima est visa authoribus Mallei, qui Inquisitores hæresum in Germaniam olim à Pontifice missi, nunquam uti hac rasura voluerunt, eo quod intelligerent in Alemanniæ partibus (sic enim loquuntur) rem eam plurimum in honestam censerì, licet ut ajunt in aliis regnis id fieri Inquisitores mandarent. Pudeat Germanos nos, si quæ tunc erat peculiaris Alemanniæ verecundia, nec hanc Inquisitores illi alias severi confundera usi sunt, nos deniq; nunc nequissimorum scurrarum libidini prostituimus. Attendant Judices quid velim : Ego enim detondendam hujusmodi à nequam scurra raptim constupratam audio, tum mox compendio facula depilatam.



DUBIUM XXXII.

Quibus de causis ad torturam
procedere liceat?

RESPONDEO. Ante omnia id maxime curandum erit, ut quando tam periculosa & acerba tortura est, non nisi gravibus ex causis, id est premissis indicis admodum urgentibus, quareum velut obruant, ad torturam veniatur. Indicia vocantur à Iurisperitis ea omnia, ex quibus colligi potest Titium V. G. crimen commisisse. Ea triplicis generis constituam⁹. Magna, Majora, Maxima, videamusq. quae ad Capturam, quae ad Torturam, quae ad Condemnationem requirantur.

I. AD CAPTURAM requiruntur magna. Ratio est: nam ex parvis causis quempiam in non parvum incommodum, qualis est captivitas, conijcere, cum aequitate simul & charitate pugnat. Ex quo sequitur, quod prout vel ex personae dignitate capienda, vel aliunde captivitas gravior redditur, ita etiam majoribus indicis opus sit.

II. AD CONDEMNATIONEM, requiruntur maxima, seu urgentissima, luce meridiana clariora, quae plena probationes sint, id est,

ita probent, & undiquaq; satisfaciant, & planè
reos ceu demonstratione quapiam legitime con-
vincant: adeo ut si illa habeantur tortura opus
non sit, imò nec adhiberi debeat ut communiter
docetur. Vide Clarum l. 5. q. 64. n. 5. & Farina-
cium q. 37. n. 5. Atq; hac non tam solent appella-
re indicia quam probationes per excellentiam,
ut vide subtiliter distinctum apud Farinacium
loco citato, qui tamen cum ibidem inter indicia
luce meridiana clariora, & probationes luce me-
ridiana clariores distinguit, nimis subtilizat & si-
ne causa.

III. AD TORTURAM magna non
sufficiunt, cum multis modis gravior sit quam
captivitas, maxima autem seu probationes plena
non requiruntur, sed sufficiunt & requiruntur
qua majora diximus, adeo firma & clara, ac penè
certa, ut merito prudens quisq; iis multum fidere
possit, ut communiter omnes tradunt; appellantur
hodie probationes semiplena, melius tu fere
plenas dixeris; Id est, quae ita probant, ut non
plane convincant, valde autem ad probationem
plenam accedant, quasi luna cum ad lucem inte-
gram ultra sui dimidium aspirat: ita ut ferè, seu
quasi moraliter certum sit, ait Lessius cap. 29.
dub. 17. n. 151. ipsum authorem esse, qui huius-
modi

modi probatione urgetur, nihilq̃ deesse videatur ad plenam certitudinem, quam sola rei confessio. Verba legis sic habent: Ad tormenta servorum ita demum veniri oportet, cum suspectus est reus, & aliis argumentis ita probationi admovetur, ut sola cōfessio servorum deesse videatur. Ita lex. 1. ff. de quest. ad quam vide Mynfingerum. Lege etiam pro nostrare-sponsione Prosperum Farinacium q. 37. num. 3. plures citationes legum & authorum nos omittere solemus, ne lectori molesti simus.

Illud tamen hic notandum est, quod indicia ad torquendum non solum esse debent qualia diximus, quæ virum cordatum moraliter fere seu quasi certum reddant; sed etiam debent esse plene & concludenter in suo genere per duos testes legitimos probata secundum glossam singularem & ordinariam in l. final. in verbo vel indicis C. familiæ erciscundæ, quam glossam cum Bartolo, Baldo, Saliceto, & pluribus aliis sequitur Farinacius q. 37. n. 17. & seqq. ita ut sit sententia penitus recepta, & in Iudiciis ac scholis canonizata, ut dicit Brunor. à sole in suo cons. crim. num. III. ex Alci. in cons. 465. num. 1. Quod sane & in atrocissimis servandum, rectè monet Mascardus in tract. de prob. l. 1. concl. 462. num.

indicia pro fere plenis probat. habenda. 221

18. & Farinacius loco citato, ac facile colliget
lector ex iis quæ nos infra dicemus dub. 37.

DUBIUM XXXIII.

Cujus sit arbitrari quæ indicia
in specie talia sint ut pro fere
plenis probationibus ha-
beri possint.

RESPONDEO, Cum una generalis hac su-
per re dari regula non possit, quæ indicia in
specie tortura viam aperiant, id est, semiplena
sint probationes, sunt qui velint id ad cuiusq; ru-
dicis arbitrium pertinere. Ita Brunus in tract.
de indicibus & tortura p. 2. q. 3. sed tantam ju-
dici in re ardua concedi licentiam periculosum vi-
detur Mynsingero in l. 1. de quæstionibus: &
merito, neq; enim ignotum est, quos sæpe judices
habeamus. Lege Tannerum Theol. tom. 2. di-
sp. 4. de Justitia q. 5. ubi ad longum egregie
ostendit, quam periculosum sit in his causis mul-
ta judicum arbitrio permittere. Existimem
ergo sequendam esse laudabilem quorundam iudi-
ciorum praxin, quæ indicia hujusmodi unius &
alterius Academia examini submitunt, earum-
que sententiam amplectuntur, neminem ut in e-
qu-

Dub. XXXIII. Cujus sit arbitrari quæ quæleum conjiciant, cui non illa torturam decreverint. Tutius est id in re periculosa cui nulla sat magna adhiberi diligentia potest.

DICES, Res hac nimia opera ac sumptuum futura est, nimumq; retardabitur cursus in Zizaniis his evellendis, si ad quamlibet torturam Academicarum judicium sit requirendum.

R. I. Non opus est requirere ad quamlibet in particulari cum multa iisdem indicis narrantur & ex paucis de multis pariter judicari possit.

R. II. Quid tum autem etsi mora aliqua injicitur processui dum tanto tutior evadat? Anigitur moram malunt adversarij quam periculum vitare? Sententia erat Christi, ut supra visum est, ad evitandum periculum omnino abstinendum ab evellendis Zizaniis esse, nedum sistendum subinde, & tardandum. Quid autem operam ac sumptus causamur in re tanta? an ullibi autem hac melius, ac tutiore conscientia sumuntur, quam cum agitur de tollendo periculo a corpore, vita, ac fama innocentum? An plane agitur & simpliciter procedere, urere, cremare isti volunt, seu id periculose fiat, seu non fiat? Ego vero sic existimabam, hunc esse gentium Christiana legis, ut gauderent potius, caperentq; indices pa-

ces paucissimos reperiri nocentes, quam id agere
atrocissimis, expeditissimisq; tormentis, ut quam
paucissimi innocentiam tueri possint. Novit De-
us, si non istud tandem erit sub specte iustitiæ ter-
rarum orbem interficere. Audiebam nuper
vocem ab inquisitore non tamen calidissi-
mo, sed quem hoc tempore vel tepidum
esse plerique omnes fatebantur; quæ ut ve-
rum fatear, non primùm mihi displicebat,
utpote ex qua facile ad iudices alios cali-
diores argumentum ducebam. Cum enim
sic familiariter in hanc materiam ingrede-
remur: fateor, *inquit*, deberent quidē hæc
alia morosius tractari & expēdi, deberent
ventilari, & disceptari, deberet etiam dari
sufficiens ad defendendum & agendum
tempus, ac similia. Sed tum sanè progredi
non possemus: satis quod hæc hodie sit pra-
xis, nolumus sic scrupulari. Sic ille. itaq; hoc
innuebat, si facerent inquisitores quod deberent,
non ita crematuros esse, ut tamen igitur crema-
rent, curandum eis esse, ne quomodo facerent quæ
deberent; perinde ac si sic discurras, si oculos ape-
rent homines, videre possent, ne igitur videre
possint ut ne oculos aperiant curandum erit. Pra-
clarares! Est tamen tam inquisitores, tum sum-
mi ma-

mi magistratus in altissima conscientia pace fedent, & exporrectis pedibus dulcissimos huiusmodi suorum officialium discursus audiunt, applaudentibus interim etiam spiritualibus viris quod insigni Zelo Germaniam expurgent. Hoc si quis deploret & audiri postulet, ac cum ratione & sine praepudicio rem altius discuti optet, an tot ubiq; sint Sage quod putantur, is repellitur & suspectus fit, atque in equuleum mitti dignus est. Exundat mihi sanguis, cum iterum occurrit memoria, atq; iterum hodie nominari audio iniquissimos illos Inquisitores, qui, ut supra retuli Dubio 9. rat. 8. religiosissimum Theologum Tannerum in equuleum mittendum dicere ausi sunt, quod prudentissimè de processibus contra sagas scripsisset: Hoc unum ex eorum indicis est ad torturam: nec culpari poterant cum facturi sint discursum paulo ante positum. Nam deberemus quidem, inquit, talibus viris non ita leviter torturam ad iudicare, verum ni faceremus, & ad Academias primum curreremus rogatum, non posset contra eos expedite procedi: Ita hic discursus omnia excusat.

Licebit igitur inquisitoribus q; volent; Et qui mihi det ut inquisitor fiam? mox in omnes Germania magistratus, Ecclesiae Praelatos, Canonicos

& religiosos inquiram; facile struam calumniam aliquam: si defendere se volent, non audiam, con-
jiciam in nervum, torquebo exquisite, ce-
dent pœnis, & ecce, inclamabo, ubi malefici
latebant! quam hoc occultum crimen est! quam
rectè serpit! Quis me autem jure reprehendet
quod male processerim? dicam enim: nisi ita mihi
licuisset jam sanè expedite procedere, non po-
tuisssem nec cremare; ut igitur expedite procede-
rem & cremarem omnia licebant. Nescio in qua
tempora devenimus: nullus jam subvenire Ger-
mania nisi magnus Casar potest, adhunc supplices
accedant qui premuntur; neminem is ab ara lu-
stria repellat: legat is catalogum indiciorum ex
quibus passim ab Inquisitoribus nonnullis proces-
sum est, cum & futilia essent, & ridicula, & nec
sat probata, tum autem & accurate refutata: &
vel omnino fallor, vel ingenti animo exurget, ut
iniquissimorum processuum libertatem castiget.
Quamquam, ut hoc obiter notem, quis scire potest,
quid nam rei ad Indicia sibi proposita responde-
rint, & quo pacto refutarint, cum hac non per scri-
bantur? ut notavi dubio 18. Corollario 15. Et
hoc scilicet est quod Iudices Academiæ judicium
subterfugiant, ne accuratiores in actis suis notan-
dis cogantur esse, ne vè plurima se satis purgasse
pronuncientur.

Q

Dub. 34.

DUBIUM XXXIV.

An sola fama non aliis claris & firmis probationibus suffulta, ad torturam indicium det?

RESPONDEO I. *Non dat. Ita Iulius Clarus sententiarum lib. 5. q. 21. n. 1. cum omni sententia Doctorum, quos non paucos citat, nos more nostro omittimus. Rationes istæ sunt.*

RATIO I. Axioma est Juristarum & Theologorum, quod fama in criminalibus non probet, sed se habeat instar accusatoris tantum, ut igitur nō potest torqueri quis, ob solam accusationem, ni accusator aliquam afferat probationem, ita similiter &c.

RATIO II. Fama suppeditat iudicium aliam rationem cognoscendæ veritatis, nempe per inquisitionem, inquit Lessius *de iustitia & jure cap. 29 dubitatione 17. nu. 156*

RATIO III. Fama est indicium valde remotum à delicto, itemq; valde fallax, ut quotidie experimur, inquit Clarus *loc. cit.* & Farinacius *q. 47. cum ijs quos citant debent autem indicia aut torturam, verba sunt Farinacij, non solum esse verisimilia, gravia, ut*

gentia

gentia, probabilia, sed etiam certa, clara &c. vide quæ nos supra dubio 32. Vbi diximus debere esse talia; quæ rem ferè indubitatum, & quasi certam reddant.

RESPONDEO. II. Adeo autem verum est, non sufficere ad Torturam famam solam, ut etiam hodie in crimine Magia sufficere non possit juncta aliis; nisi ista alia per se sufficiant, cum fama hodierna nihileis merito momenti debeat ad-jicere. Est contra communem hodiè omnium Iudicum, & Magistratum sententiam, & praxin. Sed tenemus, quod diximus, atq; hinc non parum confirmamur in opinione, de plurima innocentium turbâ, quæ simul abripitur. Rationes ista sunt.

RAT. I. Pleraq; omnis hodierna fama à rixis, litigiis, contumeliis, detractionibus, falsis suspicionibus, judiciis temerariis, responsis divinorum, invidiâ, irrisione puerorum, ac similibus initiis ortum suum ducit, & incredibili garrendi, nocendiq; libidine, quam nulla pœnæ coercitio castigat, latissime diffunditur: dictat igitur recta ratio, nihil in ea momenti statui posse, cum malefundata sit. Miror ego sæpe numero, cum cogito in quæ tempora perversissima

incidimus, plena ubiq; omnia detractionibus, contumeliisq; sunt. Ut quidq; nobis finistrum occurrit, continuo hæ & illæ quæ nos incantaverint animo designantur, curritur ad divinatores, onerantur suspicionibus honestissimæ personæ, spargitur in occulto temerarij iudicij virus tanto utiq; nocentius, & scelestius, quanto secretius ac tutius dormiente Magistratu. Serpunt subtili per domos atq; urbem, alij aliis se jungunt, dum paullatim ubi vires sumpsere in apertam, sed spuriam famam erumpunt: Ne tum quidem Magistratus evigilat, ut à quibus didita pestilētissima aura sit, inquirat, sed ad spurix vocis clangorem, in eas se accingit, quærit, capit, torquet, reas esse vult per fas, & nefas, quas iniquus ille rumor oppressit. Res indigna: in venenatas primum linguas inquiri oportebat, eas detractoribus, & calumniatoribus excindi, atq; ad infamem columnam suffigi, ac cum huiusmodi aliquot, non dico centenæ (ut æquum sane erat?) sed vel quinæ, aut senæ propalam pependissent, tum deniq; exclamore famæ sic saltem aliquantulum correctæ momentum aliquod suspicandi

arri-

arripere, et si alia quoque indicia iusta accederent, procedere.

R A T. II. Ut fama publica momentum habeat ad probandum, seu indicium validum sit, requiritur & secundum rectam rationem, & secundum communem sententiam Doctorum, quorum triginta & quinquaginta, imo plures citare possum, si opus sit, ut ea fama judicialiter probata sit per duos testes legitimos, qui saltem ruditer famæ definitionem sciant & iurati deponant, se ita audivisse à majore hominum istius loci parte, & quod orta sit, ex bono fundamento, & causa tali, ac tali, ac à bonis viris, aut saltem sic, ut constet non manasse eam ex rixis, contumeliis, & similibus ante dictis. Plures condiciones omitto, quas collegit Delrius *lib. 5. sect. 3.* Tu vide si lubet Julium Clarum, & Prosperum Farinacium, qui fusi de hoc tractant. Et hæc propositio communiter admittitur, & admitti debet! Sub qua igitur subsumo, & concludo sic: atqui vero nulla hodierna fama circa crimen Magiæ ita probatur, nulla igitur hodierna fama momentum ad probandum habet. Minorem probo duo-

bus argumentis, quorum alterum ex actis, alterum ex ore iudicum sumo. Nam

I. Jubeant principes omnia suorum Inquisitorum acta pervolui, vix invenient, ullam tot reorum famam ita fuisse judicialiter probatam. Citat Delrius *lib. 5. sect. 3.* insignes juristas qui idem de suis temporibus affirmant, nullam unquam famam legitime probatam, sic enim ait: *Famam exacte probare, quam necessarium tam rarum est in judiciis, adeo ut Grammaticus Senator Neapolitanus scripserit, se nunquam vidisse processum, in quo repererit famam publicam legitime fuisse probatam, quod & Iulius Clarus, & Vulpellus, & alij egregij partim iudices, partim Advocati asseruerunt. Sic ille.*

II. Cum hodie hæc quibusdam iudicibus objicio, ac moneo non habere eos famam unquam legitime probatam, ac talem, qualem Doctores requirunt, cum fundamento ortum: imo reas excipere, & docere unde primū fama manaverit, nempe vel à rixis, vel puerorum objurgatorum clamoribus cum quibus iudicio contendere noluerint, vel aliis similibus ex causis: cum inquam hæc moneo, respondere solent

lent, non aliam hodie esse praxin: nam si sic exactè examinanda fama esset non posset unquam procedere. Sic illi: ex quorum igitur ore ita argumentor, si hodierna fama legitime probanda esset, non possent Iudices procedere, ut ipsi tarentur. Sed Iudices procedunt, non igitur legitime probatur. Ecce ex ore suo se judicant, procedunt ex fama quæ nulla est, procedunt ex indicio quod nondum probatum est. Contra ea quæ supra diximus *dub. 32.* Qui igitur sunt hi processus? quam sacrosancta nunc publica judicia sunt? quam quadrant cum recta ratione, cum ex indiciis nondum probatis, & invalidis procedant: nisi id forte inferri rectè existiment, quod quia debeant procedere, hoc ipso jam validum incipiat esse id, quod ante carebat valore, & probatum jã hoc ipso sit, quod nondum est probatum. Malè hoc, & imperitè, ac ridicule: quanquam non risu jam, sed planctu dignum sit, cum de hominum sanguine agatur. Sic enim oportebat inferri. Fama ni legitimè probetur indicium invalidum est, ergo etsi procedere debemus, ex non probata tamen fama non debemus.

Non autem sic, procedere debemus ergo fama invalida fit valida, ergo ex hac procedere licebit; obsecro unde illi subitus hic valor? vide quæ in simili dicam infra *dub.* 49. *Argumento* 11. Quare si verum est 1. quod si quis ita tortus ex illegitimo famæ indicio, etsi falsus crimen fuerit, ac quoq; ratificaverit, nihilominus id ei obesse non debeat, ut post Baldum, Marsilium, Menochium & plures alios docet Farinacius *q.* 47. *num.* 10. & *quest.* 31. *n.* 110. Si item verum est 2. quod gravissime peccet iudex, qui ex indiciis insufficientibus torserit, et si condemnet homicida sit, ac teneatur ad restitutionem ut docet Lessius *ca.* 29. *dubit.* 18. Si item verum est 3. quod in nostra materia (verba sunt Deltij *lib.* 5. *sect.* 3.) plerumq; contra sagas, & striges ex famæ indicio procedatur, videant hodiernæ justitiæ administri, & si quidem hi incurij, & imperiti sunt, ipsi Principes, qui tales constituunt, atq; urgent ut procedatur, qua ratione in conscientis subsistant. Meum fuit monere; hoc charitatis est, hoc officij Christiani; odit proximum non amat, si quis & periculum ei imminere apprehendit, &

dit, & silet. Apprehendere possum q, non est; errare possum: dum tamen apprehendo, nec adhuc errare scio, & fructum spero, filere non possum.

DICES I. Non procedunt iudices ex fama sola, habent alia semper indicia adjuncta.

R. Si ea indicia quæ adjuncta habent, talia sunt ut per se ipsa sine fama ad torturam sufficiant, bene habet; iam supra hæc respondi. Si non sufficiunt autem, sed a fama adjuvari postulant, iniqui sunt si procedant cum fama hodierna, ut probavi, indicium invalidum sit, & nullum, cum non probetur: Quod autem invalidum, & nullum est, non potest utiq, ullum alteri pondus adjicere.

DICES II. Non opus est in fama Magia, ut probetur habuisse originem à viris bonis, quia hoc requisitum fama, ut a viris honestis manaverit intelligitur inquit Binsfeldius pag. 619. quãdo qualitas personæ, natura rei, & circumstantiæ hoc admittunt, & sic subintelligendum, nisi agatur de re turpi: nam tunc non est contemnenda fama, quæ ortum habet a turpibus personis. Exempli gratia, si agatur de peccato commisso in lupanari, poterit oriri fama à meretricibus, lenonibus &c. non autem a Doctorib. aliisq; personis hone.

honestis, &c. sic ille ex Iulio Claro, Saliceto, Bartolo, Amadéo, Panormitano, &c. Sed

R. Ad rem non facit, nec punctum tangit in quo vim ponimus: dicimus enim hodiernam famam, ex qua hactenas proceditur, non legitime probari unde originem habuerit. Esto igitur à bonis viris nata sit, an malis, taliter an taliter, id ipsum tamen per testes legitime deponi oportebat, & causa, ac conjectura, unde nata esset, qualescungq; illa forent afferri, atq; id saltem judicialiter constare, non natam esse à contentionibus, rixis, calumniis, & similibus, undecungq; tandem, seu ab honestis seu inhonestis autorib. effluxisset. Manet igitur si ex fama hodiernâ procedatur adhuc procedi ex indicio nondum probato ideoq; iure nullo.

DICES III. Ajunt judices se nudos Theologos non sequi, neque attendere ad disputationes Scholis proprias, sed sequi hodiernam praxin, & inter ceteros in his causis versatum Delrium; sic enim hodie nonneminem loquentem audiebam.

R. Sequenda est non praxis Iurisconsultorum, sed eorum doctrina, & recta ratio, ac ius in ratione fundata. Quod autem Delrium passim sequi gloriantur & apud principes suos jactant, at

que hi proinde amplius eis fidunt, tum deinde autem nil minus agunt, sed quam Delirius apertissimis verbis necessariam plane esse accuratam fama publica probationē docet, ij penitus negligūt, non effugiunt sane, quin & iniqui sint, & principes suos egregiē fallant, ideoq; merito vehementer debeant puniri, ac tandem adhuc disputari an Principes, an inquisitores, an utriq; ad restitutionem teneantur ob processus quos & ex hoc capite, & ex nonnullis aliis probare possim, fuisse iniquos si acta mihi publica communicentur. Multa audio, quæ in hunc commentarium inserere judicabam non expedire. Possunt quidem dicere Principes se deceptos esse, sed vaide dubito, an sine culpa decipi potuerint pastores populorum (nam sic Homerus Principes appellat) cum etiam ipsos, qui pascuntur deceptio non latet. Quo major Magistratus est, eo major ipsi subditorum cura habenda est, & gravior reddenda ratio. Possent etiam dicere Principes, se omnibus sciendis & rite curandis non sufficere, habere Officiales suos, & consiliarios in hunc finem, atq; hoc se sequi, illi vēcūram committere. Sed dicam ego, propterea habere principes tot officiales, & consiliarios, ut tanto minus ignorantia earum rerum laborent, quas scire debent, atque ut tanto magis curam regendi subditos

subditos & prudentiam suam exaugeant. Quod si igitur auctâ prudentiâ, atq; auctis recte & accurate gubernandi mediis, nihilominus ignorant quæ debeant scire ac nihilominus iudiciorum publicorum exactissimam rationem non habet, jam tanto minus excusari poterunt, ut qui majoribus suffulti praesidiis minus attenderunt. Hac ad eos spectant, si qui negligentes sunt, quales esse non scio: Munus est spirituum virorum etiam ipsos Reges latratu suo per terre facere, atq; excitare de somno, cum de noctu periculum est. Interim vera sunt, & ab omnibus habentur hæ proposiciones:

1. Necessarium est ut indicium fama legitime probatum habeatur.
2. Passim ex indicio fama in crimine Magis per Imperium Germanicum proceditur.
3. Vix aut ne vix quidem inveniri potest in processibus fama ulla legitime probata.
4. Si legitime probanda fama esset, Iudices non possent procedere.
5. Iudicia publica nemo audet reprehendere: omnia rite facta esse, putanda sunt, quæ ita saga declarata est, vere saga fuit: qui obla qui ausit, ostendit, & suspectus fiet, quid hic faciemus?

An teneatur Magistratus hoc
tempore ultro nemine urgente
se accingere in detractores
& calumniato-
res?

RESPONDEO. Tenentur Magistratus
seu Principes hoc tempore si unquam etiam
ultro nemine urgente venenatas linguas quibus
circa magis crimen proximis quacunq; dica im-
pingitur & suspiciones commoventur, acerrimis
constitutis pœnis coërcere: atq; ita famam publi-
cam tanquam aërum quendam communem à co-
lumniandi licentia purgatissimum suis subditis
prestare. Rationes ista sunt.

RA T. I. Nimumquam ubiq; detractio-
nes & calumniæ convalescāt, ac in summo
quo poterāt gradu Christiana charitas of-
fenditur. Audiui homines qui dicerent, ob
hanc causam malle se hoc tempore quo fa-
ma non corrigitur & ex fama proceditur
tantisper inter Turcas degere dum fideli-
bus esse liceret: quod profecto non parum
ablonum mihi visum est, & compescui ego
illos, tanquam indirecte Magistratibus in-
juriam

juriam interrent : nihilominus hæc illi dicebant. Insero quod nuper tactum : *Quæstor quidam Urbanus infidelitatis accersitur a Senatu, & agitur cum eo repetundarum : offensus cum aliter furorem suum compescere non posset, abit domo, infamat populares suos à multitudine sagarum & id tandem per cuniculos agit, ut à Principe Inquisitor eo dirigatur.* Nulla hodie expeditior vindicandi le via est.

RATIO II. Ultro Magistratus inquit in sagas ultro igitur in eos quoq; qui pestilentissimis suis sibilis impune hætenus in quoscunq; quibus male nunc volunteriminis ejus suspicionem afflant.

RAT. III. Inquit autem Magistratus ex fama per hanc etiam solam viam tibi faciendam esse putat, non solum ad capiendum, sed & torquendum uti ego sæpe vidi quicquid verbis jactent fieri non debere. Curare igitur tenetur ut vel linguas venenatas quæ non nisi meram pestem, fumos, & mendacia pro fama publica exhalant, de medio tollat, vel concedat non nisi mendacissimæ auræ processuum suorum volentinniti.

RAT. IV. Tenetur Magistratus à processu-

cessibus suis contra sagas remove omne id quod eos periculosos reddat, juxta ea, quæ supra disseruimus, sed ni fama publica à detractoribus indicetur periculosos reddet eos processus, tenetur igitur hanc ultro vindicare.

R A T. V. Ni magistratus temporatis rem hanc curet, nō alia jam ulla via est qua curetur. Una esse poterat si concionatores, & viri spirituales in venenatas linguas gladium spiritus educerent, quod est verbum D E I: Sed nunc ea tempora sunt, ut si excindi hæ pestes debeant, opus sit, ut dicat D E U S quod olim: à sanctuario meo incipite. Præeunt sæpe detrahentibus & susurrantibus viri spirituales & clerici: æque incautæ linguæ ac cæteri quos coërcere oportebat. Dolor est cordi meo cum audire cogor viros nonnullos etiam religiosos, diffamatæ & apud suos & apud externos credulitatis & garrulitatis, qui quidvis oblaterent sine connectione & judicio, mirifice hic ineptire: & ut quidq; uticunq; eveniret, omnia incantationibus adscribere. Primi omnium inclamant non esse dubium quin hæc à sagis proveniant; latissime
me

me se effundere hanc luem, & quas oppri-
 mere omni modo suscipiones debebant, ip-
 si sovent: tum deinde ne non aliquid in-
 telligere ac posse videantur, legunt exor-
 cismos, lustrant domos, præbent sacra a-
 muleta, & in his nescio an quædam etiam
 superstitiosa, certe à communi Ecclesiæ u-
 su aliena ut nuper deprehendi. Jactant per
 domos, quæ sagarum malignitas & conta-
 gio sit, perpetuas hic reculas & fabellas ha-
 bent quas garriant. Quod si deinde quæ
 naturalia fuere naturaliter pereant, tum
 demum cum exorcismis & amuletis suis
 triumphum gerunt, ac plebi admiratio-
 nem prudentibus risum cient, qui utiq; nō
 parum ægrè ferunt anilem illam in spiri-
 tualibus viris pruriginem detrahendi &
 garriendi. Quæ hic igitur correctio ab
 iis speranda est qui ipsimet præ cæteris cor-
 rectione habent opus? Itaq; nuper audio
 cum concionator quidam (ut impruden-
 tes in eo genere sunt nonnulli) curiosius
 deduxisset, quam occulte serperet magis
 crimen, quamq; varix essent ei nocendi viæ
 & similia; ita omnem urbem cogitationi-
 bus & fabulis implevisse, ut nihil non ho-
 minum

minum ac rerum suspectum esset, incredibile eum omnium perturbatione & laceratione charitatis & societatis humanæ.

R A T. V I. Multæ pauperulæ sunt, abjectæ, & viles animæ, quæ vel inopiâ sumptuum, vel famæ incuriâ, vel simplicitate, cum calumniam passæ sunt, abstinere ab accusando, maluntq; ferre injuriam quam litibus intricari: jam si pueri quoq; irrideant & sagas in clament quis cum pueris judicio contendat? excitabuntur eorum parentes quoq;, & eo tandem erumpent querelæ, ut & ætati ei id ignoscendum fuisse omnes clamitent, & adhæreat tamen nonnulla macula quæ cum pueris tandem in communem famam adolescat. His igitur ut per se occurrat magistratus par erit: faciat decretam, & acerrimis pœnis in detractores & calumniatores constitutis, eos per occultos Syndicos vestiget, & qui deprehensi fuerint, sine mora ut constitutum erat, ad pœnas vocet.

R A T. V I I. Si qui honestiores & attentiores ad famam sunt, ac proinde cum per calumniam traducti fuerint litē detractori intenderint, ne sic quidem se sat purgabūt:

R

nam

nam esto obtineat quis in iudicio eam causam; jam tanto latius spargitur calumnia publice ad tribunal ventilata quam silētio involuta: unde & fit ut si quid deinde quaecunque incidat, quod aliquatenus in sinistram partem trahi possit, id mox qui vis eo detorqueat, ut licet iudicio absolutum nihilominus nō omnino de nihilo fuisse tractum apud se tacite iudicet: hæret semper aliquid, nec ita eradi ē memoria vulgi audita semel calumnia potest, quin ad omnem levissimam occasionem temeraria suspicio prorūpat, & inter diffamatos hos quoq; accenseant nequam homines, quorum opera Inquisitores nonnulli ad diffamatos inquirendos utuntur: nam quod diffamati aliquando per calumniam fuerint, memoria adhuc vulgus servat, quod absoluti autem facilius obliviscitur, aut favori & corruptioni iudicum attribuit. Exemplum huiusmodi quotidiana sunt. Imo præterea qui interim capiūtur & torquentur eosdem uti diffamatos facilius accusant cum accusare aliquos coguntur. Itaque miserrima tempora sunt: nam vel rases ad impactam tibi calumniam, & hoc ipso reus esse

esse incipis quia tacueris, nec ausus contradicere sis: vel non taces, sed litem moves; & hoc latius omnium iudiciis & observationi te exponis. Necesse est igitur quod initio dicebam, ut ultro per te magistratus constitutis poenalibus decretis calumniis his & diffamationibus suorum civium antequam fiant occurrat: ne si ea licentia quæ adhuc hætenus fuit continetur, impossibile sit deinceps ulli sit innocentiam suam protegere.

DUBIUM XXXVI.

Antunc saltem sola fama legitime probata sufficiat ad torturam, cum crimina sunt excepta & difficilis probationis.

Ita sentiunt multi Iuris periti & Iudices: nam Iulius Clarus cum negasset ex sententia communi solam famam sufficiens esse indicium ad torturam, subiungit tandem exceptionem in hunc modum:

R 2

pos-

posset etiam esse delictum *inquit* ad-
 eo difficilis probationis ut sola fama
 sufficeret, ut quandoque etiam vidi
 servari. *Sic ille & sequitur Clarum Fa-*
rinacius quæst. 47. num. 11. ac *Meno-*
chius de præsumpt. lib. 1. q. 89. num.
 34. *Binsfeldius* quoq; de confessioni-
 bus maleficorum pag. 288. ait prom-
 ptio^{re}m ac faciliorem debere esse Iudicem
 in procedendo ad torturam in enormibus
 ac occultis, quod ea quæ fiunt in occulto
 difficilius probari possunt: ex qua causa
 addit resultare illud juridicum pronun-
 tiatum: in clandestinis & occultis
 sufficere probationes per conjectu-
 ras ob rei difficultatem quæ alias non
 sufficerent; tandemquè de crimine sa-
 garum concludens: crimen, *inquit*, ma-
 leficorum ex his causis aliisq; quod
 est occultissimum levioribus argu-
 mentis torturâ inquiri posse quis du-
 bitat?

bitat? sic ille: quo & spectare videtur q. cū
 alioquin regulariter testis infamis repel-
 latur admittatur tamen interdū cum
 aliter veritas cognosci nequit, ut ha-
 bet *Lesius* & alij. Porro quod in atro-
 cissimis possit reus torqueri ex levioribus
 indiciis videtur fuisse de mente *Marsiliij*
 in leg. 1. ff. de quæst. & expresse tenet
Menochius de Arbit. lib. 1. quæst. 84.
 in fine num. 9. item *Monticella* Regu-
 la sua Crim. 10. num. 36. & *Masca*. de
 probat. libro 3. conclus. 1385 num. 13.
 & seqq. Ratio eorum est, quia in atro-
 cissimis liceat jura transgredi & requisi-
 tas solemnitates non adhibere, & ordo
 sit ordinem non servare: sic enim sat li-
 beraliter loquuntur, verum examinan-
 da hæc melius videntur. Itaq;

RESPONDEO. Quantumcunq. crimi-
 na atrocia, excepta, & occulta ac difficilis proba-
 tionis sint, nunq. tamē vel sola fama, vel alia qua-
 vis leviora indicia, quæ fere plenam seu quasi

plenam seu quasi plenam probationem non faciant, sufficiunt ad torturam. Recedimus igitur ab omnibus quæ contrarium asserunt, rejicimusq; illud iuridicum pronunciatum tanquam rectæ rationi dissonum quod affert Binsfeldius. Rationes istæ sunt.

RATIO I. Ait lex i. ff. de quæstioni-
bus ad tormenta ita demum veniri oportere, cum
reus argumentis quibusdam ita probationi (sci-
licet plenæ) admovetur, ut sola confessio de-
esse videatur loquitur autem universim nul-
la criminum facta distinctione, ubi lex au-
tem non distinguit nec nos distinguere de-
bemus nisi aliud nos cogat: sed si argumen-
ta, quibus reus petitur non ad minimum
fere plenam probationem efficiant non
propriè dicetur reus plenæ probationi ad-
moveri, cum hoc appropinquationem in-
sinuet, perinde ut non dicitur, luna admo-
verijam ad plenitudinem cum adhuc te-
nuitur corniculata est, sed tum demum
cum ad minimum ultra medium processit.

RATIO II. Eadem lex ita vult ad-
moveri debere probationi plenæ, ut nihil
desse videatur nisi sola confessio: sed si pro-
batio antecedens torturam non est fere
plenæ

plena, plus sane videbitur deesse quam sola confessio; deerit enim ipsum illud quod ad fere plenam probationem minus habet. ergo &c.

R A T. III. Idem cum lege tenent multi Doctores: tenet & cum iis Delrius quem ideo expresse nomino quod hodie plerique Judices eum sequi jactent etsi falso. Isigitur sic loquitur distinctis verbis lib. 5. sectione 3. *Doctores, inquit, qui quo ad personam vilem & in delictis quæ sunt difficilis probationis putant non requiri ad torturam alia indicia præter famam malam in eodem delicti genere, sævissimi sunt, & adferunt non admodum consentanea juri: quare Farinacius eos merito reprehendit. Ideo nec in maleficiis quidem putarim Iudicem absolvendum qui hanc crudelitatem amplecteretur: sic ille.*

R A T. 4. Idem cum lege & auctoribus nobis faventibus docet recta ratio: cum enim tortura res supra modum non solum gravis, sed & periculosa sit, non erit utique ad eam nisi urgentissimis ex indiciis procurrendum: talia autem indicia non sunt quæ minus quam fere plenè probant.

R A T. V. Hæc porro causa jam allata cur fere plenam minimum probationem ad torturam requiramus, nempe ipsius torturæ gravitas & periculum non cessat aut minuitur etiam si crimen atrox vel occultum sit & difficilis probationis: non enim in tali crimine minus gravis & periculosa tortura est quàm in aliis ergo etiã in tali crimine nō min⁹ quàm in aliis fere plena minimum probatio ad torturam requiretur. Eadem causa idem operatur juxta philosophos. Unde aliter si fiat contra rationem fiet, ac proinde frustra se fundant supracitati in eo quod in exceptis liceat transgredi jura: esto enim id tantisper concedamus, non continuo tamen si ultra jura etiam ultra rectam rationem profilire licet.

R A T. VI. Imo tantum abest, ut in atrocibus, occultis, & difficilis probationis sceleribus minores probationes sufficiant quam in aliis, ut etiam secundum rectæ rationis præscriptum, quod in causa jam data innititur, majores requirantur prout latius patebit dubio sequenti; lubet enim idem argumentum velut resumpto spiritu ab novo dubio ulterius expendere.

R A T. VII. Nec dici potest famam
cum

cum in aliis criminibus non sit indicium urgentissimum nec fere plenum: in exceptis & occultis urgentissimum & fere plenum reddi, valoremq; acquirere quem ante non habebat: nam fama utiq; probandi vim non ab objecto trahit, sed ex propria natura sumit, ut facile jurisperiti omnes intelligent, qui philosophiæ olim dederunt operam. Natura igitur famæ cum in exceptis & occultis non mutetur, non erit utiq; in his probatio fere plena si in aliis non erat.

R A T. VIII. Jam si causam quæras, cur in delictis cæteris sola fama non censeatur sufficere ad quasi plenam criminis probationem? dicent Julius Clarus & alij, quia fama indicium valde remotum sit & fallax; sic enim illi ut supra vidimus. Sed obsecro fama criminis excepti, occulti, & difficilis probationis, an non item indi-
cium est remotum & fallax? quod si enim à crimine non abstruso nihilominus remotum est, erit utiq; imo amplius remotum ab eo quod ipsum amplius à sensu hominum, unde oriri fama debuit, se subduxit: si item fallax est in crimine vulgari, cur in crimine

atroci & abstruso fallax non erit ? aut cur ibi minus saltem fallax erit ? facilius certe falli solemus quo crimen difficilius est vestigatu, non contra : Ut sane fundamento careat opinio Binsfeldij, Clari & aliorum, quod & sequenti dubio latius ostendam.

DUBIUM XXXVII.

An universim probationes quę in vulgaribus criminibus non sufficerent, sufficiant in Exemptis & occultis difficilis probationis.

RESPONDEO. *Quod non ; est directe contra commune illud pronuntiatum Iuridicum, quod ex Binsfeldio attulimus superiore questione ; & illud ex Lessio citatum infamem testem tunc admitti cum aliter veritas haberi nequit, item contra hodiernam plurimorum Iudicum praxin, ubi in crimine sagarum eo quod exemptum & occultum sit levioribus probationib⁹, ut denuntiationibus infamium complicum, vel sola fama, & similibus contenti sunt : Interim Responsio nostra verissima est. Rationes istę sunt.*

RATIO I. *Opinio contraria omni fun-*

fundamento caret. Imprimis enim, esto crimen aliquod de quo agitur sit exceptū, quid tum? Jam paulo ante ostendi, rectam rationem postulare ut urgentissima sint indicia quæ torturam admittant: quod autem postulat recta ratio, æque in exceptis atq; aliis obtinere debet, præsertim si cætera paria sint, quod hic accidit, cum eadem causa ob quam hujusmodi gravia indicia ad torturam exiguntur æq; in exceptis atq; aliis reperiat, ut dixi; proindeq; non minus in exceptis atq; aliis legitima & quasi plena indicia ad torturam haberi debent, ut bene Farinacius *quest. 37. num. 88.* cum iis quos citavit *num. 82.* nempe Carrerio, Gabriele Saray, Monticella, Mascardo, Alber. Jodoco, Rulādo, Paride de Puteo &c.

RATIO II. Imo sic argumentor. Ideo in vulgaribus criminibus leviora indicia & conjecturæ non sufficiunt ad torturam, quia tortura est periculosa, id est, vertitur hic periculum vitæ hominis ne innocens intereat: at hoc periculum non modo non par est in crimine excepto seu atroci, sed etiam multo majus, & præsertim in crimine magiæ, ut supra patuit ex dubio secūdo,
non

non modo igitur in hoc crimine non sufficiunt indicia leviora, sed etiam revera requiruntur graviora. Recte hoc observavit Hippolitus Rimin. *Consil.* 88. *num.* 53. *vol.* 1. & latius in *Consil.* 361. *num.* 32. *vol.* 3. ubi ait plane ad nostram mentem; Quanto crimen est gravius & atrocius tanto præsumptiones & indicia debent esse graviora & vehementiora, cum de graviore agatur periculo *Cap. ubi periculum. de elect. in 6.* quod & sentit Farinacius *loco Cit. nu.* 88. etsi mox frustra excipit, nisi idem crimen sit simul difficilis quoq; probationis seu occultum: nam adhuc tenendum quod diximus ut nunc ulterius sic probo.

RATIO III. Esto crimen occultum sit, & difficilis probationis quid tum quoque? an tunc sequitur leviora argumenta atq; ut loquitur in pronunciato suo juridico Binsfeldius conjecturas sufficere debere ut mihi prudenter persuadeam Sempromium id commisisse sic ut nihil ad probationem plenam desit nisi ejus cōfessio, Nego hanc consequentiam.

RATIO. IV. Imo sequitur omnino contrarium nam si occultum crimen est
si ab-

si abstrusum ac involutum tenebris, ergo majori opus lumine non minori ad illuminandum si difficilis probationis ergo majoribus non minoribus opus argumentis ut seu plene seu fere plene probetur neque enim satis capi potest, quomodo quod ais probari posse difficilius, id nihilominus probari possit facilius: unde si in crimine vulgari & probationis non difficilis, conjecturas repellis, repelles utiq; multo amplius in crimine probationis difficilis.

DICES Imo quia in criminibus facilioris probationis haberi possunt argumenta firmiora, merito in iis infirmiora seu conjecturas repellimus, quas tamen in criminibus probationis difficilioris admittimus, quippe, quibus argumenta firmiora haberi non possint, juxta communem hominum sensum, quo qui majora nancisci non potest minoribus contentus est.

Re. Verum est, quod qui majoribus deficitur, minoribus contentus esse possit: erret tamen si utrisq; eandem vim tribuat, & his æq; atq; illis ad effectum quemlibet uti velit: neq; enim si majora deficiunt, ideo minora naturam vertunt, & majora fiunt: declaro in exemplo. Vulneratus in sylva viator cum vinum habere nequeat, contentus aqua

qua est; hanc haurit & utrunq; leve situm: erret tamen vehementer, si quia vino deficitur, aqua se prudenter usurum existimet ad vulnera persananda; Parimodo, si in crimine aliquis abstruso non suppetant nisi leves conjectura, erres sane si quod argumenta gravia non suppetunt, levibus his eandem vim affingas, & sufficere ad ea putes, ad qua graviora sufficerent: arripe nihilominus, contentus esto, non repelle, utere conjecturis, sed ut conjecturis, ad ulterius quarendum, cogitandum, &c. non ad torquendum, aut condemnandum: neq; enim conjectura qua conjectura est, ideo ex naturam vertit, & quasi plena probatio fit quia de crimine excepto aut abstruso est.

RATIO V. Opinio adverte manifesta pugnare cum charitate christiana ac æquitate naturali: sic enim argumentari mihi illi videntur: Exceptum hoc crimen veneficii gravissimum, atrocissimum, nocentissimum est, quo nihil scelestius, horribiliusq; cogitari potest: est item occultissimum, & difficilime de quo quam probari potest, ergo minus jam egemus fundamenti, minora ac leviora indicia, ut id tantum, tam nefandum seclis, de proximo nostro homine Christiano nos ipsi Christiani prudenter

denter & rationabilitet præsumamus, atq;
eum tanquam fere - aut quasi - plene con-
victum ad gravissimas periculosissimasque
quæstiones abripiamus: Quin potius in-
terrem ego ex dialectica Evangelica; ergo
plus egemus fundamenti.

DICES. Non hac vis est argumentationis,
quo adversa opinio nititur, sed ista: veneficium
est gravissimum, damnosissimumq; crimen, er-
go etiam vel minima ejus umbra percepta suffice-
re putandum est ut laboranti Reipublica quo vis
modo mature succurratur.

R. Non penitus sequelam nego, sed astringo:
sequitur enim ut vel minima ejus pestis um-
bra aut suspicione coorta ad subveniendum Rei-
publicæ accingaris: non tamen indifferenter quo-
vis modo, licito seu illicito, cis aut citra rationem.
Succurrendum Reipublicæ est, non nego; sed ita,
ut nec contra rationem nitaris, nec cujusquam
jus naturale aut communem christianorum cha-
ritatem violas: quod utiq; fiet, si tam ingens &
periculosum malum cum infamia conjunctum,
qualis est tortura, levibus de causis proximo in-
feras, & invito dictamine rationis quo gravius
est crimen eo minore nixus fundamento id alicui
impingas, & quo latentius occultumq; est eo faci-
lius

256 Dub. XXXVII. *An in crim. except. suff.*
lius jam te detexisse & sufficienter ad torturam
probasse credas.

RATIO VI. Opinio adversa Dialecticam evertit. Id ita ostēdo in hoc exemplo: testimonium a iure alicujus testis infamis aut complicitis seu socii criminis non sufficit ad torturam, nec tereplene probat: si tamen crimen exceptum sit aut alioqui difficulter probari possit jam sufficit & valide ad torturam probat: Dico ego id plane Dialecticæ adversari, probatur, nam testimonia hujusmodi secundum omnem Dialecticam sunt argumēta quæ ab auctoritate appellantur, de quibus argumentis hæc ejusdem Dialecticæ in cōcussa doctrina est, valorem eorum atq; pondus pendēre ab auctoritate testantis, id est, ab ipsius in loquendo veracitate, ita ut juxta quod ille magis minusq; verax prudenter præsumitur, ita quoq; majorem minoremq; vim probandi ac valorem argumētum habeat. Non enim ideo aliquid magis minusque probatum censeri debet, quia est de majore minoreve crimine, excepto seu non excepto, occulto seu nō occulto, de quo probatur: sed quia major vel minor attestantis

author

authoritas seu veracitas est quæ probat; diceres Dialecticè à dicente non à dicto vim argumenti pendere: ideo enim hoc ipsum ei nomē datum est ut ab authoritate vocetur. Quo posito non video quomodo salva Dialectica ubi minor est veracitas testātis, ibi maior sit vis argumēti; quod tamen in opposita sententia defenditur: quippe cū plus momenti & valoris tribuatur argumento ab authoritate infamis lagæ quam turis ducto: sint enim exempli caūsa duo hic argumenta:

I. Tale: Infamis fur denūtiat Titium esse furem, ergo Titius fur esse præsumitur, in tantum ut fere plenè probatum haberi debeat, ac Titius deinde ad torturam rapi possit.

II. Tale: Infamis laga denūciat Titiam esse lagam ergo Titia laga esse præsumitur, in tantum ut fere plene probatum haberi debeat, ac Titia proinde ad Torturam rapi possit:

De priore argumēto ajunt adversarii infirmum esse, non posse Titium torqueri: de posteriore clamant firmum esse, admodum probare, oportere Titiam in equuleum proficisci.

S

Quæro

Quæro ego unde hic posterioris argumenti valor sit? Dialectica vult esse ab authoritate denunciantis; consideret ergo prudens lector in utro denunciante major veracitatis rationabiliter præsumi possit: infute, an in saga? & cur in illa potius, quam in illo? uter horum, fur an saga plures salis modios (si tamen sale vesci solent) cum men lacij parente delinxit? uter magis de fallacia suspectus, an qui communi tantum via exerravit, an quæ omnem erga Deum hominesq; fidem exuit, quæ Demoni tot annis mancipata fuit, ejus mores & ingenium non dubie combibit, fallere & mentiri sub optimo hujus artis professore didicisse potuit? major igitur in argumento ab authoritate ducto vis inerit, cum minor attestantis veracitas erit, quod absurdum est. Quinimo etsi vim argumenti ab authoritate ducti non tantum à veracitate testantis peteremus, sed aliquid etiam in ipso objecto hædere vellemus, quo major minorve nostra credulitas veretur, uti cum facilius ea credimus quæ faciliora sunt, ut Gajum gallinam potius quam ovem integram vorasse, nihilominus & hoc causam nostram

nostram adjuvaret ita enim comparatum est, ut credibilius semper esse soleat, si crimen vulgare de quoquam asseratur; quamvis extraordinarium, enorme, atrox, nefandum, & exemptum. Ut tandem illud nobis quod ostendere intendebamus omnino relinquatur; tantum abesse, ut in criminibus exceptis, & præsertim sagarum, minora sufficiant indicia ad procedendum quam in aliis; ut etiam majora jure exigantur.

DUBIUM XXXVIII.

An nullo sensu verum sit Axioma Judicum in criminibus occultis & difficilis probationis facilius ad torturam iri posse quam in aliis?

RESPONDEO. Verum hoc axioma est, si recte explicetur, facilius enim sive promptius iri potest, posito quod omnino iri possit; id est, posito, quod habeas probationem criminis ferè plenam eam sine ea omnino iri non possit, nisi ratione reluctante, ut superius ostendi: quod ut intelligas dicam diffusius. Ponamus enim

verbi gratia duos te tenere captivos, Titium imprimis cuius crimen sit vehementer ex natura sua occultum & difficilis probationis; deinde Sempronium cuius crimen sit tale, ut non difficile videatur posse aliquam probationem plenā de eo inveniri: ponamus etiam de utroq; habere te probationem ferè plenam: ajo nunc; cum utroq; posse te ad torturam procedere: sed hoc discrimine quod cum Titio multo promptius quam cum Sempronio, *id quod ulterius declaro in hunc modum: Docent juris periti communi consensu, ut testatur Clarus l. 5. q. 64. n. 5. quod oporteat Iudicem antequā advolet ad torturam diligenter considerare an nō aliquas alias probationes, plenas scilicet invenire possit, quibus reum criminis convincat; nam si id quidem, abstinendum esse à tortura: cum enim tortura sit introducta, ut ubi nondum plenè sed tantum ferè seu semiplenè probatum crimen est, per eam eliciatur rei ipsius confessio, qua hunc defectum impleat; cumq; tortura res sit dira & periculosa, sequitur ut si aliundè probatio plena haberi possit, ea ambabus potius ulnis arripiatur, quam per torturam non sine periculo queratur: sed & sequitur quod teneatur Iudex ob hoc periculum*
evitan.

evitandum eas probationes cum aliqua cura & diligentia investigare, atq; ita non nisi cum aliqua velut cunctatione ac morâ, quam in vestigandis huiusmodi probationibus ponat, ad Equuleum confugere: præsertim si agatur de crimine vulgari, in quo spes sit, posse talem aliquam probationem inveniri. Nam si crimen sit ex eorum genere, quæ occulta & abstrusa sunt, ideoq; difficillimæ probationis: tum sanè (si modo alioqui indicia sufficientia ad torturam habeantur, quod semper juxta rectam rationem præsupponendum est) non est quod iudex cunctetur ac vereatur, quin promptius & facilius quam aliàs ad torturam accedat; quippe cum in his criminibus occultis spes non sit probationem aliquam plenam facile inveniendi, propter quod in aliis criminibus vulgaribus cunctatione & curâ illâ opus esse dixi. Quibus ita expositis, cum verum esset, eo scilicet quo vidimus sensu, nimirum posito & non excluso quod reus ob habita sufficientia indicia licet torqueri possit, tunc facilius promptiusq; possit ac minore cum scrupulo in criminibus occultis seu difficilis probationis, quam in aliis: nonnulli hinc occasionem sumpsere errandi, ac dictum hoc ita perperam interpretati sunt, quasi facilius promptiusq;, id est, minoribus habitis indiciis absq; ferè plena proba-

Dub. XXXIX. An damn. possit,
 tione liceret in occultis ad torturam venire. Ecce
 fons erroris ex incauta veri dicti interpretatione:
 quem miror hactenus viros doctos non animad-
 vertisse. Vnde factum est ut in negotio saga-
 rum leviculis saepe de causis quæ à ferè plena proba-
 tione non parum distarēt, equuleus promptissime
 expeditus sit, clamantibus nec intelligentibus im-
 imperitis iudicibus; facilius in occultis ad tortu-
 ram iri posse. Optandum vero erat, ut qui vi-
 ri boni & Zelosi magistratum ad persequendum
 hoc sagarum crimen acrius inflammant, par Zelo
 suo studiū & scientiā in has causas afferrent, quo
 periculosos hos & similes errores tum deprehen-
 derent, tum à suis eorumq; quos instigant consciē-
 tiis simul repellerent. Moneo iterum Magistra-
 tus ut attendant, neque enim omnes quorum u-
 tuntur consiliis ea semper qua putantur eruditio-
 ne & providentia sunt: nec tamen in tam gravi
 sagarū causa improvidis & ascitantibus esse licet

DUBIUM XXXIX.

An, quæ nihil in torturis con-
 fessa est, damnari
 possit?

Suppono damnari neminem posse nisi
 certo de eo constet culpam sustinere:

neq; enim innocens occidi debet, innocens autem omnis esse præsumitur, qui nocens esse nescitur: constare autem duobus modis solet: vel quia reus ipse jure & legitime rogatus, ita de re confessus est; vel quia plenis probationibus, id est, luce meridiana clarioribus, fecisse crimen convictus est: adeò, ut si alterutro horum modorum constet quem esse reum, is damnari possit: neque enim ut & convictus simul & confessus sit requiritur, sed alterutrum duntaxat sufficit. quo posito

RESPONDEO. Quæ rea si vereus in torturis siluere damnari salva equitate, & recta ratione non possunt. Est contra quorundam hodiè judicium praxin, quam in causis sagarum nonnulli vidi, & ingemui: ducebatur nuper ad rogum quedam ter, quater, imò quinquies equuleo lassata. Negabat se ream esse voce liberrima, quam per qualibet tormenta ad flammam usq; perduxerat, ubi cum notario quoq; eam dictavisset, rogum intravit, pluries hoc accidit alibi; & recen- ter etiam sacerdoti, magia postulato, de quo alias

informandus erit princeps. Sed exempla omitto. Existimo verò id iniquum esse. Rationes istae sunt

RATIO I. damnari nemo potest, de cujus crimine non certò constat: de huius, quam dixi certò non constabat, non igitur damnari potuit. Assumptio probanda est. Si enim constabat, vel id ex eo quod ipsa de se confessa, vel quod legitimè convicta esset, neutrum hic verum erat, nō igitur constabat. Confessam non fuisse liquet: non etiam convictam, ita probo: Si convicta esset, tortura non esset, est autē tortura, non igitur convicta: Constat ex supradictis (Et vide Farinacium. q. 38. num. 4) torturam adhiberi in supplementum probationis: ter quater tortura est, ter quater igitur probationes suppleri indigebant: Si indigebant autem, plenæ, utiq; non erant, si non erant ream igitur non cōvincebant, non igitur ipsa legitimè convicta erat, non igitur de ejus crimine certò constabat, non igitur damnari poterat.

RATIO II. quæro ex iudice quem in finem ream torserit? an, ut tortura pœna delicti esset? an, ut, via ad veritatem? con-

tra jura est, ut tortura pœna sit, & prorsus inauditum, nam cujus criminis erit pœna? an ejus, quod adhuc nescis & quæris? torturatur igitur ut ad veritatem via esset. Si hoc autem, nondum igitur ad veritatem pervenerat, cumq; deinde nil rea facta fuerit, ne postea pervenit quidem: si non pervenit autem, quomodo tandem nondum occupata veritate, tam sæva sententia in ancipitem ream excussa est?

R A T. III. Quæro item ex Judice, an hæc reæ confessio necessaria ad condemnandum fuit, annon fuit? si fuit? cur igitur sine ea nihilomin⁹ damnavit? si nō fuit, crudelitas est, quam morte puniendam seu confessam seu inconfessam destinaverat, tam gravibus torturis lacerasse, ne, quæ uni tantum destinata morti erat, una morte moreretur.

D I C E S. tortus iudex non quærenda veritatis ergo, sed stabilienda, ac confirmanda, ut tanto certior confirmatioq; causa esset. Sed

R. male id & imperiè: nam de hoc sine tortura ad confirmandam veritatem jam inventa, altissimum in jure silentium est: communis autē Theologorum ac juris peritorum est sententia, in

subsidium probationum torturam introductam esse: male igitur in re odiosa & periculosa à communi sententia receditur, & novum ius inducitur.

Imo, quicquid dicas, redit nihilominus idem argumentum, vel enim confirmatio hac necessaria ad condemnandum fuit, vel non fuit: si fuit, cur igitur nihilominus sine ea damnavit? Si non fuit crudelitas est, ut dixi, & peccatum lethale tam gravem intulisse proximo cruciatum, ob confirmationem quæ necessaria non erat, unde recte Gomezius Variar. resol. tom. 3. cap. 13. titu. de tortura reorum, numero 20. Boerius decis. 63. num. 13. Cravet. Consil. 178. num. 10. pag. 209. & alij cum Farinacio quæstio: 40. num. 4. sentiunt iudicem esse fatuum, & terner in Syndicatu non solum, sed maxime in conscientia ut notat Navarrus c. 18. Dub. 17. num. 59. Et Lessius cap. 29. dub. 17. num. 152. & Covarruvias, pract. quæst. cap. 23. conclus. 1. qui reum convictum torquet.

RATIO IV. Per torturas juxta communem sententiam indicia seu probationes omnes etiam plenæ purgantur, adeo ut si reus etiam convictus, in tortura & post eam constanter negando persistat, liberandus sit, ut docet ex communi sententia Farina-

rina.

rinacius, & sequitur Delrius lib. 5. Sect. 9.
torta igitur & non confessa purgata fuit : si
purgata, quo deinde jure damnata : auxie
purgationem negationis ad mortem usq;
constantia. Neq; n. non parvum pondus
habent quæ immediatè ante mortem ulti-
ma hominis effata sunt, ut paulò post di-
cemus. Nam etsi, quidem & in omnibus
torturis, & ad rogum usq; pernegans no-
cens esse quæ possit, aio tamen, quæ sic tor-
ta inconfessa fuerat, damnari non debuis-
se, tum ob ea quæ jam dicta sunt tum quia
tutior partem eligere oportebat, & vel
decem potius nocentes dimittere, quàm
unius innocentis plectendæ periculo se ex-
ponere, quod axioma etsi omnes passim
admittunt & ultro jactant, vix tamen inve-
nias qui re ipsa ostendat facere se quod fa-
ciendum esse dicunt. Nequeo vero sat ad-
mirari, quî hæc tanta immanitas, quam in
exemplum attuli, cadere possit in judicem
Christiana fide tinctum, qui aliquam futu-
ræ vitæ imaginem in sinu circumferat.
Sciatque se coram judice illo comparitu-
rum, qui etiam de verbis otiosis moturus
litem sit. Magis miror, quî viris spiritua-
libus

libus tanta possit incidere cæcitas, ut nec ipsi hic quicquam apprehendant, nec formident Deum: nam & alia quadam nuper cū nec tormentis nec incredibili importunitate insulsi sacerdotis (parcat mihi Deus, si hunc ordinem offendo) vinci potuisset, ut se ream diceret, ob hanc ipsam causam tanquam obstinata viva adjudicata est igni: cum ad regum innocens victima assisteret (sic enim utiq; haberi debet quæ, & per torturas purgata fuit & nocens esse non convicta est) non destitit molestissimus sacerdos: Sed instantis supplicij acerbitate & gratia impetrande ostensa spe eo denique impulit, ut in has ternas tandem vuculas, sum rea igitur silentium abruperit: ad quas cum ille raptim has ternas tantum reponeret, ego te abluo, simul cum his subito accurrit ad ludicem, & quia jam deniq; se ream fassa sit mitigationem supplicij orat: sed indignatus iudex cum reponeret id factum citius oportuisse in hæsum est sententia, & in ignem viva coniecta. Dici non potest, quam deinde ubiq; is sacerdos ad quoscunq; accessisset, id identidem exaggeraret quam nullus deinceps magis postulatis fidendum sit, si crimen negent cum sic tandem sub extremum articulum se ream concessisset, quæ per tot tormenta ob-

stinata

stinata transferat. Multa hic imprudentis-
simi hominis peccata concurrerunt, quæ si
judicio tantillo valuisset manibus tangere
potuerat. Nam

1. Quæ hac peruersitas fuit, quod per fas &
nefas omni adhibita vi nocentem esse voluerit,
quæ innocens esse poterat?

2. Non poterat sacerdos hic aliud judicare,
quam eam innocentem esse: nam convicta nullo
modo erat, indicia omnia per torturas purgave-
rat, ne in sacramento quidem fateri voluerat, quid
hic amplius requiri poterat?

30. Si sacerdos certus erat, eam ream esse
& mentiri in confessione, id intra illud forum
continendum & tractandum erat, & si nihilo-
minus persisteret, credendum tandem penitenti,
& acquiescendum, ut omnes Theologi docent.
Quid hic novas & periculosas opiniones sectari
volumus? legamus & sequamur Theologiam, ut
ea hætenus toto orbe tradita fuit.

4. Quod, si, autem rogo jam jam imponen-
da tribus illis voculis memoratis, rea esse consen-
sit, quis non videt ex circumstantiis & loquendi
modo, non veritati hoc, sed spei gratia & impor-
tunitati urgentis tributum esse? unde quæ hic ma-
teria triumphi & exaggerationis?

5. Quod

5. Quod si nihilominus homo imperitus veritatis eam vocem fuisse existimabat, quæ hac animæ iuvanda ratio fuit, ut inveteratam igitur, & eò usq; invalidè cōfessam atq; haud dubiè eximio quodam modo Sathana obstrictam credere auderet, sic quasi momento satis dispositam, & velut miraculosè conversam, atq; contritam esse, ut aliud nihil restaret, quàm ut raptim verbulo, absolveret, & mitigationem tantum supplicij non dilationem à Iudice oraret? agebatur sane de æterna animæ salute: ut hæc in tuto collocaretur, & tam insignis peccatrix, ut eam is homo esse supponebat, solidè cum Deo rediret in gratiam, oportebat utiq; supplicium differri & meliùs pleniusque per unicum saltem diem disponi ac sacro viatico instrui: sed & tenebatur adhuc iudex in conscientia, ut non negaret, et si negasset, sacerdotis erat observare, imo & interposita auctoritate evangelica comminationem iræ Omnipotentis Dei expromere, ac coram populo teste, ad principem appellare. Ecce qui animarum curatores!

& hos magistratus habere volunt.



An criminis ante confessi revocatio facta in loco supplicii alicujus momenti habenda sit?

PRaxis habet ut hujusmodi revocationes criminis sive de se, sive de aliis ante in tortura confessi & ratificati contendantur, ut nullius penitus momenti. Moventur Iudices argumentis ex Binsfeldio pag. 274. & Delrio lib. 5. sect. 6. petitis, quæ tamen non plane eis favent. Ut paulò post patebit: Sic enim

RESPONDEO. Revocationes hujusmodi si à pœnitentibus fiant, quod prudentis confessorij judicare est, non prorsus nullius, sed magni ponderis habenda erunt, maximè si alios falso detulisse ajunt. Rationes ista sunt.

RAT. I. Natura dicat ut moriens præsumatur memor salutis, ideoque mentiri nolle, ut habet Simancas ex D. Chrysostomo & aliis, item Canon Sancimus l. q. 7. & gloss. in cap. litteras. de presumpt. item

Dd. in

Dd. in l. ult. Cod. ad l. Iuliam repetundarum.
 Elevant concedendo quando est animo
 imperturbato & sibi benè præsentì additq;
 non omnes morituros esse sanctos maxi-
 me sortitarios. Sed &. Non omnes autem
 morituros, animo perturbato esse, nec o-
 mnes non sanctos aut sortitarios: quippe
 cum hoc ipsum jam quærat, annon du-
 bitari aliquantum atq; altius considerari
 debeat, num omnes qui sic revocant, sor-
 titarij sint. Unde non sic poni debet, sortia-
 rij sunt; ergo eorum revocatio audienda
 non est, sed sic potius: Revocant eo tem-
 pore quo sciunt se jam jam ante æternita-
 tis tribunal sistendos: rarum est ne tum
 quidem salutis memorem esse, prudenter
 igitur dubitari potest, an non forte sortia-
 rij non sint.

RATIO II. Si rejiciendum est quod
 paulo ante mortem rei enunciant, cur Ju-
 dices, & alii qui denunciationibus sagarum
 magnum pondus attribuunt, totum hoc
 a inde ducunt (ut infra dicam) quod super
 iis denunciationibus mortuæ sint, ipsi igitur
 tur fundamentum hoc jaciunt, quod non
 videatur præsumendum quempiam cum
 men-

mendacio velle vitam concludere; alioqui
 opponam totidem eorum verba ac dicam:
 non omnes morituros esse sanctos; maxi-
 mè sortitarios, ac proinde parum id referre,
 quod denunciationes suas morte obsigna-
 riunt. Sed nimirum si quod obsignant mor-
 tale est quod iudicibus placet; jam ma-
 gni ponderis hæc obsignatio est; nullius
 autem si quod iudicibus non placet:

RATIO III. Constitutio crimina-
 lis Carolina in Imperio recepta nobiscum
 sentit: nam sic habet articulo. 19.

*Quod si accusatus ipso die judicij delictum ne-
 gaverit, quod antea legitime & constanter
 confessus fuerat, ac Iudex ex ea confessione per
 explorationem omnium circumstantiarum depre-
 henderit, eam retractionem a reo solum ad impe-
 diendum legitimum juris processum fuisse susce-
 ptam: tunc Iudex duos illos constitutos assessores
 qui una cum ipso libellum confessionis prælegi au-
 dierunt, sub juramento interroget, utrum præ-
 lectâ confessionem audierint, & si affirmave-
 rint, idẽ Iudex omnino consultationẽ ac delibera-
 tionem instituat apud Iurisperitos seu aliis locis
 & modis ut inferius significatur &c. Ex qui-
 bus ita rectissime colligit Tannerus dispu-*

T ratione

274 Dub. XL. *An revocatio criminis
tatione de justitiâ q. 5. dub. 4. num. 98.* quod
ea constitutio etiam tunc cum retractatio
rei solum ad impediendum legitimum ju
dicij processum facta fuerit, nihilominus
vult rem diligenter expendendam, & cum
viris doctis & peritis conferendam esse, ut
tiq; multo minus negligendam aut contem
nendam eam revocationem esse vole
quæ à pœnitente ac non malitiosè facta
potest præsumi. Restat ut ad argumentum
opposita respondeatur, quibus probatur
revocationem hujusmodi proximè ante
mortem factam æstimari non oportere.
Sunt autem ista.

ARGUMENTUM. I. Raro scilicet
mortem æquè sibi mente constant, ut ante
illud tempus quando confessio ratificatur.
Ita Judices ex Delrio lib. 5. Sect. 5. Sed

R. *Non raro sed sæpe multi cum mortem
oculos vident, præsentiores sibi sunt quam ante
quantum scilicet ad hoc ut mentiri nolint, ad quod
opus non est discursu, & magna animi attentio
ne ac quiete. Quicquid sit, ut igitur concedatur
ut cum perturbati animi non sunt, tum saltem
magni ponderis hæ revocationes habeantur, quod
volebamus. Quanquam vereor ne id nos parum
juvet, forte dicent, hoc ipsum esse perturbationis
signum.*

signum, si quis revocet, atq. ita nullus non revocans perturbatus fuerit: speramus mitiora.

ARGUM. II. Solent importunitate eorum qui denunciati fuere, vel admoventium de animæ salute vehementer rei sollicitari & perturbari in extremo illo vitæ puncto. Sic item ex Delrio & recidit eodem quo primum argumentum. Sed

R. Neganda sunt qua argumentum sumit. Nam imprimis, unde denunciati sciunt, se a reo isto denunciatos esse ut ei de revocatione importuniesse velint? Denunciationes omnes exceptæ sunt in acta qua adhuc secreta servantur: unde ergo sciunt? quod si aliqui sunt sibi male conscy, qui ne delati sint verentur, atq. hos putant reo molestos esse, nec sic assentior: Nam y sane, ut natura est non recta conscientientia, cavebunt potius ne in reorum conspectum aut mentem subdtempus veniant, ne forte vel judicialis suspicionem, vel reomemoriā commoveant, quo fieri posset, ut si nec dum denunciaffet, adhuc ante mortem, pænitentia ductus, denunciaret. Sed voluit fortassis innuere Delrius quod hodie est Solenne, nec ab ullo adhuc magistratu, quod sciā, unitum, eos qui reorum questionibus intersunt, nec omnes denunciations in vulgus effutire,

unde fieri potest, ut denunciati intelligant se accusatos esse: sed quicquid sit adhuc negandum est, quod denunciati, qui se accusatos esse sciunt reos ante mortem sollicitent & perturbant: nam ad reos post acceptam sententiam nemo admittitur, nisi Sacerdos & lictor: nisi hi igitur denunciati sunt, aut à denunciatis subornati, non possunt utiq; denunciati reos molestare; Deinde quod ad id dicitur solere reos importunitate admonentium de salute vehementer sollicitari, id pro nobis est, non contra nos: si enim de salute vehementer sollicitentur, utiq; tanto magis salutis habebunt curam nec eam per mendacia, cum nihilominus moriendum eis sit, in discrimen adducent. Præterea monentes de salute, qui importuni sunt, non id agere solent, ut veritatem serio cognoscant & moneant reos de revocatione, si forte tormentis victi mentiti sunt; sed id agere solent, ut quicquid sit simpliciter se nocentes esse fateantur: Præsupponunt enim imperiti homines, ut supra docui dub. 19. non posse aliter fieri quàm ut nocens omnis sit qui accusari & capi potuit ac in tormentis fateri: itaq; quod revocatio fiat ante mortem non ab importunitate monentium de salute fit.

ARGUM. III. Hæc recantatio non est facta adhibitis solennitatibus, quæ ad illos fuere primæ confessioni, ideo prævalere

in loco supplicij facta alicuius ponderis. 277

prior. Adde quod ista est extrajudicialis,
prior judicialis, sic item ex Delrio. Sed
R. Non dico hanc recantationem continuo
priori confessioni prae habendam esse, & reum mox
solvendum: sic enim nemo non reus ante mor-
tem revocaret: Sed id ajo: confessionem priorem
si adhibitis solennitatibus juris facta sit, non ta-
men ideo necessario esse veram, imo nec hoc tem-
ere quidem sat prudenter veram esse prae sumi
posse, tum ob futilitatem indiciorum quibus ho-
mines utuntur, tum ob ingens periculum quod tortu-
ra secum trahit, ut sapius ostendi. Proindeq. se-
culo ante mortem rei non male dispositi canant
modum, eam non planè negligi & condemnari
oportere, sed diligenter considerari, revocari ad
eandem indicia, examinari attentius, & ut vult
constitutio Carolina consultationem apud juris-
peritos institui: praesertim in crimine magia, quod
num exceptum sit non modo non minorem, sed
majorem adeò considerationem & attentio-
nem requirit, ut supra Dubio 8. probavi.
Quis autem hoc unquam iudicium in Germania
habet? jam si quis hominum piorum admonere ju-
dices in his ac similibus velit, sunt qui indignen-
tur & inclament, quid hac ad nos attineant, nosse
illos sua jura ac leges, nos ista non studuisse: quasi
scilicet secretissima hac quaedam sacra sint, in qua

nemo unquam oculum injecerit, nisi soli illi, quos huc professio applicuit. Quos quidem si ut primum ad moti ad has causas sunt, continuo vel judicij vel conscientie bonitas ab errandi periculo exciperet, non esset quod monitione & sollicitudine egeremus; nunc aliter res habent, & ad verum id tantum agi, ut non tam ipsa demum veritas per Germaniam resplendeat quam busta.

ARGUM. IV. Dictum morientis non est idoneum testimonium ut alius torturæ subjiciatur, nec in homicidio, nec in iudice dicente se tulisse falsam sententiam, nec in furti crimine, nec in aliis ullis, et communi & in praxi recepta sententia. Si idem ex eodem; ergo similiter dictum morientis idoneum non erit ad elidendam confessionem prius tactam, &c. Sed

R. Sumitur hac doctrina ex l. si in gravi §. ff. ad SC. Syllanianum, ubi dicitur quod unum generato non creditur, si mox decessurus dicat se Titio percussum fuisse, nisi id aliter probari possit ad quem textum multa Bartolus. Sed esto ita sit (nego enim id nostri instituti est discutere, vnde deatur Farinacius q. 46.) non tamen id inde, conficietur dictum morientis non aliquam facere presumptionem & indicium, alius res consideretur

quod nos volumus & constitutio Carolina nobiscum : qua articulo 28. determinat sermonem morientis aliquod facere indicium, quam & citat Binsfeldius pag. 277. Stephanum Bertrandum atq; alios, quod nobis sufficit. Certè ipse Binsfeldius pag. 275. pro conclusione fateri cogitur, quod etsi talis revocatio de qua agimus non elidat confessionem priorem in foro externo, nihilominus maximum quiddam sit apud Deum & homines, quod reus statim moriturus exculpet & excuset quos inculparuit. Vnde quidem videant quid agant iudices, cum non minus ut in interno, quam externo foro subsistant curare debeant : reprobent suum axioma, prestare ut viginti nocentes dimittantur, quam unus innocens plectatur.

A R G U M. V. Talis persona primam confessionem factam in tormentis non confirmasset, quando sententia data est ad bācum juris ut vocant, tum enim conscientiam suam aperuisset, & revelasset quod in tormentis mentita esset. Sed

R. Dicuntur hac multo promptius quam fiant: Vt illi sane si ad bancum juris id dixisset: reddisset in easdem quaestiones, & nullo alio, quam innocentium pœnarum lucro mendacium mendacio cumulasset. Prudenter igitur illi agunt, qui &

ad bancum juris mendacium ratificant; & non nisi tum demum revocant, cum jam jam ruunt in amplexum mortis, torturarum securi. Contra vero quidam nimis simplices sunt, & turpiter impingunt, cum ad bancum bis terve ut nuper adhuc observari voce judicis provocati ad libere edicendam veritatem, ajunt se in tormentis meritos esse: mox enim reducti in quaestionem id tantum discunt nullam omnium torturarum acerbiorē esse quam q̄ eam libertatē edicenda veritatis exceperit. Neq; enim contenti quidam inquisitores sunt, quod ubi rei mentionem reductio- nis audiunt, subito libertatem eam damnent, confessionem priorem ratificent, ac de revocatione doleant, infectamq; esse velint; nam nihilominus adhuc reduci jubent & torqueri, ac tum denique ad bancum juris liberrime enunciare (nam hac phrasi utuntur, & discat nunc eam lector quid significet) liberrime inquam enunciare, se reos esse; non sine magna in populo exaggeratione quantamaleficorum malignitas sit, qui cum tandem aperte inveniantur fuisse rei, sic antea tamen judicium ludificati sint. Ut profecto insanissimus imposterum futurus sit qui ad bancum aliter loqui audeat quam judicibus placuerit. Nimis vobis lepidē & ingeniose agit Inquisitor ille non nominandus,

nandus, qui interdum pridie, quam plectendi sunt rei, id eis denunciari jubet, etiam per confessarium, quod si vel ad judicij vel supplicij locum vacillaverint, ac postea rursus torti confessi fuerint, sciant paratas iam esse scalas ad quas alligandi sint & in rogam vivam demittendi: quas non vanas certe ejus minas esse nuper in nonnullis docuit eventus. Idem homo confessariis ipsis ausus pro imperio edicere est, si qua in supplicij loco Sacramento reconcilianda, negatura essent crimen, eas plane ne absolverent, sed vivas exurendas desererent: & sunt confessarii ejusmodi qui stipendio non laborem solum sed & auctoritatem ecclesiasticam submitunt, & indignam rem sub nequam hoc homine agere ausi sunt. Qui ydem ordinaria formulâ severissime reis edicere solent salvari nullatenus posse nisi confessiones & denunciations in tortura factas ad ultimum constanter ratificent. Vah quæ hæc ratio est! & quas pœnas dabit Deo Magistratus qui hos Officiales habet? gravia sane hæc facinora sunt: & tamen hæc iustitia est, & instigantur Magistratus atq; à Zelo commendantur.

DICES. Hæc magistratus ignorant, atq; ideo excusati sunt: si scirent utiq; gravissime punirent.

Re. Quod ignorent concedo, sed quod excusati sint, omnino nego. Poterant hac & similia omnia, si ipsi modo vellent, scire, cur nescierunt: quod potuerint sic clarissime ostendo.

Clamant omnes & Magistratus & eorum Officiales crimen magis occultissimum esse, & occultissime proferpere: hoc ipsum tamen occultissimum crimen hactenus ita Magistratus non latet, ut indies infinitos ejus criminis reos in lucem se putent protrahere: norunt & narrant integras iliades scelerum & machinationum quas sage in conventibus suis secretissimis gesserint: Quod si igitur hac & similia adeo ut volunt tenebris demersa, nihilominus scire possunt, quomodo non possunt, quae palam in luce hominum geruntur?

Itaq; apud Deum non subsistent; nec apud homines quidem, cum intendere pallium ignorantia tam affectata difficile sit. Atq; hac obiter ex occasione sint dicta, quae tamen considerari debeant, & hinc quoq; non nihil minui admiratio unde tantus in Germania sagarum sit numerus. No-rent autem iudices reliqui & imitentur in signe jam dictum Inquisitoris illius stratagemam, quo id efficiant, ut nulli deinceps rei negotium illis cum revocatione faceffant: Sic concidet omnis nostra disputatio, an pondus aliquod revocationibus tribuendum sit.

Quod

Quod si vero & aliud ejusdem Inquisitoris stratagema Iudices avertunt discere, quo id obtineant ut si qua plexa sit quam plerique innocentem fuisse apprehendant, hanc eis opinionem egregie eximant, non gravabor docere; nam ita agant: Dum alias passim in equuleo extendent, ita quaestiones cum dexteritate aliqua dirigant, ut defuncta illius memoriam eis objiciant: quam utique dum non gravate ut se pœnis eximant, accusaverint, (cum & ordinarie alioqui defunctas nominare soleant ut infra dicam) habetur institutum: nam subito id spargant & è protocollo ad hancum juris recitari curent, quam nunc indies ab novo erumpant in scelestissimam illam nova & diversa accusationes: addant etiam consultum illi esse, quod jam tum sic plexa sit, alioqui nunc si adhuc supersit, vivam ignibus tradendam esse.

Porro autem si Magistratib. Germaniacordis est cognoscere & punire suorum quorundam Officialium nequitiarum & delicta, hoc suggero remedium. Ostendant sibi non displiciturum si integer colligatur hujusmodi rerum Catalogus, erunt qui propediem colligent, & ostendent quam indigne omnia sub specie justitiae vastentur, mihi diligentius inquirere non libuit.

DUBIUM XLI.

Quid præsumendum circa eas
quæ in carceribus mortuæ
reperiuntur.

RESPONDEO Si quæ maleficiæ accusata
nondum legitime in tormentis confessa, aut
convicta mortua in carcere reperiatur; præsumi
debet decessisse morte naturali & honesta, nisi con-
trarium sufficienter ex certis signis deprehenda-
tur. Est id contra multorum imperitorum praxin,
qui ut quamq; in carcere animam exhalasse intel-
ligunt, mox judicant à demone jugulatam, & sub
patibulum educi mandant, ut ipse non semel vidi.
Nihilominus responsio nostra verissima est. Ra-
tiones istæ sunt.

RATIO. I. Communis regula est
Theologorum & Jurisperitorum ex ipso
naturæ jure desumpta, tam diu quemlibet
præsumendum esse bonum, donec suffi-
cienter probetur esse malus, ergo similiter
tam diu præsumendum est de morte natu-
rali, donec de alia sufficienter ostendatur.

RAT. II. Secundum jura cum mortuus
in carcere reperitur præsumit non contra
mortuū, sed cōtra cōmentariensē, i.e. præ-
fectum

etum carceris, quasi male habitus captivus sit. Vide Damhauderum *prax. crim. cap. 11.* & leges quas citat.

RATIO. III. Semper sunt hic causæ, quæ suadeant de morte naturali & honesta, nam

1. Torturis fracta fuit, de quibus Augustinus: *Etsi non morte, inquit, puniantur in ipsis, vel ex ipsi pleyumq, tormentis moriuntur* Lib. 19. de Civit. cap. 6.

2. Vexata est compedibus & Catenis.

3. Carceris pudore, & horrore debilitata est.

4. Confecta est mærore & tristitia, quæ, si, teste Scriptura etiam ossa viri exsiccat, ne dum ossa mulieris exsiccare potuit.

5. Consolatione omni caruit: Sacerdos à quo tale quid sperare potuerat, molestior ei forte quam ipse licetor fuit. Dum igitur mortua invenitur nec alia sunt signa sufficientia in contrarium, his ex causis animam posuisse judicari debet, nisi forte tam imperiti aut maligni sumus, ut tot mala in cumulum collecta non putemus sufficere potuisse, ut infirmam unam testam colliderent, id est, animam muliebre[m] è male

male coherente & attrito corpusculo ex-
truderent. Insero hoc loco, quid in hac materia
ante annos circiter duos ipse præsens in arce qua-
dam principis non mihi nominanda didicerim.
Assidebam mensa apud loci ejus satrapam, vi-
rum mihi amicissimum, aderat & forte Doctor
medicus, nō vulgariter tum suæ artis, iū Mathe-
matica perit⁹, cū quo nescio qua occasione, in eos in-
cideram sermones, ut de sagis multa loqueremur,
eramusq; per omnia in eadem opinione. Inter-
ea dum sub id tempus à commentariensi obeuntur
carceres, & captivis prandium offertur, accur-
rit ad nos intro, qui Satrapa nunciet, non nemi-
nem eorum, qui pro maleficis detinebantur, ea
nocte vita esse expeditum, & à damone strangu-
latum; Aspeximus nos inter nos, Medicus & e-
go. Atq; ille concussor capite indignabundus: pra-
va, inquit, & distorta hominum judicia! Iam is
miser superioribus diebus ad stuporem omnium in
equitæo distractus est, & virgis laniatus: jaceat
in carcere heri totus languidus, & eneruus inter
vitam & mortem, nil magis consentaneum na-
tura est, quam ut per tantos cruciatus hanc inve-
nerit, nec quicquam magis creditu proclive est:
nemo id tamen credet, nemo judicabit: dicent,
omnes à damone jugulatum esse, hoc tanquam
ex ore Apollinis pronunciant, Mira res! quam
multi

multi hæcenus per Germaniã in carcerib. vitam
exuerũt, nec tamen quisq̃ omnium ob torturam;
aut miserias carceris; quis enim hoc audiuit? o-
mnes dæmon hinc eduxit, is omnibus cervicem
fregit. Et quo argumento? quis interfuit? quis
vidit? carnifex ita ait: is scilicet, qui audire non
vult enormius torsisse, homo infamis & plerum-
que nequam, qui quod solus cadauer tractat &
pertendat, solus testis esse potest; penes unum
hunc fides tota hæret? & si multa quæras omnis
tandem, atq̃ ultima probatio, non ulterius quam
ab ejus judicio repetitur: qua in re id merito mi-
rari venit, quod cum in rebus aliis nemo fere ea
sit auctoritate, qua non aliquem subinde re-
linquat dubitationi locum, solius tamen carni-
ficis ea sit in negotio gravissimo auctoritas qua
omnem dubitationem expungat, quin quod
ille pronuntiavit verissimum habeatur, quasi
ipse Iupiter locutus sit. Hæc ille; Quæ
cum mihi non parum arrisissent, cuperem-
que insistere huic argumento; conversus ad Sa-
trapam: Oro, inquã, ne non sciamus certiora qua
sic animi gratia ventilemus, mittantur testes ex
hac ipsa mensa in rem præsentem, qui certam ad
nos veritatem renuncient. Et quando ad manum
est lictor, ut vel modo cadauer possit inspicere, q̃ co-
mitentur & examinent diligenter: Ita, quid ejus

rei sit certius sciemus. Placebat id satrapa usq;
adeo, ut vel ipsemet inspectioni interesse vellet.
Abiunt igitur, & paulo post reversi: Quin imo
inquiunt, res aliter non habet, cervicem ei dæmon
elisit collam penitus confractum est, flaccidum &
enerve, sic ut caput in omnem partem corruat ac
nutet; cetera membra integra sunt & firma: ita
carnifex astantibus nobis, ne posset fallere, ad oculum ostendit: Sic ipse ego, inquit satrapa his oculis meis vidi, ipse testis sum, ne in uno carnifice fides acquiescat. Idem cæteri dicebant, ac quando jam omnis sublata dubietas erat, ad prandium se quisq; referebat. Continui ego me paulisper, & haustulo interjecto: licetne inquam, ut liberius quid loquar hic inter scyphos & amicos? Licet, inquit; Satrapa; atq; ego: vereor, inquam, vehementer, ne si ita philosophandum sit, ut adhuc philosophati sumus, parentibus quoq; nostris, quos in lectulis suis honestissime animam posuisse credimus; non malus aliquis genius cervices eliserit. Itane enim inquam ut hoc nesciamus, nullū non hominis cadauer ut rigidissimum ac frigidissimum quidem fuerit, capite tamen quam maxime fluere ac in omnem partem nutare? Nunquam igitur cadauer tractavimus? Nunquam vidimus ab aliis tractari, indui, moveri, in loculo repomi,

reponi, ut rem tam luculentam hæcenus ignoraverimus? Euge vero, quam insignis & clara probatio confractæ cervicis! qua si carnifex ille atque alij quoq; passim (ut æstimare licet; imo ut jam mihi constat) uti consenuere, ac simplicissimi inspectores habent ratam; quam multi obsecro intra annos aliquot indigne traducti sunt? Quæ cum ita differuissem surrexi atq; abij: cadaver deinde illud sequentibus diebus sub furcam fuisse defossum intellexi. Videant autem Judices, & ij omnes quorum interest quam egregiè se naso suspendi à carnificibus patiantur; quamq; tutam suam conscientiam conservent; cum se scire omnia existimant, atq; eam negligunt sollicitudinem ac curam, quam ego supra singularem & eximiam in causis sagarū volebā esse. Multa in hoc casu concurrunt, quæ coram judice æterno negligentem Judicem præstare oportebit. Nam.

I. Mortuus hujusmodi nondum legitime confessus aut convictus de crimine est, non etiam legitimè probatum, cum vel à dæmone, vel seipso per vim vita interfectum esse: unde sequebatur, sine peccato mortali (ut vide apud Delrium lib. 6. sect. 19.)

Ecclesiasticâ sepulturâ privari non posse; privatur ramen.

II. Nec debitâ solum sepulturâ privatur, verum insuper, ignominiosa ei impenditur; trahitur enim à carnifice sub patibulum, atq; ibi infoditur.

III. Eo ipso, quasi lata sententia damnatur, ne non certo fuisse reus ab omnibus existimetur, cui carnifex pollinctus datus sit, & furca Mausolæum.

IV. Eadem infamia in familiam ac postereros transfunditur. quod tanto gravius existimandum est, quanto stirps honestior. Quæ si singula per se magna sunt, & in conscientia atq; etiam externo foro restitutioni obnoxia, non facile existimatu est, in quos laqueos se induant omnes illi, qui tantum futilibus credendi argumentis nixi, vel de memoria incedunt, omnium securi. Neq; enim est, quod ignorantia vel obtundere possint, qui ne ignorantia laborarent, maximopere cavere ex officio tenebantur.

Quando tuta conscientia judicare possit, repertum cadaver à se ipso vel dæmone jugulatum esse?

RESPONDEO *Id judicari potest ex his signis.*

1. Si resti collum implicitum est.
2. Si caput obtortum est, idq; plane in posticum non enim sufficit si versus humeros in unam partem: quod notandum est.
3. Si in gutture lineamenta appereant, quæ pridie non fuerunt: in quo tamen medici judicio opus est.
4. Si, quod sine magna vi externa adhibita fieri non potuit, prima colli vertebra emota loco est, ut retro emineat; nam tum deniq; non temerè jugulatio præsumi potest, ac cadaver sub furcam trahi, nisi rursū, quod supra dixi, cōtra commentariensem aliquid præsumendum videatur. Si vero hæc aut alia manifesta signa non reperiantur, præsumendum est pro cadavere uti dixi: potest quidem quispiam à dæmone suffocari nec tamen ullum relinqui signum,

nos tamen id esse factum arbitrari nō possumus, nisi signa videamus. Utinam proinde superiores quidam religionū vel melius suos in his talibus instructos emittant vel ora imprudentibus obstringant, ne eadem qua supra probatione, ut quemque in carcere concidisse intelligunt, ipsi quoque vel inter primos clament, & in vulgus inspergant confractas eis esse cervices. Sane nuper cum quadam miserrimum in modum tortā, atq; iterum nihilominus in equuleum reducenda, inter manus lictorū mortua collapsa esset, atque in partem unam deflexisset caput, primus omnium religiosus, reorum confessorius exclamabat, dæmonem illi pessima saga cervicem obtorsisse. Quam fabellam, cum addere quoq; sese vidisse collum ejus penitus confractum, nemo non amplectebatur, tanto firmitus quanto minus à religiosis viris vel mendacium re gravi vel temeritas judicandi tam insigni proficisci posse suspicio est. Et nemo ad similia plura attendit? Quod si nunc ij quorum interest rationem à iudicibus petant eorum corporum, quæ hactenus velut à dæmonestrangulata sub furcam infodi mandarunt, si & signa jubeant proferre quibus id sibi per

persuaserint, ac familias diffamarint, non
aliter subsistent quam ij tolent, qui de re
examinantur de qua nulla eo usq; cogita-
tio suborta eis est.

DUBIUM XLIII.

De stigmatis sagnarum an indi-
cium dent ad torturam

& condemnatio-

nem?

UT intelligat me Lector, sic res habet.

Ajunt in corporibus sagnarum repe-
ri loca quedam quæ sensu vacent &
anguine: ita ut si acum vel stilum pro-
fundius immittas, neque dolor neque
anguis cicatur: addunt ea loca subinde
tiam quasi macula quadã seu velut nota
signita esse, unde & vocat characterem
ve stigma quod dæmon affectis suis, (et si
fatentur non omnibus) inurat, tanquã
rem quisque suam, ut supellectilem,
rem, pecus, servum inusta nota signare

294 Dub. XLIII. De stigm. sagar. an indic. dent
solet. Vide Binsfeldium pag. 626. Re-
migium dæmonolatriæ lib. 1. cap. 5. Del-
rium lib. 2. quæst. 4. & 21. Quibusdam
igitur in locis captivam quamque lictores
exuunt & hujusmodi notas diligenter
non minus quam petulanter quærunt.
quas tanto utiq; invenient facilius, quã-
to majoris eorum interest qui quærunt.
Nonnulli Judices ita pertinaciter hic se
figunt, ut si tantillum di-vellere conerint
& examinare, non parum indignentur.
Accidit nuper ut interesssem colloquio sa-
cerdotis cujusdam viri docti, & judicis
qui de eis ipsis stigmatibus differebāt. Mul-
ta hic Judex narrabat, sed non credebatur
sacerdos addebatque mirari se quod viri
prudentes in his signis noscitantis in uni-
us Carnificis fidem incumberent; quo-
dictum, ut mihi quidem videbatur non
iniquum, ita Judicem incendit, ut totus
stomachabundus è loco se & conversatio-
nem

ne proriperet, nō sine calumnia in sacerdotibus. Risi; & cum revocassem, demulsi-
semque verbis dum deservisset tempestas,
ita hominem modeste sum affatus: Ponā,
inquam, argumentum quod nescio an à
quoquam mihi solvi possit; est autem ta-
le: Nam quod si in sacerdotes quidem,
inquam, in quos nulla vestra est potestas,
sic facile projectā bile ultra rationem ex-
curritis, quam merito vereri debeo quis
cum iis tandem agendi vester sit modus,
quos sub vinculis constrictos intra ditio-
nem cupiditatis vestræ tenetis? quomo-
do autem qui sic subitò turbato sunt sen-
su, nihilominus ad distinguenda ea quæ
in causis sagarum obscurissima sunt, erūt
apti? Qua item ratione cum de captis
agitur ad omnem innocentie mentionem
tumesunt, recte innocentibus consultum
debunt? respondeat qui potest. Sed ad
stigmata redeamus. Ego hæc nondum

296 Dub. XLIII. De stigm. sag. an indic. dent
vidi nec nisi video credam. Id video
indies, infinitas esse hominum fraudes, &
sepe pudendam credulitatem etiam ma-
gnorum virorum: qui quod maiores sint
quam ut ipsi huiusmodi minutias ad un-
guem examinent, quaslibet pene fabulas
amplectuntur, atq; in commentaria sua
referunt atq; orbi imponunt. Interea v.
quia nec credo, nec nego, dicam q̄ sentio,
dū à sagacib. & doctis melius examinetur
& doceatur. Itaq; adpropositū dubium.

RESPONDEO I. Frustra queratur an
stigmata possint esse indicia ad torturam. Ratio:
Nam ut concedam licere per lictorem ea querere
in corpore Reæ nudato, convenire putem, ut has
beatur semiplena nimium probatio. Cum enim
sine ea torquere non liceat, nec licebit sine ea ita
fæminam nudare coram infami scurrâ, quod illi
sexui quandoq; tortura gravius est: habita au-
tem semiplena contra ream probatione quid opus
alio indicio stigmatum est ad torturam?

RESPONDEO. II. Antequam ex sti-
gmatis tamq̄ ex probatione plena procedatur ad
condemnandum, hac sequentia iudicibus in con-
scientia

scientia incumbant, quæ boni isti ne quidem cogitare videntur.

I. Ne fidant liſtori cujus lucrum agitur, & multi nequam sunt aut ipſi quoq; Magi.

II. Ne putetur stigma eſſe, quæ naturalis aliqua eſt nota, vel macula, vel cicatrix, aliave de cauſa ſenſu vacua ut caro ſpongioſa, &c.

III. Ne ſtigmata quærantur rea pendente, ne forte terrore illo torturæ ſanguis deferat nonnullas partes aut ſtupore non fluat, ut inſectione venæ ſubinde conſiſtit, licet via patefactâ.

IV. Ut medici Judicium non negligatur.

V. Ut adſit ſolers quiſpiam qui diſtincte manum liſtoris obſervet, nam fraudem ſi induſtrius fuerit deprehendet.

VI. Ne liſtor mortificet cujuſquam carnem, aut leviter tantum acu compungat, aut ut nuper nequam quidam faciebat, ſimulet tantum compungere, interimque clamitet ſe reperiffe quod nuſquam fuit. Unde mirum non erat ſi nec ſanguis reo diſfluere, nec dolorem ſentiret.

VII. Ne liſtor utatur ſtilis doſoſis, ut V. C. magicis & incantatis; vel ita fabrefactis, ut cum libet intrent ac vulnerent, cum

298 D 1b. XLIII. De stygm. sag. an indic. dent
non libet intrare tantum videantur, in sei-
plos reducti: quales sunt cultelli ioculato-
rum.

VIII. Ne licetor sciat verba incantato-
ria aut artes quibus sanguinē sistat, ac hu-
jusmodi carnis stuporem inducat, ut quos-
dam conjuratores scire intelligo, & inven-
tum audio carnificem, qui hæc de se fassus
ac plexus sit, ut mirer nondum nos oculos
aperire.

IX. Ut Iudices approbatum ac certum
habeant nunquam Deum permissurum ut
vel Dæmonis vel sagarum malitiā & arte
hujusmodi inurantur innocentibus, sal-
tem malis.

X. Ea probatio non debet esse talis si
hoc Deus permetteret lequeretur incom-
modum, quia innocentes pro Reis habe-
rentur & plecterentur, nam id nego fore
ut à prudentibus & peritis haberentur; imo
male sic discurretur. Dicitur innocentes
plexum iri si Deus permetteret iis signa im-
primi; supponitur igitur quod sic signati
merito nocentes habebuntur, cum hoc
ipsum sit in quæstione; Unde in circulum
vadit probatio: cur signati nocentes ha-
bebun-

hebuntur & plectentur? Quia D E U S innocentes signari non permittet: Curaus tem D E U S non permittet? quia signati nocentes habebuntur & plectentur. Perinde ut infra in simili ostendam dub. 48. Argum. 6.

Non tamen dissimulem quod in contrarium adferri possit: fortasse enim non ita male Iudex ad stygmazatum loqueretur: pro certo passim admittitur, quod Dæmon ita suos soleat signare; te igitur cum sic signatum deprehendimus, à Dæmone id factum præsumimus dum tu aliud probes, & unde ea signa habeas ostendas: Si dicis permisisse D E U M ut tibi innocenti ea Dæmon aut laga imprimerent tuum crit probare.

R E S P O N D E O. III. Quicquid sit adhuc existimo non credendum Iudici ut ex his signis ad condemnandum procedat, dum res melius à doctis ventiletur, & auctoritas publica certi quid statuatur. Atq; hac obiter salvo iudicio meliore. Scripsit nuper quadam Coloniensis quidam Iuris doctor, in quibus multa, postquam perlegi, desidero: ac proinde animus mihi erat, totum eius scripti nervum succingere & incidere. Sed quia

quia mihi dicitur, id ab alio jam esse factum, acquiesco. Iterum moneo latere fraudem. Quarent ingeniosi ac deprehendent; solis oculis, & iis sagacibus est opus. Nimis sane Dæmon desipiat si gregem suum signare velit, ut dignosci & mactari possit. Quicquid tamen sit, certe Dlerius lib. 5. sect. 4. indic. 8. & Binsfeldius pag. 626. quos alioqui iudices magnifacere & sequi jaçant, indicium hoc stigmatum ut leve contemnunt.

DUBIUM XLIV.

An magnificiendę sint denuntiationes complicum in crimine Magiæ?

Questionem hanc ex professo tractant Binsfeldius in libello de confessionibus maleficorum pag. 238. & seq. ac Tannerus Theologiæ tomo 2. disp. 4. de Iustitia, quest. 5. Dub. 2. Nos Tanneri sententiam secuti nostrâ methodo rem expediemus, & quæ adfert in contrarium Binsfeldius, dissolvemus. Itaq;

RESPONDEO. Etsi denuntiationes complicum secundum communem hodie praxin ma-

ximi

ximi momenti habentur, sicut ordinarie tres, quatuor denunciationes sufficere putentur, ad capiendum & torquendum, etiam secundum quosdam personas bona alioqui famæ, consentiente Binsfeldio, Delrio & aliis: Nihilominus nos eas vel si plurimæ quoq; fuerint, ut parvi admodum ponderis, fallaces, deceptorias, vehementerq; merito secundum prudens iudicium suspectas rejicimus, negamusq; ad capiendam torquendamque personam aliquam seu bona seu mala famæ, nisi alia indicia graviora accedant sufficere. Rationes istæ sunt.

RATIO I. Sententiam hanc plurimorum optimorumq; Doctorum authoritas tuetur, sic enim (saltem quo ad personas bonæ alioqui famæ) sentiunt de Exceptis, Ancharanus, Alexander, Andreas de Isernia, Bartolus, Bertazzolus, Burfatus, Cornelius, Cravetta, Felinus, Gomezius, Gramaticus, Marfilius, Menochius, Paris, Raphael Cumanus, Rolandus à Valle, Socinus Junior, Vincentius Ondedus, & alii prout citatos vide apud Tannerum l. c. nu. 31. & seqq. qui proinde cōcludit hanc sententiam non solum non esse novam sed potius communem,

Rat. 2.

R A T. II. In constitutione criminali Caroli Quinti, quam in Imperio servare oportet, cum Indicia maleficii commemorantur, non ponitur duorum vel plurium complicum denunciatio, quæ tamen poni debuisset, si aliquod eis momentum ad torturam inesse Imperator putasset.

R A T. III. Si adversariorum sententia recipiatur in potestate & arbitrio infamiū & nequam personarum erit, gravare & denigrare bonum nomen, existimationem, & personam hominum proborum: quod est absurdum & periculosum innocentibus, ut ex sequentibus satis colliges.

R A T. IV. Vel illæ quæ alias denuntiāt verè sagæ sunt vel non sunt: si non sunt, jã quid hæ de complicibus scire possunt, quas non habent? mentiuntur de se & de aliis, ut à tortura se liberent, nullius igitur hæ denunciations ponderis sunt, si denunciantes innocentes sunt; si sint autem nocentes seu verè sagæ, ne tum quidem illarum denunciations ullum pondus habent: supponi enim debent ex natura sua mendaces esse quæ Dæmone Magistro usæ sint. Vel racitas igitur illarum nulla est, nulla igitur
pr oba:

probatio quæ in illarum veracitate nititur, Nititur autem denunciatio, cum nihil nisi ab autoritate seu veracitate dicētis probet. Ergo. Autores Mallei alias leveri ipsum hoc agnoscunt pagina 512. Cum enim dixissent maleficas qualdam Magistras servari posse, ut aut maleficatis subvenirēt, aut maleficas proderent, subjungunt; *nec tamen eorum proditori staretur eo quod Diabolus mendax; nisi pariter & alia indicia facti cum testibus occurrerent.*

R A T I O V. Non creditur denunciationi seu Testimonio testium qui infames sint, ut est communis omnium Doctorum sententia, sunt autem sagæ omnes hoc ipso quod sagæ sint maxime infames. Ergo, &c.

D I C E S, Ex Binsfeldio de confessione maleficorum pag. 264. & 266. & ex Delrio. lib. 5. sect. 3. Infamia purgatur per torturam secundum communem sententiam juris peritorum qui proinde statuerunt, ut complici non credatur, nisi in tortura denunciationem fecerit. Si igitur infamis saga in tortura denunciavit ut fieri debet, ab infamia purgata est, frustra igitur infamia obijtur. Vt hoc lector intelligat, sciendum est quod ajunt hodie Iudices, testimonium personæ infamis non debere admitti: cum igitur quispiam in tortura

tura de se cōfessus crimē, hoc ipso infamis sit, non oportere ei de complicib. credi, nisi de iis per novam torturam, quae infamiam illam expurget, rogetur, Vnde ut id fiat torturam novam pro complicibus edicendis sustinere reus debet, quantumvis sine tortura promptus sit edicere: hac hodie iudicum praxis est. Sed non potui purgationem hanc infamia in constitutione Carolina reperire. Deinde non sat intelligo, quo tandem modo tortura infamiam abstergat, nam quicquid id est ex quo cuiquā infamia adheret, id utiq; non annihilatur per torturam, ergo consequenter nec infamia: Exempli gratia infamis Gaia est, hoc ipso seu ex ea causa, quia saga esse deprehensa ac confessa est. An cum torquetur desinit esse saga? Non desinit. nec desinit igitur adhuc infamis esse, manente enim causa manet effectus: Pretiosa alioqui purgatio si sic facile tortura quamlibet infamiam purgare posset. Vnde vereor ut commune hoc juris peritorum effatum non satis subsistat, dum aliter instruar. Simanchas certe ait hujus sententia auctores sine lege & ratione loqui. Quod si instruas in hunc modum: infami ideo de complicibus non creditur, quia timetur ne mentiatur, adhibetur igitur tortura in hunc finem, ut ne mentiatur, unde cum tortura tollat ne mentiatur, recte dici-

ur tollere infamiam quia efficit, ut licet infami,
tamen credi possit. Respondeo, ne sic quidem dis-
ficultatem absolvi: Nam esto sagam torqueas in
hunc finem ut ne mentiatur; ad ideo mox finem
consequeris? atq; mentietur post torturam: & qui
tam mentitam redargues? Imo si post torturam
ei credis, jam tanto amplius mentiri voles: Stulta
enim sit si non usa hac occasione alienum potius res-
gnum destruat quam suum, cum atq; tibi satisfa-
ctura sit, seu nocentes seu innocentes nominave-
rit, quippe quam post torturam verum dicere
persuasum habeas, ut haud dubie à Magistro suo
intellectura est.

DICES II. Ex eodem Binsfeldio pag. 306.
ut testes infames ad Testimonium admittantur
inductum est jure positivo, sic enim attestantur
Philippus Corneus, Philippus Francus, Petrus de
Ancharano, Andreas Barbatius, & ratio suadet.
Idem ergo jus exigente necessitate, ne veritas in
multorum damnum occultetur admisit, ut in Ex-
ceptis infames testes admittantur &c. sic ille.

Re. Negari quod assumitur, neq; enim, quod
in Binsfeldius, ratio hoc suadet, sed suadet contra-
rium. Citatos autem autores aliosve non sequi-
mur, nisi quantum probant. Itaq; ut testimo-
nium infamis rejiciatur, naturalis juris est, & non
positivum tantum.

Quamquam ut hoc melius intelligatur, distinguo & dico, duplicis generis infames esse posse: alios qui sunt infamis vita, seu morum, id est, criminosi: Et de his infamibus intelligendi sunt authores, cum dicunt juris esse positivi, ut rejiciantur testes infames. Alios, qui sunt infamiae authoritatis seu diffamatae aut suspectae mendacitatis & perjury. Prioris generis ut à lure positivo repelluntur, sic & cum videtur in exceptis & alioqui difficilis probationis criminibus admitti possunt, cum non repugnet criminosum veracem esse. Posterioris generis a quo prorsus etiam in exceptis & occultis rejiciendos esse, cum hi non modo lure positivo sed etiam naturali prorsus repellantur. Nam sublato etiam omni lure positivo, qui hoc modo infames sunt eorum authoritas vacillat, aut saltem vacillare putatur, authoritate a. vacillante, vacillat quoque ei superstruitur superstruitur a. testimonium cum id non probetur nisi ab authoritate, ergo & testimonium talium infamium vacillat: si vacillat autem, merito in gravissimâ ubi de capite hominum agitur, rejicitur; dicat id recta ratio, non tantum lus positivum praescribit. Nam utique contra naturam est, & omnem penitus rationem, ut quem ponit conclamata authoritatis esse, ex ejus authoritate

seu veracitate argumentum ducas. Quare ulterius cum nullum hominum genus ex natura rei & juxta omnium communem sensum majore labore Infamia seu presumptione Mendacitatis, quam qua saga judicata fuerint, id est patris mendaciorum discipula; sequitur sane nullum quoque Infamium hominum esse genus, quod minus ex natura rei ad dicendum testimonium admitti possit, & hoc miror Binsfeldium non advertisse.

RATIO VI. Repelluntur in jure positivo testimonia quoque personarum vilium & inopum. Item in jure Canonico cum criminales causæ sunt mulierum ob sexus fragilitatem & mutabilitatem ingenij cap. forum 10. sub finem de verborum signif. & cap. 16. mulierum 33. q. 5. Item omni jure positivo & naturali hominum delictorum, fatuorum &c. Sed hæc omnia in sagas conveniunt, ergo &c. Sunt enim plerumque personæ viles, mulierculæ rudes, mutabiles, nonnunquam semifatux. Non igitur prudenter iis commodari fides potest, maximè ad equuleum qui probationes claras & pœnè certas postulat, ut supra docui etiam in exceptis.

RAT. VII. Docent omnes Jurisconsulti

sulti ac Theologi in nullis criminib. quantumcūq; Exceptis æstimari leu admitti testimonium inimici sive hostis, intellige capitalis, idq; ex jure naturali : præsumitur enim cum sit hostis nocendi studium ac proinde mentiendi : Autores omitto ne frustra in re omnibus indubitata chartas impleam : sed negari non potest quæ veræ sagæ sint, juratas esse humani generis & innocentum hostes capitales, quæ nemini non male velint ac nocere cupiant, si in earum sit potestate ; merito igitur quas edunt denunciationes, ut suspectissimas contemnimus. Elegantibus sane verbis rationem hanc Tannerus proponit: *Quod si ipso inquit lure naturali probatum aut lure præsumptum odium accusatoris, vel testis, denunciationem seu Iudicium eneruat & elidit: Quidni etiam præsumptum illud odium quod saga adversus quoslibet animo fixum gerere censentur, & à quo etiam apud Germanos nomen Bnholden accepisse videntur, saltem eatenus enervabitur sola denuntiatio ad torquendam personam denunciata valeat?*

Itaq; quid lecutus sit Binsfeldius nō satis perspicio. Nam imprimis quodam loco
dilect.

diserte docet testimonium capitalis inimici penitus admitti non oportere etiam in Exceptis, commendatq; doctrinā Anchirani, Franci, & Barbatii quod nec Pontifex, ut inimicus ferat Testimonium, dispensare possit, cum repellantur Jure naturæ. Deinde quoq; alio in loco non modo nō cōcedit, sed evincit sagas omnes infestissimas, & capitales esse generis humani hostes; Deniq; tamen rursus alio in loco pro admittendo illarū testimonio, non secus ac pro aris & focis pugnat. Connectat hæc qui potest.

RAT. VIII. Communis est sententiā si socius criminis denunciāns plures habeat defectus, ut V. C. non solū sit infamis sed etiā simul vilis, abjectus, p̄jurus, aleo &c. tūc ne in exceptis q̄dē facere indicium ad torturam, imo nec ad capturam, imo nec ad specialem inquisitionem. Et recte, nam si ob unicum hujusmodi defectum testimonium alicujus rejicitur, quanto magis rejiciendum erit, cum plures rejiciendi rationes coactæ sunt? Atqui vero quis nescit, in sagis si vere tales sunt, quam plurima hujusmodi convenire? nam & infamatae authorita-

ris sunt, & perjurae sunt quae Deo fregerunt fidem, & abjectae sunt, & mulieres perverse sunt, & concubinae satanae sunt, & inimicae generis humani sunt & homicidae & haereticae & idololatrae, & hypocritae sunt, & quidquid denique scelerum cogitari potest, penitus implexae sunt.

D I C E S. 1. His incommodis occurratur denunciando tanto saepius aut tanto acerbius torqueatur, nam sicut per unam torturam purgatur Infamia juxta dicta supra, sic etiam per torturas plures, aut unam tanto acerbiores purgabuntur defectus reliqui. Atque ita dicitur docere Delrium in appendice 2. lib. 5. q. 17. ego illam non habeo videre possum: Vt ut sit.

R. Imprimis nescio quae hac tandem lanien futura sit torturas multiplicare aut juxta proportionem nequitiae sagarum intendere: animus meminisse horret. Deinde autem jam ante dixi non sat capi quae tortura hos omnes defectus purget, & ut ajunt, credibilia sagarum testimonia faciat, quae prius incredibilia habebantur & si mentis sagae velint, & innocentes perdere ut praesumi de capitalibus innocentium hostibus debet, & id post torturam atque ante volent, nam aequum sane torqueri super complicibus debebunt, &

post hanc torturam iudicibus satisfaciunt, seu veras suas complices accusent seu fictas. Imo si ante torturam praeſumebantur mentiri velle & poſſe in innocentes ut eos perderent, multo amplius id praeſumendum faſturos poſt torturam cum ſciant tunc creditum ſibi iri, & oraculum habendum quidquid dixerint. Et quae cecitas noſtra eſt ut hac non cogitemus?

DICES II. Cum dicitur plane rejiciendum eſſe teſtimonium complicitis, ſi labores pluribus defectibus ſeu criminibus, intelligi id debet, ſi labores pluribus talibus quae non ordinarie conjuncta & invicem connexa eſſe ſoleant; nam ſi ea crimina ordinarie ſolent reperiri ſimul conjuncta, tunc non debet plane rejici, teſtimonium talis complicitis, ſed admitti poteſt.

Hanc diſtinctionem ſeu explicationem adducit Profeſſor Rinthelenſis D Goëhausius in lib. nuper edito, cui titulus proceſſus juridicus contra ſagas pag. 99 & 100. atq. ait eſſe Doctorem Friburgenſium, unde concludit teſtimonia ſagarum non eſſe rejicienda ob id quod pluribus defectibus laborarent, quia hi defectus tales ſunt, ut ij ordinarie cum crimine magia conjuncti ſint.

R. Quorumcunq. tandem hac diſtinctio ſit, ridicula eſt: nam

I. Caret ratione : aut si non caret, ea detur :
& acquiescam.

II. Cur inhabilis sit testis infamata auctoritatis, cur inimicus, cur semifatuus, cur vilis, cur criminofus, &c. singula suam propriam vel ex rei natura, vel iurisdictione causam habent; an haec autem causa deficiunt cum ordinarie aliqua sunt conjuncta? id mihi ostendi peto: quod si non deficiunt autem; parum apta ista distinctio est.

III. Sumo tale exemplum: Exsecratur Respublica Idololatriam, Haresin, Latrocinium, Sodomiam &c. & vehementius quidem eum in quo haec omnia simul convenerunt: an minus tamen sagam exsacrabitur, quod in eam haec non aliquando tantum, sed ordinarie & semper convenire solent? Imo tanto magis exsecrabitur. *Applica.*

IV. Do aliud Exemplum: statuit lex ut pellatur urbe qui latrocinium commiserit, Item qui Sodomiam, item qui Idololatriam: hinc igitur contra Titium sequitur eum maxime pellendum urbe esse, quia is omnia haec simul fecit, id tu concedis: Negas tamen ex urbe expellendam sagam esse, eo quod etsi haec quoque eadem commiserit, tamen excipi debeat, quia ea ista crimina ordinarie eam magis conjuncta esse solent. *Applica & Vide quam hac absurda sint.*

DICES? Imo hac distinctio ante data criminū non ordinarie conjunctorum & ordinarie conjū. ſtorum omnino admitti debet, ob hanc rationem, quam dat citatus Professor D. Goëhausius. Sic enim ait his verbis, est vero, inquit, hæc distinctio admittenda: enimvero quia malefici criminibus prioris generis quæ semper ſcilicet cum maleficio conjuncta sunt, semper sunt innodati; & ergo si maleficos testes seu ſocios criminis aliis criminibus & quidem illis ipsis cum maleficio cōjunctis carere eſſet neceſſe, nullus eſſet testis idoneus, atq; ſic lex criminoſos & infames ad testimonium in exceptis ferendum frustra admiſiſſet, ac frustra rei in crimine veneficii de complicibus interrogarentur, &c. Sic ille.

& Hæc ratio magis ridicula eſt nā ſenſus eſt ſic quaſi breviter dicat: hæc diſtinctio, q̄ ego do valere debet, quia ſi non valeret, tunc ego perderem & eſſet verum quod dicit adverſarius ſagis penitus non debere credi. Præclare! Porro de lege quod dicit infra merwinero, dubio 49. Argum. 1. & 3, Id nunc manet, cum in ſagis ea omnia concurrant ſimul quæ & Iure natura, & jure poſitivo inhabilem reddant teſtem, & concurrant quidem or-

*dinarie & semper, omnino rejici earum testimo-
nium debere, & rejici quidem ordinarie & sem-
per, ac proinde non solum frustra, sed & perniciose
innocentium inimicas & semisatuas scæminas, &
viles, & infames & mendaces &c. de complici-
bus interrogari.*

RATIO IX. Si tanti denunciationes
fiant, ut hodie fiunt, apertissimum nactus
ostiū est humani generis hostis, ut infinitā
innocentium stragem edat. Erit enim in
ipsius ac suorum potestate situm, quaslibet
quantumcunque innoxias denuntiationibus
obtuere, & in capturam ac torturam gra-
vissimam quam paucissimæ perferre possūt
quandocunque volent liberrime tradere.
Nam obsecro quid hic obstare poterit? Jā
pleni per Germaniam carceres sunt capti-
vis, demus eas omnes vere sagas esse: mox
tollentur in nervum ut complices suas fa-
teantur, scite eorum magister quas nomi-
naverit eodem rapiendas esse; cur non a-
gat igitur qui ab initio homicida fuit ut e-
as nominent quas maxime perire optat?
poteratne vel ipse sibi fingere commodio-
rem nocendi viam & tota Germania bac-
chandi? Ridere soleo hodiernam multo-
rum

rum Judicum simplicitatem : Non raro enim cum postulant pro captivis sacerdotē, atq; eum ad suum genium formare capiūt, monent primum, instruunt, & identidem inculcant quanta captivarum malignitas sit, quam promptæ eis & in numerato sint mille mentiendi artes, quam ad omnē falsitatem ac dolos expedita eloquentia; Caveat ne iis credat, ne se decipi patiatur ficta sanctitate; parum esse dæmonis mancipiis si & sacramentum mendacio profanent, nequissimum earum doctorem esse qui vel prudentissimis cautissimisq; imponat, & similia; quæ eo spectant ut omnem iis fidē abrogēt si tale forte quippiam confessorio exponant quo ad innocentiam quorundā quasi quibusdam vestigiis perveniri posset. Itaq; eo usq; mendaces, perjuræ, dolosæ, deceptorices sunt, quibus credi nullo modo oporteat; solum eum ad edicendas in tortura complices est, ventum, jam ex ipsæ mox omnem exuunt naturam, jam pertæ sæ artium suarum, subito è mendacibus veraces fiunt, totæ candidæ, sinceræ, sine dolo, quæ non nisi vere sagas & nocentes accusaturæ sint innocentium oblitæ. Euge
rem

rem lepidam & festivam! non est quod jã fraudem ullam metuamus nihil hic periculi futurum est, non jam amplius mentiri possunt: pellem ætiops mutavit. Pergite inquisitores, capite denunciatas, non dubium est quin reæ sint, ducite in nervũ & extendite dum fateantur, si id nolint, obstinatas vivas incēdite, nocētes enim sunt: dæmon dixit & in tormentis dixit. O Germania quid facis? timent Judices ne fallantur à sagis viri Apostolici qui & Angelos judicaturi sunt, ne ipsi fallantur non timent. Mentiuntur ajunt vel in ipso Sacramento pessimæ deceptrices, in equuleo duntaxat verum dicunt, hic decipere non possunt. Quam hæc perversa & ridicula sunt? quæ miror Magistratus Germaniæ nondum animadvertisse, tot consiliariis & viris prudentibus vallatos. Quidni faciat jam dæmon, quod ipsi lubet, læviat in quoscunq; volet? & ecce iterum unde tantus nobis numerus sagarum!

DICES. I. Non procedunt hodie ex solis de nunciacionibus sed si alia quoque indicia accedant.

R. Fal-

Rx. Falsum est quod dicitur ; nam plerumq;
aut certe frequentissime hodie ex solis denuncia-
tionibus procedunt : Id probo hoc Enthymemate :
Procedunt plerumq; ex denunciationibus & fama
ergo ex solis denunciationibus procedunt. An-
tecedens patet cum omnia exemplis plenissima
sint : probanda igitur consequentia est , quam sic
ostendo ; Iam supra docui dubio 34. famam ho-
diernam non esse nisi spurium rumorem atq; in-
super nunquam in Iudicio legitime probari , pro-
indeq; esse indicium ipso jure positivo & naturali
invalidum & nullum , quod si nullum autem
atq; ex eo igitur ac denunciationibus iudices pro-
cedunt utiq; ex solis denunciationibus procedunt.
Præterea verò , esto etiam demus hoc ; non plane
sit nulla fama hodierna sed legitime semper in ju-
diciis probetur : quæro tamen ex Iudiciis quid
putent ? an nocentes esse omnes quæ solo hoc indi-
cio mala fama aut aliquo simili urgeantur ? nec
hoc dicent : quid igitur ? ut primum modo dæmo-
nis auctoritas accedat , id est , testimonia ab aucto-
ritate & veracitate dæmonis ac mancipiorum
ejus ducta , jam audebunt , jam de earum culpa ,
quasi certi erunt , atq; ita certi ut quascunq; tor-
turas denunciata sufferant , quicquid in de-
fensionem sui velint afferre , quicquid constanter
negent

Dub. XLV. An denunt. credi debeat
 negent &c. per fas nefas debeant nocentes
 esse, nam hac hodie praxis est. Vnde Infero
 adhuc igitur in satana potestate esse, eas saltem
 omnes quæ diffamari, aliove quo simili insuffi-
 ciente indicio suspecta fieri potuerint, mox adje-
 ctis suorum denunciationibus in discrimen addu-
 cere. Equare quam multas adhuc strages ma-
 chinari nobis dæmon possit facile existimare est:
 ignavus enim sit si hanc occasionem sine fructu
 sinat effluere.

DICES II. At saltem si denunciante
 convertantur non contemnenda earum denun-
 ciationes erunt nec prædicta pericula timenda.

R. Adhuc timenda erunt & denunciatio-
 nes contemnenda prout dubio sequenti latius o-
 stendam.

DUBIUM XLV.
 An saltem denunciationibus
 credi debeat ob denuncia-
 tium pœnitentiam.

RESPONDEO. Sic quidam occurrere
 solent ijs quæ dubio præcedente disseruimus,
 sed frustra. Rationes istæ sunt.

RATIO I. Denunciationes hodie
 fiunt, & in acta referuntur antequam de
 con-

conversione & pœnitentia cum denunciantibus actum fuerit: Nam sic praxis hominaria habet, ut vix adeant spirituales viri, nisi cum in exteriori foro cognitio expedita est: Frustra igitur sagarum pœnitentia obtenditur, ne earum denunciationes contemnantur, cum denunciationes omnes pœnitentiam antecedant. Utinam vero non nisi postquam serio ad Deum revertissent tum demum edicere complices juberentur, & quidem non quas equuleus extorqueret, sed quas conscientia suggereret: nam & aliquid tunc ego denunciationibus fortasse darem, & aut fallor insigniter aut paucissimum sagarum numerum brevi haberemus. Scio quid loquar, & si multa adhuc subtrahere est necesse. Itaq; non parum semper admiratus sum prudentissimum Theologum Tannerum qui inter ea media quib. sagæ extirpari possint, hoc quoq; raptim immiscuit, ut rei non examinetur de complicib. nisi post acceptam suæ mortis sententiâ & præviâ pœnitentiâ ac præparationē ad bene moriendum à confessorio procurandam: Sic enim ille disp. 4. de justitia, q. 5. Dub. 5. nu.

131. Sed medium hoc quorsum? Nec Inquisitores id unquam amplexuri sunt, nec Magistratus mandaturi: Non amplexuri Inquisitores; nam lucrum suum intervertent imminuto numero in quas procedant: Non mandaturi Magistratus: nam nemo suggeret nec ipsi legent.

R A T. II. Non modo autem verum est quod dixi, nimirum excipi hodie & inscribi denunciationes adhuc ante reorum poenitentiam, verum etiam eas ipsas solas ab impoenitentibus factas iudices valere volunt: adeo ut postea ubi vere poenitentes & ad mortem rite dispositæ à confessorio iudicatæ fuerint, si circa complices quippiam enuncient id non nisi eatenus à iudicibus vel credatur vel rejiciatur, quatenus cum denunciationib. iis quæ adhuc ante poenitentiam factæ sunt vel convenit vel dissentit. Imo ad eas adhuc impoenitentium denunciationes tanquam ad lapidem lydium arguti homines probant an vere quæpiam deinde poenitens sit an falso: nam si Titia V. C. quas adhuc impoenitens denunciationes edidit, eas post acceptum poenitentiae sacramentum approbet

probet & ratificet, id ipsis signum veræ conversionis est tum Titia non fictè poenituit. Sin autem revocet, & torturæ coactione mentitam se pronunciet, tum fucum fecit, confessario imposuit, falsa ejus poenitentia est, aut terrore mortis perturbata est, ac proinde superioribus denunciationibus insistendum est. Equidem ingeniose! nam utcunq; res cadat, seu ratificet, seu revocet Titia post sacramentum poenitentiae, semper judices quod volūt obtinere putant. Si ratificet denuntiatio ejus prior vera fuit, quia vere poenitens ratificavit, si revocat id non obest, quia vere poenitens non fuit: Sic enim illi ajunt. Sed non animadvertunt scilicet, quam neutro modo subsistant.

I. Enim cum admittunt Titiam vere poenituisse si priorem denunciationem ratificet, committunt circulum: denunciationem enim eam fuisse veram ajunt, quia poenitentia in qua ea denuntiatio ratificata est, vera fuit, poenitentiam vero hanc fuisse veram colligunt, quia ratificavit denunciationem quæ vera fuit: sic denuntiatio poenitentiae poenitentia denuntiatio-

Y

ni fi-

ni fidem facit, quod est in circulum discurre.

II. Quo jure & facilitate illi dicunt falsam esse Titiae poenitentiam cum priorem denunciationem revocat, veram autem cum ratificat, eodem jure & facilitate mihi dicere licebit oppositum, id est, falsam esse Titiae poenitentiam si priorem denunciationem in statum impoenitentiae factam adhuc ratificat, veram autem si eam revocat: alioquin ridicula res plane est ut cum dicit poenitens quod judicib. placet jam clament vere poenitentem esse, cum quod displicet, jam fiste poenitere? Quis non hominum concordatorum hic indignetur? nam hoc penitus nugari est.

III. Etsi negent Titiam vere poenitentem fuisse si priorem denunciationem revocet, parvum refert, nam nec poenitens quoq; fuit cum denunciationem primam fecit: id mihi sufficit, manet enim quod volebam, denunciationes fieri à sagis nondum conversis atq; ideo tanquam diabolicas ac fallaces adhuc rejiciendas esse.

RATIO III. Imo etsi id hodie quod
nun.

nunquam fiet, esset moris ut juxta consili-
um Tanneri post poenitentiam primum &
acceptam mortis sententiam denūciatio-
nes exciperentur. Etsi etiam moris hodie
apud multos sit ut non stetur denunciatio-
nibus nisi post poenitentiam eas ratificent,
nihilominus adhuc ajo cordatos viros me-
rito denunciationses eas repellere. Nam
merito cordatus quisq; dubitare potest, an
non poenitentia hæc sit conficta? Nam

I. Clamant inquisitores doemonem sua
mancia ad gravissima quæq; & inaudita
omnibus seculis scelera jam primum vehe-
mentissime impellere: quid mirum igitur
aut incredibile fuerit, si impellat quoq; ad
singendam poenitentiam.

II. Quotidianum est, quod & paulo
ante dixi, ut quoties quæ rea revocat quod
in tormentis falsa est, exclament iudices
decipere eam confessarium, & fecte poeni-
tere: sat igitur ipsi judicant proclive admo-
dum his reis esse ut fingant & fallant: meri-
to igitur id cordatus quisq; etiam cum de-
nunciationses post poenitentiam faciunt
aut ratificant suspicabitur.

III. Nec obstat quod confessarius ju-

dicet Titiam V. C. vere poenitere. Nam ut iudices illi contra quos loquor aperte fatentur, confessarius in eo foro conscientia non est audiendus; si enim revocet Titia quæ in torturis falsa est, etsi dicat confessarius vere poenitentem esse, ajunt illi tamē & vidimus, eum decipi, dolosissimum esse Satanam, & mille artificem, credendum hypocritis non esse. Idem igitur & cordati viri dicent, cum Titia denunciationes ratificabit, ac quo jure isti ad mentem suam, eodem & hi ad suam uti volent. Deniq; impossibile erit unquam certo scire an Titia vere, an falso poenituerit: nam quis iudex erit? an confessarius? atqui hunc isti, ut jam diximus non admittunt: an ipsi igitur erunt? at hos certo in foro Ecclesia non admittit.

IV. Non desunt magnæ causæ cur Titia volet fingere & cur doemon eam ad fingendam impellere. Videt Titia de se actum quidem esse, quod si fictæ tamen poeniteat mitigationem poenæ sperare possit. Possent & innocentes, quæ communis ei eundem doemone voluntas est, in discrimen adducere, & se non segniter vindicare, dum scilicet

licet per denunciationes suas hoc veluti
pœnitentiæ sigillo roboratas tanto certius
& minore cum iudicum scrupulo ad inno-
centum necem Zelum principum exten-
det, Vtentur igitur occasione sua generis
humani hostes & qua libidine nocendi in-
nocentes denunciare, eâdem & denuncia-
tiones ut infirmæ non sint ficta sanctitæ
vestire volent: Deniq; hæc semper summa
est; dictorum iudicum processum aucto-
ritati & veracitati demonis incumbere, ac
eatenus solum nō falli, quatenus qui omnis
doli & falsitatis artifex divinis literis præ-
scriptus est, non fallit.

RATIO IV. Imo etsi concedam, con-
cedam enim; non simulate convertam
quampiam ad **DEUM** esse ac verissime
pœnitentem: nihilominus ne sic quidem
denunciationibus ausim fidere in re tantâ
tam periculosâ, eo quod & tunc fallere de-
nuncians possit vel quia vix aliter audeat,
vel quia aliter non sciat prout dubio
sequenti exponam.



DUBIUM XLVI.

An saltem Denunciationibus credi debeat, si infallibiliter certum sit denunciante verè conversas esse, & verum velle dicere.

RESPONDEO. Sic deniq; videri poterat; *sed nec mihi nec cordato cupiam qui attentius considerare voluerimus videri debet. Rationes istae sunt.*

RATIO I. Solent iudices si quæ revocent denunciationes ante factas, eas quoq; ad torturam revocare; & hoc ipsum lictores eis minari solent, ac pro singulari affectu suo quo ad extirpanda zizania feruntur, sedulo ne id nesciant præmonere. Quare etsi Titia V. C. verè conversa esset & sincere poenituisset, non auderet tamen non ratificare denunciationes ante factas: unde ulterius si eas ratificet non continuo hinc evincetur eas igitur fuisse veras: nam & vere poenitens formidare poenas tam graves potest, earumq; metu continuare mendacium: fragilitas humana magna est.

Incre.

Incredibile est quam hic multa mihi exempla suppetant, & quam multæ pereant per hujusmodi falsissimas delationes vi tormentorum expressas, quæ deinde irrevocatæ manent. Nesciunt qui tormenta non gustarūt, quā ij q̄ gustarūt supra omnē modum formidēt: Ex quo fit ut paucæ adduci possint, ut denunciationes suas falsas saltē omnes constāter revocent. Revocant igitur, saltē aliquas ut sic & conscientiam, quantum possunt exonerent, & simultamen repetitionem tormentorum declinent, quam non declinarent, nisi utiq; unam alteramve saltē irrevocatam relinquerent: unde rursus tamen his relictis quantum creetur malum facile lector intelliget; quippe cum passim ex hoc ipso concludant judices hanc unam igitur aut alteram quæ revocata cum aliis non sit, tanto certius nocentem esse, atq; ideo tanto sævius in eā si neget animadvertendum. Res sane undiquaq; periculosa, quā fufius deducere non placet, dum id modo pateat, & vere poenitentem esse Titiam posse, & nihilominus si quam antē fecisset falsam denunciationem, eam meru reperendæ torturæ irrevocatam relinquere.

R A T I O II. Quantumvis vero & poenitens esset saga aliqua denuncians, & id intallibilter constaret, velletq; vere denunciare: nihilo tamen minus fallaces denunciationes essent ob periculum deceptionis ipsarum sagarum. Nam constat & conceditur etiam ab adversariis sagas non semper realiter ad conventus & tripudia sua transferri, sed sæpe per solam imaginationem, sicut dæmone seu perse, seu per adhibita naturalia medicamēta phantasiā varie commovente, existimant fuisse, vidisse & fecisse, quæ nec visa neq; facta ullibi sunt, perinde ut iis accidit, qui in somno non veris rebus, sed earum imaginibus luduntur. Exstant hac de re exempla quæ quod passim circumferuntur & nota sunt brevitatis causa omittimus. Quin imò valdè credibile esse, q; sagæ sapius phantasticis huiusmodi translationibus & conventibus quam veris fruuntur docet Tannerus Theologiæ tomo. i. disp. 3. quæst. 6. dub. 7. Quo posito, quis non videt, necessario fallaces delationes esse quantumvis denunciantes conversæ sint & nolint fallere. Nam unde scit iudex an

hæ &

hæ & illæ denunciantes, non sint ex ea sagarum classe, q̄ meris phantasmatis à dæmone ludūtur, ideoq; fuisse & vidisse se putant ubi non fuerunt nec viderunt? Illæ ipsæ certè inter phantasmata & res veras non satis distinguunt. Jurant se fuisse ubi non fuerunt: Nota sunt exempla, ubi rerum harum curiosi cum testibus adfuere, & sopitas hujusmodi sagas etiam verberibus signatas apud se præsentibus retinēre: quæ tamen ubi somnum per dormivissent, in conventibus suis fuisse & mira ibi egisse pertenderent. Ita veram rem putabant esse, quam non nisi in imaginatione palse fuerant.

Narrat experimentum tale quod ipse sumptit Baptista Porta Neapolitanus in magia naturali, editione prima. Quod si dicas mirum esse & incredibile, quod quis nesciat distinguere, quæ realiter, q̄ imaginarie, sit passus, etsi enim cum interdū somniamus in ipso somno, omnino putemus nos vigilare; cum tamē deinde evigilamus, latis clare cernimus nos tantum somniasse. &c. Id quidem ita nobis ordinarie contingere, ut satis discernamus somnum à vigi-

lia in vigilia. Nego tamen incredibile esse quin aliter possit fieri & in lagis fiat, ut demon, qui mille artifex est, ita mancipia sua turbet, ut inter rem veram & falsam non discernant. præcipue cum ante pleræque deliræ mulieres sint, aut ad delirium à natura lexus illius dispositæ, quo facilius in materia apta nequitiam suam exercere ille artifex possit.

RATIO III. Quin imo posito quod iudex certus esset denunciante ex illarum esse classe, quæ verè non phantasticè transferantur & cōveniant, nihilominus adhuc his denunciationibus prudenter inniti nō potest. Nam ut prudenter iis nitatur, non modo constare ei debet quod Titia, verbi causa, non mentiatur, cum dicit se Gaiam in conventu vidisse, verū etiam quod hæc proba consequentia sit, Titia vidit Gaiam in conventu, Gaia igitur in conventu vere fuit. Unde enim novit, an non forte demon ibi Gaiam repræsentaverit, ut adesse putaretur quæ longissime abesset? Quare quoniam difficultas esse potest sequenti

Dubio latius agendum erit.



An Dæmon in Conventibus
sagarum repræsentare possit
innocentes?

RESPONDEO *videri quod sic & quidem
non modo quiescentes ut quidam facilius cō-
cedunt, sed etiam cum cæteris tripudiantes. Ra-
tiones istæ sunt.*

RATIO I. Ita factum esse exemplado-
cent. Ergo fieri potest. Novi monasteri-
um ubi contigit & in acta relatum est, quod
jam dicam. Accusatus à multis sagis fuit
quidam ejus monasterii religiosus, quod in
conventu visus fuisset; addita etiam perso-
na cum qua tripudiasset, & super hoc quo-
que pœnitentes mortuæ, cum nihilominus
tamen testimoniis totius conventus cōsta-
ret, eum illis ipsis horis quibus visus dice-
batur, cum cæteris in choro præsentem fu-
isse, atq; adeo in officio divino occupatū,
vel mentitæ igitur denunciantes fuerant,
seu vi tormentorum, quod solent innocē-
tes, seu malitia quod nocentes, vel si men-
titæ non sunt ut judices supponunt ima-
ginem pro re viderunt. Possum & alios no-
minare viros sanctos hodie superstites, imo
& Prin-

& Principes quos in saltibus suis vidisse jã plures fassæ sunt. Alia circumferunt exempla, quæ quod nota sint & chartam solum impleant, omitto, ubi similiter vilæ in tripudiis personæ feruntur, quæ non solum eo tempore alio in loco erant, sed etiam per destinatos ad id testes ne abessent ibidem custodiebantur.

R A T. II. Potest se dæmon transformare in angelum lucis, ut & scriptura testis est, & exempla sunt passim in vitis sanctorum, ergo etiam repræsentare innocentes præsertim cum non incredibile sit Deum multa ipsi permittere.

R A T I O III. Argumenta, adversæ sententiæ non satis solidè in contrarium probant, ergo merito & prudenter nostræ opinionioni ad hærendum est, nec satis alteri fidendum. Ubi nota quod mihi, qui affirmo dæmonem repræsentare posse innocentes, non incumbat in conscientia opinionem meam solide probare: sed id incumbat in hoc casu conscientiiis adversæ partis quæ negat. Ratio ista est quia ad me quidem, seu id possit dæmon, seu non possit, parum attinet. Nolo enim ex hoc seu illo posito
quic.

quicquam adversus quenquam moliri, sed tantum non nisi vel animi gratia vel studio monendi alios laborem hunc probandi assumere; in quo etsi non subsisto nec sufficienter probo, nullum aliis periculum aut injuriam creo. At vero cum adversa pars sententia sua supposita, ex eo velut fundamento ad decernendum de capitibus humanis procedat; necesse est nisi temere ad rem tam arduam ivisse velint, ut fundamentum hoc solide jactum habeant: ideoq; nisi validis id argumentis probaverint, in conscientia nequaquam subsistēt. Imo non solum in cōscientia, sed & secundum dialecticam in hoc casu neganti quod id dæmon possit, incumbit probatio. Etsi enim dici soleat affirmantis non negantis esse probare: tamen cum (quod obiter Lector dilcat) per affirmantem hic intelligatur is qui ponit, hinc si quis propositionem aliquam seu affirmativa ea sit, seu negativa, tanquā veritatem seu fundamentum quoddam ponit, cui superstruere adhuc aliud vult, ei necesse est, ut eam propositionem probet. Unde cum adversarii hanc propositionem negativam quod dæmon nō possit repræsent-

*affir
mans*

sentare innocentes primum ponant, ac deinde ei superstruant suum processum, ipsi eam negativam probare debent, cum sint hoc casu affirmantes, id est, ponentes, aut iniqui erunt qui in id incūbunt fundamentum, quod non solide jecerunt: satis est nobis attulisse rationes dubitandi; satis item: esse homines in mundo non plane doctrinæ omnis expertes, qui valde metuant, ne dæmon id DE o permittente, & possit & faciat, satis quoque quod nos hac super re iudices monemus; num ipsi si nihilominus in vitæ ac necis causa acerbissimis tormentis in personas quaslibet grassari volunt, fundamentum hoc suum vel probare argumentis viro cordato dignis debent, vel excusari non poterunt. Videamus igitur qui probent, quam solida rationes adducant.

Quæ sint Argumenta eorum
qui probare nituntur dæmo-
nem non posse seu velle in tri-
pudiis repræsentare in-
nocentes?

RESPONDEO. *Argumenta hac con-
gessit Binsfeldius ad quem & Delrius remit-
tit. Ordine igitur ea ponam, nisi quod argu-
mentum primum ex Delrio sumam.*

ARGUMENTUM I Dici non po-
test quam nuper quidā cōfessarius sagarū,
alioquin non peritissimus in verbis Delrii
triumpharet, cum ea ex allato ejus libro in
hunc modum recitalset : *possent*, inquit
Delrius, *dæmones assumpta hominum innocen-
tum figura in conventibus suis comparere, si
Deus id non impediret, quem id hæcenus pmissis-
se mihi & ille & inauditum adhuc in crimine
magia. Sic ille lib. 2. q. 12. num. 5. & mox i-
bidem, si Deus id finit, mox fraudem aperit, vel
propter alia peccata in eorum remissionem vel ad
majus meritum, vel gloriam suffrentia id per-
mittit. Ex quo dictus confessarius: Ecce in-
quit, ille & inauditum est ipsi Delrio? quis
igitur id factum credat?*

R^z. I. *Argumentum hoc nimium probat & sic nihil: probat enim infinita alia quae facta vere sint, facta non esse, quia hac Delrio illecta & inaudita sint: mihi certe & pluribus mecum nec est illectum nec inauditum.*

II. *Inquisitores hodierni novas indies machinationes, nova scelera sagarum haecenus inaudita novis tormentis extorquent, & apud principes ac vulgum mirè crepant. Quid si utar nunc dicto argumento & omnia illa negem eo quod illecta ea sint & inaudita Delrio, quid dicent? indignabuntur sane ac contendent novae indies Deum permittere: & cur non mihi igitur concedant inter tot nova ista haecenus illecta & inaudita quae Deus daemoni in conventibus permittat, etiam has representationes intercurrere dicam hoc unum etiam ex illis novis esse.*

III. *Qua visa in conventibus denunciantur, certo habentur nocentes, & certo ibi corporaliter fuisse: itaq; tam diu torquentur donec fateantur, & si quaedam torturas superant ac non fatentur, jam ea tamen comburuntur viva ut obstinata, nam omnes simpliciter nocentes esse debent, quod mirum igitur si illectum est & inauditum Delrio nullas innocentes in conventibus comparuisse?*

probare nit. dæmonem non posse seu velle &c. 337

IV. Si excipias non ita fieri ut dixi, sed quæ
fassa in torturis nō sint dimitti secundum iura, &
non comburi: jam rursus id mihi servit: nam
illa igitur quæ dimissa sunt, innocentes judicata
sunt, non igitur illectam saltem & inauditum est
innocentes aliquas in tripudiis comparuisse.

ARGUM. II. Dæmon huiusmodi
repræsentationes non appetit. Ergo. Pro-
bat ut antedens: nam perspectum est ei
ex sacris literis Deum non permittere, ut
electi tribulentur aut tententur nisi ad me-
ritum, probationem & bonum. Ita Bins-
feldius.

Re. I. Argumentum hoc nimium probat,
& sic nihil: nam iisdem plane verbis probari pos-
set, dæmonem non percussisse Iobum à capite ad
plantam pedis; nec deniq; ullorum unquam mar-
tyrum exquisitas pœnas ac necem suis artibus
promovisse. Dicam enim totidem syllabis: Dæ-
mon huiusmodi artes non appetit; perspectum
est ei ex sacris literis Deum non permitte-
re, ut electi tribulentur aut tententur, nisi
ad meritum, probationem, & bonum.

Resp. II. Non omnes quos dæmon repræsen-
tare electi essent, essent aliqui mali & nequam
immortalibus peccatis constituti, etsi magis cris

Z minus

338 Dub. XLVIII. Quæ sint argu eorum qui
minis exortes atq; eatenus saltem innocentes. Et si
igitur non appeteret dæmon ob allatam causam
repræsentare electos, non continuo probatum est,
non appetere innocentes.

ARGUM. III. Hæc doctrina inquit
Binsfeldius, quod Dæmon innocentes re-
præsentare non possit, maximum robur
sumit ex conscientiiis innocentum. Quis
enim innocens angitur aut timorem con-
cipit, ne à dæmone inter maleficos & la-
gas repræsentetur? alias si hoc posset dæ-
mon semper omnes merito in timore &
tremore versaremur, ne in fabulam & tra-
gédiam, in qua salus animæ & corporis pe-
riculo exponeretur, traheremur. At secu-
ræ conscientia nullo modo sibi metuunt.
Ergo, sic ille.

Resp. I. Argumentum hoc nimium probat,
& sic nihil: nam iisdem syllabis æque probari
posset innocentes non posse nec solere à sagis incan-
tari & maleficiis in omnem vitam miserrime
reddi. Probo: quis enim innocens cum mane sur-
git angitur aut timorem concipit ne ea die à sagis
incantetur? alias si hoc possent sages semper omnes
merito in timore & tremore versaremur, ne ma-
leficio aliquo afflaremur, quod in omnem vitam

prob. nit. dæm. non posse seu velle intripud. &c. 339
nos miseros redderet, at securæ conscientia non si-
bi metuunt. Ergo

Resp. II. Securi & absq; metu sunt inno-
centes non quia omnes existiment se à dæmone
exhiberi non posse, aut quasi id dæmon interdum
non faciat: sed quia existimant, etsi id fiat, sibi
tamen non obfuturum, eo quod nunquam tam
imprudentes & indiscretos iudices ad tribunalia
messuros supponant, qui ex diabolicorum hominum
denunciationibus processuri sint, plusq; credituri
nequam dæmonis mancipiis quæ accusent, quam
integritati morum quæ excuset.

Resp. III. Vbi ferventer in maleficos inqui-
ritur, & iudices ejus sunt sententia de qua loqui-
mur ut ex hisce nugis procedendum putent, nego
innocentes non sibi metuere: falsissimum hoc est:
plurimos ego scio optimos conscientiosissimosq;
homines qui vehementer formidarunt, atq; adeo
nonnullos q alio transtulerunt sedem. Scio qui me-
aliosq; hac ipsa super re consuluerunt, scio qui cū in
urbem vicinam excurrissent consulendi & gene-
raliter confitendi causa, ubi reversi sunt sequenti
die, hoc ipso indicio esse captos, quasi fugam ador-
passent, nec tamen fugere potuissent Deo vindice
nos turbante & retrahente; cumque contrarium
deseri vellent, permissum id eis non esse: scio non-

340 Dub. XLVIII. Quae sint arg. eorum qui
nullos jam, tum esse meditados si comprehendan-
tur & cogantur vi pœnarum sereos dicere, quas
texere narrationes velint, ut probabiliter men-
titi videantur, ne si quippiam non congruat, in
nervum repetantur; scio & quas multis resolu-
tiones dederim circa hos ipsos conscientia casus,
quatenus sine peccato mortali in torturis contra
se vel alios mentiri liceret aut non, ut sane in mul-
tis locis insigniter multi boni formident. Itaq; ar-
gumentum hoc Binsfeldi, nihil facit nisi ut me
potius contra ipsum juvet: sic enim conficio: si tam
parvam in his rebus experientiam aut cognitio-
nem Binsfeldius sumpsit, ut adeo ignoret, quae
passim sunt nota, quid ei tandem similibusq; do-
ctoribus in his causis tribuendum est? sedeant in
musaeo suo & quod utilissime haëtenus fecere, la-
cubrationes Theologicas ad nos emittat: tum au-
tem reorum causas obsecro, ne attingant tanta au-
toritatis viri, nisi hanc saltem aliquando ad in-
carceratorum aures propius inclinarint & padore
carcerum saturi accesserint, qui ut habeo experi-
entia excitare spiritus ac species solet, ne non mul-
to, quam alias clementius philosophemur.

ARGUM. IV. Quod nunquam fa-
ctum est, neq; fit, secundum communem
rerum cursum, nequaquam fieri posse, si

ex

ex facti contingentia, incommoda sequantur, judicandum est. Sed nunquam, aut rarissime auditum est ex constantibus, & perseverantibus confessionibus, quod innocentes repræsentati sint in conventibus, imò semper experientia compertum, ibi repræsentatos eos, qui fuerunt rei tanti criminis. Ita Binsfeldius.

Resp. Negando minorem. Vnde enim scit Binsfeldius, nunquam innocentes repræsentatos, & accusatos, ac plexos esse? unde scit omnes repræsentatos, & accusatos tanti criminis reos fuisse? an ex constantibus confessionibus, ut ait? at unde novit has confessiones omnes veras fuisse, nec metu, aut vi questionum expressas? jam tum constat plurimos esse, qui contra se mentiantur. Vnde ipsi notum est, eas ipsas, quarum constantibus confessionibus nititur, non in istarum numero fuisse, quæ mentita sunt. Væ illi, quæ semel in tormentæ pedem immiserit, non retractura unquam quin omnia fateatur quæ cogitari potuerint. Spectat hæc responsio tertia supra data, ad argumentum primum. Igitur sic sæpe mecum ratiocinari soleo, quod non omnes nos magis sumus, hanc unicam esse rationem, quod tormenta ad nos non attingunt: verissime quidam

342 Dub. XLVIII. *Qua sint arg.eorum qui
nuper inter scyphos , & ipse magni principis In-
quisitor jactare ausus est , si sub suas manus, &
tormenta vel ipse pontifex veniret , sine dubio
tandem se maleficum quoq; esse confessurum. I-
dem faceret Binsfeldius , idem ego , idem ceteri
pauculis robustissimis exceptis.*

ARGUM. V. Si Dæmon repræsen-
tare potest innocentes in conventibus ma-
leficorum , poterit & innocentes in forma
homicidæ , adulteri , fornicatoris , cum o-
mnium innocētum maximè interitum ex-
optet. Accusetur quis ergo homicidij , la-
trocinij , furti , adulterij : eludet accusatus
ac dicet culpa se vacare , Diabolū se trans-
formasse in ejus faciem , & facinus pa-
trasse &c.

Hujus argumenti nodum , inquit Bins-
feldius , solvere non poterunt , qui ita ut
gente conscientia , vel non rarò excœcan-
tibus affectionibus laborant.

*Et Quod Binsfeldius eos, qui in nostrâ sūs sententiā
sic absolutè perstringit, quasi laborent excœcanti-
affectionibus , & urgente conscientia, sine funda-
mento facit. Interim si , qui affectibus laborant
solvere ejus nodum non possunt , nos certè non la-
boramus, cum solvere possimus : dicimus eni*

plan

prob. nit. dæm. non posse seu velle in tripud. &c. 343
planè dissimile esse à nostro casu, quod ipse affert,
id quod sic ostendo.

Si esset locus aliquis, in quo certis, constitutisq;
temporibus, ac horis varia apparere spectra, &
miros ibi ludos, ac varias hominum affectiones ef-
fingere solerent; tum autem Sempronius accusaret
Gracchum, quasi cum illo ipso tempore, atq; hora
in eo loco conspexisset homicidium patrantem,
meritò prudens quisq; iudex sufficienti cum ratio-
ne dubitare posset, ne fortassis non Gracchus ve-
rè fuisset, sed ejus loco inane spectrum. Insulsè
autem faceret, si sine aliis indiciis hac solâ causâ
Graccho quæstionem decerneret. Idem autem in
nostro casu est. Ajunt enim jam antè adversa-
rij, certa esse Dæmoni loca, atq; tempora, quibus
festa, & conventus, ac tripudia sua cum sagis ce-
lebret: Ajunt etiam variis ibi representationi-
bus, ac formis, nunc hac, nunc illa specie viri,
mulieris, militis, virginis, adolescentis, hirci,
leonis, &c. suorum affeclarum oculis obcludere; si
qui absunt à conventu, eorum queq; vices, ut ad-
versarij fatentur, ipse supplet: quadam verè, plu-
ra fictè inibi geruntur, putant delicatè edere, bi-
bere, dormire in lectis eburneis &c. cum non nisi
morticinis vescantur, camerinam potent, & sub
patibulo quiescant. Omitto enim illusiones omnes

344 Dub. XLVIII. *Qua sint arg.eorum qui ceteras, qua in hisce sacris solemnes sunt, sic ut nihil a què ibi agere videatur infernalis histrio, quam ut meris larvis, spectris, & falsis imaginibus confingendis indulgeat. Quaecum ita esse fateantur omnes, prudenter sanè dubitabit is, quicumq; is iudex erit, an non in hac spectrorum omnis generis confingendorum facultate ad aliarum quoq; personarum, maxime in peccato mortali existentium, fictionem licentia demonis se in his locis extendat: prudenter etiam formidabit, ne qui in his locis eo tempore visus esse dicatur, is ipse ille fuerit, an verò vana aliqua larva oculis objecta. Ex quo tamen minime sequetur quod ut quisq; in alio quo vis loco nullis talibus illusionibus seu phantasmatis obnoxio latrocinari, furari, adulterari &c. conspectus sit, tum quoq; suspicari debeat, ne à spectro sim delusus. Longè enim dissarratio est. Ex quibus admodum jam liquet, quam planè nihil in eo Binsfeldij argumèto insit, quod ipse penè insolubile putabat. Quamq; male nos arguerit habere oculos clausos, sic enim ait, quod ista non videamus, quæ ipse se in allato argumento videre putabat. Posset & aliter responderi, sed quod respondi sufficit.*

ARGUM. VI. *Deus non permit-
ret unquam Doemoni, ut innocentes ex-
hibeat, ergò & non potest.*

Resp.

prob. nit. dæm. non posse seu velle in tripud. 343

R. Negando antecedens. Vnde hoc certum est adversariis, quod Deus id non permittet? multa alia graviora permittit Deus, ut supra docuimus, neces Martyrum, infantulorum, conculcationes sacrarum hostiarum, & similia infanda. Præterea permittit Deus ut Dæmon tum in speculis, tum aqua, oleo, aliusve exhibeat imagines variarum personarum cum passim curiosi ad ariolos & divinos accedunt, consulantq;, quis furtum in domo factum commiserit, quis equos abegerit, quis pecus maleficio infestaverit, quis filia familias futurus sit sponsus, quis primus è familia moriturus, aliave id genus nimis usitata ac nota, in quibus tamen sæpe fallit; & innocentes quoq;, uti constat, falso indicio onerat. Noviego virum probum, doctum, & religiosum, egregiâ formâ, in quem cum procax quadam mulier, & saga insano furore Veneris exardere cœpisset, nec tamen ullâ viâ, quas varias tentârat, potiri optatâ spe posset, hoc uno se utcunq; leniebat, quod dæmonem suum concubinum in illius semper faciem formatum accipiebat, ut ei deinde ipsamet est fassa. Et cur nos igitur quod alibi potest dæmon representare innocentes, id in solis suis conventibus & solennibus sacris non possit?

DICES. Si in conventibus representa-

Z 5

redæ-

346 Dub. XLVIII. *Quæ sint arg. eorum qui
re doemon innocentes permittatur, nimis magna
hinc incommoda in rempub. redundabunt.*

R. I. *Sit ita: sed unde tibi constat Deum non
permittere ea, ex quibus magna incommoda in
repub. redundant? permittit Deus doemoni ut
sagas transferat, pharmaeis ad maleficia sub-
ministret, & similia, quibus nemo adversario-
rum controvertit: nullane ex his incommoda na-
scuntur? nisi igitur aliunde constet Deum non per-
mittere innocentium representationes in diabo-
licis illis ludis, frustra id negatur.*

Resp. II. *Negando quod assumitur: nam quod,
obsecro, incommodum ex iis representationibus
in rempub. redundabit? an quod innocentes habe-
buntur nocentes? torquebuntur &c.? (sed Respon-
deo: habebuntur nocentes, & torquebuntur à
iudicibus prudentibus, & cordatis, nego; ab impru-
dentibus, & vecordibus, concedo: Deinde verò
adversarij malè discurrunt. Ajunt innocentibus
representatis hoc incommodi datum iri, quod ha-
bebuntur nocentes & torquebuntur: Presuppo-
nunt igitur quod taliter præsentati nocentes ha-
bebuntur: cum hoc ipsum sit in questione, an ta-
liter representati nocentes habendi sint? Itaque
in circulum argumentantur: Cur visa in saltu
merito nocentes habebuntur? quia Deus inno-
centes*

prob. nit. daem. non posse seu velle in tripud. &c. 347
centes ibi representari non permittet : cur autem
Deus non permittet ? quia incommodum sequi-
tur ; nam ibi visa nocentes habebuntur. Ecce
quam parum hodiè adversarij ad Dialecticam
attendunt ! A. quia B. & B. quia A. Nemo igitur
hunc circulum hætenus deprehendit ! Porro quod
vult Binsfeldius privilegium hoc esse filiorum
Dei, ut tale quid non permittatur, supra refuta-
tum est dubio 10. inde repete. Omnino hic in-
ferendum est, quod nuperrimè contigit loco cele-
bri Germania, in quo omnia pæne in cineres con-
ciderunt. Vocaverat ad mensam suam Princeps
religiosos duos, viros spectata virtutis, & doctri-
na : inter epulas deinde Princeps ad alterum eo-
rum : Mi pater inquit, existimas ne ex aquo, &
recto geri, cum eos hætenus in nervum abripi-
mus, qui à decem & duodecim sagis denunciati
sunt in saltibus comparuisse ? vereor non parum
ne mille artifex suis affectis illudat, & non aque
tuta sit ad veritatem via, quam per hasce denun-
ciationes sternimus : praesertim cum & viri gra-
visimi, doctissimiq; non pauci passim incipiant
reclamare, & conscientiam nobis commovere :
Dic igitur, quid sentis ? tum ille, ut est acer sub-
inde & profusus impetus eorum, qui non ultra
pedes quatuor à fornace absiti philosophari solent :
quid

quid malum, inquit; quod nos anxios hic facit, ac conscientiam constringit tot testimonius convictam? Scrupulus sit existimare, id unquam Deum permissurum, ut innocentium persone ita traducantur: non est quod ad tantum denunciationum numerum Iudex hæsitet, quin tuto progrediatur. Ad quod cum rursus à principe replicatum esset, atque ultro citroque multa in utramvis partem hinc inde mota; videreturq; religiosus penitus obtinere velle, concludens tandem disputationem Princeps: Atqui verò, inquit, doleo mihi pater tuam vicem, qui in re capitali tuomet ore te confodisti, nec habes adeò quod reclames, si te quoq; in custodiam recludo: quippe quem à se in conventibus suis visum non minus quindecim denunciarunt: neue putes rem serio non agi, nihil impedit quin è vestigio acta afferri iubeam, ut te ipse ibi legas, tot testibus quot nec ipse postulabas convictum. Obstupuit vir bonus & dejecto vultu non habuit quod sic subito opponeret præter confusionem, & è summa facundia silentium. Non fabulam narro res ita gesta est ut dixi, locum & personas designare non est necesse. Id unicuique mirari subit, cum & inquit scriptura, & adversarij concedant posse dæmonem ut perdat animas se transformare in angelum, imò actu se
trans.

prob. nit. dcm. non posse seu velle in tripud. &c. 349

transformare dicat Apostolus 2. Cor. 11. cur ut perdat corpus non posset in hominem innocentē?

ARGUM. VII. Hanc sententiam & veram doctrinam inquit Binsfeldius, quod Diabolus non possit in conventu præsentrare innocentem præterquā quod nostri malefici testimonium perhibent, tenent Doctores; Auctores Mallei, Itemque Jaquerius, Spinæus, Loyerius: sic ille pag. 360.

R. Sententiam nostram, ubi modò ventilari cæperit, multò plures tenebunt. Et hanc veram potius doctrinam esse ratione malumus quam auctoritate obtinere. Quod autem ab auctoritate sagarum orditur Binsfeldius, ridiculum nimis est: nam sensus est quasi dicas: Sententia hac vera est quia tenent eam discipula parentis mendacij: pulchra probatio, testimonio igitur sagarum auctoritatem conciliant ipsa Saga ait Christus in Evangelio: si ego testimonium perhibeo de me ipso testimonium meum non est verum: ait allatum argumentum si Satanas testimonium perhibeat de seipso testimonium ejus est verum. Quamquam ut ad extremum dicam quod sentio: planè in ea opinione sum cum dicunt rea se has & illas in conventibus vidisse mentiiri coactione poena-

tum

350 Dub. XLVIII. Qua sint arg. eorum qui & c.
rum: cum plurimam partem innocentes esse putē:
Id saltem video, necesse esse ut si aliquot solum in-
nocentes cum reliquis involuta sint, mox ingens
alia innocentum multitudo sequatur, dum alia a-
lias quas nesciunt vi tormentorum coacta secum
accusando trahunt. Veritatem scire non volu-
mus sed ut simpliciter se omnes reas fateantur vo-
lumus. Id necessario tandem quicquid fiat obti-
nendum est. Nunquam mihi sanè hætenus in
mentem venit dubitare quin in mūdo saga mul-
ta essent: nunc cum publica judicia penitus exa-
mino, eò sensim me duci video, ut dubitem, an
sint vix ulla. Certè de tripudiis seu conventibus
an unquam corporaliter fiant non parum dubita-
ri potest. Et utinam quis excutiat accuratè. Nunc
hoc quidem commentario excitare doctos placuit
ut qua ad processus hujus criminis spectant pau-
lò altius ventilare incipiant. Caco impetu & me-
ditatione casso multos ferri quotidie experior: in-
genia mihi illa placent qua non universa esse ve-
rissima & indubitata existimant qua vulgus am-
plectitur. Sed quicquid sit, provideant principes,
ne in re gravi & qua restitutionem anne-
xam habeat incauti sint.



Quæ sint argumenta eorum
qui Denunciationibus Saga-
rum fidem habendam esse vo-
lunt, & sufficere ajunt ad de-
nunciatas torquen-
das ?

Multa adducuntur sed quæ facile cor-
ruant, nos ordine ponemus & sol-
vemus.

ARGUMENTUM I. Judex tene-
tur reum maleficum, seu maleficam de a-
liis interrogare, & reus sive rea tenetur de
aliis respondere; Ergo reo malefico cre-
dendum est & ejus denunciationi standum.
Probatur. Nam si fides ei adhibenda non
est, frustra teneretur judex rogare, & reus
respondere. Ita Binsfeldius pag. 248.

R. I. Nos qui tenemus fidem denunciationi-
bus sagarum commodandam non esse, consequē-
ter negamus judicem teneri ad hujusmodi denū-
ciationes curandas, & reum interrogandum.

R. I. Concedamus etiam teneri judicem à reo
malefico de complicibus interrogare: non inde ta-
men

352 Dub. XLIX. *Quæ sint arg. eor. qui denunt.*
men sequitur quod illi nolunt, mox credendum si
dicat se complicem in conventibus vidisse, aut si-
milia quæ aliter probare non possit. Nam ideo te-
nebitur rogare, quod fieri posset, ut nonnulli alia
quædam cum iis circumstantiis & probationibus
additis deponerent, quæ omnino arguerent, de-
nunciantes hos & illos, hic & nunc non mentiri,
id quod interdum fieri posse quis dubitat? Roga-
bit igitur iudex, non id veto, sed ni ea probatio-
nes addantur, quæ omnino arguant denuncian-
tem non fallere, non credet. De conventibus au-
tem quod ibi visa, &c. non credet ob causas supra
memoratas.

ARGUM. II. Omnium tam Theolo-
logorum quam Canonistarum & Legista-
rum iudicio receptum est, quod de se con-
fessus super aliorum conscientia non de-
bet interrogari, & si interrogaretur, non
ideo juxta hoc proceditur, aut ei creditur
secundum jura; Et hac regulâ non obstan-
te eximuntur crimina illa quæ vocantur ex-
cepta, in quibus debent de aliis interroga-
ri, & iis credendum est. Ergo eorum con-
fessio fidem facit, alias nulla esset distinctio
inter crimina excepta & non excepta. Ita
Binsfeldius p. 252.

Resp. I.

Resp. I. Nego alias non fore distinctionem inter crimina excepta & non excepta. Nam hac est distinctio, quod in exceptis non sit opus per omnia servare communem procedendi modum à jure in aliis præscriptum. Vt autem complicibus ex natura sua mendacibus non credatur, nisi alia circumstantia & probationes convincant eos non mentiri, non à jure præscriptum solum est, sed à natura, à cujus lege non datur exceptio.

Resp. II. Plura sunt crimina excepta quam sagarum, sit igitur quod in objectione dicitur, in aliis istis exceptis verum: atq; ibi si ita volunt, credant denunciationibus complicum. In hoc autem solo crimine sagarum non consentio ut credant, ob scilicet particulares illas rationes, quas supra dedi, quæ in aliis exceptis rationibus non ita reperiuntur.

ARGUM. III. *Regulæ standum & inhærendum est, donec de exceptione & fallentia ostendatur: sed leges quibus ut regulis nitimur denunciationibus maleficorum standum putat, ergo. Probatur minor ex L. fin. Cod. de maleficis & mathematicis quæ vult maleficos debitæ quæstioni subijci ad facinoris socios publicandos, ac proinde denunciationib. eorum standum judicat.*

Recedere autem à textu juris, à ratione & communi sententia, summa temeritatis est, Ita Binsfeldius p. 253.

Resp. I. Verum est quod regula standum sit, & inherendum, donec de exceptione & fallentia ostendatur. Verum etiam quod à textu juris, & sententia communi recedere temerarium sit, si sine ratione fiat. Sed dicimus nos recedere à regula & textu juris ac communi sententia, cum bona ratione & ostendendo fallentiam. Id quod abun. defecimus supra.

Resp. II. Duplicis esse generis qua rogari à maleficiis circa alios possunt.

I. De sociis, si quos habuerint in necandis hominibus, vel animalibus, in referendis damnis & similibus sceleribus.

II. De sociis suorum conventuum, ludorum, qui artem magicā calluerint, & ibi visi sunt. &c. Dicam igitur jura intelligenda esse de questionibus prioris generis, ac nos concedere, si quidem illi adversarij volunt, fidem eis adhiberi aliquam posse in questionibus prioris generis, maxime si circumstantias quoque addant, quae congruant, & ex quibus ea oriantur de veritate denunciationis indicia, quae prudenti & cordato viro satisfaciant. Non autem adhibendam esse in questionibus posteriori

sterioris generis: eo quod in hisce et si velint, verum dicere non semper possint. Ob rationes nostras supra allatas ex periculo delusionum circa conventus. Binsfeldius hanc distinctionem planè explodit, tanquam nullo fundamento nixam & implicans rem ignorantiam eorum criminum qua in conventibus admittantur: ait enim in conventibus admitti crimina læsa Majestatis divina, aliæq; similia omni nece hominum aut animalium illatis ac damnis graviora. Vnde sic argumentantur: si credendum est, & standum denunciationibus sagarum cum queritur de nece hominum & animalium, de quibus illatis damnis qua minora crimina sunt, multo magis standum denunciationibus erit, cum quaestio est de conventibus, qua majora crimina involvunt. Sed

R. Binsfeldium hanc distinctionem frustra rejicere.

Nam I. nititur principiis qua non tenent. Ponit pro fundamento, quod quo majus sit crimen de quo quaestio est, eo amplius sit denunciationi tribuendum, quod fundamentum ratione caret, uti supra Dubio 37. rat. 7. ostendimus, dum docuimus vim testimonij non à re testata, sed à testante pendere.

II. Iam supra dedimus rationes sæpius citatas,

356 Dub. XLIX. *Qua sint arg.eor. qui denunt.
cur etsi credi possit, de sociis in aliis criminibus nō
tamen in crimine veneficij, cum dicunt de suis
conventibus; ea rursus considerentur & abunde
satisfecerimus.*

ARGUM. IV. Malefici sunt latrones,
& plus quam latrones, sunt conjurantes cū
Dæmonibus, sunt rei læsæ summæ Maje-
statis, sunt sacrilegi, sunt proditores patriæ,
sunt hæretici &c. Sed latronibus, conjura-
toribus, reis læsæ Majestatis, Sacrilegis,
proditoribus patriæ, hæreticis &c. Creditur
contra socios, erga & maleficus. Idem
Binsfeldius pag. 254. & seq.

*Resp. Non esse parem rationem maleficorum &
aliorū: supra enim data particulares rationes sunt,
cur etsi aliis credi possit, sagis tamen credi non de-
beat, nimirum ob specialem illarum malitiam,
naturam mendacem, ac particularem in illo cri-
mine falsitatis præsumptionem ob varias illusio-
nes & incertitudines. Vnde ab aliis ad sagas ar-
gumentari non licet, ac frustra hic vehemens est
Binsfeldius.*

ARGUM. V. Eis qui veritatem lo-
quuntur credendum est, alias fides huma-
na periret; Sed communiter accidit, ut so-
cij in hoc crimine complices denuncian-
tes

tes veritatem dicant, ut constat experientia, & ex processibus contra maleficas, Ergo, Idem Binsfeldius pag. 257.

Resp. Concedendo majorem, negari minorem ut penitus falsam ac de qua jam hic queritur ac cōtrovertitur, ut proinde assumi nō debeat, sed probari. Quod autem ait eam constare experientia & ex processibus contra maleficas a que nego. Repe-te qua dixi dubio proximè precedente argumēto 1. responsione 3. & argumento 4.

ARGUM. VI. Testes qui non debent examinari examinati faciunt aliquam fidem, quia faciunt quale quale indicium ut Doctores loquuntur &c. Ergo magis credendū illi testi, qui debuit examinari quia majorem fidem facit; Sed maleficus de se confessus debet examinari de complicib. ex legibus & communi sententia. Ergo ei magis credendum est. Idem Binsfeldius pag. 259.

Resp. Coincidit vis hujus argumenti cum primo, ibi igitur satisfactum est, ut lector animadvertet:

ARGUM. VII. Praxis Ecclesiæ tradit sagis esse habendam fidem, nam omni tēpore Judices ex hujusmodi denunciationi-

358 Dub. XLIX. Qua sint arg. eor. qui denunt.
bus inquisiverunt contra denunciatos.
Idem Binsfeldius pag. 259.

*Resp. I. Praxis hæc etsi multorum fuit non ta-
men omnium. Supra enim ostendi sententiam
nostram non carere auctoritate doctorum.*

*Resp. II. Esto nostra sententia à communi re-
liquorum opinione & praxi plane recederet, non
ideo continuo damnanda foret, dum solidis ratio-
nibus non destitueretur: non destituitur autem ut
supra patuit: Ergo.*

*Resp. III. Praxis iudicum non continuo vo-
canda est praxis Ecclesiæ. Sonat id, quasi res fi-
dei agatur: Absit autem ut omnes eas praxes,
quæ communiter in usu sunt, Ecclesiæ approbet, &
suas appellari velit cum multa careant ratione &
& mala sint, quàm longè & latè practicata est
in orbe à iudicibus probatio illa sagarum per aquâ,
an igitur & hanc praxin Ecclesiæ vocabimus?
Frustra igitur specioso nomine Binsfeldius nos
terret.*

ARGUM. IIX. Multæ sagæ conveni-
unt in denunciationibus suis in eandē per-
sonam, Ergo signum est quod non menti-
antur, Ergo eis credendum est.

*Resp. Quod multa in eandem personam con-
veniunt, mirum non est, nec eis fidem simul sum.*

ptis conciliat, si alioqui singula non habent. Nam id ex multis causis fieri potest, ut ostendam. Velenim denunciante verè saga fuerunt, vel fuerunt innocentes, quæ vi tormentorum coactæ, ut iis se subducerent alias nominarunt. Vtrum fuerit mirum non est, Nam

S I V E R E Saga fuerunt, potuerunt.

I. Plures malitiosè in unam aliquam conspirasse ut si contingeret in manus magistratus devinire eam secum in exitium traherent, & in iisdem accusationis circumstantiis convenirent, prout exempla non pauca narrantur, quæ brevitate causa prætereo.

II. Potuit Dæmon, ut supra diximus, innocentem representasse in conventibus ubi cum plures conveniant ut ipsi ajant, à pluribus videri potuit, & nominari cum iisdem loci & temporis ac reliquis circumstantiis.

III. Potuit Dæmon suggesse, instigare, mandasse, ut has illas quas vellet singula accusarent, & has illas circumstantias simul adderent.

S I V E R E Saga non fuerunt, ne tum quidem mirum est; quia

I. Vbi multa torquentur & rogantur quid proclivius est, quam aliquas casu incidere in eandem personam, præsertim si pauca adhuc restent

360 Dub. XLIX. Quæ sint arg. eor. qui denunt
in pago persona nondum denunciata ac exusta.

II. Cum tales nesciant alias, solent plerumq;
eas nominare de quibus jam ante est communis
rumor, vel quæ eo nomine incarcerata semel fue-
re, vel exusta.

III. Fit jam plerumq; ut videmus indies, &
bene notavit Tannerus, officiales justitiæ non ser-
vare secretum, & spargere in vulgus si qua no-
minata sunt, ut igitur quæ deinde torquentur
pænis se liberent, easdem nominant.

Atq; hic certò nullo modo excusari Magistra-
tus in conscientia poterunt quod id non emen-
dent. Iam ubi versor tota pene urbe nota sunt
non pauca nuper à diversis denunciata. Ha igitur
nunc quidem differuntur dum fama crescat, post
annum autem ex hac fama procedetur. O tempo-
ra! hic Germania est Zelus.

IV. Sed & malevoli quidam ut supra docui
nominatim de quibusdam in tortura interrogat,
quid mirum igitur si eas sic in os sibi inditas plu-
res accusent?

ARGUM. IX. Patet ex processibus
criminalibus quod plerumque omnes illæ
quæ ab aliis denunciatae sunt, verè sagæ
fuerint, cum id deinde ipsæmet in tortura
falsæ sint, unde sequitur denunciantes ve-
rum

sagar fidem habendam esse volunt.

361

rum dixisse, atq; igitur denunciationibus fidem detrahendam non esse.

R. Quod denunciata plerq; verè saga fuerint, non satis ex secuta earum confessione convincitur, quam parum tuta sit fides à tortura quasita, abunde liquet, & ex supra à nobis allatis manifestū est. Si uita a. est, ut dixi, quaecunq; delata ream se non fateatur, cogetur n. tot tormentis ut tandē succumbat & si non succūbat comburetur uiua ut obstinata, repete qua hinc inde supra dicta sunt; nesciunt sane omnes quid virium in tormentis insit, qui vel commentari lucubrationes suas in quiete atq; otio solent, vel immiti animo ac feroce quis pœnarum sit sensus experti unquam non sunt. Quos ego non ex ulla malevola voluntate, sed affectu optimo & Christiano, ad maius ipsorum bonum, & maiorem conscientia cautelam precarer, ut vel ad dimidium quadrantem equulei aliquem gustum sumere, & velut prius ipsi pralibare velle in animum inducerent, quam accederent ad odiosas has rerum causas in equuleo tractandas. Neque enim tam durus esse velim ut is nescio qui princeps fuisse dicitur, qui quos causis criminalibus iudicandis admovere voluisset, eos quantumvis reluctantes in nervum prius per horam dimidiam conjici jubebat, ne non pla-

Aa 5

nè do.

362 Dub. XLIX. *Quæ sint arg. eor. qui denunt.*

nè dolorum rudes eorum vim exactius perspectâ haberent: quo id consequi se posse existimabat, ut unius hominis non longissimo tormento multorum aliorum non modo tormenta, sed & necesse redimeret: Ideoq; se id salva conscientia in utilitatem rei publicæ facere posse; alterumq; ob eandem causam sustinere id debere omnino sibi persuadebat.

Iudicium meum non interpono, faxit Deus ut eum omnes amemus & sic transeamus per hæc temporalia, ut non amittamus æterna.

DICES. At denunciata non solum fatentur se reas, sed etiam easdem circumstantias & puncta quæ denunciantes de ipsis deposuerant. Signum igitur &c.

Resp. Id vel falsum est, vel contingit ut supra docui dub. 28. Arg. 4.

ARGUM. X. Nequid dissimulem eorum quæ reperio, adjungo his Binsfeldij argumentis aliud Professoris Rinthelensis D. Gœhausii quem & supra citavi. Is igitur sic argumentatur.

Constat, inquit, summo labore sagas adigi ad has denunciationes, Dæmone eas prohibente ne regnum supplicio affectis subditis diminuatur, ac ejusmodi exemplis

plis cæteri ab hoc crimine absterreantur.

Ergo tanto certius existimandum, denunciationes illas esse veras, quas scimus dæmone invitissimo fuisse extortas, & ideo sagæ solum defunctas quasdam personas nominant. Sic ille pag. 152.

Rx. *Argumentum hoc nimium probat, & sic nihil, quod nimium, ostendam: quia probat quoq̃, & quidem potius id ipsum quod nos volumus quam quod ille. Sic enim ex ipsius verbis hæc formo enthymemata:*

I. Dæmon invitissimus est, ut ejus affecla suas veras complices prodant; non autem invitus est aut esse potest, sed volentissimus ut nominent & necent innocentes. Existimandum igitur nominare potius innocentes volentissimo suo domino, quam invitissimo nocentes.

II. Dæmon prohibet, imo, ut dixerat alibi idem auctor, adigit juramento in conventibus ne nominent se invicem; ne innocentes autem nominent, nec prohibet is unquam, nec juramento cavet. Et cur eas igitur quas vetat nominabunt potius subjectissima servæ, quàm quas non vetat?

III. Si nominent veras complices, minuetur dæmonis regnum. Si nominent alias, non minuetur. Et cur illas igitur potius, quam has no-

mina-

364 Dub. XLIX. Quæ arg. eor. qui denunt.

minare volunt? O fidas assecclas unius regni si sic inter sese diuisæ sunt!

IV. Si nominent se invicem, absterrebuntur saga superstites visis suorum suppliciis, sin alias nõ absterrebuntur sane, sed magis animabũtur, dum non in suum gregem sed hostilem grassari vident. Etiam vident.

Et cur igitur potius alienas quam suas accusent? nimirum igitur hoc argumentum probabat, quia in rem nostram. Interim ne dissimulem, sed juvem potius contra me idem argumentum sic urgeri poterit: Nam.

DICES. Imo pervertitur vis argumenti: ea enim longe alia erat, nimirum hac, quam vel ex ipsa responsione data sic ex acuo: Saga si nominent innocentestum & facient quod optat Dæmon, & non minuet suum regnum, & animabunt ceteras sagas, & à tormentis se excipient. Sane igitur ad nominandum innocētes prompta, volentes, & expedita erunt; sed non sunt autem ad nominandas eas quas nominant prompta, volentes, & expedita, sed magno labore & vi tormentorum ad id cogi debent, non igitur ea quas nominant sunt innocentes sed nocentes. Brevius sic, si saga nominarent innocentes essent ad nominandum prompta, non igitur nominant innocen-

tes,

tes, qui est syllogismus formalis in secunda figura hypotheticorum:

Resp. I. Circa syllogismi hujus majorem. Erunt enim saga prompta ad nominandum innocentem, nec vi tormentorum coacta eos nominabunt, si quidem id possit fieri, & quantum in ipsis est, alioqui non. Atqui vero non potest fieri, ut unquam promptè nominent, sed omnis earum nominatio necessario debet esse coacta, ac non nisi tormentis expressa, ac proinde tam nominatio innocentum quam nocentum semper est coacta atq; utrinq; paritas. Mordicus enim volunt jurisperiti criminales ut si qua de se crimen confessa deinde etiam complices velit nominare, nondum tormentis coacta, ea nominatio non audiat, sed velit nolit eam torquent ut sic confessio complicum exprimat per novam ac singularem torturam ad id unum destinatam, qua simul infamiam expurget, ut ajunt ac nos supra meminimus Dubio 44. rat. 5. Vnde frustra jurisperiti jam dictum argumentum usurpabunt sed & lepidè sanè agunt ipsi enim faciunt ut omnis omnino nominatio complicum vi tormentorum fiat, & sic coacta fiat, ac deinde nihilominus quod prompta non sit, sed coacta ex eo argumentum ducunt. Non capio hunc ratiocinandi modum:

Resp.

Resp. II. Circa syllogismi minorem. Nam ea qua alias nominare debent, vel vera & reales sage sunt, vel non vera, sed nominales tantum, ut sic loquar, qua scilicet vi tormentorum coacta, suscepere in se crimen, quo vacabant. Si vera sage sunt, nego minorem. Nominabunt enim innocentes promptè, volentes, expeditè, ob rationes ante datas; Quod si a. nunc passim qua nominare debent, non nisi magno labore & vi tormentorum ad id cogi debent, jam exinde arguam potius, eas igitur veras sagas non esse, sed nominales. Argumentum enim allatum omninò in aduersarium retorquebo in hunc modum.

Vera sage si nominare debeant erunt prompta ad nominandum saltem innocentes, ut aduersarius concedit; sed nunc passim ea qua nominant non sunt prompta ad nominandum etiam ullas, ut idem concedet, Ergo qua nunc passim nominant nò sunt vera sage. Syllogismus formalissimus est.

Ex quo sane sequitur solutio ad id, quod supra in allato argumento dicebatur: & ideo sage solum defunctas quasdam personas nominant.

Attendant enim principes quod dicam in re gravi. Nam sic res habet:

Iudices pleriq; imperiti & incurij, multi etiam avari, & malitiosi ex futilibus indicis capiunt & torquent

torquent: vis tormentorum parit sagas qua non sunt: quia tamen esse debent; debent & edicere magistras suas, & discipulas & socias quas non habent. Id quia conscientiam exagitat, renituntur dum tormentis aut metu tormentorum adigantur: tum denique pœnis impares eas nominant, quibus & faciant suis dictis fidem, & quam minime possunt, noceant: nominant inquam eas, qua jam vita functa sunt, & pro sagis exusta. Si ulterius urgentur nominant quoque vivas, atque eas quidem primo, quas jam ante audiunt diffamatas aut ab aliis quoque denunciatas, aut hoc nomine aliquando captas. &c. Id enim ita passim fieri, si sciens fallo; tum Pater omnipotens adigat me fulmine ad umbras: scio autem quid loquar, & atque unde sciam in ultimo illo vivorum mortuorumque judicio ostendam magistratibus iis, quos hac scire oportebat; quosque merito in illum diem, tot innocentes ad tribunal citant?

ARGUM. XI. Nisi denunciationibus credatur aliud non suppetet medium ad sagas deprehendendas & extirpandas, unde res publica à malevolis non purgabitur, est igitur denunciationibus credendum. Argumentum hoc Judicium est, & omnium eorum hodie apud quoscunque denunciations

368 Dub. XLIX. Quæ sint arg. eor. qui denuntiationes, ut fallaces, rejiciendas esse dico. Vehementer autem urgent Binsfeldius & viri alias eruditi, quod soleo mirari. Itaque ostendam quam parum considerent quid objiciant.

Resp. 1. Nego non suppetituros alios modos ad reas deprehendendas, sunt alia indicia quæ sufficient, ut ad inquisitionem & torturam procedatur. Enumerat nonnulla Tannerius & Delrius quæ me piget exscribere. Legant quorum interest.

DICES. Et si subinde indicia se prodant, quibus communes saga deprehendantur, non tamen quibus sagarum principes & magistri: Ita Binsfeldius: Nam quando, inquit, principes hujus sceleris visi fuerunt, aut scopas erigere ad causandum pluviam, aut illam supponere vestibulo alicujus stabuli, & lites & minas intentasse plebeis, aut alia opera externa exercuisse, quæ indiciorum vices subeant ad probandum? Hac enim sunt facta vulgarium & vilium personarum, quæ rus incolunt, & ruri versantur inter plebeios. Ibi quandoque hæc & similia perspiciuntur indicia. Sic ille.

Vnde probat & vehementer urget, ut denunciationibus sit locus, sine quibus nulla alia suppetat via, ad sagarum saltem principes in apertum trabendas. Itaque.

Resp. 2.

Resp. I I. Esto etiam verum sit nullam superesse viam ad sagas earumq; principes detegendas.

Quid tum postea ? an ideo via utar inepta & periculosa qualem esse eam supra ostendi , qua per denominationes procedit ? Facio dilemma ; Vel habent aduersarij certas & bonas vias detegendi sagas, vel non habent; si habent, age iis utantur ; si non habent, abstineant & non detegāt, quos detegere non possunt ; quis illos cogit eradicare zizania qua non norunt ? quid se frustra vexant, & affligunt, nec acquiescunt Evangelico precepto, ut sinant utraq; crescere usq; ad messem. Hac scilicet non prouidebat cælestis pater familias cum id in mandatis daret.

Resp. I I I. Miror autem qua hac tandem probatio sit , alia via non est sagas detegendi, ergo hac per denunciationes bona est , perinde quasi sacerdos celebrare volens , cum vinum non inuenit , sed acetum ita colligat , non alia hic est Materia consecrandi, hac igitur est bona.

DICES. Hoc est sagis patrocinari. Sed Respondeo : vox est quam nunc primum non audio, non primum etiam contemno. Rationibus agere soleo non cavillis pulchre tamen respondet Tannerus cum sic ait : non hoc est sagarum sed potius innocentum aduersus sagas illis malitiosè insidiantes

370 Dub. XLIX. *Quæ sint arg. eor. qui denuntiantes patrocinium sumere: ne sicut extra iudicium etiam cum amissionis vitæ & bonorum suorum periculo, ita in iudicio hoc periculo & metu soluta in eorundem vitam, famam & fortunas eo nocentius quo liberius grassentur.*

Resp. IV. Imo quid pugno? sit verum quod argumentum allatum proponebat, nisi denunciationibus credatur, aliud non suppetere medium, ad sagas deprehendendas & extirpandas. Concedam hoc adversariis, sit ita: verissimum enim est; sed ecce pro me hoc facit, & confirmat in opinione quam concepì de paucitate sagarum: nam sic mecum hac sequentia puncta meditari soleo.

I. *Clamant omnes omnia esse sagis plena: quæro ego unde sciant? unde sagas deprehendant? non alia est ajunt deprehendendi via, nisi denunciationibus credatur. Atqui has ego fallacissimas esse paulo prius ostendi, omnia igitur sagæ plena sunt, quia falsissimo nocendi medio usi sunt: nisi id usurpant, aliud habere negant.*

II. *Omnia esse sagis plena tam certum est, tam indubitatum, ut qui hasitet in invidiam vocetur, explodatur, audiri non debeat, dicam breviter certissimum est: quæro ego unde hac tanta certitudo nata est? ex testimoniis sagarum; Ex auctoritate Dæmonis: hac igitur cum certissimam pariat*

pariat notionem infallibilis credo erit? Nam ex auctoritate fallibili nunquam ducitur cognitio certissima, ut omnes Theologi, & Dialectici, atq; ipsum lumen rationis nos docet.

III. Quid pugnant inter se adversarij? clamant quidem se urgentissima habere indicia multa & magna quod Titia V. G. Saga sit: Nunc Binsfeldius & alij clamant non haberi alia nisi denunciationses, si his non crederent progredi nō possent.

IV. Audio nuper dixisse quosdam Inquisitores communem se praxin sequi; errare se non posse. Alij si non verbis at factis tamen idem dicunt nam sic liberi sunt quasi imprecabiles sint. Vulgus quoq; existimat judicia omnia criminalia, nescio quid sacrum & sanctum habere ut quae ibi judicata sint infallibiliter hoc ipso justè facta sint. Obsecro unde omnia haec? quia fundant se iudices in testimoniis satanicis: nisi id haberent progredi non possent inquit Binsfeldius.

V. Ego vero existimo hanc insignem esse Calumniam, & nihil ignominiosius Germanico nomini aspergi posse, quam dicere Magistratus nostros & haectenus acerrimè progressos esse, & tamen progredi non potuisse nisi deniq; testimoniis satanicis subnixos.

VI. Multo fortius erit si eadem testimonia

372 Dub. XLIX. *Qua sint arg. eor. qui denunt.*
tantum apud Germanos valere auditum fuerit.
ut etiam in personas Ecclesiasticas summo cum
Catholica religionis inter hareticos despectu re-
cipiantur.

VII. Dubitare hic mihi incidit an casu quo
Catholicus Sacerdos ex his testimoniis magia pos-
tulatus, bis, ter, quater acerbissimis tormentis se
purgasset, nihilominus vivus igni adjudicari
posset, & bona phrasi obstinatus & impænitens
dici, quod se tantis testimoniis opponeret? Et quid
si ipso mortis die à Confessario suo vere pæniten-
tius judicatus coram venerabili altaris sacramento
magnâ cum Cerimonia innocentiam suam conte-
staretur? Quid si ad præsentem, & venturum o-
lim Iudicem ex ejus verbo seu Evangelio appella-
ret? quid si testem eum invocaret, quod ne sacer-
dotali nomini inureretur nota intolerabiles alio-
qui torturas eas hætenus exhausisset? Quid si ad
bancum juris auditurus sententiam, eandem re-
peteret protestationem, ac vehementius hortare-
tur iudices ne in D E I Sacerdotem cum insigni
religionis despectu procederent, qui nec convictus
esset, nec confessus crimen? Quid si eadem repe-
teret coram populo in supplicij loco, eo cum sensu
pietatis & energiâ sermonis, animorumq; com-
motione, quam communes omnium gemitus, &
lacry-

lacryma sequerentur, etiam qui interessent ha-
reticorum? an adhuc testimonia tam grandia, per
has omnes procellas tenerent cursum suum, &
valorem? Et quid si dum Magiam pernegavit, vi-
tamen tormentorum, alia esset scelera confessus,
an ob ea tunc saltem, cum nec accusatus ante fuisset,
nec proinde legitime rogatus, aut confessus
damnari posset? Certe ea tempora possent inci-
dere; ut in omnem eventum quid tali casu
sentiendum esset, scire expediret. Sed de hoc for-
tasse alias.

Nunc id manet, ridiculum mihi videri,
quod tam multas nobis sagas in Germaniâ ima-
ginamur si ita procedamus: praesertim cum
multi quoque Iudices ex multiplicatis sagarum
denunciationibus, non solum ad capiendum &
torquendum, sed etiam ad condemnandum pro-
currerint, secuti nimirum auctores à Delrio ci-
tatos, qui multas huiusmodi denunciations ple-
nas esse probationes tenuerunt. Quinimo &
audio inventos esse, qui ex testimoniis Energu-
menorum ad capturam & torturam iri volue-
runt.

Et quæ jam deniq; testimonia exclusuri su-
mus? quo deveniemus? non hac manifesta no-
stra punitio est? Et quid dicam de testimoniis

374 Dub. XLIX. Quae sint arg. eor. qui denunt.

puerorum mendiculorum qui seu à malevolis
conducti, seu ut facile est illi aetati illudere, ita
arte quadam examinandi & captiosis interroga-
tiunculis circumventi, seu etiam sponte escà &
potione illecti se seductos esse annuunt, & ut mi-
ta rogantur, mira narrant, quae in conventi-
bus viderint, quae acta sint, qui interfuerint,
& similia quorum deinde à viris spiritualibus,
& intelligentioribus rogati, non meminerunt,
& omnia alia retexunt.

Itaque cum & capra nuper quod ridiculi caus-
sa interpono, amissa esset, (nam miles abduxe-
rat) ea quoque in conventu sagarum ab his &
istis jam plexis nescio an pleetendis absumpta e-
rat. Plurima talia sunt, quae, quod ad finem pro-
pero, omitto. Alias fortasse ista colligemus. Id
sciat Magistratus mirifice sibi & dolendum
in modum ab Officialibus illudi.



Dub. 50.

An iudex alterutram sententiam securè amplecti possit seu nostram quæ contemnit, seu aliorum quæ magnificat denunciationes.

RESPONDEO *Non potest securè amplecti sententiā adversariorum. Rationes istæ sunt.*

RATIO I. Tutior via in dubiis eligenda est. Quæ regula etsi in cæteris consilii rationem habet, tum tamen præcepti vim obtinet, cum periculum est, ne alioqui proximo fiat injuria, ut docent Castæ & supra quoque dixi *Dubio 8. sub finem.*

RATIO II. Ostendi bonis exemplis adversariorum sententiam solide non subsistere: vel igitur iudex melius eam fundet, aliis adductis argumentis, & nostra refutet, vel tenebitur nos sequi.

RAT. III. Jura volūt ut in dubiis reo potius quā auctori faveatur juxta regul. 11 jur. in 6

RAT. IV. Judex sequi debet securiorem interpretationem juxta cap. ad audientiam. & c. significasti. 2. de Homicidio.

DICES I. *At clamat Binsfeld. remp. hoc modo purgatū non iri.*

Bb 4

Resp.

R. Id frustra clamat, facile n. ex hac tenus dictis colliges, si denunciationibus tantū deferatur, contrariū futurū, & potius triticū quā Rizania periclitaturum: Nam hoc scilicet purgare remp. est ita periculosis viis ad exscindendos nocentes incedere, ut vix innocentissimus quisq. jam tutus sit?

Clamant Inquisitores omnes, magia crimen occultissimum esse; Obsecro autem quomodo occultissimum est, si tam facile apprehenditur, ut nullum jam sit in orbe crimen cujus tot rei in lucem protracti sint, & judices protrahantur, ut isti putant?

DICES II. Sententia quidem hac mitior est respectu nominati, sed altera utilior respectu Reipublicae & boni publici: Siquidem ita judicia promoveantur & facilitantur via executionis. Sic Professor Rinthelensis D. GÖEHAUSIUS suprà citatus in libro de process. contra lagas pag. 151. Sed

Resp. In primis sententia hac nostra & mitior & utilior est, tum respectu nominati, tum nominantis, tum Reipublicae. Nam nominatum è discrimine eripit, nominantis militia, & studio occurrit, Reipublica vastationem impedit, dum paucos nocentes tolerat ne plurimos innocentes pereundi periculo exponat. Deinde ratio in obje-

ctione

Etione allata pro altera sententia, quia sic promoveantur judicia &c. non probat utiliore eam reipub. esse, sed è contrario damnosam. Nam promoveri judicia, & facilitari executiones tam graves ex iudiciis levissimis, id est, testimoniis fallacissimis, innixis veracitati mendacium Sagarum tam noxium reip. est, quam illa gravia sunt mala, quae ex temere tractatis his causis possunt consequi, ac dixi supra dub. 8. rat. 3.

DICES III. Iudex nocet bonis quisquis percerit malis Crudeles illi qui ut uni parcant multos necari permittunt &c. sic idem Rinthelensis pagina 153. Sed

R. ita est, sed ad rem non spectat. Nam imprimis, qui non nisi ex fallacissimis denunciationibus malorum, vult malos nosse, is potius parceret malis exscinderet bonos, ac sic dupliciter nocebit bonis. Deinde crudeles sunt, qui ut unum perimant malum, non curant si & simul plures bonos. Denique non unus est cui parceretur, cum denunciatis parceretur; nam parceretur multis & parceretur merito; quippe adhuc nondum sat probatis, quod nocentes sint. Si tu autem nocentes & malos ponis, quibus parci non debeat, jam id ipsum ponis, quod an poni debeat in quaestione est. Id enim est quod quarebamus, an nocens & malus haberi debeat,

378 Dub. L. *Qua sit summa processuum contra quem mendax fama nocentem & malum dicit. Binsfeldius igitur cum pag. 292. vehementius Magistratum increpat, & justitiam urget, nec aliam tamen viam procedendi esse ait, nisi per has Satanicas denunciations, parum discrete zelat.*

DUBIUM LI.

Quæ brevis sit summa & methodus processuum contra sagas hodie apud multos in usu, digna quam Germania consideret.

RESPONDEO. Poterat hanc summam lector qui vis ex tractatu hoc ipse apud se colligere: sed quod mihi id fuit factu facilius, eam hic apponam, omiſſis tamen multis quæ commodè inferi non poterant: de quibus consulantur hætenus dicta, uti & de his quæ hic posita sunt si diducetius lubet singula cognoscere. Itaq; summa hæc est.

I. Incredibilis vulgi apud Germanos, & maximè (quod pudet dicere) Catholicos superstitio, invidia, calumniæ, detractiones, susurrationses & similia, quæ nec Magistratus punit, nec concionatores arguunt,

guunt, suspensionem magiæ primum excitant. Omnes divinæ punitiones quas in sacris literis Deus minatus est, à sagis sunt. Nihil jam amplius Deus facit aut natura, sed sagæ omnia.

2. Unde impetu omnes clamant ut igitur inquirat Magistratus in sagas, quas non nisi ipsi suis linguis tot fecerunt.

3. Mandant ergò Principes suis Iudicibus & Consiliariis ut incipiant in sagas procedere.

4. Nesciunt hi primum unde ordiantur, cum indicia seu probationes non habeant; nec temerè tamen his quicquam moliendum esse à conscientia sua satis audiunt.

5. Monentur interim bis tervè ut procedant. Clamat vulgus moram hanc non carere suspitione. Et pæne idem sibi, à nescio quibus informati, Principes persuadent.

6. Hos autem offendere & non subito obsequi in Germaniâ grave est: plerique omnes, etiam viri spirituales nimium pœnè probant, quæcunq; modo Principibus placuerunt: nec advertunt à quibus hi sæpè in

380 Dub. LI. *Quæ sit summa process. contra*
pè instigentur quantumvis optimi natura
sua sint.

7. Tandem igitur voluntati eorum Judices cedunt, atq; aliquâ demum viâ processibus initium inveniunt.

8. Aut si illi adhuc hærent, & horrent tangere rem periculosam, mittitur Inquisitor ad id singulariter deputatus, qui si quid secum trahat imperitiæ & impetus, ut fieri in humanis rebus solet, id in hac materiâ colorem ac nomen mutat, & non nisi mera justitia ac zelus est; quem utiq; spes lucri non imminuit, præsertim in homine tenuiore & avido habendi cum familia plena prolibus est, & in singula reorum urendorum capita aliquot dalerorum stipendium constitutum est, præter accidentarias collectas & contributiones, quas liberrimè à paganis exigere Inquisitoribus permissum est ut supra.

9. Tum si dictum aliquod Energumeni aut si malignus & spurius horum temporum rumor (non enim unquam probata fama) in pauperculam aliquam & vilem Gajam gravius incubuit; ea prima est.

10. Ac ne tamen ex solo hoc rumore si
nea

ne aliis indiciis, ut vocant, processū esse videatur ecce subito in promptu est indicium aliquod per hoc dilemma: vel enim Gaja ea malæ & improbæ vitæ fuit, vel bonæ ac probæ. Si malæ; indicium id, ajunt, magnum est: nam à malitia ad malitiam pronæ præsumptio est. Si autem bonæ; & hoc quoque indicium non minus est: nam sic, ajunt, tegere se sagæ solent, & vel maximè videri probæ velle.

11. Rapi igitur Gaja in carcerem jubetur; & ecce novum iterum indicium per hoc dilemma: Vel enim timere se tunc ostendit, vel non ostendit. Si ostendit (quippe cum audierit quam gravibus tormentis in hac materiâ uti soleant) jam hoc indicium est: nam conscientia accusat, ajunt: si non ostendit (quæpe cū innocentia confidat) jam id quoque indicium est: nam hoc denique propriissimum esse sagis ajunt innocentissimas jactare se, frontemque porrigere.

12. Ne non verò adhuc plura in eam indicia suppetant, habet Inquisitor homines suos, sæpe improbos & infames, qui in omnem retrò vitam inquirent, in quâ sane fieri

fieri non potest quin occurrat quippiam seu dictum sive factum, quod abjecta in malum hominum interpretatio in magis culpam facile detorqueat & obvertat.

13. Sed & si qui tum ei malè haëtenus voluerunt, pulcherrimam nocendi opportunitatem naëti, afferunt quod, quale lubet, facile reperiunt: clamaturq; passim, gravari eam magnis indicia.

14. Atq; ideò quamprimum ad quaëstiones abripitur nisi eadem adhuc die quaë capta est jam tum abrepta sit: ut saëpe contingit.

15. Neque enim advocatus & integerrima sui defensio quibusvis conceditur cum clament Exceptum crimen esse, cūq; q; defendere & advocare velit in suspicionē criminis vogetur; uti & omnes illi qui in his causis quicquam loqui velint & Judices movere ut cauti sint: nam mox nominant sagarum patronos: Sic omnibus oclusa ora sunt & obtusi calami, ne loquantur aut scribant.

16. Plerumq; tamen ne non aliquis saltem defensionis locus Gajæ datus videatur: sistitur primum in speciē ac indicia ei primum

mum præleguntur & examinantur, sitamen examinantur.

17. Quæ etsi tunc illa purgat, & ad singula accuratè satisfacit, id non attenditur nec notatur, vim suam & valorem omnia retinent quantumvis optima responsione detrahatur: jubetur tantum reduci in vincula, ut consideret attentius an obstinata velit persistere: jam tum enim quia purgat sese, obstinata est.

18. Ubi consideravit: rursus alio die sistitur, & prælegitur ei decretum torturæ: quasi nihil jam ante ad objecta respõderit, nec quicquam eliserit

19. Prius ramen quam torqueatur, seducitur à liētore & ne contra dolorem muniat se magicis quiscuilibet, ex quæruntur toto corpore detonso, atq; etiam eâ parte quâ sexum monstrat petulanter excussâ: licet nihil tale hætenus unquam reperiât.

20. Quidni v. mulieri id fiat? cū & cōsecratis quoq; Sacerdotibus? idq; etiam ab Inquisitoribus & Officialib. Ecclesiasticis Principum Ecclesiasticorum neq; enim nō bruta fulmina apud Judices Germanos habentur, quæ in Bullâ Cœnæ eos petunt, qui
fine

384 Dub. LI. *Quæ sit summa process. contra*
sine speciali & specifica Apostolicæ sedis li-
centiâ in Clericos procedunt. Quod ne
Principes ipsi pientissimi atq; in Romanâ
sedem observantissimi intelligant, ac pro-
inde fr̃enum processibus adducant, Inqui-
sitores cavent.

21. Tum ubi sic excussa & detonsa Ga-
ja est, torquetur ut veritatem edisserat, id
est, ut se se simpliciter ream pronunciet:
quicquid aliud dictura est veritas non erit,
nec esse potest.

22. Torquetur tamen torturâ primi
generis, id est leviorē: quod ita intellige, ut
licet gravissima quidem ea sit, tamen res-
pectu aliarum sequentium lenior sit. Unde
si fatetur, ajunt & spargunt falsam esse sine
torturâ.

23. Quis autem Principum aliorumq;
qui hæc audit, nō existimet certissimò no-
centem esse quæ sic ultrò sine torturâ se re-
am falsa sit?

24. Sine scrupulo igitur ullo post hanc
confessionem plectitur: plectenda interim
nihilominus etsi confessa non esset: nam
ubi modo torturæ datum initiū est, jã jacta
alea est, evadere non potest, mori debet.

25. Itaq; vel fatetur, vel nō fatetur: æq; quicquid fiat actum est. Si fatetur, res clara est, nam, ut dixi & liquet, plectitur: Revocatio omnis frustra est, ut supra ostendimus. Si non fatetur, repetitur tortura bis, ter, quater: licent omnia quæ hic lubet: neque enim temporis, nec acerbitatis, nec repetitionis pœnarum in excepto crimine est ratio: nihil hic peccare se putant iudices q; in conscientiæ forum adducendū sit.

26. Tum si Gaja aliquoties torta nondum silentium abrumpit; si vultu connititur, adversus pœnas, si patitur deliquium &c. clamant eam ridere & dormire tormētis, uti maleficio tacurnitatis, ac tantò jam nocentiorē esse; quàm proindè vel vivā uri deceat: quod & nuper nōnullis factum quæ fateri aliquoties tortæ noluissent.

27. Atq; id tunc vocant etiam confessori, etiam religiosi obstinatam & impœnitentem decessisse; noluisse converti, nec deferere concubinum suum; sed servare ei fidem voluisse.

28. Quod si autem contingat quampiam ex tot tormentis animam deponere, adiungunt ei à Dæmone elisam cervicem esse: at-

386 Dub. LI. *Qua sit summa process. contra*
que id probant argumento quodam invin-
cibili, quo si uti velis, neminem non omni-
um hominum sic à Dæmone elidi confi-
cies, ut supra.

29. Quare merito scilicet cadaver à li-
ctore educitur & humatur sub furca.

30. Quod si autem nec Gaja moritur,
nec scrupulosi quidam ulterius torquere
audent sine novis indiciis, nec inconfelsa
exurere, retinetur in carcere, atq; arctiori-
bus vinculis accipitur, ibi vel ad annum in-
tegrum maceranda dum subigatur.

31. Neq; enim per torturas purgare se
unquam potest & aspersum semel cri-
men abluere, ut volebant jura. Dede-
cus id esset Inquisitoribus semel captam sic
emittere: Nocens esse debet per fas nefas
quã illi modo semel vinculis amplexi sunt.

32. Interim & tum, & jam ante submit-
tuntur Sacerdotes imperiti, impetuosius, li-
ctoribus ipsis importuniores; horum offi-
cium est eo usq; miseram omnib. modis di-
vexare dum se tandem sive sit leu non sit
ream fateatur: ni id faciat salvari simplici-
ter non posse clamant, nec sacramentis
muniri.

33. Ne

33. Ne vero Sacerdotes sedatiores, doctioresq; & qui tæni aliquid in cornu ac in corde salis gestent, admittantur, expressissima cautio est. Uti & ne quisquam alius ad custodias accedat qui advocare aut principes erudire possit. Nihil enim quidam æquæ formidant, quam ne quo modo tale quipiam se forte prodar, quo captarum innocentia in lucem profiliat. Itaq; cujusmodi generis viris non modo orbis tetrarum juventutē, sed & ipsi Principes conscientiam suam fidant, hos quidem eorundem Principum Inquisitores eo habent loco, ut non modo à conscientis reorum quantumvis expetiti sint eos removeant, sed & jactitare ad nobilium mensas nuper ausi sint à patria merito exigendos esse tanquam Justitiæ turbatores.

34. Interea vero dum Gaja sic ut dixi adhuc in carcere attinetur, & à quibus minime debebat divexatur, non desunt Judicibus accuratis pulcherrima inventa quibus non modo nova indicia contra Gajam reperiunt, sed quibus etiam in faciem eam sic convincant (si Diis placet) ut Judicio Academicorum Doctorum tum saltem vi-

388 Dub. LI. *Quæ sit summa process. contra*
va exurenda esse pronuncietur: uti superius
ostensum est.

35. Quidam tamen ex abundanti & ex-
orcisari Gajam jubent & in alium transfer-
ri locum, ac sic iterum torqueri: si hac for-
te mutatione loci & expiationi maleficium
taciturnitatis possit discuti: Ac si ne ita qui-
dem proficitur tum demum vivam flam-
mis immittunt. Scire cupiam me Deosa-
met si & falsa & inconfessa perit, quis hic
tandem quantumvis innocenti evadend-
sit modus? Miseram te nimis quid sperasti
quid non primo in carcerem accessu ream
te fecisti? Age stulta mulier & vesana quid
toties vis mori cum possis semel? Sequere
consilium, & ante omnem poenam dico
ream, & morere; non evades: nam hæc de-
niq; zeli Germaniæ catastrophe est.

36. Itaq; si se quæpiam vi dolorum fa-
so semel ream fecit, dici vix potest quæ mi-
seria sit. Nam & medium nullum supplicii
apud plerosq; quæ evadat, & alias quoq; re-
as facere cogetur quas nescit, quasq; non
infrequenter Quæstiores in os induunt, au-
dictor suggerit, aut quas jam ante infames
aut deleras aut semel captas & dimissas au-

diver-
qua

diverunt: quæ cum rursus alias, & illæ quoque alias indicare debeant, & sic deinceps; quis non videt in infinitum iri oportere?

37. Quare & ipsi Judices vel abrumperé processus, & damnare artem suam debent, vel & suos deniq; , & semet, atq; omnes exurere: Nam ad omnes tandem falsissimæ denunciationes excurrēt, & , si modo tormēta succedant, fontes ostendēt.

38. Unde & ij deniq; involvuntur, qui initio vel maxime clamabant, ut incendia constanter alerentur: Neq; enim prævidebant imprudentes ad se quoque ordinem necessario perventurum. Et hi quidem iusto Judicio D E I: quippe qui pestilentibus suis linguis cum tot nobis maleficos creassent, tot innocentes ignib. addixerūt.

39. Sed jam multi prudentiores atque eruditiores id cernere paulatim incipiūt, & quasi ex gravi somno excitati aperire oculos, ac lentius cautiusq; sævire.

40. Neque est quod negent Judices se ex solis denunciationibus ad tormenta procedere: nam ostendi supra vere procedere, ac proinde fallere optimos suos Principes cum negant. Nam & fama quam fere cum denunciationibus conjun-

390 Dub. LI. *Qua sit summa process. contra*
gunt invalida est semper atque nulla, cōm
legitimè nunquam probetur: Et de Stig-
matis q̄ nugantur, miror nondum annota-
tū à sagacib. esse, fallacias fere esse lictorū.

41. Interim vero dum sic fervent pro-
cessus, & quæ torquentur aliæ alias strenue
denunciant acerbissimis cruciatibus coa-
ctæ; mox foras manat qui nam hi & isti sic
denunciati sint: Nam hæc ratio secreti est
eorum qui quæstionibus intersunt: Et id
non sine suo fructu, cum hinc subito con-
tra denūciatos indicia captare possint per
hoc dilemma: Nam siqui audiunt se dela-
tos esse ut sane audiunt; vel tum illi fuga se
subducunt ne capiantur, vel constantes in
loco manēt: si fugā arripiunt, jam hoc ajunt
ingens culpæ & metuētis conscientię indi-
ciū est: Si manent a. tū & hoc indicium est:
q̄a dæmō, ajūt, eos detinet ne abire possint;
ut nup nō semel cum gemitu audire debui.

42. Præterea si quis adit Quæsitores &
an verum sit quod audit interrogat, quo
mature defendat sese, & via juris venienti
incommodo occurrat, jam id quoq; pro
indicio est, quasi conscientia & culpa eum
moveant, contra quem nihil tamen ab In-
quisitoribus sit adhuc motum.

43. Sed & quicquid agat conciliat sibi famā; q̄ post annū unū & alterū sat adulta, ad torturā sufficiat cum denunciationibus cōjuncta, licet ipsa hæc ex denunciationib. primum contracta sit: nā & hæc exēpla vidi.

44. Similiter eis evenit quoscunq; calumniam aliquam à malevolo quopiam pati contigerit: Nam vel defēdunt se iudicio, vel non defendunt: Si nō defēdunt, indicium id culpæ est quod tacent: Si defendunt autem, jam latius spargitur calumnia, & suspensiones ac prurigo vestigandi commovent iis, q̄ ante ignorabāt, didicq; mox fama quæ deinde nunquam obruatur.

45. Itaq; nihil pronius factu est, quam ut hos quoq; facillime nominare eæ soleant quæ interea torquentur & nominare aliquas coguntur.

46. Unde & **COROLLARIUM** quoddam consequitur rubricā enotandum: quod si modo processus constanter urgentur neminem hoc tempore cujuscunq; sexus, fortunarū, conditionis & dignitatis fuerit lat esse tutum, qui modo aliquem sit nactus hostem & detractorem à quo in Magiæ suspiciōē & famam pertrahatur. Ut sane quocunq; me obvertam miserrima

ma horum temporum sit ratio nisi aliter provideatur. Dixi supra, & verbo repeto, non posse pestem hanc, quæcunq; est, incendiis aboleri: sed aliter tamen efficacissime posse vix paucò sanguine effuso. Sed quis nosse volet? Plura dicere conantem obnuit, ut accurate & ad unguem summam hanc perficere non possim, nec, quod alias non inutile futurum erat, versionem Germanicam meditari: Erunt fortasse qui id patriæ suæ & innocentum amorī dabunt, ut accuratius perficiant. Id ego deniq; eruditos omnes, & pios, ac prudentes, moderatosq; rerum moderatores (nam ceteros non moror) per omnipotentis Judicis tribunal obtestor, ut quæ scripsimus tractatu hoc, non parum sedulo evolvant, & expendant: In magno periculo salutis versantur Magistratus omnes & Principes nisi attentissimi esse velint. Non mirentur quid acriter subinde & animose eos admonere: neque enim inter eos me esse deceat quos appellat Propheta canes mutos non valentes latrare. Attendant sibi & universo regi, quem de manu eorum olim Deus accuratissime requireret.

APPENDIX

APPENDIX.

Quid possint tortura & denunciations?

Possunt pænè omnia. Unde quidam nuper non illepidè torturam appellabat Omnipotentem. Et circumferuntur salè exempla non pauca eorum, qui tormentis victi falsissima de se confessi sunt, & plexi ob neces hominum, qui deinde viverere periti sunt, & similia. Sed nolui ego unquam hoc libello exemplis iis uti, tum ne chartas narrationibus implerem, quod quivis potest, tum ne quispiam suspicari vellet rara hæc nihilominus esse, ac non quotidie cōtingere. Unum tamen libuit hic apponere, quod ingentem hominum turbam cōplectitur, & miror non magis hætenus annotatum esse: est autem tale.

EXEMPLUM MEMORABILE.

ARsit olim Urbs Roma sub Nerone Imperatore: calu id factum sit, seu Principis ejus jussu dubium est; lege scriptores, Tacitum, Suetonium, Dionem, Sulpitium, Baronium, & alios. Constantissimus

D d

tissimus certè rumor Principem in culpam vocavit, sed hanc ille mox transtulit in Christianos: quos quia tunc vulgi fama ut sceleratos & ad quidvis projectos differebat, corripere primum quosdam jussit & torqueri. Hi igitur tormentis victi de se fassi sunt, tum & alios indicarunt seu denunciaverunt: ita ut ex horum denunciationibus & tormentis ingens subito multitudo convicta sit, non solum incendij ejus rea fuisse, sed & multo amplius odij in humanum genus. Quare deinde ut incendiarij & humani maximè generis inimici varia morte plexi sunt; atq; alij quidem ferarum tergis connecti laniatu canum discerpti sunt, alij affixi crucibus, alij exusti atq; ubi defecisset dies in usum nocturni luminis cremati: cum scilicet infixi palis & dispositi per amphitheatrum tum pice ac resinâ circumfusi & obligati, ac sic accensi instar tædarum exarserunt. Quo alludit Juvenalis, cum ait Sat. 1.

Pone Tigillinum; tæda lucebis in illa

Qua stâtes ardēt, qui fixo gutture fumât.

Cornelij Taciti fidi Scriptoris de re totâ verba luculenta sunt Annalium lib. 15. cum sic ait:

Ergo, inquit, abolendo rumor*i* Nero subdidit reos, & quassitissimis pœnis affecit quos per flagitia in visos vulgus Christianos appellabat &c. Igitur primo correpti qui FATEBANTUR. Deinde INDICIO eorum MULTITUDO INGENS haud perinde in crimine incendij, quam odio humani generis CONVICTI. Et pereuntibus addita ludibria, ut ferarum tergis connecti, laniatu canum interirent aut crucibus affixi, aut flammandi, atq; ubi defecisset dies in usum nocturni luminis ureretur. Sic ille. Circa q*uod* exemplū notet lector & consideret sequētia.

PRIMO. Processus Neronis contra Multitudinem ingentem his indiciis seu probationibus subnixus fuit: 1. Famā, quā pessime audiebant Christiani. 2. Confessione propriā tormentis expressā. 3. Confidentium denunciationibus, nam ita denique & incendij, & inimicitiae humani generis innocentissimi homines convicti sunt.

SECUNDO. Permisit DEUS non ut pauci tantum sic convincerentur & perirent, sed ut multitudo ingens.

TERTIO. Omnes eos, qui sic convicti perierunt Ecclesia ob hoc ipsum pro Martyribus colit, & eorum memoriam celebrat Octavo Kalendas Julij ubi ita de eis

loquitur Martyrologium Romanū. *Erant, inquit, hi OMNES Apostolorum discipuli & primitia Martyrum, quas Romana Ecclesia fertilis ager Martyrum ante Apostolorum necem transmissit ad dominum.*

Q U A R T O. Nec obfuit Martyrio, quod tormentis victi & se & alios fecêre reos : Nam omnes simpliciter Martyrologium vocat Martyres. Nec de aliis loqui Martyrologium & de aliis Tacitum, sed de iisdem planè, facile intelliges, si Martyrologium inspexeris, quod Taciti ipsa verba recitat. Vide quoq; si lubet annales Baronij in anno Christi 66. & Sulpitium Severum histor. lib. 2.

Q U I N T O. Nec Martyribus igitur, nec Apostolorum discipulis nec in ipso Christianitatis primo fervore luctâtibus ea suppetiit constantia quæ contra tormenta & denuntiatiiones evinceret.

S E X T O. Hæc mens Neronis in tormentis adhibendis fuit ut torti se reos fateantur : nisi id quoq; hodie tormentis intenditur, quid obsecro intenditur ? Repete supra spatium diximus. Quod si tamen aliud intenditur, est quod gaudeam, bene habet.

SEPTIMO. Esto autem aliud nunc Judices intendunt quam Nero ; esto etiam pluribus ex indiciis quam ille ad tormenta advolent ; id tamē non obstat, quin eadem nunc vis sit tormentorum quæ olim fuit. Uti tunc igitur tormenta & denunciationes innocentissimum quemq; reum facere potuēre , poterunt & nunc quoq;. Ac si nunc verē rei sunt qui rei denunciantur, tunc quoq; verē rei erant qui rei denunciabantur. Certē Judicium Neronis non eadem cum Nerone mens fuit, iudicio tamē eorum Martyres convicti sunt.

OCTAVO. Cum Nero tormentis & denunciationibus MULTITUDINEM INGENTEM tam Sanctorum hominum reos fecisset. Dubiū non est quin si pergere ulterius voluisset nunquam invenisset finē reorū. Nā uti tam multi convicti erant ita & reliqui cōvinci potuissent, & hæc hodie quoq; causa est cur ubi denunciationib. insistere p̄gimus ad finē impossibile venire sit

DICES. Putat Baronius Tacitum in dato Exemplo mentiri, quod quidam Christiani tormentis superati se & alios falso reos fecerint.

Resp. Putant alij qui vim tormentorum paulo quam multi perspectiorem habent Tacitum non

mentiri. Et sanè cum judicialiter habita quaestiones illa Neroniana sint, & lata sententia: non est credibile in inconfessos & negantes scivitum esse; cum id plane cum intentione Neronis pugnasset, quippe qui sic auxisset rumorum de se conceptum, non abolevisset. Neg, Tacitus in hac quidem re Christianis iniquior quam Neroni fuit; quin potius favit, ac, si attendas, satis innuit fuisse adhuc Christianos innoxios & magis nocentem Neronem. Sed nec mirari debet Baronius etiam sanctos tam exquisitis pœnis initio cecidisse, deinde pœnituisse & frustra revocasse, ac sic nihilominus martyrio decoratos esse: Nam & hodie si sanctissimi quique nostris quaestionibus subderentur, eque succumberent; uti neminem adhuc de se diffitentem audiui, qui vel semel tormenta hac propius spectavisset.

Sed hæc clarius olim ad tribunal DEI. Tu nunc vale Lector atque exemplum hoc mente versa ac Numen time.

PROTESTATIO.

Siquid scripsi quod Ecclesiæ sanctæ Romanæ displicet: id vanum esto; damno & detestor, uti & quod quenkumque injustè lædat. &c.

F I N I S.

CONCLUSIO AD LECTOREM.

De Auctore hujus Commentarij.

CUm auctor hujus commentarij adduci non posset ut eum typis excuderet, judicavi boni communis caussa pium furtum committi posse: commisi igitur, & subito ad visurgim misi ut excuderetur. Si peccavi, Resp. ignoscet; ut & lector erroribus ac inæqualitati typorum: Unum erratum est pagina 188. quod ante omnia ita corrige: nam ubi est *inter quaslibet ad rogum*. Legendum erit *inter quaslibet quinquaginta ad rogum &c.* Cætera deinde corrige pro commoditate.

Utinam vero sit quisquã qui brevi & hæc paucula dubiola resolvere velit quæ nunc passim multi incipiunt proponere & sunt ista.

1. *An Magistratus cum accipiunt ab Imperatore Regalia & jurant in Constitutiones Imperiales, vi hujus juramenti teneantur in foro tum interno tum externo curare, ut sicut ceteri communes Iudices criminales prestare debent juramentum quod habetur initio Constitutionis Criminalis Carolina, ita etiam illud prestent Inquisitores Magia.*

2. *Si Inquisitores hi illud hætenus non prestiterunt, & in processibus suis Constitutionem hanc Carolinam plane neglexerunt, an ideo excusati sint?*

3. *Et ubi debeant hac de re conqueri subditi, qui sentiunt valde se gravari & vastari integras regiones ex ejus Constitutionis neglectu?*

4. *An reliqui Iudices communes qui jurarunt in hanc Constitutionem, teneantur eam servare etiam in crimine Ma-*

Conclusio ad lectorem.

*ne Magia. Seu quod idem est, an Magia sit crimen ab ista
Constitutione Carolina Exceptum.*

5. *Et ut hic non erretur: an Casar Exceperit? & ubi?
aut quis Casar?*

6. *An alia autoritate quam Casarea Excipi potuerit?
Et si quidem non; an & quatenus conveniri possit qui id
fecit?*

7. *Et quia dicuntur aliqui capti in causa magia elap-
si esse è vinculis, & queri inquisitè secum ab Inquisito-
ribus esse actum, ac manifesto innocentiam suam velle
docere, dum modo id concedatur. An id concedendum
sit?*

8. *Et si petant consilium an super hac re supplicatio-
nem & Apologiam mittere debeant ad Principes è quorum
vinculis elapsi sunt, an potius immediate ad Casaream
Majestatem, aut Pontificem seu laici seu clerici sint; quid
his praestet suaderi?*

9. *Et quid particulatim de Sacerdotibus in favorem
fidei & illius ordinis etiamsi periculum sit non solum In-
quisitores sed ipsi quoque Magistratus inveniantur culpa-
biles, si querela ad Casarem aut Pontificem immediate
dirigantur: &c. Erunt spero ingenia quae se hic propedi-
am exercebunt.*

F I N I S.

li-
e
e-
3-
33
-
n
e
-
33
33
d
33
3-
e-
e
li-